



Ն. Կ. Մ. ՄՈՂԱՍՄԱԴ ԲԵԶԱ ՇԱՀ ՓԱՅԼԱԻ

ԱՌԱՔԵԼՈՒԹԻՒՆ
ՀԱՅՐԵՆԻՔԻՍ ՀԱՄԱՐ

9 (55)
Փ-12

«ՀՈՒՐ» ԱՄՍԱԳՐԻ ՄԱՏԵՆԱՇՄԱՐ ԹԻԻ 1

Ն. Կ. Մ. ՄՈՂԱՄՄԱԴ ՌԵԶԱ ՇԱՀ ՓԱՀԼԱԿԻ

ԱՌԱՔԵԼՈՒԹԻՒՆ
ՀԱՅՐԵՆԻՔԻՍ ՀԱՄԱՐ

ՏՊԱՐԱՆ «ՆԱՅԻՐԻ», ԹԵԿՐԱՆ
1973



2537

28



دفتر مخصوص شاهنشاهی

۱۲۳۷۵۹

۱۳۰۰/۲/۲۶

آقای دکتر گایگ هواگمیان نماینده مجلس شورایی ملی و صاحب امتیاز
مجله هـور

28

عریضه ای که به پیشگاه مبارک اعلیحضرت همایون
شاهنشاه آریا مهر تقدیم داشته و برای ترجمه و چاپ کتاب (اما موریت
برای وطنم)) بزبان ارمنی استدعای کسب اجازه نموده بودید
از شرف عرض گذشت و مورد تصویب ذات مبارک ملوکانه قرار گرفت . ک

رئیس دفتر مخصوص شاهنشاهی

Թարգմանեց պարսկերէնից՝

ԿՈՒԻԱ ՏԷՐ ՅՈՎՀԱՆՆԻՍԵԱՆ

(ԱՐՔԱՅԱԿԱՆ ԹԱԳ)
ԱՐՔԱՅԱԿԱՆ ՅԱՏՈՒԿ

ԳՐԱՍԵՆՆԱԿ

123759

26/2./1350

Պրն. Դոֆս. ԳԱԳԻԿ ՅՈՎԱԿԻՄԵԱՆ

Խորհրդարանի պատգամաւոր և
Արտօնատէր « ՀՈՒՐ » ամսագրի.

Ն. Կ. Մ. Արիամեհ Արֆայից-Արֆային ներկայացրած Ձեր խնդրագիրը որով խնդրամատոյց էիք նղել արտօնութիւն ստանալու հայերէնի քարգմանելու և սպագրելու « Առաքելութիւն հայրենիքիս համար » գիրքը, արժանացաւ Ն. Կ. Մ. Արֆայի ուշադրութեան և վաւերացումին:

Արֆայական Յատուկ
Գրասենեակի պէս
(ստորագրութիւն)

ՅԵՂԻՆԱԿԻ ԿՈՂՄԻՑ

Տարիներ շարունակ իրագործման անհրաժեշտութիւնը զգացող մի նպատակի համար է գրել այս գիրքը: Որքան տեղեակ եմ, Իրանի կայսրութեան հիմնադրման քսանհինգ դարի պատմութեան մէջ ես առաջին Շահնշահն եմ, որ կանոնաւորապէս ու պատմական հետեոյազանութեամբ գրի եմ առել իմ կեանքի պատմութիւնը:

Իհարկէ ԺԶ. դարում, այսինքն Իրանի կայսրութեան հիմնադրումից երկու հազար տարի յետոյ, Շահ Թահմազ Ա. արքան իր կեանքի մասին գրել է մի համառօտ կենսագրական և երկու հարիւր տարի յետոյ Շահ Թահմազ Բ.-ի թագաւորութեան օրօք մի Ֆրանսիացի քահանայ հրատարակեց յիշեալ արքայի կենսագրութիւնը, նպատակ ունենալով ապացուցել, որ նա Ֆրանսիացու զաւակ է եղել:

ԺԹ. դարում ևս Նասրէդդին Շահը, Եւրոպա կատարած ուղևորութեանց, ինչպէս նաև արևմտեան եր-

կըրների՝ իր տեսանկիւնից ու մտահորիզոնից ունեցած յառաջադիմութեանց շարժառիթների մասին գրեց ճանապարհորդական ուշագրաւ նոթեր. այնուամենայնիւ իմ երկրի թագակիր պարագլուխներից և ոչ մէկը չի տւել կանոնաւոր ու հետևողական ինքնակենսագրութիւն: Դա էր, որ մօտ տասնեւշորս տարւայ թագաւորութիւնից յետոյ որոշեցի, որ այս անհրաժեշտը առաջին անգամ արւի իմ ձեռքով: Նպատակը սոսկ այն չէր, որ այս երկրի Շահնշահների մէջ առաջատարը լինեմ ինքնակենսագրութիւն հրատարակելու գործում, այլ զգալի էր, որ մի այսպիսի գըրքի հրատարակումը մեծապէս անհրաժեշտ է ճանաչելու համար Իրանի անցեալը և ցոյց տալու ապագայի ուղղութիւնները:

Անցնող դարում, մենք՝ Միջին Արևելքում ապրողներս, գլացել ենք ճանաչելու և զգալու մեր իրական արժանիքները և մեծ մասամբ կաղացել ենք մեր երկրների ապագայ վերելքին նպաստող նոր ծրարագիրների մշակման խնդրում: Երբեմն ունեցել ենք անորոշ տեղեկութիւններ երկրի անց ու դարձի մասին, բայց թերացել ենք խորանալու յառաջադիմութիւնը կասեցնող կազմակերպչական և այլ արգելքների մէջ: Ինչպէս նաև թուրութեամբ ենք վերաբերել մեր ապագայի համար այնքան կարևոր՝ նոր նպատակների և ուղղութիւնների ճշտորոշմանը: Տւեալ պատճառներից ելնելով, պահն էր, որ Իրանի Շահընշահը ձեռնարկէր լրացնելու այս էական բացը:

Սոյն գիրքը սկսեց գրւել 1337 թիւն և 1339

թւի 1) վերջերին աւարտւեց:

Այս ընթացքում, թէև այլևայլ դժարին պարտականութիւնները գրաւում էին իմ ժամերը, բայց չէր լինում մէկ շաբաթ, որ ի բաց առեալ ճամբորդութեան օրերից, մի քանի ժամ չգրադէի գրելով: Նոյնիսկ ուղևորութիւններիս ընթացքում չէի մոռանում գրելիք նիւթերի դասաւորելու միտքը:

Այսու՝ հրատարակող գիրքը շատ բաներով է տարբերում ինքնակենսագրական թեմայով գրւած գրքերից կամ օրագրութիւններից: Որովհետև դա չի սահմանափակւում լոկ իմ կեանքի պատմութեամբ, այլ ինքնըստինքեան մի երկրի պատմութիւն է:

Գրքի առաջին գլուխը յատկացւել է Իրանի պատմական փառաւոր անցեալի և զարմանահրաշ ժառանգութեանց համառօտ նկարագրութեանը: Յաջորդ գլխում անդրադարձել եմ Միջին Արևելքի վերջին իրադարձութիւնների ամենակարկառուն զէմքերից՝ հօրս իմ տեսանկիւնից ու ըմբռնումից ունեցած բընութագրին և նրա կատարած հոյակապ գործերին: Ապա նկարագրել եմ մանկութեանս և Եւրոպայում անցկացրածս ուսանողութեան տարիները և հօրս ցուցաբերած հոգատար խնամքն ու ուշադրութիւնը իմ դաստիարակութեան խնդրում, որ պիտի նպաստէր ներկայի ծանր պարտականութիւնների ստանձնման գործին: Նկարագրել եմ Բ. Համաշխարհային պատերազմի հետևանքով առաջացած տագնապալի դրու-

1) 1959—1961 (Ծ. Թ.),

թիւնը, Իրանի բռնագրաւումը և այն՝ թէ ինչպէս քսանևմէկ տարեկան հասակում հօրս փոխարէն ստանձնեցի արքայական պարտականութիւնները:

Գրքում արտացոլւած են այն տարիների դէպքերը: Թէ ինչպէս Մոսադեղ անուշով մէկը իր ուրոյն ձևով պտտեցնում էր երկրի ղեկը, նաւթի արդիւնաբերութեան անորոշ կացութիւնը, տնտեսութեան քայքայումը և այն՝ որ մարելու վրայ էր Իրանի անկախութեան ջահը: Պատմւում է այն մասին, թէ ինչպէս վերականգնեցինք ազատութիւնը և դրանից յետոյ մեր երկիրը դարձաւ սառը պատերազմի օջախ: Այն երևոյթն է լուսաբանում, թէ ինչպէս այս դառը փորձութիւններից յետոյ իմ մէջ ծնւեց դրական նացիոնալիզմ:

Գրքում խօսւում է արևմտեան մշակոյթի (կուլտուրա) հետ ունեցած շփումների և այն յոյսի ու հաւատքի մասին, թէ Արևելքի ու Արևմուտքի միջև կարելի է հնարել յարաբերութեանց նոր եղանակներ: Երկրի տնտեսական աճի ու զարգացման չափանիշների, դեմոկրատիայի եռակի փուլերի մասին իմ մօտեցումների և իրական դեմոկրատիա ստեղծելու գծով տարւող միջոցառումների մասին ևս նշել է ըստ կարելւոյն: Հպանցիկ կերպով խօսւում է նաև կալւածային բարենորոգչական աշխատանքների, Իրանի յիսուն հազար գիւղերում բնակւող երկրագործներին օժանդակելու նպատակով կիրառւող քայլերի. կանանց՝ նոր Իրանի նկատմամբ ստանձնելիք պարտականութիւնների մասին: Պարզաբանւում են իմ

տեսակէտները Իրանի կրթադաստիարակչութեան մասին: Քննարկւում է նաւթի խնդիրը քաղաքական, տնտեսական և տեխնիկական առումներով: Միջին Արևելքում գրաւող Իրանի դիրքի ինչպէս նաև աշխարհի այս և բոլոր կէտերում խաղաղութեան ամրապնդման անհրաժեշտութեան մասին, որ իմ սրտագին ցանկութիւնն է, տրւում է լուսաբանութիւն: Եւ վերջապէս գրքում արտացոլւած է իմ կենցաղը, զբոսաշորսժամեայ գործունէութիւնը և մեր պատմական երկրի հանդէպ արքայական կոչմանը սերտօրէն առնչւող պարտականութիւնների ինչպիսին լինելը:

Գրքի համարեա բոլոր գլուխների մէջ, ջանք եմ թափել սոսկ ակնարկներով կամ յայպաւումներով շանդրադառնալ որոշ դժւարութիւնների ու արգելքների վրայ: Օրինակ, թէ՛ պետական կազմակերպութիւններից ներս, թէ անձնական կամ աշխատանքային բջիջներում և թէ հաւաքական կեանքում անհատականութեան բարեփոխումը, այնպէս էլ մնում է մեր դժւարութիւններից մէկը: Թէև վերջին տարիներին կառավարչական կազմակերպութիւնները բարելաւել են անցեալի համեմատութեամբ, այնուամենայնիւ նորից շատ վարիանտներում հին են ու յետադիմական: Դեռևս մեր երկրում արմատախիլ չի եղել աղքատութիւնը, տգիտութիւնը, հիւանդութիւնները: Սակայն չպիտի մոռանալ, որ մեր նպատակն է կարճ ժամանակամիջոցում հասնել զարգացման մի այնպիսի մակարդակի, որը յառաջագէտ երկրներում ձեռք է բերել մի քանի սերունդների,

նոյնիսկ մի քանի դարերի երկարատե ու յամառ ջանքերից յետոյ:

Այսօր, իր հակասական գծերով, Միջին Արեւելքը աշխարհի բոլոր ժողովուրդների ուշադրութեան առարկան է, որովհետեւ եթէ հնագոյն ժամանակներում հսկայ ազդեցութիւն է ունեցել մարդկային քաղաքակրթութեան վրայ, ներկայումս համարոււմ է իրադարձութիւնների և քաղաքական վայրիվերումների օրրան:

Կարծու՞մ եմ, որ Միջին Արեւելքի վերակենդանացման համար դրութիւնը նպաստաւոր է և պատճառ չկայ, որ Իրանը, ինչպէս եղել է վաղագոյն ժամանակներից, այնպէս էլ հիմա՝ անգօր լինի առաջ բերելու նոր յեղաշրջումներ:

ԻՐԱՆԻ ՀԻՆ ԵՒ ՆՈՐ ՏԵՐԻՏՈՐԻԱՆ

Իմ թագածառանգ եղած ժամանակ ուսանողութեան օրերից, որ անց էի կացնում Շւեյցարիայում, մտքիս մէջ դրոշմւել է մի յուշ: Մի օր մեր դպրոցը սայլակով կաթ բերող կաթնավաճառը հետաքրքրւեց, թէ ո՞ր երկրից եմ եկել Շւեյցարիա: Պատասխանեցի՝ Փլըժիայից (Իրան):

«Այո, — ասաց նա, — լաւ եմ ճանաչում Փլըժիան, դա Ամերիկայի քաղաքներից մէկն է»...

Տարիներ անցան այս դէպքից: Վերջերս պալատի երիտասարդ ծառայողներից մէկը ճամբորդեց Ամերիկա և վերադարձին պատմեց իր հետ պատահած մի զարմանալի դիպւածի մասին:

Նախ քան Ամերիկա ճամբորդելս, ասու՞մ էր նա, — ցանկութիւն ունէի մօտիկից տեսնելու ամերիկեան մի կարմրամորթի: Տեղ հասնելուն պէս՝ այդ մասին ասացի հիւրընկալին: Նա հաւաստիացրեց, որ դա շատ դիւրին է, քանի որ իմ ծրագրի մէջ է

մտնում կարմրամորթների բնակավայրերից մէկի այցելութիւնը: Բայց երբ հասանք տւեալ կէտը, ես թեւաթափ եղայ, — այնտեղ ապրող կարմրամորթները չէին կրում Հոլիվուդեան ֆիլմերում ցուցադրող փետուրաւոր գլխարկներից: Ինչևիցէ հիւրընկալողս յաջողեց ինձ ներկայացնել նախշած երեսով, փետրաւոր գլխակապով և տեղական տարազով հագնւած մի կարմրամորթի: Վերջինս կոտորուած անգլերէնով անմիջապէս հարցրեց որտեղացի լինելս: Ասացի գալիս եմ մի հեռաւոր երկրից, որ կոչւում է Փըրժիա կամ Իրան:

Իրանի անունը լսելուն պէս ուրախութեան եւրանգներ յայտնւեցին կարմրամորթի գէմքին և նոյնիսկ կոտորուած պարսկերէնով ասաց.

« — Սալամ ալէյքում, ի՞նչպէս է ձեր առողջութիւնը »:

Այս հանդիպումը ինձ շմեցրեց: Յետոյ պարզւեց, որ նա համաշխարհային երկրորդ պատերազմին ամերիկեան զօրքերի հետ հասել է Պարսից Ծոց և Իրանի վրայով աւելի քան եօթ միլիոն տոն պարէն ու ուղղամթերք է տեղափոխել Ռուսիա, որով նպաստել է Հիտլերեան զօրքերի ջախջախմանը, գիւրացնելով դաշնակիցների գործը: Այս ժամանակամիջոցում նա ոչ միայն սովորել է պարսից լեզուն, այլև դա սովորեցրել է իր համերկրացիներին: Նաև շօշափելի տեղեկութիւններ է ձեռք բերել պատմական Իրանի քաղաքակրթութեան ու մշակոյթի մասին:

Երանի արևմտեան ժողովուրդները այս կարմ-

րամորթի չափ ճանաչէին իմ երկիրը: Տեղեակ լինէին, որ Իրանը ինչ ծառայութիւններ է մատուցել մարդկային քաղաքակրթութեանը և ապագայում ևս, — որի նկատմամբ լցւած եմ մեծ հաւատքով, դեռ պիտի ծառայի համամարդկային կուլտուրային ու զարգացմանը: Երբեմն այն մտքից թէ ինչու Իրանը Միջին Արևելքի երկրների մէջ ճանաչւած չէ սրանից աւելի՝ շարում եմ, որովհետև Միջին Արևելքի քաղաքակրթութեան ամենամեծ բաժինը ընկնում է Իրանին: Անհերքելի է նաև փիլիսոփայութեան, արւեստի ու գիտութեան բնագաւառներում Իրանի ունեցած հսկայ ազդեցութիւնը Արևմուտքի վրայ: Այնպէս, ինչպէս ներկայումս Ամերիկեան կառավարութիւնը Չորրորդ Կէտի գծով տեխնիկական օգնութիւններ է ցուցաբերում աշխարհի շատ երկրներին, մենք ևս ամենավաղագոյն ժամանակներից ի վեր արւեստ ու մշակոյթ ենք մատակարարել մարդկութեանը:

Այսուհանդերձ պիտի նշել, որ վերջին տարիներին, երբ Միջին Արևելքի երկրները կարևոր տեղ են գրաւել համաշխարհային քաղաքականութեան բեմի վրայ, աշխարհի տարբեր ծայրերում ապրող ժողովուրդների մօտ աւելացել է Իրանի և իրանական պատմութեան հանդէպ օր աւուր աճող հետաքրքրութիւնը:

Աշխարհի կամ Միջին Արևելքի աշխարհագրական քարտէզների վրայ ցայտուն կերպով նշմարւում է Իրանը կամ Փըրժիան: Իրանը մեծ է Ալասկայից, ունի թեքզաս Նահանգի երկու տարածութիւնը և աւելին է քան Ֆրանսիայի, Շւեյցարիայի, Իտա-

լիայի, Սպանիայի, Փորթուգալիայի, Բելգիայի և
Լիւքսեմբուրգի տերիտորիաները միասին վերցւած:
Աշխարհագրական դիրքի շնորհիւ՝ հնագոյն դարերից
եղել ենք աշխարհի կարևոր ճամբաների հատման
կէտը կամ քառուղին: Եւ դա որքան էական էր այն
ժամանակներում, երբ մարդիկ ճանապարհորդում էին
կարաւաններով, այսօր՝ ջեթ օդանաւերի ու հերմե-
տիկ հրթիռների դարում ևս համընկնում է ճամար-
տութեանը:

Քիչ է Իրանի ազգաբնակչութիւնը իւրաքան-
չիւր քառակուսի կմ. տարածութեան համեմատ: Այսու-
ամենայնիւ իր քսան միլիոն բնակչութեամբ հաւա-
սար է մայր ցամաք յիշեցնող Աւստրալիայի բնակ-
չութեան հետ:

Իմ աթոռանիստ Թեհրանը մէկն է աշխարհի
այն քաղաքներից, որ աճել ու զարգացել է արագ-
օրէն, այնպէս որ Համաշխարհային Բ. Պատերազմի
օրերից (հաշուում էր հինգ հարիւր հազար), մինչև
այսօր աճել է երեք անգամով հասնելով մէկ ու կէս
միլիոնի 1):

Ճիշտ է, Թեհրանի բնակչութեան արագ աճի
գլխաւոր շարժառիթը կայանում է նրանում, որ շըր-
ջանների բնակչութիւնը թողնելով իր ծննդավայրը՝
հաստատուել է այստեղ, մի երևոյթ, որ բացառու-
թիւն չի կազմում նաև այլ երկրներում, բայց առ-

1) Ծ. Խ. Այժմ մայրաքաղաք Թեհրանն ունի
3.300.000 բնակիչ:

հասարակ աճել է բնակչութեան թիւը:
Երկրի տարածութեան մեծ մասը չորային է
և զուրկ բուսականութիւնից: Դրա փոխարէն ուրիշ
վայրերում տարեկան անձրևը հասնում է այնպիսի
չափերի, որ աճում են խիտ անտառներ, կամ նպաս-
տաւոր պայմաններ բրինձի տնկարանների (պլան-
տացիա) համար:

Համեմատաբար չորային տարածութիւնների
ջուրը մատակարարւում է լեռնային շրջաններից,
որոնք օղակաձև շրջապատել են Իրանի բարձրաւան-
դակը, յաճախ խաչաձևելով իրար հետ: Չհաշւած անա-
պատային տարածութիւնները, լեռներից մեծ հեռա-
ւորութեան վրայ գտնուող կէտեր համարեա չկան:
Դրանով իսկ, լեռներից հոսող վտակները փորած ջը-
րանցքներով առաջնորդւում են դէպի դաշտերն ու
առուները: Վերջերս ձեռնարկել ենք նաև խոր հորերի
կառուցման աշխատանքների: Համաձայն մասնագէտ-
ների ասութեան, Իրանում եղած ջուրը կը բաւա-
կանացնի ներկայ ազգաբնակչութիւնից երեք անգամ
աւելի մի ժողովրդի պահանջներին:

Իրանի կլիման փոփոխական է տարբեր կէտե-
րում և տարբեր եղանակներին: Իմ կարծիքով դա
ինքնըստինքեան մի ազդեցիկ ուժ է: Իմ ժողովուրդը
օժտւած է մարմնական մեծ ուժով և զուր չի որ
ծանր սպորտի գանազան ճիւղերում՝ ինչպիսիք են
ըմբշամարտ կամ ծանր ատլետը, մեր մարդիկները
միշտ էլ փայլել են միջազգային չափանիշով:

Մտքի և արագ կողմնորոշման առումով, որի

մասին կ'անդրադառնանք հետագային, Իրանի ժողովուրդը հռչակած է ըստ կարելոյն: Ուստի պիտի յուսալ, որ ստիպողական կըթուրթեան ընդլայնումը կը նպաստի երկրի գիտութեան, արւեստի, գիւղատնտեսութեան, արդիւնաբերութեան և առևտրի է՛լ աւելի զարգացմանը:

Իրանի ընդերքը հարուստ է հանքերով: Առհասարակ մենք համարուում ենք աշխարհի նաւթի ամենամեծ արդիւնաբերողներից մէկը: Նաւթի արդիւնաբերութիւնը Միջին Արևելքում սկսել է Իրանից: Գիտական նորագոյն տեխնիկների համաձայն՝ Իրանը մի մեծ նաւի պէս լողում է նաւթի ծովի վրայ: Ուրիշների համար անյայտ մնացած իրողութիւններից մէկն է և այն, որ երկրի ընդերքը հարուստ է նաև քարածուխով, երկաթով, պղնձով, մանգանեզով, քրոմով և այլ քիմիական աղերով՝ օրինակ՝ բորատ, սուլֆատ և այլն: Իրանց շահագործմանը առնչւող աշխատանքները դեռ գտնուում են նախնական փուլերում:

Բացառեալ Քաւիր նամաք անապատից, որ Աւստրալիայի պէս զբաղեցնում է երկրի կենտրոնական մասը, Իրանի հողը ամենուրեք արգաւանդ է: Ուր հասնում է ջուրը, մշակում է ցորեն, գարի, եգիպտացորեն, բամբակ, գետնախնձոր, մաշ, կորնդան, ճակնդեղ, շաքարեղէգ, ծխախոտ (թութուն), թէյ և զանազան տեսակի բանջարեղէններից օրինակ՝ կաղամբ, սոխ, լոլիկ, վարունգ և այլն:

Ովքեր այցելել են Իրան, հաճոյքով են վա-

յցելել մեր երկրի հիւթեղ ու ընտիր պտուղները՝ դեղնաշլորն ու խաղողը, թուզն ու ծիրանը, տանձն ու նուռը, լիմոնը և նարինջը, ձիթապտուղն ու արմաւը: Նշանաւոր է Իրանի սեխն ու պիստակը (Ֆստա), նուշն ու պնդուկը (Ֆնդրդ): Անասնաբուծութիւնը զարգացել է մեծ չափերով: Մեր երկրի գիւղացիութիւնը և լեռնաբնակները տեղական տարազներով լեռներում ու դաշտավայրերում զբաղւած են խաշնարածութեամբ ու անասնաբուծական այլ ճիւղերով: Վերջին տարիներում մեքենայացել է գիւղատնտեսութիւնը: Յաջորդ գլուխներում կ'անդրադառնամ երկրի կալւածները գիւղացիութեան ու երկրագործութեան մէջ բաժանելու ծրագրին, որ արդէն իսկ սկսել է գործադրւել:

Համեմատաբար քիչ է սննդամթերքի ներմուծումը մեզ մօտ, իսկ արտածումը հասնում է բաւարար չափերի:

Շատ է մրգի, նուշի և պիստակի արտահանումը երկրից: Աշխարհի շուկաներում ռուսական ձկնկիթ անւան տակ վաճառուող ձկնկիթի (խաւիար) մեծ մասը իրանական է, որ արտահանում է Ռուսիա և Ամերիկա: (Ոմն ասել է, որ խաւիար ձուկը փոխելով կարծիքը՝ Կասպից ծովի հիւսիսային մասերից գաղթել է հարաւ: Բայց իրականութիւնը այն է, որ դեռ Ռուսիայի յեղափոխութիւնից դարեր առաջ, այս ձուկը նախընտրել է Կասպից ծովի հարաւային տաք ջրերը աճի ու բազմացման համար): Մեր ձրկնարդիւնաբերութիւնը օժտւած է հարուստ աղբիւր-



ներով, որոնք ցայժմ մնացել են անձեռնմխելի:

Վերը նշածներից գալիս ենք այն եզրակացութեան, որ թէև մեր ներկայ արտադրողականութիւնը հաւասար չափերով օգտակար ու արժէքաւոր է ոչ միայն մեր երկրի՝ այլ և ուրիշ երկրների ժողովուրդների համար, այսուամենայնիւ դեռ նոր ենք սկսել մեր բնական ու մարդկային հարստութիւնների շահագործումը: Անգլիայում հրատարակած մի պաշտօնական գեկուցման մէջ ասուում է. — «Իրանը թերևս Միջին Արևելքի միակ պետութիւնն է, որ օժտւած է զարգացման ու յառաջադիմութեան ամենամեծ տւեալներով»:

Վաղագոյն ժամանակներից Իրանը եղել է Եւրոպայի և Միջին Արևելքի հատման կէտը: (Շատերը մինչև անգամ մոռանում են, որ Իրանը պատկանում է ասիական ցամաքամասին): Հետևաբար հռչակւած Մետաքսի ճանապարհով Չինաստանի ու Եւրոպայի միջև երթևեկող կարաւանները հասնելով Իրան, հիմնում էին կենտրոններ: Հեռւոր Արևելքից գնւած մետաքսը, թանկագին քարերն ու այլ առարկաներ լաւ գներով վաճառւում էին հարուստ Իրանում և այստեղից առաքւում էին այլ երկրներ, մասնաւորաբար Եւրոպա:

Նոր ցամաքամասի յայտնաբերումից զարբերաւառջ, երբ Եւրոպական ժողովուրդները կերակուրը լցնում էին գետնի վրայ և ուտում էին ձեռներով, իրանցիները օգտագործում էին կաւի յղկւած զարդարւած ամաններ, գդալ ու դանակ:

Չհաշւած չինականը՝ աշխարհի ամենահին շարունակական ու անընդմէջ քաղաքակրթութիւնը պատկանում է մեր ժողովրդին: Եթէ նոյնիսկ ասւի, որ մեր մշակոյթն ու զարգացումը շատ բնագաւառներում գերազանցել է չինականին, չպիտի համարել չափազանցութիւն:

Անհերքելի է այն պարագան, որ Իրանի քաղաքակրթութիւնը առաւել մօտիկ ու հարագատ է արևմտեանին, քան՝ չինականը կամ մեր հարևան արաբներին: Իրանը Արիա ցեղի հին հայրենիքներից մէկն է: Ամերիկեան ու եւրոպական շատ ժողովուրդներ ևս սերում են այս ցեղից: Յեղային առումով մենք միանգամայն տարբերում են Սամի ցեղից սերւող արաբներից: Նոյնն է նաև պարսկերէնի խընդրում, որովհետև մեր լեզուն պատկանում հնդեւրոպական լեզուների ընտանիքին: Դրա մէջ են մտնում նաև անգլերէնը, ֆրանսերէնը, գերմաներէնը և արևմտեան շատ ուրիշ լեզուներ:

Անշուշտ, դարերի ընթացքում մեր ժողովուրդը որոշ չափով սերւել է այլ ցեղերի հետ: Արաբների գերիշխանութեան օրօք մեծ թւով արաբական բառեր են թափանցել մեր լեզուի մէջ, բայց այնուամենայնիւ պահպանւել են մեր ցեղական ազնւութիւնն ու լեզւական յատկանիշները:

Յիշում եմ, երբ լսեցի թէ կակաչն ու հողմաղացը Հոլանդիա են տարւել Իրանից, կարի զարմացայ: Այդ մասին ինձ ասաց Հոլանդիայի մշակութային կապի կցորդը՝ մի գիտնական անձնաւորու-

Թիւն: Կարծում եմ եթէ որեէ հոլանդացի երբեկիցէ բացայայտի այս խնդիրը, դրա մէջ ամենափոքրիկ կասկածն անգամ չպիտի ունենայ: Յիշեալ գիտնականը մի շարք ուսումնասիրութիւններից յետոյ յանգել էր այն եզրակացութեան, որ հոլանդական կակաչը պատկանում է Իրանում աճող մի տեսակ վայրի կակաչի ցեղին: Հողմաղացները ևս Հոլանդիայում պատրաստել են Իրանի հարաւային շրջաններում շատ վաղուց օգտագործող հողմաղացների ձևի ու արտաքին տեսքի վրայից:

Նարդի խաղը հնարել են իրանցիները: Առաջին անգամ Իրանումն է խաղացել մկուսախաղը և մեր արքաները յատուկ սէր են ցուցաբերել դրանկատմամբ: Փստան (պիստակ) իրանական է, նոյնն է և կորնգանը, որ առաջին անգամ մշակել է Իրանում, որպէս ձիերի կեր: Գեղձը դարեր առաջ բերել է Չինաստանի վայրի անտառներից ու ընտելացել և յետոյ դեղձենու տունկը տարւել է Միջերկրականի փերն ու Եւրոպա: Կարմիր վարդը, որ դարեր շարունակ զարդարել է Իրանի այգիները, առաջին անգամ տնկել է Իրանում: Իրանից են տարւել նարգիզը, շուշանը և կապոյտ յասմիկը՝ պահպանելով իրենց իրանական անունները զանազան երկրներում: Օշարակը որ Իրանում գործածում է հեղուկ վիճակում, իսկ Ամերիկայում կամ այլուր ստացել է պաղպաղակի ձև՝ վայելել են մեր նախապապերը: Շերի հանրածանօթ օշարակի անունը գալիս է Շիրազ բառից: Դա նոյն ըմպելին է, որ միջին

դարերին արաբները տարածեցին Սպանիայում և սովորեցրին պատրաստելու եղանակը:

Արևեստի ու գիտութեան բնագաւառներում իրանցիները փայլել են ստեղծագործական տարբերով: Արևի ժամացոյցի գիւտը պատկանում է իրանցիներին: Առաջին աստղագիտարանը ևս շահագործւել է Իրանում: Թէև առաջին հայեացքից անհաւանական է թւում, որ Իրանի հուշակաւոր գիտնական և բժիշկ Իբն Սինան ծանօթ է եղել պենիսիլինի յատկութիւններին, և դա օգտագործել է հիւանդների ապաքինման համար, այսուամենայնիւ կան ապացոյցներ, որոնք վկայում են այս իրողութեան մասին: Իբն Սինայի համաշխարհային հուշակ վայելող, միջին դարերում Եւրոպայում բժշկական լաւագոյնը համարւող գրքի մէջ նշւած է այն մասին, որ հացի բորբոսը կարելի է օգտագործել վէրքերի բուժման համար: Նա խորհուրդ է տալիս բժիշկներին՝ թաց հացի վրայ պատրաստել բորբոս և ապա զգուշութեամբ հաւաքել ու դնել վէրքի վրայ: Մի քանի դար նրանից յետոյ անգլիացի գիտնական Սըր Ալեքսանդր Ֆլեմինգը յիշեալ բորբոսը անւանելով Պենիսիլինում, ուսումնասիրեց ու փորձարկեց դրա բնական յատկութիւնները և ապա պատրաստեց պենիսիլինը, որ այսօր հսկայ քանակութեամբ մատակարարւում է աշխարհի շուկաներում, ստոյգ մահից փրկելով հազարաւորների կեանքը:

Արևմտեան ժողովուրդների մեծ մասը չգիտէ, որ Իրանը հուշակաւ է որպէս կառավարչական սիս-

տեմների գործադրման ու տարածման՝ առաջատար։ Երկրի բաժանումը նահանգների և գրանց կառավարումը նահանգապետների (քաղաքագլուխ) միջոցով վազազոյն ժամանակներից կիրառել է Իրանում, քանի որ առանց դրա՝ հնարաւոր չէր մի լայնածաւալ երկրի կառավարումը։

Ճանապարհային ցանցերի կառուցման խնդրում ևս Իրանը առաջագոյնն է։ Հռոմէական կայսրութեան հիմնադրումից դեռ շատ առաջ երկրի տարբեր կէտերի միջև գոյութիւն ունեցող կապը կատարւում էր սուրհանդակների միջոցով (չափար)։ Որոշ տարածութիւնների վրայ հիմնւած էին կայաններ (չափարխանաներ), ուր հանդրւանում էին արքայական սուրհանդակները փոխելու յոգնած ձիերը՝ նորերով։ Այսպիսով հնարաւոր էր դառնում տասնևհինգ օրւայ ընթացքում լայնատարած Իրանի մէկ ծայրից միւսը առաքել նամակներ։

Մի քանի հարիւր ֆարսախ տարածութեան վրայ լուրերի փոխանցումը կատարւում էր պայմանական աշտարակների, խարոյկների և այլ ազդանշանների միջոցով։

Իրանը մէկն է առաջին այն պետութիւններից, որ կտրել է մետաղադրամ. Դարեհ Մեծի ոսկեդրամը հին աշխարհի գործածական ու տարածւած փողերից մէկն էր։ Հետաքրքիր է այն իրողութիւնը, որ դրածանրութիւնը հաւասար է անգլիական մէկ ոսկէ լիրայի հետ։ Հաւասար են կշռում նաև Դարեհի արծաթադրամն ու անգլիական մէկ շիլլինգը։

Չափերի սիստեմի կիրառումը, որ դիւրացնում էր առևտրի գործը լայնատարած Իրանի թէ ներսում և թէ դրսում, մենք որդեգրել ենք շատերից առաջ. նոյնպէս գործածական էին դարձրել հաշւապահական մի կանոնաւոր և միատեսակ եղանակ, որից ընդօրինակեցին ուրիշ երկրներ։

Դարձեալ Իրանն էր, որ առաջինը ապացուցեց որևէ լայնածաւալ կայսրութեան կառավարման հնարաւորութիւնը։ Գրքիս ընթերցողների մեծ մասը անշուշտ կարդացել է Հռոմէական կայսրութեան պատմութիւնը. դրանից դարեր առաջ Իրանի Շահնշահութիւնը գտնւում էր իր ոյժի և փառքի գագաթնակէտին, դա էր որ ճշգրտօրէն և կանոնաւորապէս հետապնդում էր սուրբերի գանձումը, բարեգործական աշխատանքները, զինւորական կազմակերպչականութիւնը և ներկայում երկրների ղեկավարմանը հիմք ծառայող կառավարչական կազմակերպութիւնների գործունէութիւնը։

Իմ երկիրը եղել է ոչ միայն զրազաշտական մեծ կրօնի օրրանը, այլև այստեղ են գործել բազմաթիւ այլ կրօններ, դրանց թւում իսլամական ամենամեծ աղանդներից՝ Շիան, որի հաստատակամ ու հաւատարիմ հետևորդներից մէկն եմ ես և այս մասին բազմիցս պիտի անդրադառնամ գրքի յաջորդ գլուխներում։ Չրազաշտական կրօնը Իրանում հաստատուել է Զ. դարում (Ք. Ա.), Չարդոշտի ձեռամբ։ Կրօնների զուգորդութեան գիտութեան լաւագոյն գիտնականներից Ուիլիամ Չէկսընը այս մասին նը-

շում է. «Մովսիսականութիւնից ու Քրիստոնէութիւնից
յետոյ, հին աշխարհում դժւար է գտնել ուրիշ մի
դաւանանք, որ զրադաշտութեան չափ լինի այնքան
ճշմարիտ, այնքան մաքուր ու մեծաբարոյ, կարողա-
նայ այնքան յստակօրէն պարզաբանել հանդերձեալ
կեանքը, հոգու յաւիտենականութիւնը, մարդկութեան
ազատարարի գալուստը, լաւի ու վատի հատուցումը,
որ արտացոլել է Աւեստա գրքում»:

Իրանում տարածում գտած դաւանանքներից
մէկն է Մանաւի կրօնը, որը դաւանել է Մանին Գ.
դարում: Մանիի նպատակն էր ընդհանուրի բերել
իրենից առաջ գոյութիւն ունեցող այլ դաւանանք-
ների կարեւորագոյն ճշմարտութիւնները, հետեւաբար
նրա կրօնի հիմունքերը կազմում էին Չարդշտի,
Բուդդայի և Քրիստոսի քարոզչութիւնները: Թերեւս
նա առաջին անձնաւորութիւնն է, որ կրօնագիտու-
թեան մէջ բաղդատել է տարբեր կրօնների ցայտուն
կէտերը:

Բացի այն դերից, որ ունեցել է Իրանի հո-
գեւորականութիւնը կրօնական ուսմունքների տարած-
ման խնդրում, իրանցիները փայլել են նաև աշ-
խարհիկ, մասնաւորաբար խորհրդապաշտական գրա-
կանութեան բնագաւառում:

Սորհրդապաշտական գրականութեան երկերը
արժանացել են արեւմտեան արևելագէտների բուռն
ուշադրութեան: Նրանք դրւատանքով են անդրա-
դարձել դրանց ոչ միայն գեղեցիկ ոճաբանութեանը,
այլև մարդկութեան հանդէպ ցուցաբերւած սիրոյ ու

խանդաղատանքի այն երանգներին, որ արտացոլւած է
այդ երկերում:

Հարկաւ՝ մեր հարուստ գրականութեամբ, մաս-
նաւորաբար հռչակաւոր բանաստեղծներ՝ Ֆերդովսիի, Հա-
ֆէզի, Սաադիի, Մուլաիի, Սայեամի և ուրիշների թողած
գրական ժառանգութեամբ ճանաչւած ենք ամենուր:
Քեմբրիջ համալսարանի գիտուններից մէկը նշում է.
«Պարսկերէն լեզուի հարստութիւնը՝ գրական երկա-
սիրութիւնների հսկայ ծաւալի շնորհիւ՝ չկայ ուրիշ
ոչ մի լեզուի մէջ»: Իրանական գրականութեան
ծանօթ արեւմտեան բանասէրները անշուշտ լիովին
համակարծիք են նրա հետ:

Այստեղ, թերևս, տեղին է համառօտակի անդ-
րադառնալ իմ երկրի դարաւոր պատմութեանը:

Քարէ դարում մարդիկ բնակուում էին Կաս-
պից ծովի հարաւային եզերքներում, որ այսօր մըտ-
նում է Իրանի տերիտորիայի մէջ:

Իմ երկրի մայրաքաղաք Թեհրանի մերձա-
կայքում նշմարուում են աւերակներ, որ համաձայն
պատմաբանների վկայութեան, ունեն չորս հազար
տարւայ հնութիւն:

Իրանի կենտրոնական մասի քաղաքներից Քա-
շանում պեղւել է Սիլաք կոչւող աւանը, որ մասնա-
գէտների կարծիքով գոյութիւն է ունեցել մեզանից
աւելի քան 7000 տարի առաջ: Յայտնի է դառնում,
որ հին քարէգարեան ժամանակաշրջանում, Իրանի
բնակիչները աստիճանաբար թողնելով վայրենի ու
թափառական կեանքը և որսի ու ապրուստի համար

տեղից տեղ քոչելու վաղեմի սովորութիւնը) հաստատուել են աւաններում զբաղւելով երկրագործութեամբ ու խաշնարածութեամբ:

1337 թւին (1959 թ.) իրանցի և ամերիկացի մի շարք հնաբաններ Հասանլու աւանում, որ գրտնւում է Իրանի հիւսիս արևմտեան նահանգ՝ Ատրըպատականում, յաջողեցին յայտնաբերել մի անուն՝ ձին հետաքրքրութիւն ներկայացնող ոսկեայ թաս: Մասնագէտների կարծիքով դա կարելի է համարել երկրի շերտերից ցայժմ պեղւած ամենամեծ յայտնագործութիւններից մէկը: Ոսկեայ թասը և այն շէն ամրոցը, ուր գտնւել է թասը, վկայում են մի ժողովրդի գոյութեան մասին, որի պատմութիւնը անծանօթ է բոլորին: Թւում է, որ Թ. դարում (Ք.Ա.), հարևան ցեղերի ասպատակութիւնների հետևանքով իսպառ բնաջնջւել է յիշեալ ժողորուրդը: Իմ կարծիքով այս դիպածը գալիս է ասպցուցելու, որ անտիկ մշակոյթի մասին ունեցած մեր տեղեկութիւնները թերի են ու ազգատ:

Հաւանաբար Քրիստոսի ծնունդից հազար հինգ հարիւր տարի առաջ նորաստեղծ Արիա ցեղը մուտք գործելով Իրանի բարձրաւանդակը, միացել է բնիկներին: Ճիշտ է, սա չի ասպցուցւել վերջնականապէս, բայց կան տւեալներ այն մասին, որ Արիա ցեղը Իրան է գաղթել Ռուսիոյ հարաւային շրջաններից: Ինչևիցէ, այս ժողովուրդը իր անունով կնքեց իմ երկիրը՝ կոչելով Իրան, այսինքն արիաների բնակավայր: Արիաները Իրանում բաժանւեցին երկու

ցեղի՝ Մադեր և Փարսեր, որի մասին նշած է Հին Կտակարանում:

Մադերի մեծամասնութիւնը հաստատուեց Իրանի հիւսիս արևմտեան շրջաններում. հարաւային շրջաններում բնակւեցին փարսերը: Քաղաքակրթութեամբ և մշակոյթով մադերը գերազանցում էին փարսերին: Նրանք ունէին ձիեր, նախիրներ, ոչխարի ու այծի հօտեր, պատերազմական կառքեր և պահապան շներ: Կարողանում էին գրել ու կարգալ: Զ. դարում (Ք.Ա.), կամ Հռոմի հիմնադրումից աւելի քան հարիւր յիսուն տարի առաջ, մադերը կազմելով մի լայնատարած կայսրութիւն, հպատակեցրին փարսերին և բազմաթիւ մանր ցեղերի: Կառուցեցին Հեքմաթանէ (Նկբատան) գեղեցիկ մայրաքաղաքը, որը գտնւում է ներկայիս Համադան քաղաքի մերձակայքում:

Փարսերը թէև համարւում էին մադերի հպատակները, այսուամենայնիւ ունէին թագաւոր: Գրանցից մէկն էր Սիրուս կամ Կիւրոս առաջինը, որը հիմնեց Հախամանշի թագաւորութիւնը: Կիւրոսը թագաւորեց 559-ից մինչև 529-ը (Ք. Ա.), և ճանաչւեց աշխարհի պատմութեան գործունեայ և կորովի այրերից մէկը: Գրաւելով մադերի մայրաքաղաքը և վերացնելով նրանց կառավարութիւնը, նա հիմք դրեց աշխարհի (ըստ ոմանց կարծիքի ամենաառաջին) անկախ պետութիւններից մէկին: Իրանին վերջնականապէս տիրելուց յետոյ, Կիւրոսը ընդլայնեց իր երկրի սահմանները և ստեղծեց ընդարձակ մի տիրապետութիւն: Պատմութիւնը վկայում է, որ նրա

և իր որդու Քամբուշիէի թագաւորութեան օրօք Իրանի կայսրութիւնը աշխարհում ամենամեծն էր ու ծաւալունը, այնպէս որ նախքան այդ թաւականը մարդկութիւնը չէր տեսել նման մի բան: Այս մասին «Կարաւան» խորագրով գրքի մէջ Դր. Քանը գրում է. «Հախամանեշեան կայսրութիւնը ամենահնագոյնն է և իսկականը, որովհետեւ դրա մէջ էին մտնում ինքնիշխան բազմաթիւ պետութիւններ և հպատակում էին մէկ Շահնշահի: Թէև էնիոլիթեան (քարէ-պղնձէ) դարում Եգիպտոսում, Սումերում և Բաբելոնում գոյութիւն ունէին մանր ու խոշոր տէրութիւններ, սակայն դրանց պակասում էր այն կազմակերպչականութիւնը, որ ստեղծել էին իրանցիները կապի և հաղորդակցութեան խնդրի դիւրացման շնորհիւ: Ինչ խօսք՝ մի այսպիսի լայնատարած կայսրութիւն դեկավարելու համար անհրաժեշտ էր նման հաստատուն կազմակերպչականութիւն: Չինաստանում դա ստեղծւեց աւելի ուշ՝ Հախամանեշեան թագաւորութեան հիմնադրումից երեք հարիւր տարի յետոյ»:

Իրանի կայսրութիւնը, որի հիմնաքարը դրւեց Կիւրոս Մեծի ձեռքով, ոչ միայն չէր կրում աշխարհակալական բնոյթ, այլև դրա բաղկացուցիչ տարրերն էին միջագային արդարութիւնն ու խաղաղութիւնը: Յարգում էին հպատակ երկրների իրաւունքները, սովորութիւններն ու օրէնքները: Հետևաբար կարելի է ասել, որ մեր առաջին կայսրութեան հանգամանքը նոյնն էր, ինչ որ՝ Միաւորւած Ազգերի Կազմակերպութեանը այսօր, որ վերստին հիմնւել է

աշխարհում, 2500 տարի յետոյ:

Քամբուշիէին յաջորդող արքաների մէջ նշանաւոր են՝ Դարեհ Ա.-ն և Սեշտարշան: Իրանի ընդարձակ տերիտորիան կառավարելու խնդրում նրանք դրսևորեցին այնպիսի տաղանդ, լուսամտութիւն և արժանաւորութիւն, որ քաղաքակիրթ աշխարհը դա կարող է վերագրել սոսկ Իրանի ժողովրդին: 500 թ. (Ք. Ա.) Իրանի Շահնշահութիւնը հասաւ իր հզօրութեան գագաթնակէտին: Նա իր մէջ էր ընդգրկում ներկայիս Միջին Արևելքի խոշորագոյն մասը (բացի Արաբական թերակղզուց) և ուրիշ մեծ տարածութիւններ: Նրա արևելեան սահմանները հասնում էին Հնդկաստանում Սենդ գետին, հիւսիսային սահմանները՝ Ռուսիոյ հարաւային շրջաններին, իսկ արևմուտքում ընդգրկում էր Միջերկրական ծովի առափնեայ երկրները, Յունաստանի հիմնական մասը, ամբողջ Թուրքիան և Եգիպտոսը:

Իրանի Շահնշահութեան սահմանները, ինչպէս Հռոմէական Կայսրութեանը, որ հզօրացաւ 115 թ. (Ք. Ա.), ժամանակի ընթացքում թէև կրում էր փոփոխութիւններ, այսուամենայնիւ երկու յաջորդական դարեր տարածւում էր ժամանակի քաղաքակիրթ աշխարհի ամենամեծ տարածքի վրայ: Շահնշահութեան իրական խորհուրդն ու իմաստը ամենացայտուն կերպով դրոշմւած է Դարեհ Ա.-ի՝ պատմութեան հռչակաւոր վետերանի (521—485 թ.) (Ք. Ա.) դամբարանի փորագրւած քարերից մէկի վրայ: Այնտեղ կարդացւում է. — «Ես, Դարեհս, Իրանի մեծ արքան եմ

և Շահնշահնեմ զանազան ազգերի և թագաւորում եմ հեռուները տարածող այս մեծ աշխարհի վրայ», 331 թ. (Ք. Ա.), Ալեքսանդր Մակեդոնացին գրաւեց Իրանը: սակայն ութ տարի յետոյ, երբ վրայ հասաւ նրա մահը, յոյները չկարողացան պահպանել նորաստեղծ իշխանութիւնը: Մակեդոնացու իշխաններից Սելևկոսին յաջողեց Շահնշահութեան մասերից մէկում, որի մէջ էր մտնում նաև Իրանը, ստեղծել անկախ թագաւորութիւն, որը յարատեւեց մէկ ամբողջ դար: Թէև տւեալ իշխանութեան կազմաւորմանը հիմք էր ծառայում Իրանի բռնագրաւումը յոյների ձեռքով, բայց իրականում այդ յոյներն էին, որ ընդունեցին իրանական սովորոյթները, ամուսնացան իրանցի կանանց հետ, երկիրը կառավարելու համար դիմեցին իրանցիների օգնութեան և վերջապէս լուծեցին իրանական մշակոյթի ու քաղաքակրթութեան մէջ:

Մօտաւորապէս 248 թւին (Ք. Ա.), արիական քաղաքակիրթ ցեղերից փարթերը (պարթև), որ բնակւում էին Իրանի հիւսիս-արևելեան շրջաններում, տապալելով Սելևկոսի յետագայ ժառանգների տիրապետութիւնը, աւելի քան չորս դար իշխեցին Իրանի վրայ: Սրանց ևս վիճակած էր ընկնել իրանական մշակոյթի ազդեցութեան տակ: Կարճ ժամանակում նրանք իւրացրին իրանական բարձրն ու սովորոյթները, պաշտեցին իրանական շաստածներ և կիրառեցին Հախամանեշեան շրջանի շատ ու շատ օրէնքներ:

Փարթերի տիրապետութեան շրջանը Իրանում

համարւում է նացիոնալիզմի ոգու կենսագործման շրջան: Այս շրջանում տեղի ունեցած Իրան-Բիւզանդիա պատերազմները, որ երեք դարի տևողութեամբ շարունակեցին անընդմէջ: Բիւզանդիոնը կամենում էր Հռոմէական Կայսրութեան սահմանները տարածել դէպի արևելք և հանդիպում էր փարթերի ուժեղ դիմադրութեան: Սրանք օժտւած լինելով ծանրագէն այրուձիով, որ յետագային օրինակ ծառայեց Միջնադարի ասպետներին, լիովին գերակշռում էին հռոմէական ոյժերին: Ի վերջոյ նրանք ստիպւած եղան ընդօրինակելու փարթերի մարտական հնարքներից: (Հարկաւ սա առաջինը չէր, — յոյների դէմ մղած մարտերի ընթացքում, Սեշաեարշան օգտագործեց նաւակներից կառուցւած ծովային կամուրջ, որպէս հետևակ ոյժերի փոխադրական միջոց, — դրանից չորս դար յետոյ Աննիբալն ու Կեսարը ևս շահագործեցին տւեալ եղանակը): Ինչևիցէ, Իրան-Հռոմ Կայսրութեանց սահմանը ճշտորոշւում էր Եփրատ գետով, որ այսօր հոսում է Սուրիայի և Իրաքի տերիտորիաներում:

Հռոմի ճնշումների դէմ լուկ իրանցիներն էին, որ դիմացան դարեր շարունակ և Բիւզանդիոնի բոլոր փորձերը, Իրանին վերջնականապէս տիրապետելու խնդրում, մնացին ապարդիւն:

224 թւին փարթերի հպատակութեան տակ գտնւող Իրանի հարաւային նահանգներից՝ Փարսի արքայ Արդաշիրը ապստամբեց նրանց դէմ և երեք մեծ ճակատամարտերից յետոյ, որ տեւեց մինչև 226 թիւը, սպանելով փարթերի թագաւոր Արդաւանին՝

հիմնեց Սասանեան հարստութիւնը: Իսկ յարատեւեց աւելի քան չորս հարիւր տարի, այսինքն Միացեալ Նահանգների պատմական շրջանի երկու անգանը և կամ Անգլիայի Էլիզաբեթ Թագուհու Թագաւորութիւնից ցայժմ:

Սասանեանների օրօք վերականգնեց Հախամանեշեան շրջանի փառքը: Իրանի մշակոյթն ու արւելստը մի անգամ ևս հասաւ իր մեծութեան գագաթնակէտին, ստեղծելով այն բոլոր վերելքներն ու գիւտերը, որ մեզ տւել են ճանաչում և հռչակ: Այս շրջանում Իրանի պաշտօնական կրօնն էր զրադաշտականութիւնը:

Սասանեանները հիմնում էին ամուր և դիմացկուն կառոյցներ, և դեռևս երկրի շատ կէտերում նըշմարուում են այս շրջանում կառուցւած պալատների, տաճարների և բերդերի աւերակներ:

Սասանեանների մեծ արքաներից մէկն էր Խոսրով Անուշիրւանը (531 — 579): Նրա Թագաւորութեան օրօք շինարարութիւնը զարգացաւ թէ՛ Իրանում և թէ՛ Իրանից դուրս: Կառուցւեցին ճանապարհներ, կամուրջներ, քարւանսարաններ, ուր հանգրւանում էին յոգնած կարաւանները: ջրի ամբարտակներ, որ նպաստում էին գիւղատնտեսութեան ընդլայնմանը և այլն:

Հռոմ-Իրան պատերազմներում յաղթանակի նըժարը յաճախ թեքում էր Սասանեանների կողմը: Շապուհ Ա.-ն պարտութեան մատնելով Վայրիան կայսեր՝ գերեվարեց ու բանտարկեց նրան: Սակայն

ընդհանրապէս անփոփոխ էր մնում Իրանի սահմանը Հռոմի հետո, որ ճշտւել էր փարթերի ժամանակից: Այլ էր Իրանի միւս սահմանների վիճակը: Անուշիրւանը հիւսիսից մտաւ Ռուսիա, իսկ արևելքում տիրացաւ ներկայ Աֆղանիստանին: Ապա արշաւելով Արաբիայի վրայ և պարտութեան մատնելով արաբական զօրքերին, առաջացաւ մինչև ներկայ Եամանի սահմանները, այսինքն արաբական թերակղզու վերջաւորութիւնը:

Գ. դարում Բիւզանդիան քրիստոնեայ դառնալուց յետոյ, Իրան-Հռոմ բաղխումները ստացան կրօնական բնոյթ, որով Հայաստանը դարձաւ երկու կայսրութիւնների կուածադիկը:

Այս միջոցում, աստիճանաբար ուժեղացող թիւրք ցեղերը բարեկամութեան դաշն էին կուում մերթ Իրանի, մերթ Բիւզանդիայի հետ: Երկարատեւ պատերազմները ի վերջոյ ջլատեցին երեքի ոյժերն էլ, իսկ Իրանի ներքին կազմակերպչականութեան, ինչպէս նաև զրադաշտ հոգևորականութեան մէջ երևան եկան ապականութիւն ու խռովարարութիւններ: Հետևանքը եղաւ այն, որ 641 թւականին, իսլամ արաբները մտնելով Իրան պարտութեան մատնեցին Իրանի շահնշահական զօրաբանակին:

Ուրիշ նւաճողների պէս՝ արաբների համար ևս, և աւելի մեծ չափանիշով, պարզ դարձաւ այն իրողութիւնը, որ իրանցու ոգին անսասան է և անպարտելի: Եթէ հիմնովին ոչնչացաւ զրադաշտական կրօնը և դրան հաւատարիմ մնացին սոսկ մի բուռ իրանցիներ, ապա ամեն դէպքում Իրանի մշակոյթն

ու քաղաքակրթութիւնը յաղթական դուրս եկաւ: Հետեւաբար բնական էր, որ կառավարութեան, գիտութեան, արւեստի և այլ բնագաւառներում իրանցիները դառնային գլխաւոր գործօններ: Պա ինքնըստինքեան գալիս էր վաւերացնելու արաբ գիտնականներ՝ Իբն Սեյդունի և Մասուդիի այն արտայայտութիւնը, թէ իրանական քաղաքակրթութիւնը գերակշռում է արաբականին:

Ազգայնական մօտիւնների խնդրում ևս իրանցիները չյանձնեցին արաբներին: Դրա լաւագոյն ապացոյցը նրանց միակամ ըմբօստացումն էր սոննի աղանդի դէմ: Շիա իրանցիները չէին բաժանում սոննիների այն տեսակէտը, թէ Մուհամմեդի յաջորդներն են առաջին երեք խալիֆաները, այլ պնդում էին (և հիմա էլ պնդում են), որ իսլամ մարգարէի իրական ժառանգորդը նրա փեսան՝ Ալի էքնէ Աբի Քալէբն է: Սրա որդին համարում է շիաների երրորդ իմամը և ամուսնացել էր արաբական արշաւանքի ընթացքում զոհւած պարսից շահի դստեր հետ:

Ընդհանուր առմամբ իմ ժողովրդի մեծագոյն մասը պատկանում է Շիա աղանդին: Մենք աշխատում ենք կարևորութիւն չտալ իսլամ աղանդների տարաձայնութիւններին, ընդհակառակը՝ մեզ համարում ենք անդամ 400 միլիոնանոց իսլամական ընտանիքի, որ ամենամեծն է քրիստոնէութիւնից յետոյ:

Վեց հարիւր տարի շարունակ՝ 651-ից մինչև

1258 թիւը արաբները իշխեցին Իրանի վրայ: Իրանցիների ըմբօստացումը արաբ գերիշխողների դէմ սկսեց աստիճանաբար և ստացաւ համերկրային բնոյթ: Այտեղ ու այնտեղ երևան եկան ինքնիշխան պարագլուխներ, որոնք եթէ առերես ենթարկւում էին արաբներին, ապա օր աւուր ընդլայնում էին սեփական անկախութիւնը: Դրանով իսկ իրականում արաբական գերիշխանութիւնը Իրանում տևեց ոչ աւելի քան երկու հարիւր տարի: Այս շրջանի ամենամեծ թագաւորութիւններից մէկն էր Ղազնաւի հարստութիւնը, որ նոյնիսկ խորացաւ Հնդկաստանի տիրապետութեան մէջ: Ժամանակի արքաները քաջալերիչ դեր ունեցան պարսիկ գրականութեան ծաղկման խնդրում, Վեց դարի ընթացքում երևան եկան մեծ թւով բանաստեղծներ ու վիպագիրներ, որոնցից նշանաւոր է Իրանի հռչակաւոր բանաստեղծ՝ Ֆերդուսին:

Իրանը իր ամբողջականութիւնը վերստացաւ ԺԱ. և ԺԲ. դարերին Սելջուկների թագաւորութեան օրօք (ցեղ՝ կենտ. Ասիայից): Սելջուկները տիրացան Եգիպտոսին ու Սիւրիային և Իրանի Շահնշահութիւնը հասցրին իր նախկին մեծութեան ու փառքի մակարդակին: Սելջուկների օրով մեծ չափերով զարգացան գիտութիւնն ու արւեստը: Նշանաւոր բանաստեղծ, մաթեմատիկոս, աստղագէտ Հեքիմ Օմար Սայեամը մէկն է այս շրջանի բազմաթիւ այն գիտնականներից, որոնք վայելում էին շահերի սէրն ու հովանաւորութիւնը:

Սելջուկների իշխանութիւնը ընկաւ մոնղոլ-

ների սանձարձակ ասպատակութիւնների հետեւանքով: Այս իրադարձութիւնը կարելի է իրաւամբ կոչել մեր և Միջին Արևելքի այլ երկրների պատմական ամենամեծ աղէտը: Երբեմն զարմանում եմ, թէ ինչո՞ւ մոնղոլական առաջնորդ Չինգիզխանը (1220 թիւն գրաւեց Իրանը) մարդկութեան աչքում համարում է առասպելական մի անձնաւորութիւն: Արդե՞օք հնարաւոր է մոռանալ նրա և իր արիւնհարբու գորաբանակների ոչ մարդկային և անգութ կոտորածներն ու կողոպուտները: Մեր յառաջադէմ քաղաքները վերածւեցին աւերակոյտերի, չխնայւեցին անմեղ ու անպաշտպան հազարաւոր կանայք ու երեխաներ:

Մոնղոլների գերիշխանութիւնը Իրանում տևեց մէկ դար: Դրան յաջորդեց թեմուր Լէնգի արշաւանքը: Սա էլ որ Կենտր. Ասիայի թուրքմէններից էր և սերում էր մոնղոլ ցեղից, իր գազանային ոճիրներով պակաս չլինելով Չինգիզխանից՝ պատմականօրէն դարձել է լեգենդար անձնաւորութիւն...

Թեմուրի և իր յաջորդների իշխանութիւնը շարունակւեց մինչև նոր ցամաքամասի յայտնաբերումը Քրիստափոր Կոլումբոսի կողմից:

Բարբարոս ցեղերի կոտորածների հետեւանքով երկրի ժողովուրդը նւազեց միլիոններով, բայց հրաշքով գոյատևեցին մեր քաղաքակրթութիւնն ու մշակոյթը, անցնելով նոյնիսկ գարդացման շատ փուլեր: Այսպէս՝ հիմնւեցին աստղադիտարաններ, մասթեմաթիքական գիտութիւնը նւաճեց փայլուն յաջողութիւններ, երևան եկան բազմաթիւ բանաստեղծներ յան-

ձինս Սաադիի, Հաֆեզի և այլոց, որոնք գրական աշխարհին պարգևեցին անմահ ստեղծագործութիւններ: Այս բոլորը շարժառիթներ էին, որ մի անգամ ևս մեր մշակոյթն ու քաղաքակրթութիւնը յաղթէ նւաճողներին. դեռ աւելին, քաղաքակիրթ դարձնելով նրանց ստիպէ, որ կատարւած ոճիրների ու աւերածութիւնների յանցանքը քաւեն՝ գիտնականներին սիրաշահելով, նոր ու գեղեցիկ ապարանքներ կառուցելով և այլ բարեգործական աշխատանքներով: Մեր գիրն ու գրականութիւնը տարածւեց Հնդկաստանում ևս: Մօտ հինգ դար պարսկերէնը դարձաւ Հնդկաստանի գրական լեզուն և մեր գրական գլուխգործոցները արժանացան հնդիկ ժողովուրդի լայն ընդունելութեանը: Այս վիճակը յարատևեց մինչև անգլիական ազդեցութեան տարածումը Հնդկաստանում: Օրդու լեզուն, որով ներկայումս խօսում են միլիոնաւոր հնդիկներ, մօտիկ է պարսկերէն լեզւին և հարստացել է դրանով:

877 թիւն (Հեջրաթի), իրանցի հերոսները վերջ տալով օտարների իշխանութեանը՝ հիմքը դրին Սեֆեան թագաւորութեան: Որոշ պատմաբաններ այն կարծիքին են, թէ Սեֆեանները սերում են մեծ մարգարէի ընտանիքից: Ինչևիցէ, նրանք հէնց հիմնադրման օրերից Իրանի պետական կրօնը հռչակեցին շիա աղանդը և մեծ եռանդով տարածեցին ժողովրդի մէջ:

Սեֆեան ընտանիքի ամենանշանաւոր ղեմաքերիցն է Շահ Աբբաս Մեծը, որ թագաւորեց 965 թից

մինչև 1007-ը (1585 – 1629): Սրա օրով Իրանում սկսեց անդորր ու խաղաղ կեանք, որից զուրկ էր ժողովուրդը երկար դարեր: Համայն աշխարհում տարածեց նրա հոյակապ մայրաքաղաք Իսպահանի հռչակը: Շահ Աբբասը երկրի գրսից ու ներսից համախմբելով հմուտ արհեստաւորներին, զարկ տւեց գորգագործութեանը, ջուրհակագործութեանը և այլն: Սեֆեան շրջանի մետաքսէ գորգերը, ոսկեգործ թաւիշը, մետաղէ, խեցիէ և մոզայիկի ձեռագործները, մասնաւորաբար այս շրջանի ճարտարապետական ինքնատիպ ոճերը անմրցելի են մնացել աշխարհում:

Շահ Աբբասը կառուցեց ճանապարհներ, կամուրջներ և Կիւրոս Մեծի պէս, նրանից առաջ, և հայրս նրանից յետոյ, աւազակութիւնն ու անարխիան արմատախիլ արեց ողջ երկրում: Նա անդլիացի Շերլի եղբայրների օժանդակութեամբ ստեղծեց Իրանի նոր զօրաբանակը, որով ընդմիշտ ոչընչացրեց մանր ու խոշոր իշխանութիւնների սիստեմը:

Կարող թագաւոր էր Շահ Աբբասը, բայց ցաւօք սրտի քինախնդրութեամբ էր տրամադրւած հանդէպ իր իսկ հարազատ ընտանիքի և դա արտայայտում էր անգթօրէն ու անողոք: Հետևանքը եղաւ այն, որ նրա զաւակները չդաստիարակւեցին ըստ կարելոյն Իրանի գահ ու գայիտոնի արժանի ժառանգորդները լինելու խնդրում: 1119 (1722 թ.) թւին աֆղանները մտան Իրան: Ճիշտ է, կարճ տևեց նրանց իշխանութիւնը, և անմիջապէս վտարւեցին Իրանից, բայց այդ կարճ ժամանակն էլ բաւական էր յարաբերա-

կան յետադիմութեան ու թերացումների համար: 1113 թւից ի վեր հասարակ ընտանիքից սերած մի իրանցի իշխան օգտւելով Սեֆեանների թուլութիւնից՝ ապրստամբեց նրանց դէմ և Նադիր Շահ անունով հիմնեց Աֆշարեան հարստութիւնը:

Նադիր Շահը յայտնի է որպէս Իրանի Նապոլէոն: Երկրից դուրս վտարելով որոշ տարածութիւններ բռնագրաւած աֆղաններին, թիւրքերին և ռուսներին, նա կազմեց կենտրոնական ազդեցիկ կառավարութիւն, որով մի անգամ ևս հաստատեց մեր երկրի ամբողջականութիւնը: Նադիր Շահը արշաւեց Հնդկաստանի վրայ, խորացաւ մինչև Գեհլի և փառաւոր յաղթութիւններից յետոյ վերադարձաւ Իրան:

Աֆշարներին յաջորդեց Չանդիէ թագաւորութիւնը: Սրանց օրով Իրանը վայելեց խաղաղ ու անդորր մի ժամանակաշրջան: 1172 թւին (Հեջրաթի) Կասպից ծովի արևելեան մասերից գլուխ բարձրացրեց թուրք ծագումով իրանցի մի իշխան՝ հիմնելով Կաշար իշխանութիւնը:

Մինչև 1304 թիւը յիշեալ իշխանութիւնը կացութեան տէրն էր: Այս թւին տեղի ունեցաւ նրանց անկումը՝ հօրս ձեռքով: Իրանի պատմութեան թերևս ամենաթոյլ թագաւորութիւններից մէկն է Կաշարիէն: Օտարների ազդեցութեան դէմ նրանք հանդէս եկան անփոյթ ու թոյլ քաղաքականութեամբ, որի հետևանքով աւելացաւ օտար միջամտութիւնները երկրի ներքին խնդիրներում: Պետական հարցերում նրանք լայն ասպարէզ շնորհեցին հոգևորա-

կանութեան, բայց անկարող եղան զսպելու աւագա-
կութիւնն ու լեռնաբնակներին: Վերջին թագաւոր-
ներից ոմանք չունենալով քաղաքական լուրջ ուղ-
ղութիւն ու նպատակ և դեռ աւելին լինելով՝ շայտ
ու վատնող, մասնաւորաբար հսկայ ծախսերի գնով
արտասահման կատարած անօգուտ ճանապարհորդու-
թիւնների հետեանքով երկիրը մատնեցին աղքատու-
թեան և ստիպած եղան դիմելու օտարների կրկնակի
նիւթական աջակցութիւններին:

Չեմ ցանկանում սրանից աւելի սրութեամբ ու
անողոքաբար արտայատուել Կաջարների մասին, որ-
պէսզի չստացւի այն տպաւորութիւնը, թէ մտադիր
եմ պաշտպանելու հօրս որդեգրած վերաբերմունքը
նրանց հանդէպ: Իմ կարծիքով, Կաջար թագաւորնե-
րից ոմանք կարկառուն անձինք էին: Օրինակ՝ Աղա
Մոհամմադ Սանը, որ թէև ճանաչուել է որպէս արիւ-
նարբու և դաժան անձնաւորութիւն, այսուամենայնիւ
արի ու արժանաւոր մարտիկ էր, որ կարողացաւ պահ-
պանել երկրի ամբողջականութիւնը:

Նասրեդդին Շահը Իրանի առաջին արքան էր,
որ ճամբորդեց Եւրոպա: Ուշագրաւ են նրա ճանա-
պարհորդական նոթերը: Օրինակ, երբ առաջին ան-
գամ տեսաւ շոգեքարշը ընթացքի պահին, ինքն իրեն
մտածեց, որ ձի են թաքցրել դրա մէջ: Հետագային
շոգեքարշի տեսնիկական կառուցւածքի մասին գաղա-
փար կազմելով, հմայեց այնքան, որ հրաւիրեց Բել-
գիացիներին՝ Թեհրանի ու Ռէյի միջև հիմնելու 9
կիլոմետր երկարութեամբ երկաթուղագիծ. նոյնպէս

կարգադրեց որ պալատական կանայք հագնեն բալետի
պարուհիների տարազով, որը հարկաւ ընդունելու-
թեան չարժանացաւ:

Որքան դիտեմ, Արևելքի և Արևմուտքի պատ-
մաբանները չեն արժէքաւորում Կաջարների շրջանը,
բայց չպիտի անտեսել այն իրողութիւնը, որ այս ժա-
մանակաշրջանը զուգադիպում է Ռուս-Անգլիա գաղու-
թարարային քաղաքականութեանց մրցակցութեանը:
Ի հարկէ չի կարելի հերքել, որ Ռեզաշահը առաւել
հմտութիւն ու ողջմտութիւն ցուցաբերեց իմպերիա-
լիստական սպառնալիքների չէզոքացման խնդրում:

Պիտի նշել նաև, որ Կաջար թագաւորութեան
երկարատև ժամանակաշրջանում, երբ Ամերիկայի
Միացեալ Նահանգներն ու Եւրոպան հսկայ քայլերով
անցնում էին զարգացման ու յառաջադիմութեան
փուլերից, Իրանը տեղքայլի մէջ էր: Կաջար արքա-
ները լիովին թերացան իրենց պարտականութիւն-
ների մէջ. նոյնիսկ այն օրերին, երբ Իրանը բնա-
կանաբար պիտի ներդաշնակէր գիտութեան ու տեխ-
նիկայի նոր նւաճումներին:

Հայրս, Փեհլևի թագաւորութեան հիմնադիրը
(այս անունը գալիս է պարթերից, այսպէս էր կոչու-
մ նաև պարսկերէնը հնում), անդրադառնալով վիճակի
անմխիթար լինելուն՝ մեծ յեղաշրջումներ մտցրեց
Իրանի տնտեսական և հասարակական կեանքի մէջ:
1320 թվին, հօրս գահն ու գայիսունը ժառանգելուց
յետոյ, ես ևս հետապնդեցի նոյն քաղաքականութիւնը
կարևոր փոփոխութիւններով, որոնց պիտի անդրա-

դառնամ հետագային:

Այսօր իմ երկրում զուգորդւած է արևելեան և արևմտեան քաղաքակրթութիւնը: Երբ Ալեքսանդր Մակեդոնացին հրդեհում էր Պերսեպոլիսը նրա բանակները խորանում էին երկրի մէջ, դարեր էին անցել Իրանի առաջին Շահնշահութեան հիմնադրումից: Այսօր Պերսեպոլիսի աւերակների մօտ: ուր անհերքելիօրէն աւելի փառաշուք են ու հնամենի քան Հրոմի աւերակները, նշմարւում են ներկայ Իրանի յառաջադիմութեան ու զարգացման փաստացի նմոյշները:

Պերսեպոլիսից քիչ հեռու փռւած Իրանի հարաւային քաղաքներից Շիրազում, նստում էք խայտաբղէտ մարգագետինների եզերքում և հոգեկան զմայլանքով ունկնդրում վեց հարիւր տարի առաջ ստեղծւած՝ բայց դեռ թարմութիւնը պահած՝ Հաֆեզի հոգեպարար քառեակները, մինչ լազուր եթերում մեղմօրէն տարածւում է դարեր շարունակ իրանցի պոէտներին ներշնչող շիրազեան սոխակի դայլալը:

Եթէ բնութեան հրաշալիքները հոգեկան սնունդ են պարգևում այցելուներին, ապա դրանց գուգընթաց նշմարելի է Միջին Արևելքի ամենահոյակապ հիւանդանոցներից մէկը, ինչպէս նաև ջրի արդիական գտարանը, որ հիմնել ենք Շիրազում (հարկ է նշել, որ յիշեալ երկու հաստատութիւնները կառուցւել են մի իրանցի բարերարի նիւթական աջակցութեամբ, որ հարստութիւն է կուտակել Նիւ-Եորքում և դա մատուցել է հասարակական կեանքի բարելաման

խնդրում տարւող ծրագրներին): Մտադիր ենք Շիրազում հիմնելու նաև մի արդիական համալսարան իրանական տարագով, ուր պիտի գործադրւի ամերիկեան սիստեմ:

Շահ Աբբասի շքեղ մայրաքաղաք Իսպահանում դեռևս ցորենը աղում են չորքոտանիների միջոցով (հին սովորութեան համաձայն, աշխատանքի պահին փակում են տաւարի աչքերը, որպէսզի աղօրիքի պտոյտի հետեանքով գլխապտոյտ չունենայ): Հին արծաթագործների արւեստի նմոյշներ կարելի է տեսնել նոյն քաղաքում: Շահ հրապարակը, ուր Շահ Աբբասը ականատես էր լինում ճոկանախաղերի, իր ճարտարապետական անմրցելի համալիրով հիացմունք է յարուցում դիտողների մօտ: Այսօ Իսպահանում գոյութիւն ունեն մանւածեղէնի ու գործւածքեղէնի բազմաթիւ գործարաններ, որոնք կառավարւում են օտարագրի ինժիններների ու մասնագէտների ջանքերով: Դիտողի սուր աչքից չեն վրիպի նաև քաղաքի բարեգարգման համար տարւող աշխատանքները: Դեռևս ուղտի կարաւաններ են տեսնւում Թեհրանի արուարձաններում. դրանք երկրի հեռաւոր կէտերից զանազան ապրանքներ են փոխադրում քաղաք: Լուսնեակ գիշերներին որքան զմայլելի է կարաւանների երթը, միախառնւած զանգերի միալար դողանջին: Թեհրանի մերձակայ այգիները գերում են զբօսանքի դուրս եկած մարդկանց սրտերը: Թովիչ է դրանց բնութիւնը, առւակների խոխոջիւնը, երկնասլաց բարդիները, որոնց արանքից նշմարւում են

Ալբերդ լեռնաշղթայի ձիւնապատ կատարները: Իսկ քաղաքում յառնում է հօրս ջանքերով կառուցած Թեհրանի համալսարանը, 11000 ուսանողութեամբ, հեռուստատեսի պաստառի վրայ կը տեսնէք համալսարանի յարակից հիւանդանոցում տեղի ունեցող վիրահատութիւնը: Ծանօթ հարագատի դիմաւորելու համար երբ գնում էք Թեհրանի շքեղ ու արդիական միջազգային օդանաւակայանը, ուր հանգրւանում են ջեթ տեսակի վիթխարի ինքնաթիռները անցնում էք լայն պողոտաներով, որոնց աջ ու ձախ կողմերին հանդիպում են նոր ու գեղեցիկ վաճառատներ, Փարիզի վերջին նորաձեւութիւնների համաձայն հագնւած կանայք կամ ծածկոցով պարուրւած խանութներ:

Յետագայ գլուխներում որոշակիօրէն պիտի անդրադառնամ իմ այն յոյսին ու նպատակին, որ փայփայում եմ՝ մեր նոր ժամանակաշրջանի վերելքները և հինաւուրց մշակոյթն ու արւեստը միաժամանակ պարունակող մի երկրի ստեղծման ճանապարհին:

Ինչպէս նշել է նախօրօք, մենք օժտւած ենք աշխարհի ամենահին ու անընդմէջ քաղաքակրթութեամբ: Մեր ժողովուրդը ցեղային ու լեզուական առումներով կապւած է արևմտեան ժողովուրդներին. շատ կէտերում, առանց չափազանցութեան կարելի է պսել, արևմտեան նորագոյն քաղաքակրթութիւնը պարտական է մեր մշակոյթին:

Այսօր ամենայն ուշադրութեամբ հետևում ենք արևմտեան նոր քաղաքակրթութեան նւաճումներին,

աւելացնելով դրանք մեր երկրի հարուստ գանձարանին: Եւ թող զուր չլիայ այն յոյսը, որ կը յաջողենք բաղդատել արևելեան ու արևմտեան կուլտուրան: Իրանը ոչ միայն աշխարհագրական դիրքի շնորհիւ է յայտնւել Արևելքի և Արևուտքի խաչմերուկում, այլ շատ ուրիշ շարժառիթներ են նպաստել տեսալ դրութեան գոյացմանը:

Բ. Մ Ա Ս

ՀՕՐՍ ՁԵՌՔՈՎ ԿԱՏԱՐԻԱԾ ՅԵՂԱՇՐՋՈՒՄՆԵՐԸ ԻՐԱՆՈՒՄ

تحولاتی که پدوم در ایران ایجاد کرد

Երբ հայեացք եմ նետում մեր երկրի պատմական և արժէքաւոր անցեալին, ցայտուն որոշ կէտեր են գրաւում ուշադրութիւնս: Օրինակ, իրանցիները յայտնի են եղել իրենց անհատական ազատութեամբ: Ես դէմ չեմ նրանց, ովքեր Թեհրանի թաքսիների վարորդների սանձարձակ վերաբերմունքի մէջ են որոնում տւեալ ազատութեան խորհրդանիշը: (Այն օրը, երբ թաքսիների վարորդները գործադուլ յայտարարեցին, Թեհրանը թողնում էր լուութեան և ամայութեան մէջ թաղւած քաղաքի տեսք): Բայց կասկած չկայ, որ մեր երկրի հազարամեայ պատմու-

թեան մէջ անհատական ազատութիւնը շատ դէպքերում արտայայտել է առաւել խորութեամբ: Պատմական արշաւանքները և օտարնիրի ժամանակաւոր տիրապետութիւնները ի վիճակի չեղան ընկճելու իրանցու ոգին: Յիշեալ բնորոշումով մենք մօտ ենք Ֆրանսիացիներին (նրանց թաքսիի վարորդները անհատական ազատութիւնը ցուցադրելու խնդրում յետ չեն մնում մեր վարորդներից), ուստի՝ զուր չէ որ Իրանը համարւում է «Ասիայի Ֆրանսիան»: Այսպիսի նմանութիւն ունենք նաև ամերիկեան ժողովուրդի հետ, ըստ որում իրանցիներն ու ամերիկացիները մերւում են դիւրութեամբ: Հարիւրաւոր իրանցի ուսանողներ, որ ամեն տարի մեկնում են Ամերիկա, առանց բացառութեան գոհ են ու երջանիկ իրենց վիճակից, նոյնպէս Իրանում աշխատող ամերիկացիները ազատօրէն մասնակցում են մեր երկրի ժողովրդի հաւաքական կեանքին:

Իրանցիները հռչակւած են հիւրասիրութեամբ: Այս յատկանիշը ուսումնասիրելու համար, բաւական է այցելել աշխարհի ամենամեծ գրադարանները, որոնք լցւած են Իրանի մասին գրւած գրքերով (օրինակ՝ Բրիտանիայի թանգարանի գրադարանը կամ Ամերիկայի Կոնգրեսի գրադարանը), և բազմաթիւ օտարազգի զբօսաշրջիկների օրագրութիւններից նկատելի է Իրանցու այս բնութագիրը: Այսօր երջանիկ ենք, որ ժամանակի ընթացքում դա ոչ միայն

չի ոչնչացել, այլև նախկինից առաւել ցայտուն կերպով տարածած է մեր հայրենիքի նոյնիսկ գիւղերում և ավաններում:

Իրանի և Ամերիկայի նմանութեան տարբերակներից մէկն է և այն, որ Իրանը դարեր շարունակ զերծ է եղել դասակարգային և ցեղային խտրականութիւնից. երևոյթ, որ առկայ է շատ երկրներում: Ճիշտ է, մեր երկրում ոմանք օտուած են աւելի լայն առաւելութիւններով, ոմանք զուրկ են դրանցից և դա ստեղծում է ինչ որ գալի տարածութիւն, այդուամենայնիւ ինչպէս Ամերիկայում, այնպէս էլ Իրանում միշտ էլ եղել է այն հնարաւորութիւնը, որ արժանավայել անհատները ելնելով հասարակութեան խոնարհ խաւերից, նւաճեն բարձր կոչում և դիրք: Դրա լաւագոյն օրինակը՝ հայրս է: Դեռ աւելին, Իրանի պատմութեան էջերը լի են ուրիշ փաստերով, որոնք գալիս են ապացուցելու, թէ բազմաթիւ մեծ արքաներ, նախարարներ, գիտնականներ, բանաստեղծներ և գրողներ բարձրացել են հասարակ խաւերից, հասնելով ոյժի և հուշակի գագաթնակէտին:

Մենք երբևիցէ չենք համակրել ցեղային կամ կրօնական խտրականութիւններ. տարբերութիւն չենք դրել մարդկանց գոյնի մէջ: Ընդհակառակը, հուշակէլ ենք՝ տարբեր ցեղերի և կրօնների պատկանող զանաւածների մէջ համակերպութիւն և խաղաղութիւն ստեղծելու ուղղութեամբ: Մեր երկիրը ապահով ապաստան է եղել տարբեր ազգութիւնների տուժած հպա-

տակների համար: Կիւրոս մեծը 539 թւին Բաբելոնը նւաճելուց յետոյ, ազատ արձակեց Նաբուգոդոնոսորի միջոցով Երուսաղէմից գերւած ստրուկներին, որպէսզի նրանք հաւաքելով իրենց սրբազան մասունքները՝ վերաշինեն կործանւած սրբավայրերը: Ազատագրւած ստրուկները, ինչպէս նշւած է Թալմուտի մէջ (Թուրաթ) նւէր ստանալով Կիւրոսի գանձարանից՝ վերստին կառուցեցին աւերւած տաճարները:

409 թւին Յագկերտ Ա.-ի հրովարտակով ազատութիւն շնորհւեց քրիստոնեաներին՝ Իրանի Կայսրութեան բոլոր սահմաններում խաղաղութեամբ կատարելու իրենց կրօնական սովորութիւններն ու ծիսակատարութիւնները: Յաջորդ շրջանում, երբ բիւզանդացիները գրաւեցին Հայաստանը, մեր երկիրը դարձաւ հայ գաղթականների ապահով հանգրւանը: Շատ աւելի ուշ, 1917 թւականի Հոկտեմբերեան Յեղափոխութեան օրերին և դրանից յետոյ բոլշևիկեան տերրորի ու սարսափի շրջանում, հազարաւոր քրիստոնեայ ուսանողներ թողնելով իրենց ծննդավայրը՝ գաղթեցին Իրան և արժանացան մեր հայրենակիցների ընդունելութեան:

Թէև անցեալում որոշ անպատասխանատու անձանց ծայրայեղ հակուժների հետևանքով կրօնական փոքրամասնութիւնները ենթարկւել են անիրաւութիւնների, բայց, ընդհանրապէս, կարծում եմ, արեւմտեան պատմագիրները համակարծիք պիտի լինեն ինձ հետ, որ կրօնական և ցեղային փոքրամասնութեանց հանդէպ ցուցաբերւած մեր լաւ վերաբեր-

մուսնքով ու խաղաղ համակեցութեամբ, աւելի փայլուն անցեալ կարող ենք ունեցած լինել արևմտեան շատ երկրներին: Ըստ իս, այլ կրօնների և ազգութիւնների նկատմամբ որդեգրած բարի ու խաղաղասէր այս ընթացքը նպաստել է մեր մշակոյթի ու քաղաքականութեան զարգացմանը:

Ինչպէս նշեցինք նախապէս, թէև Իրանը դարերի ընթացքում հռչակել է որպէս պատերազմող երկիր, սակայն անհերքելի է, որ մեր հռչակը աւելի է համամարդկային քաղաքակրթութեան ու մշակոյթի վրայ ունեցած ազդեցութեան խնդրում: Այս առումով միշտ էլ յաղթել ենք մեզ նւաճողներին՝ դարձրել ենք նրանց քաղաքակիրթ, առել մեր մշակոյթի ազդեցութեան ներքոյ: Միով բանիւ եթէ երբեմն պարտել ենք ոսոխներից, ապա բարոյական յաղթանակը մնացել է մեզ:

Դեռ աւելին: Գարերի ընթացքում, կեանքի այլազան բնագաւառներում, լինի դա երկրի կառավարութեան, առևտրի, տնտեսութեան, գիր ու գրականութեան, նուրբ ճարտարարւեստի թէ ճարտարպետութեան մէջ, եղել ենք ղեկավարող ոյժը: Մի կողմից մեր մեծ արքաները ղեկավարել են Իրանի մեծ կայսրութիւնը՝ միւս կողմից զարկ են տւել ներքին բարեսիրական աշխատանքներին:

Հարկաւ չզրկուի անտեսել, որ տւեալ բնութագրի հիմքն է կազմում մեր կրօնական, ստեղծագործական և իմացական ոյժը: Իրանի մեծ մարգարէ Զրադաշտը իսլամութիւնից առաջ, ինչպէս ակնարկել

եմ առաջին գլխում, երբ խօսել է հոգու յաւիտենականութեան, լաւի ու վատի յարատեւ պայքարի մասին, ինքնըստինքեան դաւանել է քրիստոնէութեան որոշ հիմունքներ: Նա իր հետևորդներին քարոզել է առողջ մտածելակերպի, գեղեցիկ խօսքի և լաւ վերաբերմունքի երեք սրբազան պատւիրանները:

Գարեհ Մեծը քաջալերել է ճշմարտութիւնը և պախարակել սուտը: 521 թւին (Ք.Ա.), նա սրբագործեց հետևեալ խօսքերը. — «Ես սիրում եմ արդարութիւնը, ատում եմ յանցանքը և գոհ չեմ բարձր խաւերի բռնակալական ընթացքից՝ հանդէպ ցածր խաւերի,

«Առանց զօրքի, — ասել է Սասանեան թագաւորութեան հիմնադիր Արդաշիր Ա.-ն, — ոյժ չի ստեղծւում, առանց դրամի զօրք չի կարող գոյութիւն ունենալ, առանց երկրագործի դրամ չի գոյանայ և առանց արդարութեան երկրագործութիւնը չի զարգանայ:

Սասանեան հարստութեան մեծ արքաներից Խոսրով Անուշիրաւանը ևս, թէև երբեմն խստապահանջ էր չափից աւելի, բայց արդարութեան մէջ այնպիսին էր, որ պատմութիւնը անւանեց նրան «Աղել» (արդարադատ Մ.Թ.) տիտղոսով: Շատերն են լսել այն հեքիաթը, թէ ինչպէս պալատի դրսում նրա հրամանով կախ տւին արդարութեան զանգը ամբաստանւածների ու հարստահարւածների համար և թէ ինչպէս ինչ որ մի չորքոտանի իր տիրոջ անիրաւութիւններից դադրած՝ դիմեց արդարութեան զան-

գին... Անուշիրաւանը բարութեամբ էր տրամադրուած քրիստոնեաների հանդէպ: Նրա արդարադատ հովանաւորութեանը ապաւինեցին յոյն արեւելագէտ փիլիսոփաները, որոնք մեծապէս տուժել էին հոռոմէական կայսեր բռնութիւններից: Տեղաւորելով իր իսկ պալատում և հիւրասիրելով ըստ կարելւոյն, Անուշիրաւանը լոկ այն ժամանակ համաձայնեց վերագարձնել նրանց Հոռոմ, երբ կայսրը խոստացաւ նրանց հանդէպ լինել բարի ու արդարամիտ:

Ելնելով այս ամենից, ըստ իս, բացայայտուում է այն ճշմարտութիւնը, որ մենք՝ իրանցիներս դարերի ընթացքում ցուցադրել ենք մարդկութեան համար անհրաժեշտութիւն ներկայացնող յատկանիշեր ու արժանիքներ:

Սակայն պիտի նշել, որ հօրս թագաւորութեանը նախորդող շրջանում մեր հայրենիքը ապրում էր ճգնաժամ: Հետք անգամ չէր մնացել երկրի իմաստուն կառավարման, գիր ու գրականութեան և արւեստի շնորհիւ՝ Իրանի ունեցած վիթխարի ազդեցութիւնից աշխարհի վրայ. այլևս չէինք վրդովուում բարձր դասակարգերի անիրաւութիւններից, մոռացել էր հայրենասիրութիւնը, քաջութիւնը և մաքուր զգացումները: Սուտն ու կեղծիքը մեզ չէին սարսափեցնում և ճշմարտութիւնը արհամարհել էր: Հետևաբար դրութեան խորքը թափանցելու և զգալու համար այն բոլոր դժւարութիւնները, որ կանգնած էին հօրս ճանապարհին, հարկադրւած եմ յետա-

դարձ հայեացք ձգելու այդ շրջանի իրադարձութիւնների վրայ:

Ժամանակի պարագլուխների վարած թոյլ քաղաքականութեան և անփութութեան հետևանքով, տազնապալի այն օրերին, մեր հայրենիքը ենթարկւել էր օտար հոսանքների օրաւուր աճող ներթափանցումներին:

1185 (1807) թւին, Փաթալիշահը Ֆրանսիայի կառավարութեան հետ կնքեց մի դաշնագիր: Նապոլէոնը յոյս ունէր սոյն դաշնագրի շնորհիւ Իրանի վրայով գրաւել Հնդկաստանը: Դաշնագրում ասուում էր, որ Ֆրանսիան պատրաստ է գինամթերք տալ Իրանին և վարժեցնել սպայութիւնը, որպէսզի կարողանայինք դիմագրաւել ցարական Ռուսիային: Երբ վեց տարի առաջ Իրանից անջատել էր Վրաստանը: Պետրոս Մեծի թագաւորութեան օրերից (1682 - 1725) ռուսական կառավարութիւնը շահագրգռւած է եղել Ռուսիոյ սահմանները տարածել մինչև Պարսից ծոցի տաք ջրերը և տիրանալ նրա նաւահանգիստներին: Սակայն՝ Նապոլէոնը հաշտութեան դաշինք կնքեց Ռուսիոյ հետ և հրաժարեց Հնդկաստանը գրաւելու մտքից: Այս միջոցում Վրաստանը յետ գրաւելու միտումով ձեռնարկեցինք մի անիմաստ արշաւանքի, որի հետևանքները եղան կործանարար: 1813 թւին կնքեց Գոլեստանի դաշնագիրը, ըստ որի ոչ միայն Վրաստանը վերջնականապէս բաժանեց Իրանից, այլև ձեռքից տւեցինք ութ ուրիշ նահանգներ, ինչպէս նաև Կասպից ծովի ջրերում նաւատորմիղ ունենա-

լու իրաւունքը:

Ռուսները ևս աչք ունէին Հնդկաստանի վրայ: Եւս պարագան անգլիացիների ուշագրութիւնը դարձրեց Ռուսաստանի ռազմագիտական բնական ճանապարհը համարուող Իրանի վրայ: Հետեւաբար՝ Ռուսիոյ ազդեցութեան դէմ վերջնականապէս կանգնելու նպատակով՝ 1814 թիւն Անգլիան մեզ հետ կնքեց Բոմբէի դաշնագիրը: Ըստ այս դաշնագրի՝ Բրիտանական կառավարութիւնը խոստանում էր ռազմական կամ նիւթական օժանդակութիւն ցոյց տալ Իրանին՝ ռուսական ոտնձգութիւնների պարագային:

1826 թիւն, մի անգամ ևս պատերազմ բռնկեց Իրանի և Ռուսիային միջև: Բրիտանիան խուսափեց պէտք եղած օժանդակութիւնը ցուցաբերելուց և բաւականացաւ միջնորդելու խաղաղութեան համար: Իրանը զուրկ լինելով ռազմական պատրաստութիւններից՝ հարկադրւած եղաւ դադարեցնելու պատերազմը և 1206 (1828) թիւն ստորագրեց Թուրքմէնչայի անպատւաբեր պայմանագիրը: Դրա հետեւանքով Իրանից բաժանւեցին ուրիշ տարածութիւններ և կցւեցին Ռուսիային: Որոշեց՝ Իրանը որպէս տուգանք, հսկայ գումարներ վճարի ռուսներին և զրկւի առևտրական և այլ արտօնութիւններից:

ԺՊ. դարում ռուսները համեմատաբար աւելի մեղմ ու խաղաղասիրական ընթացք որդեգրեցին մեր նկատմամբ, և երևութապէս մեզ օժանդակելու անւան տակ քաջալերեցին պատերազմի մտնել Աֆղան-

ների դէմ: Դա եթէ հիմք պիտի ծառայէր Իրանի արևելեան սահմանները ընդարձակելու խնդրին, ապա յանգեց Իրան-Անգլիա յարաբերութեանց ժամանակաւոր լարմանը, որովհետև Աֆղանստանը համարուում էր Հնդկաստանի պաշտպանողական յենակը: Ի դէպ, ռուսները Թուրքմէնչայի պայմանագրով ոչ միայն հաստատւեցին Իրանի հիւսիսային շրջաններում, այլև իրենց ազդեցութիւնը տարածեցին արևելեան շրջանների վրայ:

Մենք աւելի շատ տուժեցինք Ռուս-Անգլիա առևտրական և քաղաքական մրցակցութիւնից. պիտի խոստովանել, որ այս խնդրում մեղքը ծանրանում է մեր վրայ: Ղաջար արքաները պալատի շուայլ ծախսերը հոգայու համար առևտրական ռազմաթիւ մենաշնորհներ էին պարգևում օտարներին: Ամենաարտառոց մենաշնորհներից մէկը տրւեց 1872 թիւն՝ անգլիական հպատակութիւն ընդունած Բարոն Ջիլլիոս Դը Ռոյթերին, ժամանակի Սուլթանի կողմից, համաձայն որի Բարոն Ռոյթերը եօթանասուներեք տարով արտօնութիւն էր ստանում Իրանում հիմնելու երկաթուղագիծ և տրամաւայ (ելեքտրաքարշ), ինչպէս նաև ջրաբաշխութեան, հանքերի, գործարանների, հեռագրական գծերի և մաքսային տուրքերի գանձման բնագաւառներում ձեռք է բերում որոշ իրաւունքներ: Բայց հանրութեան գաղափարային պրոթիւոմները մի կողմից և ռուսների ճնշումները միւս կողմից՝ ստիպեցին Շահին լուծարքի ենթարկելու այն: Շահը Ռոյթերին սիրաշահելու համար, նրան թոյլ-

տրւութիւն շնորհեց անգլիական դրամադրսով հիմ-
նելու դրամատուն, որը երկար ժամանակով տիրա-
ցաւ թղթադրամ հրատարակելու մենաշնորհին: Նաւթի
և այլ հանքերի արտահանման խնդրում ևս նրան
տրւեցին արտօնութիւններ, որոնք սակայն չարդա-
րացրին նրա նիւթական ակնկալութիւնները:

Անգլիացիները հիմնեցին և կառավարեցին
Իրանի հեռագրագիծը: Քարուն գետի նաւարկութեան
մենաշնորհը ևս տրւեց նրանց: Ունի անգլիացի ստա-
ցաւ ծխախոտի արտօնութիւնը, բայց անմիջապէս
լուծարքի ենթարկւեց ժողովրդի լուսամիտ խաւերի,
մասնաւորաբար հոգևորականութեան բուռն ընդդի-
մութեան շորհիւ:

Ռուսները այս ընթացքում շարունակում էին
տարածել իրենց ազդեցութիւնը: Նասրեդդին Շահի
թոյլտուութեամբ նրանք կեանքի կոչեցին կողակնե-
րից կազմւած մի բրիգադ՝ ռուս սպայութեան ղեկա-
վարութեամբ: Օտար կառավարութեան ենթարկող
այս Բրիգադը կարճ ժամանակում դարձաւ Իրանի գին-
ւորական ամենաազդեցիկ ոյժը ... 1888 թւին ռուս-
ներին տրւեց Կասպից ծովի հիւսիսային եզերքների
ձկնորսութեան իրաւունքը: 1891 թւին, Թեհրանում
բացւեց ռուսական դրամատունը, որը անգլիացիների
պէս տիրացաւ թղթադրամի հրատարակման արտօ-
նութեանը: Ռուսները չբաւականանալով այսքանով,
վարկեր տրամադրեցին Իրանի Շահին՝ առաւել ևս
ամրապնդելով իրենց ազդեցութիւնը այն իմաստով,
որ շահագործելով աւետալ հանգամանքը, հետագային

յաջողեցին վաստակել առևտրական մենաշնորհներ:
Այն օրերին, նախ ռուսները և յետոյ այլ կառավա-
րութիւններ, Իրանին պարտադրեցին կապիտուլացիան,
որով Իրանը զրկւեց օտար տարրերի գործած անկաշ-
կանդ կամայականութիւնները պատժելու իրաւունքից:

Ղաջար արքաների ինքնագլուխ և սանձար-
ձակ ընթացքը ի վերջոյ լցրեց ժողովրդի համբերու-
թեան բաժակը: Կազմւեց սահմանադրական գաղափա-
րականների միութիւն: 1906 թւի Թիւրամսին, աւելի
քան տաս հազար հոգի առևտրականներ և սահմանա-
դրականներ ամրացան անգլիական դեսպանատան այ-
գում և այս քայլով, իրականում, ընդվզեցին Ղաջար
թագաւորութեան և պալատի ապականութեան դէմ:
Նոյն օրերին, մի շարք լուսամիտ հոգևորականներ
մայրաքաղաքից հեռու՝ Ղոմ քաղաքում կազմեցին
իրենց ճակատը: Շահը ստիպւած էր խոստումներ տալ
բարենորոգչական իմաստով և երկու ամիս յետոյ
հրատարակել սահմանադրութեան հրամանագիրը: Սահ-
մանադրականները, բացի ներքին կեանքի բարելա-
ւումից, պահանջեցին ռուսական ազդեցութեան և
հրահրութեան անմիջական դադումը: Ոմանց տրամա-
բանութեամբ անգլիացիները զօրավիդ հանդիսացան
սահմանադրականներին լոկ այն պատճառով, որ նրանք
դէմ էին ռուսներին, բայց ըստ իս անգլիացիները նաև
անկեղծ ցանկութիւն ունէին Իրանում հաստատելու
սահմանադրութիւն: Գրանով հանդերձ, շատ չանցած՝
1907 թւականին ռուսների և անգլիացիների միջև
կնքւած մի դաշնագրով որոշւեց իւրաքանչիւրի գոր-

ծողութեան սահմանը իրանում: Աֆղանիստանում և Թիբէթում: Ակներև էր, որ այս դէպքը շարժեց սահմանադրականների վրդովմունքը:

Թէպէտ յիշեալ դաշնագրում կողմերը խոստացել էին յարգել իրանի հողային ամբողջականութիւնն ու անկախութիւնը, բայց դա իրականութեան մէջ իրանը բաժանում էր օտար ազդեցութեանց շրջանների: Անգլիան երաշխաւորում էր իրանի հիւսիսային շրջաններում որևէ արտօնութիւն չպահանջել և այս ուղղութեամբ արգելք հանդիսանալ ուրիշ պետութիւններին: Ռուսները փոխադարձաբար խոստանում էին հրաժարել իրանի հարաւարևելեան շրջանի մի փոքրիկ մասից, որը յայտնապէս պիտի դառնար անգլիական ազդեցութիւնների շրջանը:

Նշած երկու շրջանների միջև ընկած տարածութեան մասին ոչինչ չէր ասուել դաշնագրի մէջ, որով՝ նախապէս տրւած բոլոր մենաշնորհները (գերանցից կարելի է մատնանշել աւստրալիական հպատակութիւն ընդունած Դ'Արսի անունով մի անգլիացու շնորհած՝ նաւթի կարևոր արտօնութիւնը) մնում էին իրենց ոյժի մէջ: Սակայն գործնականապէս՝ չէզոք համարուող այս շրջանում, անգլիական ազդեցութիւնը աւելին էր քան ուսականը:

Ռուս և բրիտանական կառավարութիւնները, որ հետագային դաշնակցեցին Համաշխարհային Ա. Պատերազմի ընթացքում, անտարբեր չէին կարող մնալ հետզհետէ ուժեղացող Գերմանիայի սպառնալիքի հանդէպ. նրանք յոյս ունէին, որ 1907 թւականի դաշ-

նագրով նւագի իրենց միջև գոյութիւն ունեցող մրցակցութիւնը և դա կը նպաստի միացեալ թշնամու դէմ առաւել սերտօրէն հանդէս գալու հանգամանքին: Սակայն իրանցիների մօտ դա մեկնաբանուում էր որպէս՝ իրանն կուլ տալու նպատակով նիւթած մի դաւադրութիւն: Ինչևիցէ, պայմանագիրը չարդարացրեց կողմերի յոյսը և Ռուս-Անգլիա մրցակցութիւնը այնպէս էլ շարունակեց:

1906 թւին կազմած Ազգային Խորհրդարանը, իրանի ազգայնականների միջև ծագած անհամաձայնութիւնների հետևանքով՝ լուծեց: Եթէ Մոզաֆերդին Շահը թոյլ համակրանք էր տածում սահմանադրութեան նկատմամբ, ապա նրա որդին դրա ոխերիմ թշնամին էր: Նա վճռեց ուսանելի օգնութեամբ վերականգնել միապետութիւնը և այս նպատակի իրագործման համար երեք անգամ դաւադրութիւն կատարեց սահմանադրականների դէմ: Առաջին անգամ սահմանադրականները զինւած դիմադրութեամբ ի դերև հանեցին նրա ծրագրները: 1908 թւին, կազակային բրիգադի ուս հրամանատարը ումբակոծեց Խորհրդարանի շէնքը, որին յաջորդեց Շահի հրամանը՝ Խորհրդարանի լուծման առնչութեամբ: Թւում էր Շահն ու նրա ուս արբանեակները քամահրանքով էին տրամադրւած իրանցի ժողովրդի ոյժերի նկատմամբ: Սահմանադրականները յաջորդ տարւայ մէջ ջախջախեցին կազակային բրիգադը: Մոհամադ Ալի Միրզան փախաւ Ռուսաստան և նրա տասնևմէկամեայ որդին՝ Ահմադ Շահը ժառանգեց արքայական գահը:

Մոհամմադ Ալի Միրզայի վերջին ճիգը՝ Կասպից ծովի ափերով Իրան սողոսկելու համար, 1911 թ-ին պսակ-
ւեց անյաջողութեամբ և պարտութեամբ:

Այսպիսով սահմանադրականները ժամանակա-
ւորապէս յաղթական դուրս եկան, բայց ուսանելու
ինչպէ՛ Համաշխարհային Բ. Պատերազմից յետոյ,
այնպէս էլ այդ օրերին իրենց բանակները յետ չքա-
շեցին մեր երկրի հիւսիսային շրջաններից:

Իրանի դրամական անմխիթար վիճակը բար-
ւոքելու նպատակով, 1911 թ-ին Իրանի կառավա-
րութեան նշանակումով երկրի ընդհանուր գանձա-
պետի պաշտօնը ստանձնեց ամերիկացի Մորգան Շուս-
տերը: Նրան յաջողեց շահել ժողովրդի լայն խաւերի
վստահութիւնը և մօտ էր հասնելու գործի վերջա-
ւորութեանը, երբ ուսանելու կողմից Իրանին տրւած
վերջնագրի (ուլտիմատում) այլ կէտերի շարքին,
պահանջեց նաև Շուստերի անյապաղ հեռացումը:

Ակներև էր, ուսանելու չէին կամենում պարզ-
ւած տեսնել իրերի դրութիւնը Իրանում: Ռուսական
ոյժերը մտան հիւսիսային մի շարք քաղաքներ և
խլեցին մարդկային գոհեր: Թէև Ազգային Խորհրդա-
րանը մերժեց ուսանելու վերջնագիրը, բայց նախա-
րարաց խորհուրդը ստիպւած եղաւ ընդունել դա:
Այս դրւագոյնների մասին մանրամասնօրէն նկարագրը-
ւած է Շուստերի «Իրանի խեղդումը» խորագրով
նշանաւոր գրքի մէջ:

Հակառակ այն իրողութեան, որ Համաշխարհա-
յին Ա. Պատերազմին Իրանն յայտարարել էր իր

չէզոք լինելու հանգամանքը, այդուամենայնիւ գեր-
մանացիները, թիւրքերը, ուսանելու ու անգլիացի-
ները ձեռնամուխ եղան ծաւալուն գործողութիւնների:
Գերմանացիներին օգնելու նպատակով դէպի Թեհրան
շարժւող թուրքական բանակը պարտեց ուսանելուց:
Գերմանացի գործիչները ձեռ ու ոտ ընկած սկսեցին
հրահրել լեռնաբնակներին և մինչև իսկ փորձեցին
գինւորական ոյժ կազմակերպել Աֆղանիստանում, սա-
կայն չյաջողեցին: Իրանի հարաւում Սըր Փերսի
Սայքսի ջանքերով ստեղծեցին ոստիկանական ջո-
կատներ, ընդ որում նա տէր դարձաւ այս շրջանի
կացութեանը:

Ա. Աշխարհամարտից յետոյ երկրի դրութիւնը
հասել էր իր խառնաշփոթութեան գագաթնակէտին: Ի
դէպ, 1917 թ-ին, ուսական յեղափոխութեան օրե-
րին, Իրանի հիւսիսային շրջաններում բանակած ուս-
ական զօրքերը ենթարկեցին անգլիացիների յար-
ձակմանը, որը անցաւ ապարդիւն: 1919 թ-ին անգ-
լիացիները առաջարկեցին մի նոր պայմանագիր: Գրա
կարևոր կէտերից էին՝ վարկեր տրամադրել Իրանին,
բերել կառավարական խորհրդականներ, հիմնել ճա-
նապարհներ, երկաթուղագիծ և այլն: Սակայն ելնե-
լով այն հանգամանքից, որ մի այսպիսի պայմանագրի
ստորագրումը առաւել ևս պիտի ընդլայնէր օտար
ազդեցութիւնը Իրանում, հանրութիւնը ծառայաւ
դրա դէմ: Ճիշտ է, ժամանակի կառավարութիւնը
ընդառաջեց անգլիացիներին, բայց Խորհրդարանը
դա երբէք չվաւերացրեց:

Երկրի թուլութիւնն ու տկարութիւնը հասել էր այնպիսի փուլերի, որ հայրս և մեծ թուով հայրենասէրներ վհատուած ու զայրացած՝ ականատես էին մեր հնամենի երկրի տխուր ճակատագրին:

Հայրս ծնւել է 1256 թւին, Կասպից ծովի եզերքին տարածւած Մագանդարան նահանգում: Հակառակ Ղաջար արքաների, որ ինչպէս ասացի, սերում էին թրքական ցեղից, հայրս իրանցի տիպիկ ընտանիքից էր: Նրա հայրն ու պապը սպայի կոչումով ծառայել էին Իրանի զօրաբանակում: Պապը՝ Իրանի և Աֆղանիստանի մէջ տեղի ունեցած մարտերից մէկի ընթացքում դրսևորել էր քաջութիւն և անձնագոհութիւն. հայրը՝ Մագանդարան Նահանգի վաշտերից մէկի հրամանատարն էր: Գեռ քառասուն օր չանցած հօրս՝ Ռեզա խանի կեանքից, վախճանւում է հայրը և մայրը որոշում է իր փոքրիկ զաւակին փոխադրել Թեհրան:

Ճանապարհին ձմեռային սաստիկ ցուրտը մօտ էր խլելու մանկան կեանքը:

Հայրս տասնևչորս տարեկան հասակում ծառայութեան է անցնում կազակների բրիգադում, որ կազմւել էր իր ծննդեան թւին: Նա այդ օրերին լրիւ անգրագէտ էր, որովհետև կրթութիւնը վերապահւած էր հարուստ և ազդեցիկ անձանց, կամ հոգևորականութեան զաւակներին: Ելնելով սեփական շահերից, բարձր խաւը արգելք էր հանդիսանում հասարակ ժողովրդի մէջ լուսաւորութիւն տարածելու գործին, որպէսի շահագործելով երկրում տիրող տգիտութիւնն

ու խաւարամտութիւնը, անեն այն, ինչ ցանկանում են, այլ խօսքով՝ լինեն լիիրաւ տէրեր:

Երբ կատարւում էր հօրս թագադրութիւնը, համաձայն Իրանի պատմական և աւանդական սովորութեան, նրան տրւեց «Շահնշահ» (Արքայից Արքայ-ծ. թ.), «Ձելօլլահ» (Աստուծոյ սուեր), «Մոռայեղէ բեթայիդաթ էլահի» (Աստուծային շնորհների արժանաւոր), «Ղեբլէ Ալամ» (նա՛ որի վրայ ուղղւած է աշխարհի հայեացքը) տիտղոսները. սակայն իր թագաւորութեան օրերին, թէ այն դէպքում, երբ օտար հիւրեր էր ընդունում պալատում, թէ ինձ հետ խօսելիս, սիրում էր իրեն համարել հասարակ զինւոր:

Հօրս արագ վերելքին ու յառաջադիմութեան նպաստում էին նրա բնատուր ընդունակութիւններն ու բարձր անձնականութիւնը: Այն օրերին Իրանի զօրաբանակը զուրկ էր փոխարինող սպաներից, ուրիշ խօսքով, հասարակ զինւորի էտապից աստիճանական տեմպերով բարձրացած սպաներից: Հետևաբար ծառայութեան ընթացքում հասարակ զինւորը կարող էր միանգամից ոստնել սպայութեան աստիճանի: Սովորաբար, այսպիսի մի բարձրացում նախընթաց չի ունեցել Իրանի զօրաբանակում, բայց գալով հօրս՝ չպիտի անտեսել նրա ցայտուն անձնականութիւնը: Նա ունէր լայն ուսեր, սլացիկ հասակ, առնական դիմագծեր ու արտայայտութիւն, բայց ամենից աւելի տպաւորիչ էին նրա խորթափանց աչքերը, որոնք ազդում էին բոլոր նրանց վրայ, ովքեր դէմ առ դէմ էին կանգում նրա հետ, սարսոււմ էին նոյնիսկ ուժեղ

անձանց: Լսել եմ, որ Իրանի կողակ բրիգադի ռուս հրամանատարները խուսափում էին նրանից և գործնականապես սարսափում:

Մի այլ հանգամանք, որ նպաստեց հօրս արագ վերելքին, նրա ընթերցասիրութիւնն էր: Նա չէր ամաչում այն բանից, որ բարձր տարիքումն էր սկսում կրթել ու գրաճանաչ դառնալ: Ամեն օր գինւորական աշխատանքներից յետոյ, նա մեծ համբերութեամբ, զօրանոցի աղօտ լուսաւորութեան տակ, իր ընկերներից մէկի օգնութեամբ գրում էր և կարդում: Յոգնած պահերին գուրս գալով իր փոքրիկ սենեակից, դիտում էր հեռուում առկայծող Թեհրանի լոյսերը:

Այն օրերին ոչ ոք տրամադրւած չէր դէպի գինւորական կեանքը: Կառավարութիւնը ի զօրու չլինելով գանձել սովորական տուրքը, անկարող էր կանոնաւորապէս վճարելու պետական շրջանակների ռոճիկը: Դա էր, որ գինւորութիւնը ստիպւած էր իր և իր ընտանիքի ապրուստը հոգալ՝ մերթ ձուեր վաճառելով, մերթ զբաղւելով փայտահատութեամբ կամ նման աշխատանքներով: Պետութեան կողմից, հազարադէպ պարագային, ռոճիկի անւան տակ տրուող նպաստը սահմանափակում էր աղիւսներով և այլ շինարարական նիւթերով: Որովհետև սովորաբար պետական գանձարկղը դատարկ էր լինում կանխիկ դրամից: Հայրս պատմում էր, որ արտաքին գործոց նախարարութիւնը մի օր պիտի հիւրընկալէր ինչ-որ կարևոր մի անձնաւորութեան: Չուենայով և ոչ մի

շահի, նախարարութիւնը հարկադրւած է լինում անհրաժեշտ պատրաստութիւնների համար պարտք հայցել շուկայի մանր առևտրականներից...

Չօրաբանակի կազմակերպութիւնը հին էր ու խախտւած: Հնաոճ ու մաշւած էին զէնքերն ու պիտոյքները (ողջ զօրաբանակում գոյութիւն ունէին լոկ մի քանի հին թնդանօթներ): Ընկած էր գինւորութեան ոգին: Բայց հօրս վրդովում էր աւելի այն հանգամանքը, որ օտարների ձեռքին էր զօրաբանակի հրամանատարութիւնը: Կարելի է դիւրին ենթադրել, ինչ հոգեվիճակ է ապրել հայրս, երբ զգացել է, որ իրեն տրուող հրամանները առաքւում են ոչ թէ Իրանի մայրաքաղաքից, այլ Ռուսիոյ մայրաքաղաքից: Ըստ իս, հօրս մէջ բուռն հայրենասիրութիւնն ու նացիոնալիզմը զարգացել էր նրանից, որ լիովին ըմբռնել էր օտարների տիրապետութեան ճշմարիտ իմաստը...

Իր գինւորական ու սպայական կեանքում հայրս մասնակցել էր բազմաթիւ, մասնաւորաբար զանազան կէտերում քաղաքներն ու աւանները կողոպուտի ու աւերածութեան մատնող ինքնագլուխ և անսանձ լեռնաբնակների դէմ մղուող մարտերին: Իրանի պատմութիւնը վկայում է, որ երբ թոյլ ու անկարող է եղել կենտրոնական կառավարութիւնը, լեռնաբնակները անցել են սպանութեան ու կողոպուտի և ընդհակառակը՝ լիարժէք շինարարներ են եղել երբ պետութիւնը ի վիճակի է եղել զսպելու և խաղաղացնելու նրանց: Հայրս լեռնաբնակների դէմ ոյժով հանդէս գալու առաջադրանքից բացի, յաճա-

խակի բախումներ էր ունեցել բանակներ կազմած աւագակների հետ, որոնք խախտում էին ընդհանրական անդորրութիւնն ու ապահովութիւնը, իսկ ուսական յեղափոխութիւնից յետոյ միանալով բոլշևիկներին՝ կամենում էին տիրանալ երկրին:

Յիշողութեանս մէջ անջնջելիօրէն տպաւորւել է հօրս այն պատմածը, թէ ինչ ապրումներ է ունեցել աւագակների դէմ մղուող մարտերից մէկի ընթացքում: Կուէի թէ՛ պահին, պատմում էր հայրս, այնպիսի խորշանքով է լցւել երկրի քառասային վիճակի նկատմամբ, որ դիտաւորեալ կերպով կանգնել է սուբաջող գնդակների տարափի տակ: Սպիտակ ձիու վրայ նստած հայրս լաւ թիրախ կարող էր ծառայել աւագակներին, բայց արձակւած գնդակներից և ոչ մէկը չէր դիպել նրան:

Պէտք է ճշտել, թէ որոնք էին հօրս այդ ապրումի շարժառիթները:

Այսօր հոգեկան աչքերով տեսնում եմ նրան, նստած սպիտակ ձիու վրայ, երկրի վրդովեցուցիչ վիճակի ամօթը գրոշմւած առնական դէմքին: Յիրաւի, այդ օրերին երկիր անուներ չէր պատշաճի Իրանին, քանզի դարաւոր այս հողը զուրկ էր պետութեան կոչմանը արժանի՝ կենտրոնական կառավարութիւնից: Երկրի շրջանների մեծ մասը ճգմուում էր տեղական տէրերի արիւնոտ թաթի տակ, որոնք եթէ առերեւութապէս Շահի պատւից ելնելով հաւատարիմ էին նրան, ապա գործնականապէս ոչ այլ ինչ էին, քան լիիրաւ ինքնագլուխներ, որ կանգ չէին առնում ամեն

տեսակ անարդարութիւնների և ճնշումների առջև: Չկար կանոնաւոր և նոր միջոցներով օժտւած բանակ, եղածն էլ չէր կարող փայլել հպատակութեամբ ու հաւատարմութեամբ: Ապահովութիւնն ու կարգ ու կանոնը լքել էին Իրանի հողը: Լեռնաբնակ խաների և կրօնական պարագլուխների ձեռքով էր դառնում արդարադատութիւնը: Ամենուրեք տիրում էր ուժեղի իրաւունքը թոյլի վրայ: Ով ուժեղ էր՝ կողոպտում էր ու շարչարում, ով թոյլ էր՝ տուժում էր ու լռում:

Հասարակական ապահովութիւնը հասել էր մի այնպիսի անմխիթար դրութեան, որ մինչև իսկ Թեհրանում՝ երկրի մայրաքաղաքում՝ մթնելուց յետոյ, բնակիչները յայտնւում էին փողոցներում կամ շուտափոյթ բժիշկ հրաւիրելու նպատակով, որ դժւար իրագործելի էր, և կամ նման անհրաժեշտութիւններից դրդւած, քանզի թաղերում թրև էին գալիս տեղական սրիկաներ ու գողեր: Կապի և փոստային միջոցները, Գարեհի ժամանակւանից, օր աւուր վատթարանում էին և դարձել էին այնքան անվստահելի, որ Թեհրանից Մեշեդ ուղևորուող ճանապարհորդները աւագակներից խուսափելու նպատակով, հարկադրւած էին անցնել Ռուսիոյ վրայով: Նոյնն էր հարաւային նահանգ՝ Սուզիստան մեկնող ուղևորների վիճակը, որոնք նախընտրում էին Թուրքիայի և Իրաքի ճանապարհները:

Ինչպէս ասացի, կապիտուլյասիոնի հետևանքով օտարապատակները, (դրանց թւում բոլշևիկները, որ մեծ խմբով թափանցել էին Իրան) գերծ էին մնում

գործած յանցանքների դիմաց Իրանի դատարաններում դատուելու հանգամանքից: Իրականութիւնն էլ այն է, որ գոյութիւն չունէին այսպիսի մի պարտականութիւն ստանձնող ազդեցիկ և բանիմաց անհատներ: Եւ բնականաբար օտարների մօտ դա գորաւոր խթան կարող էր հանդիսանալ կապիտոլախիոնը շարունակելու օգտին: Էկոնոմիկայի մէջ չունէինք լրիւ անկախութիւն, քանի որ Ղաջարարքաները տնտեսական այլազան մենաշնորհներ էին պարգևել օտարներին: Արտաքին ոյժերն ու ներքին սանձարձակ աւազակային խմբերը բովանդակ երկրում վարուում էին իրենց ցանկութիւնների համաձայն: Երկրով մէկ թագաւորում էին աղքատութիւն, հիւանդութիւն, սգիտութիւն, անձարուութիւն և դժգոհութիւն: Ժողովրդի և երկրի այս բոլոր դժբախտութիւններն անտեսած, ժամանակի Սուլթանը մտահոգւած էր սոսկ նրանով, թէ ինչպէս դատաւորի իր մեծածախս ճանապարհորդութիւնները, իւրայատուկ հաճոյքներն ու անվայել արարքները Եւրոպայում: Հայրենասէր անհատուեալ գրութեամբ ուրիշ ի՞նչ կարող էր զգալ, եթէ ոչ ամօթ ու ճնշւածութիւն:

Ընդունւած է, որ ժամանակի լուծը, իրադրութիւնների անհրաժեշտութիւնը և ժողովրդի հակումները պահանջում են որ որոշեալ պահին երևան գայ կարող մի անձնաւորութիւն՝ փրկելու համար կացութիւնը: Նա շրջում է երկրի ճակատագիրն ու փոխում է պատմութեան ուղին: Կան ապացոյցներ, որոնք վկայում են, որ հայրս այդ օրերին պիտի

լինէր ասւած անձնաւորութիւնը:

1298 թիւն, կողակային բրիգադը գեռևս դեկավարում էր ոռւս սպաների ձեռքով: Դրանք անունով սպիտակ ոռւսներ էին, բայց ոմանք իրենց վաճառել էին բոլշևիկներին: Դաւաճանութիւնը ի յայտ է գալիս այն պահին, երբ բրիգադը առաջադրանք է ստանում մարտի բռնելու երկրի հիւսիսային նահանգները մտած կարմիր ոռւսների դէմ: Հօրս նացիոնալիստական ոգին նրան անդառնալիօրէն համոզեց, որ Իրանը պիտի ազատագրել բոլոր ոռւս սպաներից:

1298 թի Մորգադ ամսին, հայրս անսալով իր սրտի ձայնին, ձեռնարկեց ոռւս սպաների մաքրագործմանը և ստանձնեց բրիգադի հրամանատարութիւնը: Իրանի կառավարութիւնը անմիջապէս հաստատեց ու վաւերացրեց հօրս քայլը: Հայրս չթաքցրեց իր այն կարծիքը, որ պէտք է նւագագոյնի հասցնել օտարների ամեն տեսակ գործողութիւնները:

Այնուհետև, հայրս արագօրէն անցաւ զարգացման և ոյժի փուլերը և տիրացաւ կատարեալ հզօրութեան, որին նպաստեց նաև նրա միացումը ակտիւ խմբագիր Սէյեդ Զիաէդդին Թաբաթաբայուհետ: Սա, որ հոգևորականի զաւակ էր, ամենայն համարձակութեամբ բազմաթիւ քննադատական յօդւածներով հանդէս էր գալիս կառավարութեան պասսիւ գործունէութեան և երկրի ցաւոտ խնդիրների դէմ: Լինելով յեղափոխական հայեացքների տէր, նա կարող էր քաղաքական յարձակումներով ճնշում գործա-

դրբել երկրի ղեկավարների վրայ այն պահին, երբ հայրս զինու զօրութեամբ սպառնում էր երկրի մայրաքաղաքին:

Հօրս ոյժերի յառաջխաղացը զէպի Թեհրան սկսեց Իրանի հիւսիս-արևմտեան շրջանի քաղաքներից՝ Ղազինից և 1299 թւին պետական հարւածով, որ հեռու էր արիւնոտ լինելուց, վերացրեց Իրանի թոյլ ու խախուտ կառավարութիւնը: Սէյէդ Ջիաէդդինը դարձաւ նախարարաց խորհրդի պետ, իսկ հայրս ստանձնեց ռազմական նախարարի փոստն ու ընհանուր ոյժերի հրամանատարութիւնը:

Շատ չանցած՝ երկրի մոնոպոլիստական և պահպանողական տարրերը լարւեցին Սէյէդ Ջիաէդդինի դէմ, նրա ծայրայեղական գործողութիւնների հետեանքով: Ինձ թւում է՝ հայրս հակառակ էր Սէյէդ Ջիաէդդինին ոչ թէ քաղաքական կամ էկոնոմիկայի խնդիրներում, այլ նրա սխալ կողմնորոշման ու ժամանակավրէպ վարւելակերպի խնդրում: Դա էր, որ հայրս դէմ չեղաւ, երբ պետական հարւածից երեք ամիս անց Ահմադ Շահը նախարարապետ նշանակեց մի այլ անձնաւորութեան:

Յաջորդական կաբինետներում, հայրս շարունակում էր վարել ռազմական նախարարի փոստը և միաժամանակ, հարկաւ, միակ ազդեցիկ անձնաւորութիւնն էր: 1301 թւին նշանակւեց երկրի վարչապետ, որից անմիջապէս յետոյ Ահմադ Շահը անորոշ ժամակով մեկնեց Եւրոպա:

Հօրս վարչապետ դառնալուց մէկ տարի առաջ,

Թիւրքերը վերջ տալով խալիֆայական հին վարչակարգին՝ Քեմալ Աթաթուրքի առաջնորդութեամբ հիմնել էին հանրապետական իրաւակարգ: Թիւրքիայի իրադարձութիւններից ազդւած՝ որոշ շրջանակներում ծայր է առնում Իրանում ևս հանրապետական իրաւակարգ ստեղծելու միտքը: Համոզւած եմ, որ հայրս ևս, մի որոշ ժամանակ յարում էր նոյն կարծիքին: Բայց հասարակութիւնը հաւատարիմ մնալով հազարաւոր տարիների սովորութեան, հանդէս էր գալիս թագաւորական սիստեմի օգտին: Աւելին. զանազան նահանգներում սահմանադրականները տենդօրէն պաշտպանում էին միապետական սահմանադրութիւնը:

1303 թւին, Իրանի պառլամենտը չեղեալ յայտարարեց Եւրոպայում ղեզեբող Ահմադ Շահի թագաւորութիւնը և հօրս հռչակեց որպէս Իրանի Շահընշահ: 1304 թւի Օրդիբէհէշտ 4-ին տեղի ունեցաւ հօրս պաշտօնական թագադրութիւնը, որի ընթացքում ինձ շնորհեց թագաժառանգի կոչումը:

Տեղին է համեմատել Իրանի այդ օրերի ընդհանուր վիճակը մեր հարևան Թիւրքիայի հետ, ուր մեկնեց հայրս 1312 թւին՝ կատարւած յառաջադիմութիւններին մօտիկից ծանօթանալու. ինչպէս նաև երկու երկրների քաղաքական ու մշակութային յարաբերութիւնները ամրապնդելու նպատակով: Խալիֆաթի անկումից յետոյ թիւրքերը մօտիկ շփման մէջ լինելով արևմտեան երկրների հետ և ընդօրինակելով քաղաքակրթութեան նորագոյն նւաճումները, արդէն իսկ առաջ էին անցել մեզանից: Գերմանա-

կան դաստիարակութիւն ստացած նրանց զօրաբանակը կանոնաւոր էր, օժտւած զինուորական համալսարաններով ու վարժած սպայակոյտով: Առաջին համաշխարհային պատերազմի ընթացքում նրանք դեր սեւորել էին քաջութիւն, և պարտութեան էին մատնել դաշնակից ոյժերի ամենալաւ զօրաբանակներին: Հակառակ ապակենտրոն իրաւակարգի, որ գոյութիւն ունէր Իրանում հօրս իշխանութիւնից առաջ, թիւրքերը ունէին կենտրոնական ուժեղ կառավարութիւն: Աւելին. նրանք հիմնել էի երկաթուղագծեր, նաւահանգիստներ, գործարաններ և այլն. մինչդեռ մեզ մօտ համարեա՛ գէրօ էին քաղաքակրթութեան նորութիւնները. և բնականաբար դրան հասնելու համար Իրանի ուղին շատ աւելի երկար էր ու դժւարին, քան Թիւրքիայինը:

Հայրս զգուշական քայլեր վերցնելիս, համամիտ չէր ամենափոքրիկ զանցառութեան և իր իւրաքանչիւր որոշման կիրառման փուլին, արագութեանը, զուգորդում էր խնդրի իրական ու բազմակողմանի ուսումնասիրութիւնը ամենայն ուշադրութեամբ ու սառնասրտութեամբ, հեռու որևէ ազդեցութիւնից: Օրինակ, պետական հարւածից միայն հինգ օր յետոյ, Իրանը և Ռուսիան ստորագրեցին դեռևս Իրանում նախընթաց չունեցող մի պայմանագիր, որը երկար ժամանակ կազմաւորման մէջ էր. այդուամենայնիւ հայրս, ինչպէս սովոր էր վարել ուղղական գործողութիւնների ընթացքում, այնպէս էլ այստեղ դրսեւորելով կտրուկ տակտիկա, պայմանագիրը յանձնեց

վերջնական վաւերացման:

Համաձայն պայմանագրի՝ Ռուսիան հրաժարւում էր իր բոլոր պահանջներից ու իրաւունքներից, որ ձեռք էր բերել Իրանում: Իրանին յանձնեցին ռուսական շատ հաստատութիւններ, դրանց թւում՝ Ռուսական դրամատունը, սահմանային Զուլֆա քաղաքից Թաւրիզ ձգող երկաթուղագիծը, Կասպից ծովի ափին գտնւող Էնզելի (ներկայում Փեհլի) նաւահանգստային սարքաւորումները, մայրողիներ ու հեռագրագծեր: Թուրքմանչայի պայմանագրով Իրանից խլւած Կասպից ծովի առևտրական նաւարկութեան իրաւունքը հաւասարապէս բաժանւեց երկու երկրների միջև: Աւելին. լուծարքի ենթարկւեց ժողովրդի խորշանքին արժանացած կապիտուլասիոնը: Սոյն պայմանագրի ստորագրումը իրանցիների մօտ ընկալւեց որպէս ցարական Ռուսիայի քաղաքականութեան փոփոխութիւն, որը հետագային որդեգրեց նաև Սորհերդային Միութիւնը:

Նոյն օրերին հայրս և կառավարութիւնը չեղեալ յայտարարեցին Իրան-Անգլիական 1927 թւի պայմանագիրը: Ինչպէս ասել է նախօրօք յիշեալ պայմանագիրը թէև ստորագրւել էր ժամանակի Սուլթանի կողմից, սակայն Ազգային Սորհրդարանը մինչև վերջ էլ հրաժարւեց դրա վաւերացումից: Անգլիացի և օտարագրի մի շարք խորհրդականներ արդէն սկսել էին իրենց գործողութիւնները պայմանագրի համաձայն. Իրան էին մուտք գործել նաև անգլիացի մի խումբ ճարտարապետներ, որ զբաղւած էին երկաթուղագր-

ծերի նախագծերը կազմելու աշխատանքով: Բայց հայրենասէրների բուռն դիմադրութիւնը ի վերջոյ յանգեց պայմանագրի լուծարքին:

1301 թւին անգլիական ոյժերի վերջին մնացորդները հեռացան Իրանից: Ռուսական ոյժերի մի մասը, այնուամենայնիւ, հակառակ մեր ցանկութեան ու իրաւունքի, այնպէս էլ մնաց Իրանում, որով չաւարտւեցին Ռուսիայի զինուորական միջամտութիւնները մեր երկրում: Այս կարևոր կէտի մասին մանրամասնօրէն պիտի անդրադառնամ յաջորդ գլխում:

Վերոյիշեալ իրադարձութիւններին համընթաց, հայրս իր ամբողջ ոյժով լծւել էր երկրի ներքին խնդիրների բարելամանը: Նրա վաղ երազանքն էր միաւորելու Իրանի քայքայւած ու մասնատւած շրջանները, և իր առաջին գործը եղաւ անցնելու տւեալ խնդրի իրագործմանը, որի համար, հարկաւ, անհրաժեշտ էր հզօր ու կանոնաւոր զօրաբանակ: Ընդհանուր ոյժերի հրամանատարութիւնը ստանձնելու հէնց առաջին օրից, նա նպատակադրեց միաւորելու կողակային բրիգադը, հարաւի ոստիկանական ոյժերն ու ժանդարմերիան և զօրաբանակի այլ տարրերը: Զինուորութեան ուտեստը, ոռճիկների կանոնաւոր վճարումն ու զինուորական արդի դաստիարակութիւնը դարձան նրա գլխաւոր հոգան ու ուշադրութեան առարկան: Մեծ ջանքեր գործադրեց բարձրացնելու զինուորութեան ոգին, և այն, որ իւրաքանչիւր զինուորի մէջ երևան գայ հպարտութեան հետ միախառնւած հայրենասիրութեան զգացում:

1304 թւին Իրանի զօրաբանակը կազմւած էր հինգ հիմնական դիւիզիաներից, մէկ անկախ բանակից, ինչպէս նաև զինւած աւազակութեան, ճանապարհների և ընդհանուր առմամբ երկրի ապահովութեան համար պայքարող կազմակերպութիւնից: (Ճամբաների վտանգաւոր կէտերում հայրս շինել տւեց աշտարակներ, որտեղից ժանդարմները յարատւօրէն հսկում էին շրջապատին): Հետագային Իրանի զօրաբանակը վերաճեց նաև ծովօյժով ու փոքրիկ օդօյժով: 1305 թւին, վաւերացւեց զինակոչութեան օրէնքը, որը վերանայւեց 1306 և 1311 թւերին: Հիմնւեցին երկու զինուորական դպրոցներ: Զինուորական կրթութիւն ստանալու գծով Փրանսիա մեկնեցին իրանցի երիտասարդներ, և փոխարինաբար հրաւիրւեցին Ֆրանսիացի զինուորական խորհրդականներ՝ պաշտօնավարելու համար Իրանի զօրաբանակում:

Հօրս մտերիմ ընկերներից մէկը պատմում էր, որ երբ հայրս իր ոյժերով հաստատւեց Թեհրանում, մի օր, ինչ-որ անհանգիստ քրթմնջում էր քթի տակ, և յետոյ յանկարծ բարձրաձայն գոչեց. «Երանի ունենայի հազար հատ միատեսակ հրացան»: Պարզ է, որ այդ օրերին նա մտահոգւած էր ապահովութեան ու դիսցիպլինի ստեղծումով: Ինչևէ հօրս այս կարճ նախադասութիւնն էլ բաւական է զգացնել տալու, թէ որքան թերի էին ռազմական միջոցները այդ օրերին: Պատահական չէ որ շատ չանցած, նա ձեռնարկեց հիմնելու գործարաններ, որոնք պիտի թողարկէին հրացաններ, գնդացիներ և թեթև զէնքերի գնդակներ:

Մինչև այսօր էլ նրա ջանքերով հիմնած յիշեալ գործարանները աշխատում են երկրի այլ ուղղամթերաշինական գործարանների շարքին:

Զուգընթաց ասած աշխատանքներին, հայրս բազմաթիւ գորաշարժերով հանդէս եկաւ երկրի ապահովութիւնը ամրապնդելու օգտին: Ի դէպ, նա պարտութեան մատնեց և ցրեց Միրզա Քուչէք Սանի ոյժերը, որոնք յարելով համայնավար խմբաւորումներին և մինչև 1301 թւականի պայմանագրի ստորագրումը վայելելով ուսնների հովանաւորութիւնը, իրենց թաթն էին դրել Կասպից ծովի առափնեայ նահանգների վրայ: Նոյն ճակատագրին ենթարկեցին նաև անգլիացիների հրահրումներով Փարս, Սուզիստան և Բալուչեստան նահանգներում տէրութիւն անող «իլերն» ու լեռնաբնակները:

Երբ հայրս սպայական կոչումով ծառայում էր կողակային բրիգադում, մի օր իր վաշտով Թեհրանից գործուղւել էր Համադան: Վաշտն ունէր միայն մէկ ձի, որ օգտագործւում էր հիւանդների փոխադրման համար: Ծանապարհները այնքան դժարանցանելի էին, որ երբեմն քայլելն անգամ դառնում էր անհրնարին: Տառապանքներում կոփւած և հազար ու մէկ դժարութիւններ տեսած հայրս հասնելով տեղ՝ թուլացած ընկնում է անկողին՝ ապաքինելու համար վիրաւոր ու տանջւած ոտքերը: Փորձը իր դրական արդիւնքը ցոյց տւեց հօրս՝ Իշխանութեան գլուխն անցնելուց յետոյ: Լիովին ըմբռնելով ճանապարհների ու կապի անհրաժեշտութիւնը, նա անմիջապէս ձեռ-

նարկեց ճանապարհաշինութեան, որով հնարաւոր պիտի դառնար ապահովութեան ամրապնդումը երկրում:

Ճարտարագէտների վկայութեամբ, 1305 թւից մինչև 1317 թւի ժամանակամիջոցում կառուցւած Իրանի ընդհանուր երկաթուղագիծը թերևս միակն է, որ պատրաստւել է մի այսպիսի արագութեամբ: Իր ճարտարապետական տւեալներով, Իրանի ընդհանուր երկաթուղագիծը նշանակալից է աւելի, քան Շւեցարիայի յայտնի երկաթուղագիծը: Դա անցնում է 54 մղոն երկարութեամբ՝ աւելի քան 4100 կամուրջների վրայով և 224 թունելների միջով: Դրանցից մէկի երկարութիւնը երկու մղոն է, ուրիշները տեղադրւել են ամուր ժայռերի ոլորտներում, ընդամին իրենց ընթացքում ունենալով բազմաթիւ պտոյաներ ու կեռամաններ: Աւելի քան 900 մղոն երկարութեամբ՝ բուն գծի ծախսերը (այսօր դրանից ճիւղաւորւում են նորահիմն գծեր, որոնք ձգւում են երկրի այլ շրջանները) հոգացւել են շաքարի, շաքարաւազի և թէյի մաքսային եկամուտներից: Ճիշտ է, դա մեծապէս ծանրանում էր գիւղացիութեան ու բանւորութեան վրայ, որոնց կանխիկ եկամուտը յաճախ տրամադրւում էր թէյի ու շաքարի սպառմանը: Ընդհանրապէս հայրս թերահաւատ էր օտար օգնութիւնների նկատմամբ և չէր մոռանում այն վնասները, որ կրել էին իր նախորդները օտարների շնորհած պարտքերից: Դրանով հանդերձ, երկաթուղագծերի շինարարութիւնը է՛լ աւելի արագացնելու նպատակով, նա անկողմնակալօրէն վարձել տւեց օտարագրի մասնագէտներ:

Հայրս հիմնեց կարևոր մայրուղիներ, Կասպից ծովում և պարսից ծոցում՝ նաւահանգիստներ, օդային ներքին և արտաքին տրանսպորտ: 1309 թւին իւրացւեց անգլիական «Հնդկրոպական հեռագրային Ընկերութիւն»-ի ինւենտարը:

Հանդէս գալով Իրանի Փինանսի և դրամի անկախացման օգտին, նա ազգայնացրեց դրամի հրատարակումը և հիմնեց Իրանի Ազգային Դրամատունը (Բանկէ Մեւլիյէ Իրան), որի կառավարումը յանձնարարւեց իրանցի արժանաւոր պաշտօնեաների: Պաշտօնեաների վիճակի բարւոքման ուղղութեամբ կառուցւեց ակումբ, լողաւազան, հանգստի վայր, մարզարան, հիւանդանոց և արդիական տպարան: Շատ շանցած՝ երկրի զանազան կէտերում բացւեցին Բանկէ Մեւլիի ճիւղերը: Կազմւեց երկրի ել ու մուտքի առաջին բիւդձէն: Փինանսը կարգաւորելու նպատակով հայրս հրաւիրեց ամերիկացի հմուտ մասնագէտ՝ Դրէթէր Սի Միլիսպոյին: Հինգ տարի Իրանում պաշտօնավարելուց յետոյ, նա կրկին վարձւեց նոյն պոստի համար: Այս երկու այցելութիւնների ընթացքում Իրանից ստացած իր տպաւորութիւնների մասին Միլիսպոն հրատարակել է երկու գիրք:

Երբ հայրս դարձաւ երկրի կացութեան տէրը, Իրանը բացառեալ մի քանի էլեկտրակայաններից, մէկ լուցկու գործարանից և նաւթի գտարանից, որոնք պատկանում էին օտարներին, զուրկ էր արդիւնաբերութեան այլ ճիւղերից: Հայրս նպատակադրել էր և աշխատում էր, որ Իրանը, առանց օտարների օգ-

նութեան, ի վիճակի լինի հայթայթելու արդիւնաբերական պէտքերը երկրից ներս: Նրա թագաւորութեան օրօք երկրում շարք մտան բամբակի, բրդի, մետաքսաշինութեան, կաշւի, կօշիկի, կոճակաշինութեան, բրնձի, շաքարի ու շաքարաւազի, թէյի, գլանիկի, բուսական իւղի, պահածոյի, թղթի, ցեմենտի, աղիւսի, ապակու, դեղաշինութեան և ինչպէս ասւեց՝ զէնքի ու ռազմամթերաշինութեան գործարաններ: Գործարաններից ոմանք հիմնւեցին պետական կապիտալով, ոմանք պետութեան և իրանցի կապիտալիստների միատեղ մասնակցութեամբ, ոմանք զուտ իրանցի կապիտալիստների ներդրումներով: Դրանց համընթաց հայրս հաստատեց մի շարք պետական սահմանափակումներ արտաքին առևտրի խընդրում, որով ի դէպ կասեցւում էր Սորհրդային Միութեան ներմուծումների հոսանքը դէպի Իրան, որոնք հնարաւոր էր իրենց աժանութեամբ վնասէին իրանական շուկաներին: Հիմնւեց առաջին բազարը, ինչպէս նաև տարածւեց դրամի միաւորն ու նորագոյն չափերի սիստեմը: Վերցւեցին հին չափերը, որոնց առջև դժւարանում էին մինչև անգամ սուֆիները:

Հօրս կարգադրութեամբ, օտար պետութիւնների հետ կատարւող նամակագրութիւններից ու կապերից ընդմիջտ վերացւում էր «Փրժօրա» բառը և գործածութեան մէջ էր մտնում «Իրան»ը: Յիշում եմ, համաշխարհային Բ. պատերազմի ընթացքում Ուիւնրսթըն Չըշիլը ինչ որ անհանգիստ՝ բայց և թեթեւակի ակնարկելով նշել էր, որ ոչ ոք չի կարող նրան

ստիպել Փրբժիայի մասին խօսել առանց գործածելու «Փրբժիա» անունը: Վերջերս երկրի մտաւորականութեան խնդրանքով համաձայնեցի «Փրբժիա» և «Իրան» երկու անուններն էլ օգտագործեն ըստ այնմ:

Ելնելով հօրս երիտասարդական օրերի շրջապատից, թերևս ստացւի այն տպաւորութիւնը, որ նա անտարբեր պիտի մնար հասարակական և մշակութային խնդիրների նկատմամբ, սակայն իրականում դա միանգամայն հակառակն էր: Նրա ջանքերով, 1305 թւին, Իրանում կիրառեց արդարադատական նոր օրէնսդրութիւն, որի սկզբունքները համապատասխանում էին Եւրոպական շատ երկրներին՝ մասնաւորաբար Ֆրանսիայի արդարադատական օրէնքներին: Այսպիսով բոլոր դատերն ու քրէական հարցերը, որ ընդհանրապէս լուծոււմ էին գտնում հոգևոր դատարաններում, դրւեցին բնականոն հունի մէջ: Յաջորդ տարւայ ընթացքում, հայրս վերջնականապէս լուծարքի ենթարկեց կապիտուլասիօնը: Չնայած այն հանգամանքին, որ երկրի ուսուցչութեան թիւը բաւարար չէր, այնուամենայնիւ երկրում, Եւրոպական այլ երկրների պէս, ստիպողական յայտարարեց ձրի գրաճանաչութիւնը և անմիջապէս զարկ տրւեց տարրական և միջնակարգ նոր դպրոցների կառուցման աշխատանքներին:

1312 թւին հիմնեց Թեհրանի համալսարանը, որը գրաւում էր մի հսկայ տարածութիւն և օժտւած էր արդիական յարմարութիւններով: Նրա թագաւորութիւնից առաջ, քչերին էր յաջողում կրթութեան

նպատակով մեկնել Եւրոպա, սակայն իր օրերին վաւերացեց արտասահման մեկնող ուսանողութեան օրէնքը և յանձնեց գործադրման, որով իւրաքանչիւր տարի հարիւրաւոր իրանցի երիտասարդնար էին ուղևորում Եւրոպա, լրացնելու ուսման թերին:

Սա համառօտ մի ակնարկ էր այն բոլոր հիմնական ու ծաւալուն բարեփոխումների վրայ, որ կենսագործեց հօրս ձեռքով, իր մէջ ընդգրկելով երկրի բոլոր խնդիրները: Հետագային վերցրած իմ բոլոր քայլերի ամուր ու հաստատուն հիմքն էր կազմում նրա գործունէութիւնը: Նպատակս այն չէ որ շեշտած լինեմ, թէ հայրս իր թագաւորութեան օրերին հեռու է մնացել սխալներից, քանզի մարդ-արարածը՝ ինչ էլ լինի՝ սխալական է, և ամեն մի առաջնորդ՝ մասնաւորաբար եթէ հօրս պէս ակտիւ է ու գործունեայ՝ գերծ չի մնայ սխալանքներից: Օրինակ, հօրս համակրող ու երախտապարտ որոշ անձինք գտնում էին, որ հայրս գիւղատնտեսական խնդիրների բարելաւման առնչութեամբ, չի ցուցաբերում այն ողջմտութիւնն ու ուշադրութիւնը, ինչ որ անհրաժեշտ է երկրի արդիւնաբերութեան զարգացմանը: Նոյնպէս, իր թագաւորութիւնից յետոյ նա Ազգ. Սորհրդարանին պարտադրեց իր իշխանութիւնը, թէև երբէք չձեռնարկեց դրա լուծարքին:

Այնուամենայնիւ, հօրս՝ երկրին մատուցած ծառայութիւնները չափելու պարագային, պիտի նկատի ունենալ այն իրողութիւնը, որ տւեալ ժամանակաշրջանի Իրանը մեծապէս տարբերում էր այսօր-

ւայ Իրանից, և եթէ հայրս իր ուշադրութիւնը կենտ-
րոնացրել էր արդիւնաբերութեան վրայ աւելի քան
գիւղատնտեսութեան վրայ, պատճառն այն էր, որ
Իրանում այն օրերին եթէ հետքն անգամ չկար ար-
դիւնաբերութեան ու գործարանների, ապա մեր
երկրագործների հազարաւոր տարիների զբաղումն է
եղել գիւղատնտեսութիւնը:

Ինչպէս նաև, եթէ հայրս անտեսում էր դե-
մոկրատական և պարլամենտական վարչաձևը, անշուշտ
նկատի ունէր այն երևոյթը, որ օրէնսդրական մի
ազդեցիկ ապարատ ընտրելու համար պակասում էր
կրթւած քւէարկողների անհրաժեշտ գանգաւոր: Իրա-
կանում հայրս ընդլայնելով կրթական շրջանակը և
գարչ տալով գրաճանաչութեանը՝ ճանապարհ բացեց
իրական դեմոկրատիայի աճի ու զարգացման համար:

Զպիտի անտեսել նաև այն, որ հօրս անձնա-
կանութիւնը մեծապէս տարբերւում էր ինձանից:
Նրա բնատուր յատկանիշները նպաստում էին իր կա-
յացրած որոշումների կիրառմանը, յատկանիշներ,
որոնք մեր օրերի դրութեան մէջ չեն կարող նպաս-
տաւոր դեր ունենալ: Համոզւած եմ, եթէ այն օրե-
րին ես լինէի հօրս դերում, չպիտի կարողանայի իրա-
գործել այն բոլորը, ինչ որ արեց հայրս ամենայն
վարպետութեամբ. բայց թերևս իմ անձնականու-
թիւնը Իրանի ներկայ դրութեան համար աւելի նը-
պաստաւոր է հօրս ունեցած անձնականութիւնից:

Ամեն դէպքում պիտի նշել, որ ժամանակն ու
իրադրութիւնները անհատներին դաստիարակում են

առկայ պայմանների և պահանջների կադապարով:
Թէև անհատը ըստինքեան չի ծնւում ու արդիւնա-
ւորւում անպատճառ ժամանակի հետ և կան տարբեր
ազդակներ ևս, որոնք նշանակալից դեր են ունենում
նրա կեանքում:

Ինչպէս պիտի նշեմ յաջորդ գլխում, այն շըր-
ջապատը, ուր աճել ու զարգացել եմ ես, մեծապէս
տոգորւած էր հօրս անձնականութեան շնչով: Հակա-
ռակ տւեալ իմացական և խորը ազդեցութեան՝
մեր երկուսի բնութագծերը նոյնը չեղան: Եթէ ես
ծնւած լինէի հօրս ծննդեան օրը (այսինքն լինէի
նրա երկ-որեակը) և ապրէի նոյն պայմաններում ու
դրութեամբ, վստահ եմ, որ դարձեալ մեր երկու անձ-
նականութիւնները շատ տարբերութիւն պիտի ունե-
նային իրարից: Տեղին է նշել, որ պատմական գու-
ղադիպութիւնը իր դրոշմն է դրել մեր երկուսի կեանքի
վրայ. որքան նպաստաւոր էր հօրս բնութագիծը այն
օրերի Իրանի համար, հօրս հանդէպ ունեցած սիրոյ
և ակնածանքով հանդերձ պիտի նշեմ, որ նոյնքան
նպաստաւոր է իմ բնութագիծը Իրանի ներկայի հա-
մար: Համոզւած եմ, որ եթէ նա այսօր կենդանի
լինէր, կը հաստատէր այս իրողութիւնը:

Ինչևէ, հայրս արևմտեան քաղաքակրթութիւնից
խուսափելու փոխարէն, որ պիտի յանգէր Իրանի յե-
տամնացութեանը, մեզ ծանօթացրեց արևմտեան աշ-
խարհի հետ. նա էր, որ իրանցիներին առաջնորդեց
դէպի ազգային կեանքի նոր հորիզոններ, և իր յեղա-
փոխութեամբ եկաւ նոր պատասխանատուութիւնների
առջև դնելու Իրանի երկու հազար հինգհարիւր տա-
րիների կայսրութեան թագաւորութիւնը:

Գ. Մ Ա Ս

Ի Մ Մ Ա Ն Կ Ո Ւ Թ Ի Ի Ն Ը

Աշխարհի բոլոր ծագերում հայրը նպաստում է գաւակի բնաւորութեան ու մտայնութեան կազմաւորմանը: Ես հեռու չեմ եղել այս ընդհանրական կանոնից և հայրս աւելի քան որևէ տարբեր գործօն ազդեցութիւն է ունեցել իմ անհատականութեան կազմաւորման վրայ: Հարկաւ ինչպէս նշեցի նախապէս, և պիտի նշեմ, ես երբէք չղարձայ հօրս բնաւորութեան հայելին, սակայն նա շատ կողմերով գրական ու բացասական ազդեցութիւն ունեցաւ իմ վրայ: Ուստի սոյն գլուխը ստիպւած եմ սկսել նրա անձնականութեան և բնաւորութեան մի շարք յատկանիշների նկարագրութեամբ:

Անժխտելիօրէն բոլորը, նոյնիսկ հօրս թշնամիները, խոստովանում էին, որ նա օժտւած էր տարօ-

րինակ ու գերմարդկային անհատականութեամբ: Աշխարհի ամենաբարի անձնաւորութիւնը համարելու հետ միաժամանակ, նա կարող էր հանդէս գալ աշխարհի ամենասարսափազգու անհատի դերում: Որքա՞ն ուժեղ ու կամքի տէր անձինք են դողացել նրա լոկմի նայածքից: Նրա մէջ զարմանալիօրէն գարգացել էր մարդկանց բնաւորութիւնները անմիջականօրէն արժէքաւորելու յատկանիշը: Առաջին իսկ հանդիպումից, նա այնքան ճշգրտօրէն էր բնորոշում դիմացինի խոցելի և առաւել կողմերը, ուղղամտութիւնն ու շարամտութիւնը, որ ասես աչքերից խորհրդաւոր ճառագայթներ էին թափանցում մարդկանց սրտերի ամենահեռաւոր անկիւնները, որով ոմանք չէին կարողանում ուղիղ նայել նրա խորթափանց աչքերին:

Հայրս հակառակ հանրութեան կարծիքի, բարի էր ու փափկասիրտ: Գալաւագոյն կերպով մասնաւորում էր ընտանեկան շրջապատում. այստեղ նրա դաժանութիւնն ու խստապահանջութիւնը տեղի էին տալիս մարմնաւորւած սիրոյ ու խանդադատանքի առջև: Գորովագութ ու բարեսիրտ էր մասնաւորաբար իմ նկատմամբ, որովհետև ինձ ընտրել էր իր թագաժառանգը: Երբեմն նոյնիսկ երգում էր կամ խաղում էր ինձ հետ. այդուամենայնիւ երբեք չեմ յիշում, որ դա տեղի ունենար ուրիշների ներկայութեամբ:

Նրա զատորոշ յատկանիշներից մէկն էր պարզութիւնը և բուռն հակակրանքը շքեղութիւնների նկատմամբ: Անձնական հնարաւորութիւններով բարձր դիրքեր նւաճած բազմաթիւ անձինք միշտ էլ ցան-

կացել են կառչելով նիւթական տւեալներին, ապացուցել իրենց գերակշռութիւնը, ընդորում՝ արեւելեան արքաները ընդհանրապէս աչքի չեն ընկել ինչ-որ պարզութեամբ ու ժուժկալութեամբ, սակայն հայրս յայտնապէս խուսափում էր Ղաջար արքաների շոյլ պաճուճանքներից՝ իր թագաւորութեան ողջ շրջանում գերադասելով գինւորական հասարակ հագուստը: Նրա գուլպաները տեղական էին, իսկ սապոկները կարճ էին ու գործածւած: Գրպանի պարունակութիւնը սովորաբար սահմանափակում էր մի թաղիկնակով և արծաթէ ծխախոտի տուփով, որի մէջ դնում էր նոյնպէս տեղական գլանիկներ: Պարտաճանաչ ու ուշադիր էր մաքրութեան մէջ:

Նրա ուտելիքը ստամոքսի տկարութեան պատճառով ընդհանրապէս պարզ էր: Նախաճաշին բաւականանում էր լոկ թէյով և հիմնականում խուսափում էր իւրաքանչիւր իրանցու նախաճաշը կազմող՝ հաց ու պանրից, ձւից ու պտղից: Փլաւն ու խաշած վառեկը կազմում էին նրա ամենօրեայ ճաշն ու ընթրիքը: Գործի ընթացքում, որոշ պահերին սովորական բաժակով խմում էր թէյ: Նրա գրասենեակի կահաւորանքը նոյնպէս պարզ էր: Գա կազմւած էր մի գեղեցիկ խճանկար սեղանից, որ գործածում եմ նաև ես, մի նստարանից և աթոռից, մի կտոր գորգից և Իրանի մանրամասն քարտէսից: Տանը հանգստանում էր գետնին փուած մի ներքնակի վրայ և երբեք չէր մօտենում անկողնուն: Ես ևս սիրում եմ այս ձևով հանգստացնել նեարդներս: Նրա օրւայ ծրագիրն ևս

պարզ էր՝ արթնանում էր կանուխ առաւօտեան ժամը 5-ին, և լողանք ընդունելուց ու սափրւելուց յետոյ, որ կատարում էր արագօրէն, նստում էր նախաճաշի (եթէ դա կարելի է նախաճաշ կոչել): Այստեղ աչքի էր անց կացնում օրւայ լուրերն ու զեկուցադրերը, որոնք կազմւել էին միջև այդ պահը և ճիշտ ժամը 7.30-ին անցնում էր գրասենեակի, ուր ընդունում էր՝ նախ գրասենեակի վարիչին և ապա՝ նախօրօք հրաւիրւած անձանց: Այնուհետև սկսում էր բանակցութիւններ նախարարների և զանազան պաշտօնեաների հետ, որը տևում էր մինչև ժամը 11.30-ը: Ճաշը վայելում էր քիչ յետոյ և ժամը երկուսից յետոյ վերսկսում աշխատանքները: Երեկոյեան սովորաբար դիտարկում էր զօրաբանակի տարբեր կենտրոնները կամ վարչական ու շինարարական գծով տարւող աշխատանքները: Նախարարաց խորհրդի նիստերը մեծ մասամբ տեղի էին ունենում կէսօրից յետոյ, իր ներկայութեամբ: Ժամը 6-ից մինչև 8-ը՝ զբաղւում էր օրւայ ընթացքին կուտակւած զեկուցադրերի վերահասութեամբ: Ժամը 8-ին ընթրում էր և ժամը 10-ին անցնում քնելու: Անկողնու մէջ էլ, իր վկայութեամբ, նրան զբաղեցնում էին այլազան ծրագրերի և գրանց գործադրմանը կապւող մտածմունքները: Այսպիսով կարելի է ասել, որ նա երբէք պարպ չէր մնում:

Նկատի ունենալով վերոյիշեալ ծրագիրը, դիւրութեամբ կարելի է ուրւագծել հօրս յատկանիշներից մէկը, այն է՝ նրա պետանդական ճշտապահու-

թիւնը, որը արտացոլւում էր համարեայ բոլոր խնդիրներում: Լաւ յիշում եմ, երբ մեկնում էի արտասահման շարունակելու կրթութիւնս, հայրս կարգադրեց, որ իւրաքանչիւր շաբաթ զեկուցեմ պարսկերէն լեզւի դասերիս ընթացքի մասին, որպէսզի հասու լինի իմ յառաջադիմութեան տեմպերին: Մի անգամ հերթական զեկոյցս ուշացաւ փոստի պատճառով: հայրս անհանգստանում է այնքան, որ անմիջապէս հեռագրում է ուսուցչիս և բարկանում ուշացման համար:

Հայրս չհաշւած ընտանիքի գրկում անց կացրած պահերը, չունէր հաճոյքի և հանգստի ժամ: Ողջ տարւայ ընթացքին սոսկ մի քանի ժամ տրամադրւում էր որսի: Նրա մարզանքը կայանում էր քայլելու մէջ և լաւ մտաբերում եմ, որ անդադար քայլում էր գրասենեակում: Հետիոտն էր անցկացնում նաև զինւորական ու պետական կազմակերպութիւնների դիտարկումը: Երեկոները ընդհանրապէս ճեմում էր պալատի այգում և դիմողներին ընդունում էր քայլելով, ընդ որում նրանք ստիպւած էին քայլել հօրս յետևից: Երբ Ռեզաշահը քայլում էր, դա սովորաբար նշանակում էր, որ նա մտածում է:

Կրօնական խնդիրներում ևս հայրս նախընտրում էր պարզութիւնը և խորշում էր աւելորդ ցուցամոլութիւններից: Հոգևորականութեան դէմ որդեգրած նրա խիստ ընթացքը շատերի մօտ ստեղծել էր այն կարծիքը, որ նա հակւած չէ կրօնին, թէև իրականում այդպէս չէր: Նրա նպատակն էր զերծ

պահել հոգևորականութեանը քաղաքական խնդիրներին, որովհետև ունէր այն սկզբունքը, որ հակառակ պարագային չպիտի կարողանայ անհրաժեշտ արագութեամբ իրագործել բարենորոգչական առումով ընթացող ծրագիրները: Իհարկէ սա չի նշանակում, որ նա անօգուտ համարէր հոգևոր դասի գոյութիւնը, կամ կրօնական հարցերի խնդրում լինէր անտարբեր. ընդհակառակը՝ մեծ էր նրա յարգանքը յառաջադէմ ու ազատամիտ հոգևորականութեան նկատմամբ: Կրօնի հանդէպ ունեցած նրա սիրոյ ու ակնածանքի լաւագոյն ապացոյցը, նրա բուռն հաւատքն էր Իմամ Ռեզա Մարգարէի նկատմամբ, ընդորում իր բոլոր զաւակների անունների մէջ օգտագործել էր Ռեզա անունը և եթէ պատեհութիւն էր ունենում այցելում էր ութերորդ Իմամի դամբարանը՝ ուխտի նպատակով: Սովորաբար, ամեն մի ծրագրի իրագործման նախօրեակին ևս հայցում էր Աստծոյ ողորմութիւնն ու օգնութիւնը, մրմնջալով սրբագործած նշանաբաններ:

Ոչ ոք չունէր այն հաւատքը, որ տածում էր հայրս իր հայրենիքի հանդէպ: Դա երբեմն հասնում էր ծայրահեղ սիրոյ և նման դէպքերում պնդում էր, որ Իրանի քաղաքակրթութիւնը իր բոլոր կողմերով գերազանցում է աշխարհի քաղաքակրթութեանը, կամ անարժէք էր համարում նորագոյն յառաջադիմութիւնները. իհարկէ դա չէր արգիլում, որ շքնադաշի կրթադաստիարակչական նոր մեթոդների կիրառմանը Իրանում: Ոչ ոք նրա պէս մտահոգւած չէր

երկրի վերելքներով ու յառաջադիմութեամբ. և ի դէպ, միաժամանակ հպարտութեամբ ու ակնածանքով ընդգծելով իր հայրենիքի փառաւոր անցեալն ու յարգելով պատմական սովորութիւններն ու ծէսերը, տէր էր այն մօտեցումին, որ երկրի ամբողջականութիւնն ու անկախութիւնը, ինչպէս նաև ժողովրդի երջանկութիւնն ու բարօրութիւնը ապահովելու համար, պիտի լրիւ թափով լծուել յառաջադիմութեան ու վերելքի կառքին, որով ժամանակին ընթացել է Արևուտքը:

Այդ իսկ պատճառով նրա միտքը անվերջ պտտւում էր նոր գործարանների հիմնադրման, էլեկտրոէներգիյի հզօրացման, ջրամբարտակների ու ջրաբաշխական կենտրոնների շինութեան, երկաթուղագծերի ու մայրուղիների ընդլայնման քաղաքաշինութեան և հզօր գօրաբանակներ ստեղծելու շուրջ:

Յայտնի չէ որո՞նք էին հօրս աղբիւրները գիտութեան ու տեխնիկայի նորագոյն նւաճումների մասին. ինչևէ նա ճշգրտօրէն տեղեակ էր այդ բոլորից: Կարելի է ենթադրել որ դրանք ձեռք էին բերւում յամառ ուսումնասիրութեան ու հարցասիրութեան շնորհիւ:

Հայրս ոչ միայն ուշիմ էր ու աշխատասէր, այլև նրա մէջ մեծ չափերով զարգացել էր արագ ըմբռնողականութիւնը: Քիչ էր խօսում աւելի խորհում էր: Խօսակցութեան պահին, արտայայտւում էր զուսպ, բայց մտածւած. չէր շեղւում նիւթից, խօսում էր տրամաբանական և հակառակ այն իրողութեան, որ մեր օրերի շափանիշով զուրկ էր բաւա-

րար կրթութիւնից, այնուամենայնիւ զարմանալիօրէն հեշտ էր ընկալում որևէ խնդրի զգայուն կողմերը՝ լինեն զբանք տեխնիկայի՝ օրինակ, Իրանի ընդհանուր երկաթուղագծի շինարարութեանը առնչող, կամ արտաքին քաղաքականութեան բնագաւառներում նրա արտայայտութիւնները տոգորւած էին հօգօր կամքով ու պարզամտութեամբ: Դա էր, որ նրա սրտաբուխ խօսքերը միշտ էլ զբաւում էին ունկնդիրներին:

Տիրապետում էր իր ջղերին բառիս ամենալայն իմաստով. հակառակ որոշ անձանց կարծիքի, իր թագաւորութեան շրջանում երբէք չէր բարկանում ի սրտէ, և եթէ երբեմն բռնկւում էր զայրոյթից, ապա դա բխում էր մեծ մասամբ անհրաժեշտութիւնից. ինչևէ իր ջղերի տէրն էր:

Հօրս բնաւորութեան զարմանալի տւեալներից մէկն էր նաև նրա ճշտապահութիւնը քաղաքականութեան մէջ: Փորձւած քաղաքագէտի հմտութեամբ, նա կարողանում էր ժամանակին սկսել անհրաժեշտը և ժամանակին խուսափել անկարևորից: Մէկ բուպէում որոշում կայացնելու կարողութեան հետ մէկտեղ, ի վիճակի էր անհրաժեշտութիւնից մղւած տաս տարի համբերութեամբ սպասել որևէ քայլի իրագործմանն ի խնդիր: Ընդհանրապէս իր մտքերի ու նպատակների իրականացման նախօրեակին, սիրում էր կշռադատել ու ծանր ու թեթև անել խնդրի բոլոր կողմերը, և որ կարևորն է յաջողում էր որսալ դրա պատեհ առիթը, ընդ որում երբէք չէր սխալւում:

Հայրս ֆիզիքական տոկունութեամբ ու հաստատակամութեամբ գերակշռում էր սովորական անհատներին և ինչպէս ինքն էր եռանդով ու աւելնով աշխատում երկրի բարօրութեան համար, նոյնն էլ ակնկալում էր ուրիշներից: Պետական բոլոր կազմակերպութիւններից ներս մտցրած հիմնական փոփոխութիւններին ազդակ ծառայեց նրա կարգապահութիւնն ու հայրենասէր ոգին: Հօրս մեթոդը կայանում էր նրանում, որ պետական հաստատութիւններն կատարած իր այցելութիւնները անց էր կացնում անսպասելիօրէն և մեծ մասամբ աշխատանքային օրւայ սկզբում, որով հնարաւոր էր դառնում քննելու մինչև անգամ պաշտօնեաների ներկան ու բացական: Օրինակ մի օր Ռեզաշահը հիմնարկային ժամի սկզբից քիչ անց մուտք գործելով Ելեմտական նախարարութիւն, կարգադրեց փակել բոլոր դռները: Պաշտօնեաներից ոմանք, ընդորս պատասխանատու նախարարը ուշ հասնելով գործի իրենց գտնում են փակ դռան առջև և անմիջապէս վտարւում: Սա մէկն է այն հսկայ պայքարից, որ հայրս հետևողականութեամբ մղում էր բոլոր խնդիրների մէջ ներթափանցած ծուլութիւնների, անպատասխանատուութիւնների և աւելորդ ձգձգողականութեան դէմ:

Ռեզաշահը ոչ միայն հիմնեց Իրանի երկաթուղագիծը, այլև ջանադրաբար հետևեց գնացքների երթ և եկի ժամերին: Այս մասին, նրանից մնացել է մի նկար, որ ամեն անգամ նայելիս բերկրանքով է լըցւում հոգիս: Նկարը պատկերում է նրան մարդատար

մի գնացքի մէջ այն պահին, երբ բաւականութեամբ շողշողացող դէմքը յառել է ժամացոյցին, քանի որ գնացքը ժամանակին է մուտք գործել կայարան:

Իրանի նորագոյն պատմութեան մէջ, հայրս առաջին անձնաւորութիւնն է, որ ժողովրդին վարժեցրել է ճշտապահութեան՝ անդադար շեշտելով դրա կարեւորութիւնը: Պատժի ու քաջալերանքի խնդրում, հայրս աւելի հակած էր դէպի պատիժը, քանի ունէր այն սկզբունքը, որ իր գործը լաւ կատարած անհատը վարել է իր պարտականութեան համաձայն: Ընդհակառակը, երբ նրա սուր աչքերից չէր վրիպում մէկի գանցառութիւնը կամ պարտականութեան մէջ թոյլ տրւած անճշտութիւնը, վարւում էր այնքան խստօրէն, որ գանցառուն ստիպւած էր լինում զղջալ իր ողջ կեանքում: Հօրս որդեգրած ընթացքը այս խնդրում, հիմնւում է արևելեան ժողովրդների բնութագրի մասին ունեցած նրա ճանաչողականութեան և ոյժի տեսութեան վրայ: Սակայն վերջին տարիներին, երբ մեր հասարակայնութիւնը ծանօթացել է դեմոկրատիայի տեսութիւններին, աւելի ցանկալի արդիւնք են տւել հօրս մեթոդից տարբերող այլ միջոցառումները:

Ժողովրդի մէջ անձնագոհութիւն ու ոգևորութիւն ստեղծելու համար, հայրս յենւում էր իր իսկ բնաւորութեան ու իմացականութեան ոյժի վրայ: Պա, հարկաւ, երբէք չհանդեց բացասական արդիւնքի, որովհետև Իրանի ժողովուրդը հօրս նկատմամբ ունեցած իր վախի հետ միախառնւած ակնածանքով, լա-

ւագոյն կերպով ընդառաջում էր նրա նպատակների իրագործմանը:

Թագաւորութեան սզբնական շրջանում մեծ էր ժողովրդի սէրն ու համակրանքը հօրս նկատմամբ: Բայց վերջին տարիներին, երբ նա ստիպւած էր երկրի վերելքի ու յառաջագիմութեան օգտին հանդէս գալ ոյժով ու բռնութեամբ, տւեալ սէրն ու համակրանքը փոխւեց ակնածանքի և անձատուութեան: Ինչևէ մեծ էր հօրս իմացական ներգործութիւնը հասարակայնութեան բոլոր խաւերի վրայ:

Մեր հայրենիքի հեռաւոր անցեալի մեծութեան և պատմական փառքի վերականգնման ճանապարհին, հայրս ներդրեց հսկայ ճիգ ու ջանք: Նա պահանջում էր իր ժողովրդից բարձր պահել հայրենիքի անունը, ինչ որ վայել է նրա փառաշուք անցեալին: Առանց ունենալու որոշակի ծրագրեր, ինչպիսին են ներկայի երկրորդ եօթնամեակը կամ երրորդը, որ դեռ նախապատրաստական փուլի մէջ է, նա վերացնելով որևէ բարենորոգչական ծրագիր, անմիջապէս անցնում էր յաջորդին, որպէսզի հնարաւոր դառնայ դրանց միաւորումից ստեղծել մի ամբողջական գործունէութեան պատկեր: Ճիշտ է, դրանք միշտ չէ որ օգտակար էին, ճիշտ է նրա որդեգրած ընթացքը ժողովրդի հանդէպ միշտ չէ որ զերծ էր մտում կոպտութիւնից, սակայն անժխտելի է, որ հայրս հասաւ աներևակայելի արդիւնքների: Երբ հաշուեյարդարի ենք դնում նրա մատուցած ծառայութիւններն ու կատարած վիթխարի աշխատանքը, դրժ-

ւար է լինում ընդունել այն իրողութիւնը, որ նրա
թագաւորութեանը շրջանը տեղեց լոկտասնեկեց տարի-
կարճ մի ժամանակաշրջան, որի ընթացքին նա յա-
ջողեց հասնել այն բոլոր նւաճումներին ու յառաջա-
դիմութիւններին, որոնց մասին նշեցի նախապէս:

Բնաւորութեամբ հայրս կատակասէր էր: Հար-
կաւ նրա թագաւորութեան շրջանից յուշեր ունեցող
անձինք հակառակը պիտի պնդեն, բայց իրողութիւնը
այն է ինչ ասուեց: Ընտանեկան շրջապատում, մաս-
նաւորաբար ինձ հետ կատակում էր պարզամտօրէն ու
սիրով: Ընտանեկան շրջապատից դուրս ևս յաճախ եմ
լսել նրա առնական ծիծաղը և կարծում եմ դրա բուն
շարժառիթը ոչ այլ ինչ էր, եթէ ոչ մի շարք արտա-
քուստ ծանրամեծար անձանց նոյնքան կեղծ լըջու-
թիւնն ու շողոքորթանքը, որով քօղարկում էին ճշ-
մարտութեան դէմքը:

Ինչպէս ասուեց նախապէս, հայրս օժտւած էր
մարդկային հոգիները մերկացնելու ունակութեամբ:
Դէմքի մի արտայայտութիւն կամ միմիկան բաւա-
կան էր, որ նա կարողանար բնորոշել դիմացինի
ներաշխարհն, որով չէր խաբւում դիւրութեամբ:

Նրա ծիծաղն էին հարուցում որոշ պալատա-
կանների կամ պետական պաշտօնեաների արտաքուստ
շողոքորթանքն ու կեղծութիւնը և դրա ընկալումը
նոյնիսկ բաւականութիւն էր պատճառում նրան: Ըստ
իս բնական, մինչև անգամ անհրաժեշտ ու տեղին էր
հօրս խորշանքը, որ առաջ էր գալիս պալատական-
ների և պաշտօնեաների նշւած վերաբերմունքից,

աւելորդ չափազանցութիւններից, անիմաստ արտա-
յայտութիւնից, որոնք ոչ միայն պատճառ էին դառ-
նում ժամանակի կորստին, այլև դրանց հետեանքով
այլազան խնդիրների բուն էութիւնը զոհուում էր
շքեղ ու պճնւած արտաքինին: Ընդ սմին, Իրանում
չափից աւելի էր գործածւել՝ «նպատակայարմար
սուտը լաւ է գլխացաւանք յարուցող ճշմարտու-
թիւնից» նախադասութիւնը: Իր կորրեկտութեամբ
ու պարզամտութեամբ դժւար էր հօրս համար տանել
շրջապատի կեղծութիւնը. հետեաբար, երբ տեսնում
էր ոմանք դեռևս կառչած են մնում տեալ մեթոդին
ապա չէր հրաժարւում պարզապէս ծաղրելուց:

Ոմանք կարծում են, որ նա գինւորական
կեանքին վարժւած լինելով, հակւած էր կատակելու-
կամ թոյլ տալու կոպիտ արտայայտութիւններ. բայց
դա միանգամայն սխալ է, քանի որ նրա բերանից
երբէք չեմ լսել նման արտայայտութիւններ, ըստ
որում, բացի ինձանից և ոչ ոքի հետ չէր զբաղւում
ինչ-որ գիշողականութեամբ: Ընդհանրապէս նրան այ-
ցելող անհատները կամ սարսափից դողում էին և
կամ լցւում էին խորը յարգանքով ու երկիւղածու-
թեամբ. երկու դէպքումն էլ երբէք չէր ստեղծւում
մասնաւոր յարաբերութիւնների կամ կատակելու պա-
տեհութիւն: Դա չէր բացառւում նաև նրա հին ու
մտերիմ ընկերների խնդրում: Յիշում եմ հօրեղ-
բայրներիցս մէկը, որ շատ մօտիկ էր նրա հետ և
ուներ նման վերաբերմունք, ընկնելով հօրս ծանրա-
մեծար անձնականութեան ազդեցութեան ներքոյ,

խուսափում էր չմտածեա՞ծ շարժ ու ձևից կամ արտայայտութիւններից:

Այս պատճառով, երբեմն խորհում էի, որ հայրս մի ընթացք, հարկաւ պիտի ունենայ մենակութեան զգացում, բայց շուտով համոզւեցի կարծիքիս անճշտութեանը, քանի որ նրա բնաւորութեան գծերն այնպիսին էին, որ ընդհանրապէս քիչ էր զգում մտերիմ կամ ընկերական յարաբերութիւնների պահանջը. ծանօթներն էլ չէին համարձակուում իրենց մտերիմ համարել նրա հետ: Հայրս մեծ մասամբ տարւած էր իր իսկ մտքերով ու կարևոր աշխատանքների դասաւորմամբ և դրանք էին նրա ամենալաւ ընկերները: Այս բոլորով հանդերձ, երբ թաւաւորութեան վերջին տարիներին նոսրացաւ պալատական խորհրդականների ու ծառայողների թիւը, դարձեալ նրա ընկերներն էին, որ շարունակում էին հաւատարմօրէն նրան տեղեակ պահել արտաքին աշխարհի անց ու դարձից:

Մօտաւորապէս հինգ տարի առաջ մի համառօտ ակնարկ եմ գրել հօրս բնութագծերի մասին, որը գրքի ձևով հրատարակւել և թարգմանւել է շատ լեզուներով: Այս գրքում նկարագրելով հօրս բնաւորութիւնը, ի դէպ, գրել եմ. «Լիայոյս եմ, որ սոյն նկարագրութիւնը պատճառ կը դառնայ, որ իրանի ժողովուրդը և այս հող ու ջրով հետաքրքրողները՝ մասնաւորաբար երիտասարդութիւնը խորհեն այն մեծ մարդու մասին, որ իր կեանքը նւիրաբերեց յանուն իր իսկ հայրենակիցների բարօրութեան, զարգացման

ու յառաջադիմութեան նպատակին: Թող դա օրինակ ծառայի նրանց և լաւ իմանան, թէ ինչպէս կարելի է քաջութեամբ ու հետևողականութեամբ յաղթել վախի ու թուլամտութեան և ճշմարիտն ու իրականը կիրառել կեանքում, թէ ինչպէս խուսափել անպատշաճ սովորութիւններից ու բնաւորութեան թոյլ կողմերից՝ ամաչել ստից ու ալարկոտութիւնից, ինչպէս պատւաւոր գործը համարել բարձրագոյն նպատակ և հպարտութեան արգասիք, որով կարելի լինի ընկալելու այն խօսքը, թէ՛ «Մարդկային ամենագեղեցիկ հոգևոր զարդը գործն է և աշխատանքը, որի շնորհիւ հնարաւոր է դառնում հասնելու կոչման բարձրութեան»:

Սա համառօտ մի ակնարկ էր հօրս բարձր անձնականութեան մասին, որը հսկայ ազդեցութիւն ունեցաւ իմ դաստիարակութեան խնդրում և գրւեց, որպէսզի ընթերցողները նախքան իմ մանկութեանը ծանօթանալը, մօտաւոր գաղափար կազմեն այն գործօնների մասին, որոնք իրենց կնիքը դրին իմ բնաւորութեան ու ոգու վրայ:

Ես աչք եմ բացել 1298 թւի Աբան 4-ին, Թեհրանի հին թաղամասերից մէկում գտնւող մի փոքրիկ և անշուք տան մէջ: Այս թւին Թեհրանը դեռևս օժտւած էր ամրոցով, որը շրջապատւած էր ցամաքած խանդակի գօտիով: Քաղաքի ել ու մուտը կատարւում էր բազմաթիւ դարպասներից, որոնք գիշերները փակւում էին՝ քաղաքի անդորրը արկածախնդիրներից ու զինւած աւազակներից ապահովելու

նպատակով: Հորս իշխանութեան օրօք, երբ հունի մէջ բարենորոգչական աշխատանքները, ոչնչացւեցին նաև յիշեալ դարպասները:

Մեր ընտանիքի շուտ տեղափոխւելու հետեւանքով, աղօտ ու մշուշոտ են իմ յուշերը այս տնից: Միակը որ տպւորւած է մնացել յիշողութեանս պատանոի վրայ, դա Ալբորդ լեռնաշղթայի սիգապանծ լեռների վեհաշուք տեսարանն էր, որ ինձ պարզեց է ոգևորութիւն ու ներշնչանք: Պարզ օրերին, երբ հայեացքս յառում էի քաղաքի հիւսիս-արևելեան կողմին, տեսողութեանս առջև յառնում էր Դեմաւենդի բարձրանիստ գագաթը՝ իր յաւերժական ձիւնով, որից զգում էի հոգեկան մեծ բաւարարութիւն: Հետագային իմացայ, որ Դեմաւենդը իր 5671 մետր բարձրութեամբ գերազանցում է Մոնբլանին և մօտաւորապէս մէկ ու կէս անգամ բարձր է Փոջի-եամայի հռչակաւոր գագաթից:

Իմ առաջին յուշերի մէջ տպւորւել է նաև հօրս առնական դէմքն ու բարձր հասակը, որ ի դէպ այդ օրերին վարում էր ռազմական նախարարութիւնը և ամեն օր որոշ ժամերին գնում էր աշխատանքի ու վերադառնում: Ովքեր սիրում են գրական դարձւածքներն ու նմանութիւնները, պիտի ասէին, որ այդ օրերին, երբ բարձր լեռներն էին շարժում իմ զգացումները, հայրս կանգնած Իրանի վարչապետական և շահնշահութեան դիրքերի սեմին, կոչւած էր պայքարելու իր հայրենիքի լեռան պէս հսկայ դժւարութիւնների դէմ:

Իմ կազմւածքը մանկութեանս օրերին թոյլ էր: Լաւ մտաբերում եմ, թէ ինչպէս մի օր բաղանիքում սայթաքեցի և գլուխս սաստիկօրէն դիպչեց սալայատակին: Յիշում եմ նաև վերջերս մահացած մեր հաւատարիմ ծառայող «Աղա-Հաշեմ»-ի մտահոգ հայեացքն ու ալեկոծ վիճակը, որ ցաւից աւելի ազդեց ինձ:

Մանկութեանս օրերից ամենանշանակալի իրագարձութիւնը հօրս թագադրութեան արարողութիւնն էր, որի ընթացքին հայրս «Ռեզաշահ Փահլաւի» անւամբ շահնշահութեան թագը դրեց գլխին և ես ընտրեցի որպէս թագածառանգ: Պատմական սովորութիւններով ու փառաւոր ծիսակատարութիւններով Գոլեստան ու Թախթէ Թաւուս պալատներում տեղի ունեցող թագադրութեան աննախընթաց ու շքեղ արարողութիւնը իր շքով ու մեծութեամբ, ինձ վրայ, որ նոր էի բուրրում վեց տարիս, ներգործեց դոյզն չափերով:

Նախքան թագածառանգ լինելս, ապրում էի մօր, եղբայրներիս ու քոյրերիս հետ, սակայն թագադրութիւնից յետոյ հօրս կարգադրութեամբ բաժանեցի նրանցից՝ ենթարկւելով յատուկ մի դաստիարակութեան, որ հայրս կոչում էր «առնական դաստիարակութիւն»: Դա ինձ պիտի պատրաստէր ապագայի ծանր պատասխանատուութիւնների ստանձման ուղղութեամբ: Նոյն օրերին ինձ արձանագրեցին «Նեզամ» դպրոցում, որ իրականում հիմնւել էր իմ ու չորս եղբայրներիս համար: Մեր դասարանը կազմող աշակերտութեան թիւը չէր անցնում 21 հո-

գուց, որոնք բոլորն էլ բարձրագոյն պաշտօնեաների կամ զօրապետների գաւակներ էին և ընտրւել էին ամենայն բժախնդրութեամբ: Եղբայրներս ինձանից փոքր լինելով արձանագրւեցին ցածր դասարաններում: Աշակերտութունը հազնում էր գինւորական տարագ. դժւար էր դասերի ծրագիրը, որոնց գուգորդւած էր նաև գինւորական վարժութիւններ: Այսպիսով բնականաբար, մանկութիւնս անցնում էր գինւորական մթնոլորտում: Չբաւարարւելով իմ դպրոցական կրթութեամբ, հայրս վարձել տւեց մի ֆրանսուհի դաստիարակչուհի որը դասաւանդում էր ֆրանսերէն և հետևում էր իմ կեանքի ներքին խնդիրներին: Յիշեալ կնոջ ջանքերով, որ ամուսնացած լինելով մի իրանցու հետ կոչւում էր տիկին Արֆա, ֆրանսերէնը իւրացրի մայրենի լեզուի պէս. դրա շնորհիւ իմ աչքերի առջև բացւեց արևմտեան աշխարհը տեսնելու և ուսումնասիրելու լուսամուտը:

Այս կինը, որին միշտ երախտապարտ պիտի մնամ, վախճանւեց 1959 թւին Փարիզում:

Թէև մանկութեանս օրերին աչքի չէի ընկնում ամուր կազմւածքով, այսուամենայնիւ գւարթ ու թռչկոտուն էի և դադար ու հանգիստ չունէի: Վազում էի, թռչում, մագլցում ծառերից և ընդհանրապէս անմասն չէի մնում տղայական սովորական գւարճութիւններից: Սիրում էի մեր երկրում ամենամեծ սպորտը համարւող ըմբշամարտը, նոյնիսկ մտաբերում եմ թէ ինչպէս մի օր ճաշից յետոյ ըմբշամարտով զբաղւելուս հետևանքով արժանացայ նկա-

տողութեան: Չմեռները չէի կշտանում ձնագնդի խաղալուց: Իմ սիրած զբաղումներից էր նաև Սաադաբադ ամառային պալատի առուների վրայ ընկերներիս օգնութեամբ ամբարտակ կառուցելը: Կարելի է ասել դրանք փոքրիկ օրինակներ էին այն վիթխարի ամբարտակների ու հիդրօկայանների, որ այսօր շարք են մտել երկրի շատ կէտերում ապահովելով էլեկտրոէներգիա: Առւակների եզերքում շինում էին նաև փայտէ և աղիւսէ տներ, կամուրջներ ու պալատներ:

«Նեգամ» դպրոցում օրւայ մէջ երկու ժամ յատկացւած էր հանգստի, բայց դա ևս սպառւում էր մանկական խաղերի ու վազվզոցների մէջ: Սովորութիւն է Իրանում, որ կէսօրից յետոյ մեծ թէ փոքր վայելում են կարճատև հանգիստ. ես հակւած չէի այս սովորութեան, այնպէս ինչպէս հիմա էլ չեմ սիրում յետկէսօրեայ նինջը. չեմ մոռանում, թէ ինչպէս մանկութեանս օրերին միւս գասընկերներիս հետ աղմուկ աղաղակով նետուում էինք խաղի, խանգարելով մեծերի հանգիստը:

Իմ սիրածս խաղերից մէկն էր նաև «գոդ և ոստիկան» խաղը: Ընկերներիս սովորաբար բաժանում էի երկու մասի՝ գոդեր ու ոստիկաններ և ապա թափանցում էինք պալատի պահեստներն ու խորհրդաւոր նկուղները, սակայն պիտի խոստովանել, որ այն ժամանակ յանցանշաններ յայտնաբերող մեր միջոցները անչափ տարրական էին ու թերի: Չափահաս տարիքում զբաղւում էի ձիավարժութեամբ ու որսով՝ ընկերակից ունենալով ներկայիս պալատական

որսավար պարոն Աթաբային: Նորագոյն սպորտներից նախընտրում էի ոտնագնդակն ու կոփամարտը: Յիշում եմ կոփամարտի մարզիչս կրում էր ակնոց. մի օր մարզումի պահին նրա ակնոցը ընկաւ աչքից. ես անմիջապէս գետնից վերցնելով այն տւեցի նրան և շարունակեցիինք մարզումը: Ընկերներիս հետ երբեմն զբաղւում էինք նաև ճոկանախաղով՝ երիվար ունենալով մեր հեծանիւները: Դա անչափ հետաքրքրական էր և որքան տեղեակ եմ մենք Իրանում առաջին հեծանուորը ճոկանախաղացներն ենք եղել:

Թւում է ըստ սովորութեան, թագաժառանգը պիտի լինի որոշ չափով հպարտ և չխառնւի հասարակ ժողովրդի հետ. բայց որքան մտաբերում եմ՝ թագաժառանգ եղածս շրջանում ես այդպէս չէի և յուսով եմ, որ ներկայում ևս այդպէս չեմ: Այն օրերին իմ ամենամտերիմ ընկերն էր Հոսէյն Ֆարզուստ անունով մի տղայ, որի հայրը շարքային սպայ էր: Շւեցարիայում ևս Հոսէյնը իմ դասընկերն էր: Հետագային նա գնդապետի կոչումով ստանձնեց սպայական Փակուլտետի դասախօսի պաշտօն և ներկայում պաշտօնավարում է Արքայական Պահակախմբի մէջ:

Թագաժառանգ եղածս օրերին, հայրս օրական երկու ժամ զբաղւում էր ինձանով: Ինչը տարեկանս լրանալուց յետոյ, ճաշը վայելում էի նրա հետ: Հօրս նպատակն էր՝ մօտիկից շփւելով ինձ հետ, անձամբ տեղեակ լինի իմ վիճակից և աստիճանաբար ինձ ևս տեղեակ պահի երկրի անց ու դարձից:

Հօրս թագադրութիւնից շատ չանցած հիւան-

դացայ տիֆով և մի քանի շաբաթ մաքառում էի մահւան դէմ: Հիւանդութիւնս խորը անհանգստութիւն ու տառապանք պատճառեց բարի հօրս: Այդ ծանր օրերին, ինձ բախտ վիճակեց մուտք գործել հոգեւոր ապրումների անդաստանը, որի մասին չեմ խօսել մինչև այսօր: Տկարութեանս ընթացքին մի տագնապալի գիշեր, երազիս տեսայ Սրբազնագոյն սուրբը՝ Ալի առաջնորդին, որ իր հռչակաւոր Զուլֆաղարի թուրը դրած գոգին նստել էր իմ սնարին և իր սուրբ ձեռքում ունենալով մի գաւաթ, յորդորում էր խմել գաւաթի պարունակութիւնը: Ես յօժարակամ ենթարկւեցի: Յաջորդ օրը տաքութիւնս ընկաւ և արագօրէն սկսեցի ապաքինւել. թէև այդ ժամանակ եօթ տարեկան անգամ չկայի, այդուամենայնիւ ինքս ինձ խորհեցի, որ տւեալ երազի և իմ ապաքինման մէջ ոչ մի կապ էլ կարող է չլինել, սակայն նոյն տարւայ ընթացքին տեղի ունեցան երկու ուրիշ իրադարձութիւններ, որոնք եկան իմ իմացական կեանքի վերայ դնելու կնիք և խորը ազդեցութիւն:

Մանկութեանս օրերին համարեայ ամեն ամառ ընտանիքով գնում էինք Իմամի որդի՝ Դաւուդի դամբարանը այցելութեան, որը գտնւում է Ալբորզ լեռնաշղթայի եղեմական ու կենսախինդ լանջերից մէկի վրայ: Դրա ոլորապտոյտ ու գառիվայր ճանապարհը ստիպւած էինք լինում անցնել ոտքով կամ ձիով: Մի այսպիսի ուղևորութեան ընթացքին ես նստել էի սպայական կոչում ունեցող մեր ազգականներից մէկի ձիան թամբի առջևում, երբ յանկարծ ձիու ոտքը

սայթաքելու հետևանքով երկուսս էլ գլորւեցինք ցած: Աւելի թեթև լինելով՝ սաստիկօրէն բախւեցի ինչ որ անհարթ մի քարաբեկորի և ուշքից գնացի: Սթափւելուց յետոյ, նկատեցի որ ուղեկիցներս բոլորն էլ անչափ զարմացել են, որ մի քերծւածք անգամ չեմ ստացել: Հարկադրւած բացայայտեցի, որ ձիուց վայր ընկնելուս պահին յայտնւեց Ալիի արժանաւոր որդի Հազրաթ Աբովֆազլը և գահավիժելուս մոմենտին բռնեց փրկելով ինձ ստոյգ վտանգից: Հայրս ներկայ չէր դէպքի վայրում, բայց յետոյ, երբ պատմեցի եղելութիւնը, նա լրջօրէն չընկալեց իմ հեքիաթը և ես էլ ծանօթ լինելով նրա բնաւորութեան հետ այլևս չպնդեցի: Հարկաւ, ես ինքս ամենաչնչին կասկածն անգամ չունեցայ Հազրաթ Աբաս էբնէ Ալիի յայտնւելու երևոյթի մէջ:

Երբորդ դէպքը, որի շնորհիւ ես աւելի մերձեցայ իմացական աշխարհի հրապոյրներին, պատահեց մի գեղեցիկ օր, երբ դաստիարակիս հետ ճեմում էինք Սաադաբադ պալատի աղիւսաշար փողոցներից մէկում. եղաւ մի պահ, որ անսպասելիօրէն իմ առջև ուրւագծւած տեսայ հրեշտակային դէմքով մի անձնաւորութեան սիլուէտը՝ գլուխը պարուրւած լոյսի շրջանակով, այն ինչ որ պատկերում են արևմտեան նկարիչները Մարիամի որդի Քրիստոսից: Մի ներշնչանք ինձ յուշեց, որ կանգնած եմ սրբազան մարգարէի էմամ Ղայեմի առջև: Դա տեսց լոկ մի քանի ակնթարթ և ժամանակի վերջին էմամի անյայտացումով ես ընկայ զարմանքի ու մտատանջութեան

մէջ, ուստի ոգևորւած հարցրի ուսուցչիցս. — «Նրան տեսա՞ր»: Դաստիարակս շմեց. — «Ո՞ւմ տեսայ, — հարցրեց նա, — Ոչ ոք չկայ այստեղ...»: Բայց ես այնքան էի համոզւած տեսածիս ճշմարտութեան ու ազնուութեան մէջ, որ ծերունագարդ դաստիարակիս պատասխանը ամենևին չխախտեց իմ հաւատքս: Այսօր շատերը, մասնաւորաբար արևմուտքեցիները թերևս պիտի մտածեն, որ յիշեալ դէպքի նկարագրութեամբ ես կամ տարւած եմ ցնորքներով, կամ այն ինչ տեսել եմ, եղել է հոգեկան հասարակ ռեֆլեքս, բայց չպիտի անտեսել, որ հոգու, ինչպէս նաև նիւթին չառնչտող երեւոյթների նկատմամբ ունեցած բուռն հաւատքը արևելեան ժողովուրդների բնութագծի ամենայատկանշական կողմերից մէկն է, այնպէս ինչպէս արևմուտեան ժողովուրդներն ևս օժտւած են նոյնանման հաւատքով ու հակումներով: Բացի դրանից, ես այն ժամանակ պատճառ չուէի այս երևոյթի մասին ստելու ուսուցչիս. ներկայումս էլ նման խնդիրների մասին շաղակրատելու սովորութիւն չուէմ, ընդ որում տեսալ դէպքի մասին տեղեակ են մտերիմների մի շնչին տոկոս: Նոյնիսկ հայրս՝ իմ ամենամըտերիմն ու հարազատը երբէք չիմացաւ եղելութիւնը:

Յիշեալ դէպքից յետոյ պատահեց, որ հիւանդացայ կապոյտ հագով, դիֆտերիով, և աւելի ուշ մալարիայով, բայց հիւանդ օրերիս, երբևէ, ոչ երագում, ոչ արթուն դրութեամբ չհանդիպեցի նման երևոյթների:

Ինչևէ, վեց կամ եօթ տարեկանից իմ մէջ

աստիճանաբար ամրապնդւեց այն հաւատքն ու համոզումը, որ Ամենակարող Բարձրեալը ինձ առել է իր ողորմածիկ հովանու ներքոյ, և զեռ պիտի պահի: Այս հաւատքի շնորհիւ զգում եմ սրտի գոհունակութիւն և մտքի անդորր, հետեաբար երբ չափում եմ սեփական կամքս Աստուածային կամքի հետ, խիստ երկմըտում եմ և զժւարանում եմ պարզել, որ իմ կամքը նւաճւած է թէ լիազօր. և եթէ Աստուածային մի ոյժ պահպանում ու հովանաւորում է ինձ, ապա զրա մէջ պիտի որոնել իմաստ ու պատճառ: Թերևս այսպիսի մտորումները նրանց մօտ, ովքեր իրենց համարում են եփւած ու լաւատեղեակ, ընկալւի տհաճօրէն, բայց իմ տեսակէտով Աստուած միշտ պահել ու պահպանել է ինձ բոլոր վտանգներից ու պատուհասներից, որով ուժեղացել է իմ հաւատքը նրա միակութեան ու արդարադատութեան նկատմամբ: Այս անհերքելի իրողութիւնը ընդունում են նաև այլ ժողովուրդներ, օրինակ, անգլիացիները չեն խուսափում արտասանել «Աստուած պահպան Արքային» յայտնի քերթւածքը. ամերիկացիներն ևս մետաղադրամների վրայ փորագրել են՝ «մենք հաւատում ենք Աստծուն» նախագատութիւնը:

Մանկութեանս շրջանում պատահած վերոյիշեալ դէպքերից բացի իմ կեանքիս ընթացքին տեղի ունեցան չորս ուրիշ պատահարներ, որոնք բոլորն էլ իրենց հերթին նշանակալից էին և պատճառ հանդիսացան, որ իմ մէջ էլ աւելի ամրապնդւի բարձրեալն Աստծոյ հանդէպ ունեցած հաւատքն ու երկիւղածու-

թիւնը:

Իսպահանի շրջանում գտնւող Քուհրանդ ջրամբարտակի կառուցման աշխատանքները դիտարկելուց յետոյ՝ վերադարձին պատահեց առաջին դէպքը: Զօրաբանակի հրամանատարներից մէկի ընկերակցութեամբ նստեցի անձնական ինքնաթիռը, որ կանգնած էր մի նեղ տափարակ շերտի վրայ: Ունենալով օդաչուի վկայական և սիրելով անձնական կամ ամեն տեսակի օդանաւեր վարելը, անձամբ նստեցի ղեկի առջև. ինքնաթիռը թեթև տեսակից էր և ունէր մէկ մոտոր: Տասը բոպէ թռիչքից յետոյ, անսպասելիօրէն մոտորը հանգչեց, ուստի և ստիպւած եղայ հարկադրական վայրէջքի անցնել լեռնային շրջանում տարածւած մի քարքարոտ ձորակի մէջ: Ով ծանօթ է ինքնաթիռ վարելու արւեստին իմանում է, որ երբ օդանաւի արագութիւնը նւազում է որոշեալ չափից աւելի, օդանաւը պտտւում է իր շուրջ: Տւեալ դրութեամբ չէի կարող ինքնաթիռը նեղ ձորակում շեղել այնպէս, որով հնարաւոր դառնար սովորական վայրէջքը: Հետեաբար ինձ մնում էր միայն պահպանել օդանաւի արագութիւնը հնարաւորութեանս սահմանում և գահավիժել ներքև: Նախքան այն որ ինքնաթիռը հասնէր գետին քաշեցի բռնակը, որպէսզի ինքնաթիռի առաջամասը չբախւի մեր դիմացում նկատւած ժայռաբեկորին: Օդանաւի արագութիւնը իջել էր այնքան, որ ենթադրաբար եթէ կարողանայինք ուստնել առաջին ժայռաբեկորի վրայից, այլևս անհնարին էր թւում աւելի խոշոր յաջորդից անցումը:

կատարւեց անխուսափելին. ինքնաթիռը բախւեց առաջին քարաբեկորին, որի հետեւանքով անիւնները թէև պոկւեցին, բայց և պատճառ դարձան, որ կասեցւի օդանաւի արագութիւնը. մինչև յաջորդ բախիւնը ինքնաթիռը սահեց գետնի վրայ և դիպչելով երկրորդ քարաբեկորին ջարդւեց պտուտակն ու գլխիվայր շուռ եկաւ ու ամեն ինչ հանդարտւեց: Մենք միանգամայն անվնաս էինք մնացել: Դա հրաշք էր և այնքան անհաւատալի և հետաքրքրական, որ ակամային ծիծաղեցի. հարկաւ ուղեկիցս մի այնպիսի դրութեան մէջ էր, որ չէր կարող ծիծաղելի բան գտնել այս պատահարի մէջ:

Պէտք է դիտել ինչի կարելի է վերագրել այս դիպւածը՝ պատահականութեան, բախտի, թէ մի այլ աներևոյթ ոյժի, որ ստեղծել էր ինչ որ բարեյաջող պատահականութիւն: Թերևս ընթերցողը աւելի լաւ կարողանայ մեկնաբանել իրադրութիւնը: Ի դէպ տեղին է աւելացնել, որ աւարտւել է Քուհրանգ ջրբամբարտակի կառուցումը վաղուց և յանձնւել շահագործման՝ ոռոգելով շրջակայ հողամասերը:

Երկրորդ դրւագը Ատրպատականի նահանգի ազատագրումն էր օտար ոյժերից: Յաջորդ գլուխնեւրում մանրամասնօրէն պիտի անդրադառնամ այս տարօրնակ դիպւածին և այն մասին թէ ինչպէս Աստոնյ կամեցողութեամբ և նացիոնալիստական ուզով ազատագրեցինք այն:

Թագաւորութեանս շրջանի երրորդ դարմանալի և դառն պատահարը տեղի ունեցաւ 1327 թւի Բահ-

ման մասին, երբ պիտի մասնակցէի համալսարանի հիմնադրման տարեդարձի տօնակատարութեանը: Այդ օրը հագնւել էի գինւորական տարագով: Երբ իջայ մեքենայից և ուզում է մուտք գործել իրաւաբանական ֆակուլտետի սրահը, ուր պիտի կայանար օրււայ հանդիսութիւնը, յանկարծ լսեց կրակոցի ձայն և գնդակներ արձակւեցին ինձ վրայ: Թէև առաջին հայեացքից թւում է անհաւանական, բայց արձակւած չորս գնդակներից երեքը ծակել էին գինւորական գլխարկս առանց դիպչելու գլխիս և լոկ չորրորդը աջ կողմից ծակելով այտս, դուրս էր եկել քերծելով վերի շրթուքս ու քթիս ներքեր:

Ահաբեկիչը, որ նկարչի անւան տակ մուտք էր գործել յիշեալ վայրը, ընդամենը երկու մետրով էր հեռու ինձանից՝ ատրճանակի փողը նշան բռնած ու նենալով ճիշտ կրծքիս: Ես և նա կանգնած էինք դէմ առ դէմ և մեզ իրարից բաժանող տարածութեան մէջ ոչինչ չկար: Ձգացի, որ նա կարող է կրակել անվրէպ: Դեռևս մտաբերում եմ իմ ռեֆլեքսը այդ անմոռանալի պահին: Նախ մտածեցի նետել նրա վրայ, բայց անմիջապէս դտայ, որ այս ձևով պիտի հեշտացրած լինեմ նրա գործը: Փախուստի դէպքումն էլ պիտի գնդակահարւէի յետևից: Հարկադրաբար սկսեցի գինւորական ծանօթ տակտիկայով շարժումներ անել տեղում, որով պիտի խանգարած լինէի ճիշտ նշանառումը: Ահաբեկիչը արձակեց ևս մի գնդակ, որ վիրաւորեց ուսս: Վերջին գնդակը դէմ առնելով խողովակի մէջ շարձակւեց:

Զգացի, որ այլևս որևէ վտանգ չի սպառնում
ինձ և որ կենդանի եմ: Ահաբեկիչը գայրացած ատըր-
ճանակը շարտեց դետին և փորձեց փախչել, սակայն
շրջապատված լինելով իմ ուղեկիցներով, ցաւօք սրտի
սպանւեց, որով չվարզեց իսկական դրդիչները ով
լինելը: Հետագային իմացեց, որ նա կապ է ունե-
ցել ծայրայեղական կրօնաւորների հետ և միաժամա-
նակ բացայտւեցին փաստերը, որոնք խօսում էին նրա՝
լուծարքի ենթարկւած Թուդէ կուսակցութեան հետ ու-
նեցած շփումների մասին: Հետաքրքիր էր և այն, որ
Թեհրանի անգլիական դեսպանատան այգեպանի աղ-
ջիկը նրա սիրուհին էր:

Արիւնը շատրւանի պէս յորդում էր իմ վեր-
քերից, բայց մտաբերում եմ, որ հէնց այդ դրու-
թեամբ ցանկութիւն ունէի մասնակցելու օրւայհան-
դիսութեանը: Այնուամենայնիւ ուղեկիցներս ինձ փո-
խադրեցին հիւանդանոց, ուր կապեցին վէրքերս: Շատ
չանցած իմ արիւնոտ գինւորական հագուստս ցուցադրու-
եց Թեհրանի սպայական ակումբում և դեռ այսօր էլ
ակումբ այցելողները կարող են տեսնել դա իրենց
աչքով:

Այս պատահարն ևս աւելի զօրացրեց իմ հա-
ւատքը Ամենակարող Աստծոյ հանդէպ և ամրապնդեց
իմ անքակտելի կապը բարձրեալի հետ:

Չորրորդ դրւագը, որի մասին հանգամանօրէն
գրւած է այս գրքում, 1332 թւի Մորզադ 28-ի ընդ-
վրգումն էր, որ Իրանը ազատագրեց Մոսաղեղի ճան-
կերից: Դր. Մոսաղեղը թերևս դառնար քաղաքական
լաւ առաջնորդ, բայց իշխանութեան վերջին տարի-

ներին ընկաւ շրջապատի և իր իսկ ծայրայեղական
մտքերի, ինչպէս նաև մի օտար կառավարութեան
անուղղակի միջամտումների ազդեցութեան տակ:

Իմ համոզմամբ Դր. Մոսաղեղի ռեժիմի կոր-
ծանումը կատարեց երկրի հասարակ ժողովրդի միա-
համուռ ջանքերով, որոնց սրտերում շողշողում էր
աստուածային հօր կամքը:

Համոզւած եմ նաև, որ թագաւորութեանս
շրջանի գործունէութիւնը կատարել եմ ինչ-որ անե-
րևոյթ մի ոյժի հովանաւորութեամբ ու օգնութեամբ:
Ես չեմ ծածկում իմ զգացումներն ու սէրը կրօնի
նկատմամբ, բայց չպիտի կարծել, որ ցանկութիւն
ունեմ հաւակնելու՝ թէ առաքւած եմ Աստծոյ կողմից
կամ գործօն եմ աստուածային հրամանների իրագործ-
մանն ի խնդիր: Փափագում եմ պարզ ու որոշակի
շեշտել, որ մի այդպիսի պաշտօն երբեք նկատի չունեմ
իմ համար:

Մանկութեանս վաղ շրջանից իմացել եմ, որ
հանգամանքների դասաւորմամբ, կոչւած եմ ստանձ-
նելու մի հինաւուրց երկրի ղեկավարութիւնը, երկիր,
որ ունի մշակոյթ և որին պաշտում եմ: Հետևաբար
ինձ է մնում բարելաւելու այստեղ ապրող ժողովրդի,
մասնաւորաբար հասարակ դասի վիճակն ու ապրե-
լակերպը:

Զգում եմ, որ Աստծոյ հանդէպ տաճած իմ

իրական հաւատքը զօրավիզ պիտի լինի ինձ այս սրբա-
զան առաքելութեանս մէջ. ինքնասէր չեմ այնքան,
որպէսզի թոյլ տամ ինձ մտածել, թէ առանց աստու-
ծային ողորմածութեան, յաջողել եմ հասնելու ամեն
մի վերելքի ու յառաջադիմութեան:

Դ. Մ Ա Ս

ՇԱՀԻ ԿՐԹՈՒԹԻՒՆՆ ՈՒ ԴԱՍՏԻԱՐԱԿՈՒԹԻՒՆԸ

Արեւմտեան աշխարհի յառաջադիմութեանն ու
վերելքին ծառայող հիմունքների կիրարկումը Իրա-
նում՝ հօրս որոշումներից մէկն էր, ուստի երբ նա
ինձ ուղարկեց Եւրոպա, ոչ ոք զարմացաւ: Բոլորը
գիտէին, որ հայրս ցանկութիւն ունի թագաժառան-
գին ծանօթացնելու արեւմտեան կուլտուրային՝ նրա
առջև բացելու արեւմտեան երկրների յաջողութեան
գաղտնիքները:

Թէ ո՞ր երկրում պէտք է սովորէի, հայրս եր-
կար ժամանակ մտատանջութեան մէջ էր, որովհետեւ
արեւմտեան կուլտուրայի մասին ունեցած մեծ հա-
մարումի հետ միաժամանակ, մասամբ կասկածամիտ
ու յոռետես էր տրամադրւած օտարների հանդէպ:
Վերջապէս երկարատեւ ուսումնասիրութիւններից յետոյ,

նա կանգ առաւ Շւեցարիայի վրայ: Ըստ իս՝ տւեալ ընտրութեանը հիմք էր ծառայում այն հանգամանքը, որ նա փափագում էր իմ կրթութիւնն անցնի քաղաքական գոյներից ու հոսանքներից զերծ միջավայրում: Լինելով փոքր երկիր՝ Շւեցարիան ընդհանրապէս հեռու էր մնում Եւրոպայի քաղաքական քաջըջուղներից, պահելով չէզոք ուղղութիւն: Հօրս խորհրդակականներն ևս շւեցարական միջավայրը ճարմարգտան ուսումով շահագրգռող որևէ անհատի համար:

1310 թւի Օրդիբեհեշտ ամսին աւարտեցի «Նեգամ» դպրոցի դասընթացը և նոյն թւի Շահրիււարին՝ ամառային արձակուրդս անցկացնելուց յետոյ, լիովին պատրաստ էի Շւեցարիա կատարելիք ուղևորութեանս համար: Հօրս կարգադրութեամբ իմ խնամատարը նշանակեց Գր. Մուադաբ Նաֆիսին, որը մանկութեանս շրջանում եղել էր իմ հիւանդութիւնների բժիշկը: Որոշեց, որ իմ կրթական և անձնական բոլոր խնդիրները Շւեցարիայում տնօրինւի նրա հայեցողութեամբ ու պատասխանատուութեամբ:

Ինձ Շւեցարիայում պիտի ուղեկցէր նաև պարսկերէնիս գրականութեան ուսուցիչ՝ պրն. Մոսթաշարը, պարսկերէն դասերս տւականօրէն շարունակելու նպատակով: Ի դէպ, հօրս ցանկութեամբ ինձ ընկերակցում էին եղբայրս և «Նեգամ» դպրոցի երկու դասընկերներս, որոց ընտրութիւնը յանձնարարեց ինձ: Առաջարկեցի Հոսէյն Փարդուստին (որի մասին նշեւ է նախօրօք) և ապա Մեհրիբուր Թէյմուրթաշին, որը պալատական նախարարի որդին էր: Ստանալով

հօրս յօժարութիւնը, այս խմբով ուղևորեցինք դէպի Շւեցարիա: (Սակայն մի քանի տարի անց, երբ պալատական նախարարը արժանացաւ հօրս յիշաչար վերաբերմունքին, Մեհրիբուրը ստիպողաբար վերադարձաւ հայրենիք):

Բանդար-Փեհլիի նաւահանգստում, ուր ինձ ճանապարհելու էին եկել մայրս և մեր ընտանիքի բոլոր անդամները, ողջագուրեցի նրանց հետ և Գր. Նաֆիսիի, պրն. Մոսթաշարի, եղբօրս ու վերոյիշեալ ընկերներիս հետ նաւով ճանապարհեցինք Բաքու, և ապա Լեհաստանի ու Գերմանիոյ վրայով ժամանեցինք Շւեցարիա, կանգ առնելով ժընևում: Աւելորդ է նշել, որ այս ուղևորութիւնը, չորս պատանիներիս համար, որ մինչ այդ չէինք հեռացել մեր ասիական ծննդավայրից, անչափ հետաքրքրական էր: Ժընևում երկու շաբաթ ապրեցինք Իրանի հիւպատոսարանում և ապա անցնելով Լոզան՝ արձանագրեցինք մի մասնաւոր դպրոցում: Լոզանում ես ու եղբայրս բնակութիւն հաստատեցինք շւեցարական մի ընտանիքում: Մերսիէն՝ ընտանիքի հայրը ունէր երեք տղայ և երկու աղջիկ զաւակներ: Ինձ համար ախորժելի էր այս ընտանիքի հոգատար մթնոլորտը: Իրանցի ընկերներս հեռու էին մեզանից և բնակւում էին գիշերօթիկում:

Մէկ տարի Մերսիէների մօտ ապրելուց յետոյ, խնամատարիս առաջարկութեամբ և հօրս կարգադրութեամբ տեղափոխեցինք ժընևի և Լոզանի միջև գտնուող «Լեռուզի» գիշերօթիկը: Դրա շարժա-

ուիթն այն էր, որ հայրս փափագում էր, իմ կրթու-
թիւնը ընթանար սովորական ու կանոնաւոր պայ-
մաններում՝ գիշերօթիկ դիսցիպլինայի տակ: Նախկին
դպրոցը երկսեռ էր և ունէր թւով 150 աշակերտու-
հիներ, սակայն գիշերօթիկը տղայոց էր և կազմւած
էր մէկ ու կէս անգամ աւելի աշակերտներից: Ի դէպ,
յաջորդ տարւայ մէջ միւս չորս եղբայրներս ևս ըն-
դունւեցին այս դպրոցում:

Շւեցարիայում անցկացրածս չորս տարիները
իմ կեանքի ամենանշանակալից շրջաններից մէկը
եղաւ: Շւեցարիայի դեմոկրատիկ և մաքուր արևմտեան
շրջապատը, հօրիցս յետոյ ամենից առաւել ազդեց իմ
հոգու և բնաւորութեան կազմաւորման վրայ:

Մարմնական արագ աճս այս երկրում՝ զար-
մանք էր պատճառում թէ ինձ և թէ ուրիշներին,
որովհետև ինչպէս ասել եմ նախօրօք, մանկութեանս
շրջանում ֆիզիքապէս ուժեղ չէի, սակայն Շւեցարի-
այում աճեցի արագօրէն և մկաններս զարգացան:
Մարզական տարբեր ճիւղերում՝ օրինակ սկաւառակի
նետման, նիզակի նետման, բարձրացատկի, հեռացատ-
կի և 100 մետր վազքի մէջ դարձայ ախոյեան, արժա-
նանալով մարզական պարգևների: Գարձայ նաև դըպ-
րոցի ոտնագնդակի և թենիսի թիմերի պետը: Այս
շրջանում էր, որ լիովին ըմբռնեցի սպորտի կա-
րևորութիւնն ու արժէքը՝ երիտասարդութեան դաս-
տիարակութեան խնդրում:

Չեմ կարծում ֆիզիքական արագ աճս կապ
ուսնեանար դպրոցի սննդին, որովհետև Իրանում իմ

Ֆրանսիացի դաստիարակչուհին վարժեցրել էր ինձ
ֆրանսիական կերակրատեսակներին, որոնք այնքան
էլ չեն տարբերում շւեցարիականից: Կասկած չկայ,
որ Շւեցարիայի օդը մաքուր է ու կենսատու, բայց
թեհրանի կլիման ևս նոյնպիսին է: Ըստ իս՝ մարմ-
նական աճիս արագ վերելքը պիտի վերագրել մտա-
յին զարգացման, նոր շրջապատում:

Թեհրանում դասերիս գնահատականները սո-
վորաբար բարձր էին, թէև իրօք չգիտեմ այդ նի-
շերը, տրւում էին նկատի ունենալով անձնական կա-
րողութիւնս ու իմացականութիւնս, թէ՞ դիրքս ու
կարիերաս: Այնուամենայնիւ, Շւեցարիայում ևս, ուր
անհատի հասարակական դիրքը դեր չի կարող ունե-
նալ նրա ուսման նիշերի վրայ, իմ գնահատական-
ները նոյնպէս բարձր էին: Կաղում էի միայն երկ-
րաչափութեան մէջ և չգիտեմ ի՞նչն էր դրա պատ-
ճառը: Սիրում էի ալգեբրան, եռանկիւնաչափու-
թիւնը, բնագիտական առարկաները՝ օրինակ՝ ֆիզի-
կան ու քիմիան: Ինչևէ, դասերիս մէջ ևս արժանա-
ցայ գերազանց նիշերի ու պարգևների: Մեծ էր սէրս
աշխարհագրութեան, պատմութեան և բնագիտու-
թեան հանդէպ: Մեծ յառաջադիմութիւն ցուցաբերեցի
Ֆրանսերէնի մէջ և հաճոյքով էի ծանօթանում ֆը-
րանսական ճոխ գրականութեան հետ:

Եթէ դպրոցի ուսուցիչները վարպետ էին իրենց
գործի մէջ, ապա նրանցից ոչ մէկը յատուկ ազդե-
ցութիւն չունեցան ինձ վրայ և առանձնապէս չմը-
տերմացայ նրանց հետ: Գեռ աւելին, նոյնիսկ վախե-

նում էի մի քանիսից: Աշակերտութեան մօտ ունէի
յատուկ համարում և դա բղիւմ էր ոչ թէ իմ ու-
նեցած դիրքից, այլ անձնականութիւնից: Յիշում եմ,
սենեակս կրում էր աշակերտական հաւաքատեղիի
բնոյթ: Այդ օրերին անդրադարձայ արեւմտեան դե-
մոկրատիայի պրոցեսներին՝ պարզ ու անշահախնդիր
վերաբերմունքի ու յարաբերութեան կարեւորութեանը:
Դա իհարկէ մեծապէս նպաստում էր իմ աշխատասի-
րութեան ու ուշադրութեան առաւել զբաւորմանը:
Ընթերցումի, խաղի, մարզանքի և նոյնիսկ ընկեր
ընտրելու պահերին ըմբոշխնում էի դիսցիպլինայով
զուգորդւած ազատութիւնը, որի շնորհիւ կարողացայ
լաւագոյն կերպով ընկալել այն ճշմարտութիւնը, որ
առանց զեմոկրատական ազատութեան՝ դիսցիպլինան
հանդէս կը գայ դիկտատուրայի օգտին և դիսցիպլին-
այից զուրկ զեմոկրատիան պատճառ կարող է հան-
դիսանալ անարխիզմի ու անկարգութեան:

Այդ բոլորով հանդերձ՝ իմ կեանքը դպրոցում
տարբերում էր ուրիշ աշակերտներից և աւելի շատ
էր ենթակայ ուշադրութեան ու հոգատարութեան,
որովհետեւ նախ՝ իմ ուսման ծրագիրը աւելի ծանր էր
նրանցից և բացի դրանից՝ պրն. Մոսթաշարը ուշա-
դրութեամբ հետևում էր պարսից գրականութեան
դասերին, որոնք մնում էին հօրս հետաքրքրութեան
կենտրոնում: Երկրորդ, խնամատարս՝ Դր. Նաֆիսին
հսկում էր իմ իւրաքանչիւր քայլիս, պահւածքին ու
աշխատանքին: Ներկայում Դր. Նաֆիսին ոչ ևս է և
ցայժմ չեմ կարողացել որոշել թէ հանգուցեալի խրս-

տապահանջութիւնը բղիւմ էր հօրս հրամաններից,
թէ՞ նրա այն բուռն սիրուց ու շահագրգռւածութիւ-
նից, որ տածում էր իմ ու իմ դաստիարակութեան նկատ-
մամբ: Այսպիսով ես նման էի բանտարկեալի. նոյն-
իսկ թոյլտուութիւն չունէի, բացի մասնաւոր դէպ-
քերից, որոնց ընթացքին խնամատարս անպայման
ուղեկցում էր ինձ, թողնել դպրոցի շրջափակը: Ծը-
նընդեան և ամանօրի արձակուրդներին բոլոր ընկեր-
ներս մեծ ուրախութեամբ ու ազատօրէն մասնակ-
ցում էին պարերեկոնների ու գիշերային հաւաքոյթ-
ների, իսկ ես մնում էի սենեակիս միայնակութեան
մէջ: Հաճոյքիս առարկաներն էին կազմում միայն
մէկ ուղիօ և մէկ գրամաֆոն, որոնք ընկերներիս
հաճոյքների համեմատութեամբ անչափ խղճուկ ու
չնչին էին: Իմ կարծիքով տւեալ մեթոդը ճիշտ չէր
և եթէ զաւակ ունենամ, անկասկած նրան կը դաստի-
արակեմ տարբեր եղանակով: Ինչևէ, ստիպողական
կղզիացումը ինձ դարձրեց խիստ, թերևս չափից աւելի
խիստ, և դրա ազդեցութիւնը իմ հոգում շարունակ-
ւում է մինչև անգամ ներկայում: Ես հանգիստ ու
անտարբեր եմ վտանգների ու արկածների դէպքե-
րում, հագւադէպ են ջղերս դաւաճանում ինձ: Են-
թադրում եմ՝ զուրկ չեմ նաև հիւմորից, թէև դա
ինձ մօտ աւելի սահմանափակ է սովորական անհատ-
ներից:

Սիրում եմ տեղին կատակները, քաղաքական
կարիկատուրները: Սովորական մարդկանց ու խաւերի
հետ շփւելուց, զգում եմ հոգեկան բաւարարութիւն:

Երեխաները իմ սիրոյ ու խանդաղատանքի կենտրոնումն են: Հրճուում եմ դպրոցների դիտարկումից, մանուկների խօսակցութիւնից, նրանց պարզ ու անկաշկանդ վերաբերմունքից:

Շւեցարիայում եղածս օրերին, յաճախ խորհում էի իմ ապագայ պատասխանատուութիւնների մասին: Հօրս հետ ունէի նամակագրական շաբաթական կանոնաւոր կապ: Քիչ էի գրում մօրս, քոյրերիս ու եղբայրներիս: Կարծում եմ, որ ապագայում իմատուութեամբ թագաւորելու, իմ սրտագին ցանկութիւնը ինձ մղեց, որ ուսման ու կրթութեան բնագաւառում լինեմ շատ աւելի ջանասէր ու յամառ, քան այն՝ ինչ որ սպասուում է մի պատանի աշակերտից: Այդ ցանկութիւնը պատճառ դարձաւ նաև, որ բժախնդրորէն կանգ առնեմ իւրաքանչիւր ճիւղի վրայ, աւելի գերադասեմ բնագիտական առարկաները, որոնք պիտի օժանդակէն երկրի բնական հարստութիւնների ընդլայնման հետեւանքով ստեղծելիք տեխնոլոգիական դժւարին խնդիրների լուծման:

Անցնող գլխում, արդէն խօսել եմ իմ կրօնական սկզբունքների և հոգեկան տւեալների մասին: Եւրոպայում անցկացրած առաջին երկու տարիներին, նոր շրջապատի հետ ծանօթանալու հետեւանքով, պատեհութիւն չունէի տարւելու կրօնական մտքերով: Շատ չանցած հետգհետէ իմ մէջ վերածննեցին նախկին հետաքրքրութիւնը, տեղի տալով յաւուր աղօթքի սովորութեան: Վերջին երեք տարիներին, դա արդէն կատարում էի ամենայն ջերմեռանդութեամբ ու

սրտագին ցանկութեամբ, որովհետև վճռել էի թագաւորութեանս շրջանում առաջնորդել հաւատքի լոյսով:

Յաճախ խորհում էի քաղաքականութեան և այն սկզբունքների մասին, որոնք պիտի կիրարկէի թագաւորութեանս շրջանում: Դեռևս այդ օրերին առկայ էր իմ համակրանքը երկրի հասարակ ժողովրդի, մասնաւորապէս երկրագործ տարրի նկատմամբ: Որոշում ունէի թագաւոր դառնալուց յետոյ վերացնել արքունական կալւածների գիւղացիութեան տուրքը երկուսից երեք տարւայ ժամանակաշրջանով, որը նրանց պիտի հնարաւորութիւն տար տէր դառնալու սեփական տան, երկրագործական գործիքների և հողալու անհրաժեշտ պէտքերը: Երիտասարդ օրերիս այս գաղափարը ներկայում մարմնաւորւել է արքունական կալւածների բաժանումի ձևով, որի մասին պիտի խօսեմ մանրամասնօրէն:

Հանրային բողոքների արկղ պատրաստելու գաղափարը ևս, այդ օրերին զբաղեցնում էր իմ միտքը: Դրանով հարստահարւած ու անիրաււած տարերին պատեհութիւն էր ընձեռնուում ներկայացնելու իրենց բողոքները, հաղորդակից դարձնելով ինձ երկրի ժողովրդի կարիքներին ու դժւարութիւններին: Թւում է, այս գաղափարին հիմք էր ծառայում Նոշիրւանի արդարադատութեան գանգը, որի մասին պատմել եմ նախապէս:

Երկրի գահն ու գայիսոնը ժառանգելուց յետոյ, իմ մէջ ուժեղացաւ աշակերտական օրերիս միտքը:

Սկզբում վճռեցի ժամերիս մեծագոյն մասը տրամադրել հասարակ ժողովրդին, մօտիկից շփուելով նրանց հետ. սակայն դա անիրագործելի էր, որովհետև օրւայ մէջ ութ ժամ պիտի զբաղւէի առօրեայ խնդիրներով ու պաշտօնական հանդիպումներով, ութ ժամ պիտի հասնէի անձնական խնդիրներիս և մնացեալ ութ ժամւայ մէջ բնականաբար հնարաւոր չէր ընդունել տասից տասնևհինգ հոգուց աւելի, ընդ որում առանց հրահրելու մարդկանց վիրաւորանքն ու սրտնեղութիւնը: Այդ իսկ պատճառով որոշեցի մտայղացումս իրականացնել տարբեր միջոցներով. կազմեց «Արքայական Յատուկ Գրասենեակ», որի գծով իւրաքանչիւր անհատ, ինչ դիրքի կամ պաշտօնի էլ պատկանելու լինէր, հնարաւորութիւն էր ունեննում նամակագրութեամբ ուղղակիօրէն կապել ինձ հետ: Այս մեթոդը շարունակւում է մինչև այսօր, և իմ անուշով ուղարկւած նամակներն ու խնդրագրերը, լինեն դրանք հասարակ գիւղացու թէ վարչապետի կողմից, հասնում են իմ ձեռքը: Ամեն ամիս հարիւրաւոր նամակներ ու խնդրագրեր են ստացւում, որոնք բոլորն էլ Յատուկ Գրասենեակի անդամների կողմից ներկայացւում են ինձ լրիւ կամ համառօտած ձևով՝ կցւած ունենալով իսկական պատճէն: Պատասխանւում է բոլոր նամակներին և եթէ որոշ խնդիրներ պէտք ունենան իմ կամ պետական կազմակերպութիւնների օժանդակութեան, ուղարկւում է առ ի գործադրում: Պետական հիմնարկութիւնները պարտաւոր են կատարած աշխատանքների մասին գեկուցել ինձ և հնարաւորութեան սահմաններում ապահովել դիմող անձանց խնդրանքը:

Կազմել է նաև Արքայական Տեսուչների Կազմակերպութիւնը, որի պարտականութիւններից մէկն է նաև հանրային բողոքների ունկնդրումը: Յիշեալ կազմակերպութեան մասին յաջորդ գլխում պիտի անդրադառնամ մանրամասնօրէն:

Ինչևէ, 1315-ի գարնանը յաջողութեամբ պաշտպանեցի թեզս և հասաւ հայրենիք վերադառնալու բաղձալի պահը: Մեր ընտանիքը Բանդար-Փեհլևի նաւահանգստում, ուր ճամփել էին ինձ տարիներ առաջ, եկել էր դիմաւորելու մի գաւալի, որն առաջին հայեացքից անճանաչելի էր դարձել մինչև իսկ հօրս համար: Հասնելուս պէս զգացի, որ մեծ փոփոխութիւններ են տեղի ունեցել Բանդար-Փեհլևի ընդհանուր տեսքի մէջ: Դա ոչ մի գնով չէր կարելի համեմատել այն օրերի հետ, երբ մեկնեցի Եւրոպա, որովհետև իրանական հասարակ գիւղից աճել ու դարձել էր եւրոպական մի քաղաք: Հետագային պարզւեց, որ յիշեալ նաւահանգիստը նմոյշ է բարենորոգչական այն ծաւալուն աշխատանքներից, որ կատարւել ու տարածւել է երկրի բոլոր կէտերում:

Ամառային արձակուրդս ընտանեկան շրջապատում անցկացնելուց յետոյ, ընդունւեցի Թեհրանի սպայական համալսարանը: Հայրս փափագում էր, որ բարձրագոյն կրթութիւնս սպայական համալսարանում լինելուն համընթաց, նրա անմիջական խնաքի ներքոյ իւրացնեմ Շահնշահական գաղտնիքները: Ես դէմ չէի հօրս ցանկութեանը, քանի որ սիրում էի գինւորական վարժութիւնները և յետոյ հօրս զբա-

դեցնող պատասխանատուութիւնները հարկադրում էին
յաճախակի շփումներ ունենալ նրա հետ և նրա որո-
շումը այս առումով տրւած էր հեռատեսօրէն:

Այն օրերին սպայական համալսարանում, որ
կազմել էր Ֆրանսիական «Սեն Սիր» հանրածանօթ
սպայական համալսարանի սկզբունքներով՝ ծառայում
էին Ֆրանսիացի զինւորական մասնագէտներ: Ներ-
կայում օգտուում ենք ամերիկացի մասնագէտներից,
և մեր սպայական համալսարանը կառավարում է
ամերիկեան «Ուէստ Փոյնթ» համալսարանի մեթո-
դով՝ ըստ որի զինւորական կրթութեան ժամկէտը
երկու տարուց դարձել է երեք տարւայ: Սպայական
համալսարանում բացի սովորական ծրագրից անց-
կացրի նաև զինւորական տակտիկայի և ստրատեգիայի
մի յատուկ շրջան և վերջապէս 1317 թւի գարնանը
աւագ սպայի կոչումով աւարտեցի համալսարանը և
անմիջապէս տեսուչի պաշտօնով ծառայութեան ան-
ցայ Իրանի Շահնշահական զօրաբանակում: Պաշտօնիս
բերումով օրւայ մէջ երկու անգամ՝ առաւօտեան և
երեկոյեան դիտարկում էի զինւորութեան և զօրաբա-
նակի միաւորների հաստատութիւններն ու հիմնարկ-
ները: Մասնակցում էի մանեովրների և ուղակիօրէն
հսկում էի զինւորների գործողութիւններին: Դրանք
երբեմն տեղի էին ունենում գիշերով: Յիշեալ ծրա-
գիրը ծանր էր և կեանքը դարձնում էր միապաղաղ,
բայց յանուն այն սիրոյ, որ տաժում էի զօրաբա-
նակի նկատմամբ և յանուն այն գիտակցութեան,
որ ինձ էլ պարտականութիւն է տրւած մասնակցե-

լու զօրաբանակի նորացմանն ու կազմաւորմանը՝ յոգ-
նութիւն չէի զգում: Այդ օրերին էր, որ ամուսնա-
ցայ եգիպտացի մի իշխանուհու՝ Տովզիէի հետ, որի
մասին կ'անդրադառնամ յաջորդ գլուխներում:

Բացի զինւորական պարտականութիւններից,
ստիպւած էի ամեն օր հանդիպելու հօրս հետ, երբեմն
առաւօտեան և մեծ մասամբ կէս ժամ մնացած ճաշին:
Շատ անգամ, կէսօրից յետոյ, նա կանչում էր ինձ և խօ-
սում՝ ընթացիկ հարցերի, երկրի ներքին և արտաքին
քաղաքականութեան և այլ խնդիրների մասին: Մաս-
նակցում էի նաև Իրանի զանազան շրջանները ունե-
ցած հօրս ճանապարհորդութիւններին, որովհետև հայրս
սիրում էր ինձ տանել երկրի տարբեր կէտերը և
ծանօթացնել ժողովրդի ընդհանուր վիճակին, երկրի
աշխարհագրական տեսարներին և իւրաքանչիւր շրջա-
նին կապուող խնդիրներին: Ճանապարհորդութիւնների
ընթացքում ևս խորհրդակցում էինք խնդրոյ առար-
կայ հարցերի մանրամասների շուրջ. սակայն պիտի
նկատի ունենալ, որ խորհրդակցութիւնը տւեալ դէպ-
քում կորցնում է իր իմաստը, քանի որ սովորաբար
պետական բոլոր պաշտօնեաներն ու պատասխանատու-
ները խօսակցութեան պահին այնպէս էին սարսափում
հօրիցս և կամ քաղաքավարութեան ու մեծապատու-
թեան մէջ հասնում էին այնպիսի ծայրայեղութեան, որ
այլևս՝ բառիս բուն իմաստով՝ խորհրդակցելու պա-
տեհութիւնը չէր մնում: Ես սովորաբար իմ կարծիք-
ներն ու մօտեցումները արտայայտում էի ակնարկ-
ներով ու յապաւուրմներով, որոնք չէին կարող թող-

նել վիճաբանութեան կամ խորհրդակցութեան տպա-
ւորութիւն: Այս բոլորով հանդերձ, տասեւինը տարե-
կան հասակում, մերթ ընդ մերթ համարձակօրէն խօ-
սում էի որեւէ խնդրի մասին ունեցած իմ մտեցում-
ների շուրջ և տարօրինակ էր, որ նա միշտ էլ ամե-
նայն համբերութեամբ և ուշադրութեամբ լսում էր
ինձ մինչև վերջ և հազաւորէպ էր մերժում առաջարկ-
ներս: Օրինակ՝ իմ յամառ բարեխօսութիւնների շը-
նորհիւ ազատ արձակեցին բազմաթիւ քաղաքական
բանտարկեալներ: Թերևս պիտի ափսոսայ՝ դրանցից
մէկն էր Դր. Մոսաղեղը, որ հետագային իր վարչա-
պետութեան օրօք մօտ էր երկիրը կանգնեցնելու կոր-
ծանումի եզրին և վերացնելու հօրս հիմնած թագա-
ւորութիւնը: Թէև Մոսաղեղը շատ անգամներ է շեշ-
տել, որ ստոյգ մահից եմ փրկել իր կեանքը, այսու-
ամենայնիւ բոլորն էլ վկայ են, թէ նա ինչ տարօ-
րինակ ձևով ցուցադրեց իր երախտագիտութիւնը...
Հայրս Մոսաղեղին ձերբակալել էր օտար տարրերի
հետ ունեցած համագործակցութեան մեղադրանքով:
Զգիտեմ նրա մտքով ի՞նչ էր անցնում, որ բոլոր հա-
կառակորդներին մասնակից էր համարում օտարների՝
մասնաւորաբար Անգլիացիների խարդաւանքներին:
Մոսաղեղը աքսորեց երկրի հեռաւոր ու վատ կլի-
մայով օժտւած կէտերից մէկը. լինելով ծեր ու հի-
ւանդոտ, նա հազիւ թէ կարողանար կենդանի վերա-
դառնալ աքսորից: Իմ բարեխօսութեան հետևանքով
ազատութիւն շնորհեց նրան. յաջորդ գլխում նկա-
րագրելու եմ, թէ նա ինչպէս օգտեց շնորհւած ա-

զատութիւնից: Երբեմն երկմտում եմ, թէ արդեօ՞ք
ճիշտ էր իմ բարեխօսութիւնը, բայց այնուամենայ-
նիւ առանց ուրախութեան ու գոհունակութեան չեմ
կարող չմտածել նրանց մասին, ովքեր ազատ կացուց-
ւեցին իմ բարեխօսութեամբ ու ջանքերով:

Այդ օրերի հօրս և իմ մտերմիկ յարաբերու-
թիւններից մի դրւագ է տպաւորւել յիշողութեանս
մէջ: Տեւալ դէպքում հայրս իրաւացի էր, ես՝ սխա-
լական: Մի օր նրա ընկերակցութեամբ դիտարկում
էինք Քլարդաշտ շրջանը. երբ հանդստանալու նպա-
տակով առանձնացանք յատուկ վրանի մէջ, նա սկսեց
քայլել և խօսելու պահին ասաց: «Ուզում եմ երկրի
պետական շրջանակները լինեն այնպէս, որ եթէ մի օր
հեռանամ այս աշխարհից, ապա առօրեայ խնդիրները
ընթանան բնականօրէն, առանց վերի շրջանակների
ուղղակի միջամտութեան»: Հօրս այս խօսքը այդ օրե-
րին, որ զգայուն երիտասարդ էի և մտքով դեռ չէի
զարգացել ըստ կարելւոյն, խոցեց ինքնասիրութիւնս
այն առումով, որ կարծում էի հօրս նպատակն է
թերագնահատելու իմ կարողութիւնս, կամ այն, որ
նրանից յետոյ ի վիճակի պիտի չլինեմ կատարելու
պարտականութիւններս: Այդուամենայնիւ 1320 թւի
Շահրիվարի իրադարձութիւնների բերումով, երբ
հայրս ստիպողաբար յանձնեց իր հրաժարականը և
մեկնեց, պետական կազմակերպութիւններից ներս
սկսեց մի անօրինակ անարխիա: Այստեղ էր, որ յի-
շեցի նրա ճշմարիտ նախատեսութիւնն ու անհանգստու-
թիւնը. և այն որ նրա նպատակները չիրագործ-

ւեցին կանոնաւոր կազմակերպութիւններ ստեղծելու ուղղութեամբ, անչափ տխրեցի:

Համաշխարհային Բ. պատերազմի ընթացքին՝ Իրանի բռնագրաւման մասին, տարածւել են երկրի մի և անճիշտ կարծիքներ: Խնդրի անցեալի մասին գաղափար կազմելու համար պիտի նշել, որ հայրս Գերմանիոյ կառավարութեան հետ ստեղծել էր տնտեսական և մշակութային մօտիկ յարաբերութիւններ և մինչև 1317 թիւը, այսինքն Երկրորդ Աշխարհամարտին մէկ տարի մնացած, Գերմանիան Իրանի արտաքին առևտրի մէջ գրաւում էր առաջին, իսկ Ռուսիան երկրորդ տեղը: Գերմանացիները մեծ մասամբ գնում էին անմշակ բուրդ ու բամբակ և վաճառում էին տեխնիկական սարքաւորումներ ու մեքենաներ: Ի դէպ մեծ թւով գերմանացի մասնագէտներ ու ինժեներներ պաշտօնավարում էին մեր երկրում: Նրանք օժանդակում էին ճարտարարւեստի ու տեխնիկայի զարգացմանը, երկաթուղու, նաւահանգիստների ու գործարանների շինարարութեանը: Այդ պատճառով երկրի մեծ թւով տեխնիկական հաստատութիւնների մէջ շահագործւում էին գերմանական արտադրանքներ: Թեհրանի ռադիօկայանում ևս գետեղւել էին գերմանական ձայնացիւրներ: Գործարանների թողարկումից յետոյ գերմանացի մասնագէտները որոշ ժամանակով մնում էին Իրանում և ղեկավարում տեխնիկական միաւորների գործունէութիւնը: Այսպիսով գերմանական շատ գործարաններ ու առևտրական հաստատութիւններ կային Իրանում: Իրանի երիտա-

սարգները մեկնում էին Գերմանիա ուսանելու, իսկ գերմանացի դասախօսները դատաւանդում էին Թեհրանի համալսարանում, ընդ որում գիւղատնտեսական և անասնապահական ֆակուլտետների վարիչները նոյնպէս գերմանացիներ էին:

Նացիները հսկայ քանակութեամբ գրքեր ու պրոպագանդային գրականութիւն նւիրեցին Իրանի ազգային գրադարանին: Քարոզչական գործունէութիւն ծաւալեցին նաև Թեհրանի ռադիօկայանում, ուր նրանց պաշտօնական գործակալութեան պատւիրակը մատակարարում էր իրանեան մամուլի օրւայ նորութիւնները: Թէ ինչու հայրս տնտեսական մօտիկ յարաբերութիւններ էր ստեղծել Գերմանիոյ հետ, շատ պարզ էր: Նախ գերմանական արտադրանքներն ու գերմանացի մասնագէտների վարպետութիւնը հուշակ էին վայելում աշխարհում, և միաժամանակ նրանց առևտրական օրէնքները պարզ էին ու դիւրամատչելի: Երկրորդ՝ Գերմանիան ոչ մի գաղութարարային անցեալ չէր ունեցել Իրանում: Չէր միջամտել մեր երկրի ներքին խնդիրներին և հակառակ էր իմպերիալիստական երկու պետութիւնների հետ, որոնք տարիներ շարունակ չարաշահել էին մեր համբերութիւնը:

Գերմանական քարոզչութեան կենտրոնումն էր Իրանի և գերման ժողովուրդների արիական միասնական ծագում ունենալու տեսութիւնը: Իրանի ժողովուրդը վարժւել էր ուժեղ պետականութեան մեթոդին և լիովին անտեղեակ էր, որ Հիտլերը նմա-

նապէս, մարդկային ազատութիւնը ոտնահարելու խնդրումը ետ չի մնում Ստալինից:

Միւս կողմից, հայրս իր բարենորոգչական ու տնտեսական նպատակները կիրարկելու և Իրանի զօրաբանակը հզօրացնելու համար, կարիք ունէր տեխնիկական միջոցների և գերմանացի փորձաձեռն մասնագէտների օժանդակութեանը: Երբ դաշնակիցների իշխանութիւնը հաստատուեց ծովերի վրայ և նւագեց գերմանական արտադրանքների մուտքը դէպի Իրան, անգլիացիները ներկայացրին վարկատրման առաջարկներ, որոնց շնորհիւ պիտի կարողանային հողալմեր անհրաժեշտը դաշնակից պետութիւններից: Բայց ելեմտական նախարարութիւնը մերժեց դրանք նկատի ունենալով այն հանգամանքը, որ դաշնակիցները իրենք ևս պէտք ունէին այն բոլորին, ինչ որ պահանջում էինք մենք: Այդ իսկ պատճառով, մինչև մեր երկրի օկուպացումը դաշնակիցների կողմից, ցամաքի ճանապարհով շարունակուում էր գերմանական ապրանքների հոսանքը:

Հակառակ որոշ պատմագիրների վկայութեան, հայրս չէր համակրում Հիտլերին: Նա 1934-ին Թիւրքիա կատարած ուղևորութեան ընթացքին լսել էր գերմանացիների գոռոզամտութեան մասին, որոնք Ա. աշխարհամարտին դաշնակից էին Թիւրքիոյ հետ: 1930 թւից ի վեր, զգալի էր նոյն ակնյայտ ընթացքը Հիտլերի և իր հետևորդների կողմից: Դեռ աւելին, Հիտլերի աշխարհակալական քաղաքականութիւնը Եւրոպայում և այն պարագան, որ Իրանը թերևս մի օր

կ'ընկնի գերմանական տիրապետութեան տակ, հօրս սառեցնում էր նրանց նկատմամբ: Եւ վերջապէս օժտուած լինելով դիկտատորական հակումներով, հայրս չէր կարող հանդուրժել Հիտլերի նման մի այլ բռնապետի գոյութիւնը:

Երբ բռնկեց Համաշխարհային Բ. պատերազմը, Իրանը անմիջապէս յայտարարեց իր չէզոքութիւնը, որովհետև հայրս ոչ մի գնով չէր ցանկանում երկիրը մատնել հրի ու սրի: Համաձայն յայտարարութեան, Իրանի կառավարութիւնը ի զօրու էր պաշտպանելու իր չէզոքութիւնը իւրաքանչիւր ոտնձգութեան դէմ, լինի դա առանցքի թէ՛ դաշնակից պետութիւնների կողմից: Հօրս քաղաքականութիւնը կարելի է համառօտել այն իմաստով, որ չէզոքութիւնը զուգորդւած պիտի լինի ոյժով: 1940-ի Յունիս 22-ին, երբ սկսեց Հիտլերի արշաւանքը Ռուսիոյ վրայ, Իրանը մի անգամ ևս հաստատեց իր չէզոք լինելու հանգամանքը:

Գերմանիոյ ծաւալուն յարձակումը Սորհրդային Միութեան վրայ, ակնյայտ դարձրեց այն իրողութիւնը, որ Ռուսիոյ գոյութիւնը հնարաւոր է պահպանել միայն անգլիացիների ու ամերիկացիների արագ օգնութեան շնորհիւ: Աշխարհի քարտէզը ուշադրութեամբ ուսումնասիրելիս, պարզուում է դաշնակիցների դժարութիւնները տւեալ օգնութիւնները հասցնելու խնդրում: Այսպէս: Վլադիվոստոկն ու Սորհրդային միւս նաւահանգիստները Մայրագոյն Արեւելքում գտնուում էին Ճապոնիայի նաւատորմիղի

անմիջական և ուժեղ հսկողութեան ներքոյ: Ճապոնիան թէև չէր մտել պատերազմի մէջ, սակայն 1940 թւի Սեպտեմբերին գործնականապէս դարձել էր Գերմանիոյ դաշնակից: Իսկ յիշեալ նաւահանգիստները տարածութիւնը արեւմտեան ճակատից շատ հեռու էր: Գաշնակիցները Հիւսիսային Սառուցեալ Ովկիանոսում գտնուող Մուրմանսկ նաւահանգստից որոշ օգնութիւններ էին մատակարարում ռուսներին: Ծովային այս ճանապարհը նմանապէս վտանգաւոր էր, որովհետև ռազմամթերքով բեռնաւորած նաւերը հեշտութեամբ ենթարկւում էին նորվեգիայի փերում դարան մտած գերմանական ընդծովեաների յարձակմանը: Մուրմանսկի երկաթուղային հնարաւորութիւնները իրենց հերթին սահմանափակ էին և հազիւ թէ պատեհութիւն ընձեռնէր կարճ ժամանակամիջոցում ստեղծելու անհրաժեշտ միջոցառումները օգնութիւնների գծով: Տեսականօրէն թւում էր հնարաւոր էր օգտագործել Միջերկրական-Սև ծով ճանապարհը: Սակայն Միջերկրականի նաւարկութիւնը դաշնակիցների համար օր-աւոր դառնում էր աւելի վտանգաւոր: Միւս կողմից Իրանի չէզոքութիւնը պահել ցանկացող Թիւրքիան փակել էր Գարդանելը: Գարանելի լայնքը շատ կէտերում մէկ մայլի հասնելու հետևանքով, ոյժով մտնելու դէպքում դաշնակիցները պիտի հանդիպէին Թիւրքիայի դիմադրութեան և մեծ հաւանականութեամբ Գերմանիոյ միջամտութեանը, որը իր ձեռքի տակ ունէր օկուպացւած Յունաստանն ու Բուլղարիան: Վերոյիշեալ խոչընդոտները պատ-

ճառ դարձան, որ դաշնակիցները հարկադրաբար կանգ առնեն մէկ գործնական ուղու վրայ, այն էր՝ Պարսից ծոցն ու Իրանի ընդհանուր երկաթուղագիծը, որ այնքան մօտ էր նրա սրտին և դեռ նոր էր աւարտւել դրա կառուցումը, հոգեկան անմխիթար հարւածներ հասցրին նրան:

Անգլիական և ռուսական քարոզչութիւնը ճշգրտում էր դաշնակիցների մուտքը բացատրել նրանով, որ հայրս դրժել է չէզոքութեան խոստումն ու չի համաձայնել երկրից արտաքսելու Իրանում բնակւող գերմանացիներին: Սակայն այդ պատճառը կարող է թւալ մակերեսային ու երեխայական, որովհետև նախ այդ օրերին ոչ միայն գերմանացի մասնակի մասնագէտներ կային Իրանում, այլև մեծ թւով դաշնակիցների հպատակներից ապրում էին մեր երկրում և վայելում Իրանի օրինական հովանաւորութիւնը: Երկրորդ, այլև այն ամենից, ինչ ասեց վերևում, դաշնակիցներին սպառնացող վտանգը շատ աւելի մեծ էր, քան դա կարող էին յարուցել Իրանում բնակւող մի բուռ գերմանացիները: Այսօր բոլորն են պաշտպանում իմ այն համոզումը, որ եթէ դաշնակիցները Իրանում ճանապարհները անհրաժեշտ չհամարէին իրենց ծրագիրների համար, ապա Բ. աշխարհամարտին երբեք Իրանը չէր ընկնի օտար ոյժերի իշխանութեան տակ: Պիտի նկատի ունենալ նաև այն հանգամանքը, որ եթէ Գերմանիան յաջողէր պատռելու Ռուսիոյ դիմադրական գիծը Կովկասում, մի երևոյթ, որ մօտ էր իրականանալու 1942 թւին, անկասկած

պիտի շարունակէր իր առաջխաղացումը նաև Իրանի տերիտորիայում, քանզի համաձայն Ռոզենբերգի հանձնարարած օրհանգիստի՝ նացիստների նպատակն էր իրենց յաղթութիւնների շղթան ձգելու Մերձաւոր Արևելքում՝ մինչև Պարսից ծոցի ափերը, որտեղից հնարաւոր պիտի դառնար մօտենալու Հնդկաստանին։ Գրանից բացի կային և այլ շարժառիթներ, որ նրանց մղում էին տիրանալու Պարսից Ծոցին։ Կովկասի նաւթը գաւթելու և ուսաներին դրանից գրկելու ցանկութեան հետ միաժամանակ, նրանք երազում էին գրաւել Իրանի նաւթն ու նաւթագտարանները և խլել դրանք անգլիացիների ձեռքից։ Գերմանացիները քաջ գիտէին, որ Անգլիոյ ծովոյժն ու դաշնակիցների աւիացիան ու հետեակը իրենց վառելիքը հայթայթում են Իրանի նաւթից։ Դա էր, որ նրանց հարկադրում էր խորտակելու դաշնակիցների կողմից ուսաներին հասնող օդանութեան միակ ճանապարհը։

Արդ, պիտի նկատի ունենալ դէպքերի յարաբերականութիւնն ու յաջորդականութիւնը։ Եթէ դաշնակիցները Իրանի գծով այնքան ուղղամտութեք ու պարէն չհայթայթէին ուսաներին, հաւանական էր, որ Գերմանիոյ յարձակումը 1942 թւին պսակէր յաղթութեամբ և իմ երկիրը ևս օկուպացւէր նրանց կողմից։ Թերևս, որոշ հայրենակիցներ ընդառաջէին այս յաղթութեանը, որը ինքնըստինքեան պատճառ էր դառնում ուսանգլիական ազդեցութեան չէզոքացմանը, այնուամենայնիւ ուշ թէ շուտ նրանք չպիտի կարողանային հանդուրժել հիտլերեան իշխանութիւնը։

Ինչևէ, երբ շուկներ տարածեցին Ռուսաստանի և Գերմանիայի գաղտնի դաշնագրի մասին, որի հիման վրայ ուսաները ստանում էին Իրանը տիրապետելու իրաւունքը, բոլորը փոխեցին իրենց տեսակէտները, որովհետև տւեալ դաշնագիրը աւելի վտանգաւոր էր ու վնասակար, քան 1907 թւի ուսանգլիական միատեղ համաձայնագիրը։ 1941 թւին, գերմանական բանակների յաղթութիւնները Ռուսաստանում և նրանց յառաջխաղացման հաւանականութիւնը Կովկասից դէպի հարաւ, մտահոգութեան տեղիք տւեց անգլիացիներին, այն առումով, որ յանկարծ չվտանգւի Հնդկաստանի, Սուէզի Զրանցքի և Միջին Արևելքի նաւթային շրջանների ապահովութիւնը։

Նոյն թւի վերջերին, ուսաները ծաւալեցին մեծ հակադրոններ, որով խափանւեց գերմանական կայծակնային յարձակման ծրագիրը։ Մի քանի ամիս անց խորտակւեց նաև գերմանացիների գարնանային յարձակումը և կասեցւեց նրանց յառաջխաղացումը։ Այդ բոլորով հանդերձ դաշնակիցները վստահ չէին վերջնական արդիւնքի վրայ, ընդ որում Զրչիլը «Երկրորդ Պատերազմի Յուշերը» գրքի մէջ գրում է.

«...Նոյնիսկ 1942 թւի Օգոստոսին, Մոսկւա գնալուց և այնտեղ գումարաւած կոնֆերանսին մասնակցելուց յետոյ, ինձ ընկերակցող գեներալ Բրուքը այն կարծիքի էր, որ գերմանական ոյժերը անցնելով Կովկասի լեռնաշղթան գրաւելու են Կասպից ծովի աւազանը։ Այդ պատճառով Սուրիայում ձեռնարկեցինք կատարեալ պատրաստութիւնների՝ պաշտպանական պա-

տերազմի համար...»:

Դաշնակիցները ճիշտ թէ սխալ համոզած էին, որ Իրանի և Գերմանիոյ բարեկամական ու մեղմ յարաբերութիւնները հանդիսանում են Իրանի օկուպացման նախաբանը, որովհետեւ գերմանացիները Նւրուպայի յաղթանակներից կուտակած փորձառութեամբ սովորել էին զանազան երկրներում իրենց ազդեցութիւնը տարածելու և ներքին ուժերի պառակտման եղանակները: Կայծակնային յարձակումը, ընդհանրապէս, հանդէս էր գալիս երկրների վերջնական կործանման ճանապարհին: Դաշնակիցների համար ծածկւած չէր մնում գերմանական քարոզչութեան ազդեցութիւնը, նրանք ենթադրում էին, որ գերմանական դիւերսսանտները հեշտութեամբ կարող են գրաւել Իրանի երկաթուղագիծը և նոյնիսկ անհրաժեշտութիւնից մղւած պայթեցնել մեծ կամուրջներն ու թունելները, չէ՞ որ իւրաքանչիւր կամուրջի կամ թունելի խորտակումով մի քանի ամսով երկաթուղագիծը պիտի դառնար անօգտագործելի: Նաւթի հաստատութիւններն ու զտարանները նմանապէս լաւ օրեկտերներ կարող էին համարւել ուժեղացողների համար, հետեւեալ գաշնակիցները այն կարծիքին էին, որ Իրանի հարաւի նաւթը կարող է գրգռել գերմանացիների ախորժակը: Թերեւս տեղին է նշել, որ Շահփուր նաւահանգստում կալանքի տակ էին առնւած վեց գերմանակ և իտալական բեռնանաւեր, թէև որանք յարատեւօրէն գտնւում էին Իրանեան երկու ազգամանաւերի հսկողութեան տակ, բայց ելնելով

հանդամանքներից, որ նացիստները ազատ էին մնացել նաւերի մէջ ամեն տեսակ գործողութիւնների համար, դաշնակիցները վախենում էին, որ պատեհ առիթից օգտւելով կարող են դիտաւորեալ կերպով նաւերից մէկը խորասուզել Նիւրատ և Տիգրիս գետերի դելտայում, փակելով Աբադանի հսկայ նաւթագտարանին սպասարկող նաւակայանների մուտքը: Թերեւս անհիմն չէր դաշնակիցների այս մտահոգութիւնը, որովհետեւ ենթադրւում էր դրանցից ոմանք բեռնաւորած լինեն պայթուցիկ նիւթերով և անսպասելի չէին նման դիտումները: Այնպէս, ինչպէս երբ անգլիական ոյժերը մուտք գործեցին Իրանի հարաւային շրջանները, գերմանական երկու նաւի անձնակազմը պայթեցրեց նաւերը, սակայն տեալ դէպքը տեղի ունեցաւ գետաբերանի այնպիսի կէտում, որ չխափանեց երթևեկը:

1940 թւի կէսերին աւելանում է անգլիացիների մտահոգութիւնը Իրանում հետզհետէ աճող գերմանական ազդեցութեան նկատմամբ: Նրանք այս մասին մի քանի անգամ բարեկամաբար ազդարարեցին Իրանի կառավարութեան և առաջարկեցին սահմանափակել գերմանացի և այլ հպատակութիւնների պատկանող մասնագէտների թիւը մեր երկրում: Բայց հայրս յայտարարեց, որ գերմանացի մասնագէտների փոփոխումը կապւած է դժւարութեան հետ և դա գերմանացիների կողմից պիտի մեկնաբանւի որպէս Իրանի շէջողութեան խախտում: Ի դէպ հայրս վստահեցնում էր, որ ենթակայ կառավարութիւնը լիովին ի գօրու

է զսպելու գերմանացիների որևէ անվայել արարքը:

Այսօր, երբ աւարտուել է Համաշխարհային Բ. Պատերազմը, և նայում եմ անցեալին, տեղին է նշել այն իրողութիւնը, որ ինչքան տեղեակ եմ, պատերազմի ընթացքին նշանակալից և ոչ մէկ սաբոտաժային դէպք տեղի չունեցաւ երկաթուղային հաստատութիւններում և Իրանի նաւթային արդիւնաբերական կենտրոններում: Յաւակնութիւն չուներմ պընդելու, որ այս յաջողութիւնը պիտի վերագրել հօրս, իմ կամ մեր կառավարութիւնների թափած ջանքերին, այսուամենայնիւ դա ըստինքեան փայլուն և խօսուէն անցեալ կարող է համարուել: Ի դէպ՝ արդարութիւնը պահանջում է շեշտելու, որ մինչև դաշնակիցների մուտքը Իրան, հաւանական է, գերմանացիները յետաձգել էին իրենց խափանարարական ծրագրերը այն յոյսով, որ թերևս յաջողեն առաջին անցնել Կովկասից և տիրանալ Իրանի հազորակցութեան և նաւթային արդիւնաբերութեան կենտրոններին:

1941 թւի Յունիսի 26-ին՝ Խորհրդային Միութեան վրայ հիտլերեան ոյժերի յարձակումից ճիշտ չորս ամիս յետոյ, ռուսներն ևս ձայնակցելով անգլիացիներին, բողոք ներկայացրին Իրանի կառավարութեան և գերմանական մասնագէտների ներկայութեան մասին իրենց մտահոգութիւնը յայտնելու հետ միաժամանակ, յայտարարեցին, որ համաձայն ճշգրիտ տրւեալների՝ գերմանական կառավարութեան պաշտօնեաները Իրանում զբաղւած են պետական հարւած

կազմակերպելու գործով:

Նոյն թւի Յունիս 19-ին, ռուս-անգլիական կառավարութիւնները Իրանի պետական շրջանակներին ներկայացրին միատեղ ծանուցագիր: Աւելի խրատառ ծանուցագիր ներկայացւեց Օգոստոս 16-ին: Սակայ Իրանի կառավարութեան կողմից նրանց տրւող պատասխանները ինչ-որ գոհացուցիչ ու վերջնական չէին, որովհետև Նախարարաց Խորհուրդը դժբախտաբար չէր համարձակուում հօրս տեղեկացնել այն մասին, որ դաշնակիցների ազդարարութիւններն աստիճանաբար ստանում են սուր բնոյթ:

Օգոստոս 25-ին, Անգլիան և Ռուսիան նոր ծանուցագիր ներկայցնելով Իրանի կառավարութեան, ընդգծում էին, որ այլևս ստիպւած են կիրարկելու խիստ ու կտրական միջոցառումներ: Նոյն օրերին մեր երկիրը ենթարկւեց ռուսական ոյժերի ոտնձգութիւններին հիւսիսից և անգլիական ոյժերի յարձակմանը հարւաւից:

Մաւալւող իրադարձութիւններից մի քանի ժամ անց, հայրս ռուսական և ագնլիական քաղաքական պատւիրակութիւններին յայտնեց, որ պատրաստ է ընդառաջելու պատկան պետութեանն ի առաջարկներին: Սակայն պատասխանեցին, որ երկու երկրները ոյժերը շարունակում են իրենց առաջխաղացումը:

Իրանի զօրաբանակը, ինչ խօսք, յանկարծակի եկաւ: Զինուորութիւնը զօրանոցներում ընդունեց թըշնամու ումբակոծումները: Հսկայ փաստներ կրեց մեր

փոքրիկ ծովոյժը, որը նոյնպէս նախապատրաստուած
չէր որևէ դիմադրութեան: Պէտք է զարմանալ, եթէ
հայրս և իրանցիները ասեն, որ դաշնակիցները չա-
րաչար խաբեցին ու դաւաճանեցին մեզ: Իրօք, հայրս
երբևէ չէր կարող երևակայել, որ դաշնակիցները այն-
քան ուխտադրուժօրէն ու օրը ցերեկով ոտնակոխեն
մեր երկիրն ու հողային ամբողջականութիւնը: Նա,
անշուշտ, տեղեակ էր, որ դաշնակիցները օժտուած լի-
նելով ռազմական հարուստ միջոցներով, ընդունակ են
ամեն տեսակի օրինազանցութիւնների ու ոտնձգու-
թիւնների՝ իր սիրելի հայրենիքի դէմ, այնուամե-
նայնիւ մինչև վերջին վայրկեանը համոզուած էր, որ
միջազգային օրէնքների ու ըմբռնութեան նկատ-
մամբ ընդհանուր յարգանքը նրանց յետ կը պահի վրձ-
նական գործողութիւններից: Յիշեալ յարձակութեան
դէմ Իրանի զօրաբանակի դիմադրութիւնը, բացի մի
քանի կէտերից, միանգամայն ապարդիւն էր: Յար-
ձակման առաջին ակիքը անցնելուց յետոյ, մեր զօր-
քերը զգացին, որ թշնամին շատ աւելի գորեղ է, քան
ենթադրուած էր դիմադրուել նրան: Իրականութիւնն
այն էր, որ մեր զինւորները հիւսիսային ճակատում
օժտուած էին միայն հասարակ հրացաններով:

Երեք օր անց, վարչապետը հրաժարուեց իր
փոստից և նրա յաջորդը իրանական ուժերին հրա-
մայեց զադաբեցնել դիմադրութիւնը, թէև իրակա-
նում նախքան հրամանի արձակումը վերջացել էր
որևէ դիմադրութիւն:

Սեպտեմբեր 9-ին, նոր վարչապետը յաջողեց

ստանալ պարլամենտի համաձայնութիւնը՝ դաշնա-
կիցների պահանջները ընդունելու մասին: Իսկ դաշնա-
կիցները, որ այդ օրերին իրենց ոյժերը տեղադրել
էին մայրաքաղաքից հեռու տարածութեան վրայ,
պատրուակ ունենալով այն հանգամանքը, որ Իրանի
կառավարութիւնը թերանում է կատարել իր տւած
խոստումները, յայտնեցին, որ Սեպտեմբերի 17-ին
նրանց ոյժերը պիտի մուտք գործեն Թեհրանի արու-
արձանները:

Սեպտեմբեր 16-ի առաւօտեան, Իրանի Ազ-
գային Սորհրդարանում յայտարարուեց, որ հայրս
հրաժարել է թագաւորութիւնից, նոյն օրը ես հռչակ-
ուեցի որպէս նրա յաջորդը և Իրանի թագաւորութեան
ժառանգորդը: Այսպիսով դաշնակիցները հասնելով
իրենց նպատակներին, հօրս հեռացրին հրապարակից
և հարթեցին Իրանի վրայով Ռուսիային ռազմա-
մթերք ու պարէն հայթայթող ճանապարհը: անվե-
րապահօրէն պիտի ասեմ, որ նրանց արարմունքը ան-
չափ պախարակելի էր և նրանք էին, որ ցանցին
թշնամութեան ու հետագայ բարդութիւնների սեր-
մերը:

Այժմ, յետադարձ հայեացք եմ ձգում անցեալի
վրայ, տեղին է պարզել, որ դաշնակիցները յիշեալ
գործողութիւնների փոխարէն ուրիշ ի՞նչ կերպ կարող
էին իրագործել իրենց նպատակները: Ըստ իս պա-
տասխանը շատ պարզ է: Այս առթիւ նախ բերում
եմ Մր. Չրչիլի նշումները, որ արտացոլուած են Բ.
պատերազմի պատմութեան մէջ և համառօտակիօրէն

լոյս են սփռում դաշնակիցների հայեացքների վրայ:

«Ռուսիայի հետ լրիւ հաղորդակցութիւն ունենալու համար, անհրաժեշտ է ճանապարհ բացել Իւրանից, և դա ունէր վիթխարի կարևորութիւն, որովհետև նախ դժուարին էր դառնում Հիւսիսային Սառուցեալ Ովկիանոսի գծով Ռուսիայի մատակարարւող ռազմամթերքի փոխադրութիւնը և երկրորդ՝ անհրաժեշտ էր նկատի ունենալ հետագայի ստրատեգիական հնարաւորութիւնները: Ես առանց մտահոգութեան չէի կարող վերաբերւել Միջին Արևելքում գորշարժեր կատարելու խնդրին, սակայն առկայ փաստարկները կրում էին ստիպողական բնոյթ: Իրանի նաւթահորերը հիմնական և կարևոր շարժառիթ կարող էին համարւել պատերազմի համար: Ռուսիան պարտւելու զէպքում մենք պատրաստ պիտի լինէինք դրանց տիրանալու: Կար նաև Հնդկաստանի սպառնալիքը:

Անգլիական և ֆրանսիական ոյժերի կողմից Իրաքի ապստամբութեան ճնշումը և Սուրիայի գրաւումը, որ գլուխ եկան մեծ նեղութիւնների ու ծանր վնասների գնով, խափանեցին Հիտլերի բոլոր ծրագրերը Միջին Արևելքում, սակայն եթէ ուռնները պարտւէին՝ հաւանական էր նրանք կազմէին նոր ծրագրեր: Թեհրանում հաստատւել էին մի խումբ գերմանացիներ, որոնց թիւն ու գործունէութիւնը մասամբ ընդարձակ էր: Մեծ էր գերմանացիների համարում ու յարգանքը իրանցիների մօտ: Նախ քան Փլասենտիա ուղևորւելու (Փլասենտիա ծոցը գտնւում է Նյուֆաունդլանդում և այստեղ էր, որ Չրչիլը

առաջին անգամ 1941-ի Օգոստոս 9-ին հանդիպում ունեցաւ Ռուզւելտի հետ: Մ.Ն.) կազմեցի մի յատուկ խորհուրդ, որին յանձնարարւում էր նախագծելու Իւրանի դէմ զինւորական գործողութիւնների ծրագրերն ու դրանց յաջորդականութեան դասաւորումը: Իմ բացակայութեան ընթացքին խորհուրդը հեռագրով զեկուցելու էր ինձ կատարւած աշխատանքների արդիւնքի մասին: Յիշեալ գործողութիւնը կատարւեց և զեկուցումը ռազմական կաբինետում վաւերացւելուց յետոյ հասաւ ինձ: Պարզւեց, որ Իրանի կառավարութիւնը չի համաձայնում արտաքսելու Իրանում բնակւող գերմանացի հպատակներին ու լրտեսներին. հետևաբար մնում էր դիմելու բռնութեան: Օգոստոս 13-ին Մր. Իդենը Արտաքին Գործոց նախարարութեան մէջ ընդունելով պրն. Մայսկիի, քննեցին երկու պետութիւնների կողմից Իրանին ներկայացւելիք առանձին ծանուցագրերի կէտերը և հասան ընդհանուր համաձայնութեան: Օգոստոս 17-ին ուս և անգլիական պետութիւնների կողմից միատեղ ծանուցագիր յանձնւեց Իրանին: Գրական պատասխան չստանալով Օգոստոսի 25-ին անգլիական և ուսական ոյժերը մուտք գործեցին Իրան»:

Ես համաձայն չեմ Չրչիլի արտայայտութեան որոշ կէտերին, որ ասւում է իբրև ճշմարտութիւն: Այսուամենայնիւ, կարևորն այն է, որ եթէ Չրչիլի բոլոր խօսքերը լինեն ճշմարիտ, ապա սխալ ու անարդար էր դաշնակիցների որդեգրած ուղին:

Առաջին հերթին դաշնակիցները աւելի անկեղծ

վերաբերմունք պիտի գրաւորէին հօրս նկատմամբ: Վերջերս վերանայեցի դաշնակիցների բողոքաշուկն ծանուցագրերը, որ այն օրերին ներկայացրել էին հօրս և զգացի, որ երեխայական են ու կապուում են մանրուքների: Նրանց ընդհանուր մօտեցումը համարեա սահմանափակուում էր գերմանացի հպատակների ներկայութեամբ Իրանում: Ոչինչ չի աւել աւելի ծանրակշիռ նպատակների, այն է՝ Ռուսիային ռազմամթերք հայթայթելու գծով ճանապարհ բացելու, գերմանական ոյժերի մուտքը դէպի Միջին Արեւելքի նաւթառատ շրջանները՝ կամ դէպի Հնդկաստան կանխելու և նման հարցերի մասին:

Հայրս ուշիմ անձնաւորութիւն լինելու հետ միաժամանակ, ծանօթ էր ստրատեգիտական արւեստին: Երբ անդլիացիներն ու ռուսները բացայայտօրէն էին արտայայտում իրենց իրական նպատակները, հայրս կարողանում էր թափանցել իրերի խորքը: Սակայն դաշնակիցներն այս անգամ հիմնուում էին միայն Իրանում բնակւող գերմանացիների վտարման խնդրի վրայ, ընդ որում դա կրկնում էին յամառօրէն ու անընդմէջ: Ինչպէս նշեցի վերը գերմանացիների մեծագոյն մասը Իրանում զբաղած էր արդիւնաբերական աշխատանքներով: Առկայ վիճակագրական տւեալների համաձայն, նրանց քանակը իրենց ընտանիքներով հասնում էր սոսկ 470 հոգու:

Ենթադրենք, որ դիցուք թէ գրանցից ոմանք զուրկ էին անցագրից և առանց իրաւունքի էին բռնակուում մեր երկրում, այսպիսով արդարացւում է

հօրս գայրոյթը դաշնակիցների ցուցաբերած յամառ պնդումների նկատմամբ: Դաշնակիցները գիտէին, որ հայրս անշափ զգայուն է այս խնդրում և ըստ իս, նրանց ծանուցագրերը փոխադարձ համաձայնութեան ձգտելու փոխարէն, կեղծութեան շղարշի տակ քողարկում էին հիմնական նպատակը, այն է՝ ունենալ որեւէ պատրւակ Իրանի տերիտորիան ներխուժելու համար:

Ռեզաշահն իրաւամբ գիտակցելով, որ դաշնակիցները բացորոշ կերպով չեն արտայայտում իրենց միտումները, ճարահատեալ, հակառակ արքայական սովորութիւններին, Լոնդոնում բնակւող իր լիազօր գործակալից պահանջեց հետաքրքրել զդաշնակիցների իրական նպատակների և նրանց պահանջների մասին, բայց այլևս շատ ուշ էր: Հայրս Թեհրանի Գերմանական դեսպանին յայտնել էր, որ Իրանի կառավարութիւնը որոշել է արտաքսել Իրանում բնակւող մնացորդ գերմանացիներին, նոյնիսկ ձեակերպել էր դրանց մեկնումը Թիւրքիայի վրայով, սակայն դա ևս խափանւեց դաշնակիցների շտապ գործողութիւնների հետեանքով:

Դաշնակիցները ոչ միայն հօրս հետ պիտի վերաբերւէին պարզութեամբ ու անկեղծօրէին, այլև նրան պիտի ներկայացնէին քաղաքական պատուաւոր միասնութեան առաջարկ: Գուցէ ոմանք հերքեն այս տեսութիւնը ասելով, որ Ռեզաշահի քաղաքական հայեացքները չէին կարող հանդուրժել նման միասնութեան ստեղծումը: Սակայն դա դաշնակիցների պարտականութիւնն էր, որ մեր երկրի ամբողջակա-

նութիւնն ու անկախութիւնը ոտնակոխելուց առաջ, առնւազն դիմէին նման միջոցառման: Համոզուած եմ, որ Ռեզաշահը կամ կ'ընդունէր դաշնակիցների առաջարկը, կամ ինձ յանձնելով արքայական գահն ու գալիստներ, կը թոյլատրէր, որ դա արւի իմ ձեռքով:

Այստեղ բացայայտում եմ մի խնդիր, որ թերևս ցայժմ ոչ ոք տեղեակ չէ դրանից: Հայրս իր պաշտօնական հրաժարականը ներկայացնելուց մի քանի տարի առաջ նպատակադրել էր յօգուտ ինձ անձամբ յետ քաշել թագաւորութիւնից: Ի հարկէ այս մասին նա երբէք չէր խօսել ինձ հետ, բայց հետագային դրա առթիւ տեղեկացայ նրա մօտիկ խորհրդատուներին մէկից: Նրա նպատակն է եղել ինձ յանձնելով թագաւորութիւնը, անհրաժեշտ պարագային խորհուրդներով և ուղղութիւններով հանդէս գալ որպէս աւագ և փորձառու դիւանագէտ: Այսպէս թէ այնպէս, դեռ այժմ էլ չեմ կարողանում հաշտել այդ մտքի հետ, որովհետև նրա նման մի կարող Շահնշահից այսպիսի մի քայլ թւում է անհաւանական: Ինչևէ իմ կարծիքով նա որոշել էր 1940 թւին, կամ դրանից շատ չանցած հրաժարել թագաւորութիւնից:

Ձեմ ասում, թէ դաշնակիցները ստիպւած էին տեղեակ լինելու հօրս մտքերին ու գաղտնիքներին, նպատակս այն է, որ դաշնակիցները նախ քան այն, որ հիտլերեան եղանակով բռնագրաւէին Իրանի հողը և ոտնակոխէին հէնց այն սկզբունքները, որոնց համար պատերազմում էին, պարտաւոր էին համագործակցական ոգով Ռեզաշահի հետ կնքել միասնութեան

պատաւաւոր դաշինք:

Ամեն դէպքում, քանի որ նրանց յարձակումից յետոյ էլ պիտի կնքէր նման համաձայնագիր ապա ցանկալի էր դա արւէր նախապէս, որով նախ արիւն չէր թափւի և երկրորդ՝ իմ ժողովրդի, ոուսների և անգլիացիների միջև չէր առաջանայ քէն ու ատելութիւն:

Դեռ աւելին, եթէ գերմանական ոյժերի մուտքը Իրան՝ իրօք մտահոգում էր դաշնակիցներին, ապա զինւորական կամ քաղաքական դաշինքների կնքումով՝ ի՞նչու չխնդրեցին մեր զինւորական աջակցութիւնը: Ոմանք թերևս ենթադրեն, որ նկատի ունենալով Ռեզաշահի շահագրգռութիւնը կատարեալ չէզոքութիւնը պահպանելու խնդրում, այսպիսի առաջարկը խելացի չէր կարող համարւել: Իմ պատասխանը այն է, որ հայրս լինելով տրամաբան և արդարախոհ անձնաւորութիւն և նմանապէս ամեն ինչից բարձր դասելով իր երկրի երջանկութիւնն ու ժողովրդի բարօրութիւնը, անկասկած պիտի խորհէր դաշնակիցների առաջարկների շուրջ, եթէ դրանք ներկայացւէին պարզօրէն, հեռու որևէ երկբայութիւնից և լոյս սփռէին նրանց ստրատեգիական վիճակի վրայ՝ ընդգրկելով նաև Իրանի շահերը: Հետեաբար դաշնակիցներն այլևս կարիք չունէին Իրանի դէմ օգտագործելու այն ոյժերը, որոնք անհրաժեշտ էին աւելի զգայուն կէտերի համար: Մենք ևս մեր հերթին հեռու մնալով երկրի բռնագրաւման հետեանքով առաջացած անարխիստից, աւելի շուտ պիտի մասնակցէինք Հիտլերի չարագոր-

ծուծիւնների դէմ մղւող պայքարին:

Քաղաքական կամ զինւորական միասնութեան առաջարկը՝ լինէր դա օգտաւէտ թէ անօգուտ, դաշնակիցները պարտաւոր էին ներդաշնակութիւն ստեղծել ռազմամթերքի փոխադրման և պատերազմից առաջ յայտարարած այն նպատակներին միջև, որոնք հանդէս պիտի գային փոքր ազգերի ազատութեան ու անկախութեան օգտին:

Դաշնակիցների պատասխանատու շրջանակները բանակցութեան մէջ մտնելով հօրս կամ ինձ հետ, եթէ նրա տեղակալը եղած լինէի, պիտի ասէին.

«Մենք ստիպւած ենք մեծ քանակութեամբ ռազմամթերք հասցնել դժւար կացութեան մէջ գտնուող Ռուսիային, ընդ որում ելնելով աշխարհագրական և տրամաբանական տեսակէտներից, տւեալ նպատակին հասնելու համար միակ ուղին Իրանի տերիտորիան է: Մենք պատրաստ ենք Իրանի նաւահանգիստներից ու երկաթուղապահից օգտւելու փոխարէն վճարել արդարացի մի գումար և խոստանում ենք չը ոտնակոխել Իրանի չէզոքութիւնն ու անկախութիւնը: Ոչ մէկ զինւորական ոյժ չենք ուղարկի Իրան և եթէ համաձայնէք՝ Իրան կը գան միայն փոխադրական մասնագէտներ, որպէսզի օժանդակեն ռազմամթերքի փոխադրմանն և նպաստեն ճանապարհների վտանգաւոր կէտերի ապահովութեանը: Իրանի վրայով ռազմամթերք փոխադրելու հարցը մեզ համար կենսական անհրաժեշտութիւն է և նախընտրում ենք, որ դա արւի բարեկամական համաձայնագրի կնքումով երկրի ա-

ռաջին անձնաւորութեան, այսինքն շահի հետ»:

Պիտի նկատի ունենալ, որ Հիտլերը այդպիսի համաձայնագրեր էր կնքել Շւեդիայի և Շւեյցարիայի կառավարութիւնների հետ. նրա իրական նպատակը ինչ էլ որ լինէր՝ յարգեց յիշեալ երկրների չէզոքութիւնը և մինչև անգամ իրեն զրկեց փոխադրական մասնագէտներ ու պահապաններ ուղարկելու իրաւունքից: Արդեօ՞ք դաշնակիցները չէին կարող այս ձևով յարգել մեր չէզոքութիւնը:

Եթէ այդ օրերին ես հասած լինէի թագաւորութեան, վերոյիշեալ եղանակով կ'ընդունէի նրանց առաջարկները: Եւ եթէ Ռեզաշահը հրաժարւած չլինէր գահից, նա ևս կը համաձայնէր, որովհետև ծանօթ լինելով հօրս բնութագրին՝ կարծում եմ, որ թէև սրտի խորքում կ'երկմտէր նման առաջարկներից, բայց համաձայնութիւնը կը գերադասէր Իրանի բռնագրաւումից: Այս դէպքում պիտի յետաձգէր իմ թագաւորութիւնը, որ կարևորութիւն չունէր ինձ համար, որովհետև իմ երկիրը կ'ազատէր մեծ դժւարութիւններից ու անհանգստութիւններից: Միևկողմից կ'ապահովէր դաշնակիցների շահերը և նրանք ստիպւած չէին լինի հսկայ ոյժերը զբաղեցնել մեր երկրում:

Սակայն դէպքերը դասաւորւեցին այլ կերպ: Երբեմն ասւում է, որ հօրս գահից հրաժարւելու շարժառիթը կայանում էր երկրի թագաւորութիւնը իր զաւակի օգտին պահպանելու խնդրում: Բայց դա ճիշտ չէ, որովհետև ելնելով այն խնամքից ու հոգա-

տարու թիւնից, որ տաժուժ էր հայրս իմ դաստիարակութեան ու կրթութեան խնդրին, լաւագոյնս վկայում է այն մասին, որ իմ տեղակալութեան խնդիրը միշտ էլ զբաղեցրել է նրա միտքը, և չէր կապուում որոշ ժամանակի հետ: Հօրս հրաժարումի իրական պատճառը պիտի փնտռել նրա էութեան մէջ. նա մէկը չէր, որ մնար և դիտէր իր հայրենիքի բռնագրբաւումը օտար ոյժերի ձեռքով և հանդուրժէր նրանց միջամտութիւնը երկրի ներքին խնդիրներին մէջ: Այս մասին նա հետեւեալ բառերով, որոնք վկայում էին նրա բուռն սիրոյ և զգացումների մասին, ինձ ասաց.

«Ժողովուրդը ինձ ճանաչել է որպէս անկախ, կամքի տէր, իրենց շահերը պաշտպանող և կարող Շահնշահ: Ժողովուրդի իմ հանդէպ տաժած այս վրատահութեամբ, ակնածանքով ու յարգանքով, չեմ կարող լինել մի բռնագրբաւած երկրի անւանական թագաւորը և ենթարկել ուս կամ անգլխացի մի սպայի կարգադրութիւններին»:

Այստեղ անհրաժեշտ եմ համարում նշել, որ երբ հասայ թագաւորութեան, բացի դաշնակիցների կառավարական պետերից ու լիազօր դեսպաններից, երբեւէ շիման մէջ չմտայ նրանց ներկայացուցիչների հետ, և չընդունեցի որեւէ մէկին:

Ամեն դէպքում օտարները լաւ գիտէին, որ նրանց համար անհնարին է համագործակցութիւն ստեղծել հօրս հետ, այնպէս հայրս չէր կարող համագործակցել նրանց հետ: Ըիշտ է, նրանք ճշուում գոր-

ծադրեցին հօրս վրայ՝ թագաւորութիւնից հրաժարուելու և հայրենի հողը թողնելու ուղղութեամբ, բայց հետաքրքրականն այն է, որ նրա ցանկութիւնն էլ նոյնն էր: Հետեւաբար կարելի է ասել, որ հանգուցեալ արքան հայրենիքից հեռացաւ իր և դաշնակիցների փոխադարձ համաձայնութեամբ:

Մորիս կղզին ուղևորող անգլիական մի նաւի տախտակամածի վրայից հայրս վերջին հայեացքը գցեց իր սիրեցեալ հայրենիքի հողի վրայ: Սկզբում որոշւած էր, որ նա ուղևորւի Հարաւային Ամերիկա, բայց դասաւորւեց այնպէս, որ նա մեկնեց Մադագասկարի արևելքում գտնուող անգլիական գաղութատիրութեան վերոյիշեալ կղզին: Այստեղից նա տեղափոխեց Աֆրիկայի Եօհաննէսբուրգ քաղաքը և երեք տարի անց (1322 թ.) եօթնասուսն տարեկան հասակում կնքեց իր մահկանացուն:

Ոմանք կարծիք են յայտնել, որ հայրս աքսորի օրերին եղել է ընկճւած ու տխուր: Սակայն ես ասում եմ, որ տւեալ ասէկոսէները անհիմն են: Այդ օրերին մեր միջև գոյութիւն ունէր կանոնաւոր նամակագրութիւն, հետեւաբար ես աւելի՝ քան որեւէ անձնաւորութիւն, տեղեակ էի նրա հոգեկան վիճակի մասին:

Հայրս իր նամակներում չէր անդրադառնում երկրի մասնաւոր խնդիրներին, և մեծ մասամբ ինձ ոգևորում ու ներշնչում էր, որպէսզի համարձակօրէն և անձնուրացօրէն յաղթահարեմ իմ դժւարին ուղու խոչընդոտները:

Մի քանի անգամ նրան առաջարկեցի գրել իր յուշերը Իրանի ներկայ պատմութեան մէջ արձանագրելու համար, բայց նա միշտ էլ մերժում էր այս առաջարկը, որովհետեւ կարծում էր որ հաւանական է պատահականօրէն կամ գրգռելով հայրենասիրական զգացումներին՝ գրւի նիւթեր, որոնք թերեւս վնասակար լինեն հայրենիքի համար:

Ըստ իս, հայրս եկել էր այն եզրակացութեան, որ ես և խորհրդականներս Իրանի ներքին և արտաքին քաղաքականութիւնը վարելու խնդրում թոյլ չենք տալիս ամենափոքրիկ զլացում: Այդ իսկ պատճառով, նա չէր կամենում մեզ յետ կանգնեցնել այն ուղուց, որը համարել էինք ձեռնտու և այսպիսով խորտակել մեր յաջողութեան յոյսերը: Իր կեանքի մինչև վերջին րոպէներն ու վայրկեանները հօրս սրտում և հոգում եռում էր հայրենիքի նկատմամբ ունեցած մեծ սէրը և չունէր այլ նպատակ՝ բացի նրա երջանկութիւնից:

Ինչևէ, երբ քսաներկու տարեկան հասակում ստանձնեցի Իրանի գահն ու գայիսունի պատասխանատուութիւնը, ինձ կանգնած տեսայ բազմաթիւ դժուարութիւնների առջև: Իմ առաջին քայլն եղաւ որոշել Իրանի արտաքին նոր քաղաքականութիւնը: Հօրս նախաձեռնած չէզոք քաղաքականութիւնը անցել էր ապարդիւն և համարւում էր պարտաճ քաղաքականութիւն: Ես պարզօրէն գիտակցում էի, որ դաշնակիցների հետ համագործակցումը ոչ միայն անխուսափելի է, այլև այդպիսի մի քաղաքականութեան

կիրարկումը անհրաժեշտ և օգտակար է երկրի համար: Բարեբախտաբար իմ նոր վարչապետ՝ Մոհամադ Ալի Ֆորուզին, որն Իրանի ճանաչած քաղաքագետներից ու գիտնականներից մէկն էր, լիովին համակարծիք էր իմ տեսակէտների հետ և նրա օգնութեամբ էր, որ 1942 թւի Յունւար 29-ին մի շարք բանակցութիւններից յետոյ ստորագրեց Անգլիայի, Ռուսիայի և Իրանի միատեղ համաձայնագիրը: Երկու դաշնակից պետութիւնները տւեալ դաշնագրով պարզաբանեցին, որ նրանց զինուորների գոյութիւնը մեր հայրենիքում երբէք չի կրելու ռազմական բռնագրաման (օկուպացումի) բնոյթ, (թէև բոլոր իրանցիները առգոյ վիճակը համարում էին զինուորական օկուպացում): Ի դէպ, նրանք խոստանում էին յարգել մեր երկրի հողային ամբողջականութիւնը և քաղաքական անկախութիւնը և Գերմանիայի հետ պատերազմը աւարտելուց վեց ամիս յետոյ՝ յետ քաշել իրենց ոյժերը Իրանից: Սոստանում էին նաև դիւրացնել պատերազմի հետեանքով Իրանում ստեղծւած տնտեսական դժուարութիւնները: Մենք ևս մեր հերթին ստեղծեցինք պահանջւած բոլոր հնարաւորութիւնները՝ Իրանի ճանապարհներով Ռուսիային տրուող ռազմական օգնութիւնների փոխադրումը աւելի դիւրին վիճակի մէջ դնելու համար: Ողբեցինք մեր քաղաքական յարաբերութիւնները Գերմանիայի, Իտալիայի և Ճապոնիայի հետ և 1943 թւի Սեպտեմբեր 9-ին պատերազմ յայտարարեցինք նացիական Գերմանիայի դէմ:

Իրանի բռնագրաւումը դաշնակիցների կողմից
և հօրս զիկատտորական ռեժիմի յանկարծակի ոչնչա-
ցումը նոր տազնապներ ու անհանգստութիւններ առա-
ջացրին իրկրում: Դաշնակիցները երևութապէս որո-
շել էին թուլացնել իմ իրաւունքները, որովհետև
կարծում էին, զա կը նպաստի իրենց իշխանութեան
ամբացմանը:

Դաշնակիցները աննրնդմէջ միջամտութիւն-
ները երկրի ներքին քաղաքականութեան մէջ, խորը
ատելութիւն սերմանեց իմ և Իրանի ժողովրդի սրը-
տերում: Խնդիրը աւելի պարզաբանելու համար բա-
ւական է նշել հետևեալ իրադարձութիւնը որպէս
օրինակ. — Դեռ չհաշուած այդ օրերին առաջ եկած
դրամի կուտակումը, դաշնակիցները յայտարարեցին
որ իրենց ոյժերի պահանջները հոգալու և ծախսերը
վճարելու նպատակով պիտի հրատարակեն մեծ գու-
մարների՝ Իրանեան ընթացիկ թղթադրամներ, և քանի
որ այդ խնդիրը հակասում էր երկրի օրէնսդրութեան,
դաշնակիցները պահանջեցին ժամանակի վարչապետ
Ղաւամից, առանց նկատի ունենալու օրինական հաշ-
ւեկշիռները և կանգ չառնելով որևէ միջոցի առջև,
իրագործի նրանց պահանջը: Ղաւամի այն խօսքին թէ
զա անհնարին է, նրանք ճնշում գործադրեցին Խոր-
հրդարանից անցկացնելու նոր օրինագիծ: Նա պա-
տասխանել էր որ Խորհրդարանը անհաւանական է
վաւերացնի այսպիսի մի կանոն: Ի հետևանս այս բա-
նակցութիւնների, մի օր անգլիական լիազօր դես-
պանը ներկայացաւ ինձ և նշեց, որ նա պատկան,

ինչպէս նաև Խորհրդային Միութեան և Ամերիկայի
կառավարութիւնների կողմից եկել է յայտնելու, որ
թէև վստահում են Ղաւամին, սակայն նա ներկայ
խորհրդարանով չի կարող որևէ աշխատանք տանել:
Ապա ինձ խնդրեց հրատարակել Խորհրդարանի լուծ-
ման հրամանագիրը: Սա մի տարօրինակ առաջարկ
էր, որ արևում էր մի օտար կառավարութեան ներ-
կայացուցչի կողմից: Նրան ասացի, որ ես և Իրանի
ժողովուրդն ենք որ պիտի վստահենք որևէ կառավա-
րութեան և ոչ դուք, և թէև իրար հետ բարեկամ
ենք ու դաշնակից, այդուամենայնիւ դարձեալ ես և
Իրանի ժողովուրդը կարող ենք Խորհրդարանի լուծման
մասին կայացնել մեր որոշումը: Ես թոյլ չպիտի տամ,
որ օտարները այսպիսի մի խնդրի կապակցութեամբ
լինեն կարգադրող: Այդպիսով կտրականապէս մերժեցի
տեալ առաջարկը: Շատ չանցած, նոյն թւին, Թեհ-
րանում երևան եկան մի խումբ խռովարարներ,
որոնց գործունէութիւնը ի դերև հանելու պատրակով
Թեհրանից հեռացած անգլիական զօրքերը նորից մուտք
գործեցին մայրաքաղաք և այսպիսով սպառնացին
խորհրդարանին՝ համաձայնելու նրանց առաջարկի
հետ:

Այս միջոցին, մի շարք լեռնաբնակներ, որոնք
ժամանակին զինաթափուել էին հօրս կարգադրութամբ,
մաքսանենգութեամբ զէնք գնելով դասալիքներից, զօ-
րաբանակի պաշտօնեաներից ու պահեստներից վերսկսե-
ցին գիւղերի կողոպուտը: Բրինձը, շաքարը և բնակչու-
թեան անհրաժեշտ մթերքները տրւում էին քարտերով:

Դաշնակիցները լեռնաբնակների քարտերը յանձնում էին պետերին, որոնք դրանք վաճառելով հասարակ բնակչության, ստացած եկամուտը օգտագործում էին իրենց զինւորական նպատակների համար: Երևան եկան կրօնական ծայրայեղ տարրերը, որոնք անյայտացել էին հօրս իշխանության օրօք: Թերևս անգլիական քաղաքական գէտերից ոմանք այն կարծիքի էին, որ վերոյիշեալ տարրերը կարող են արգելք հանդիսանալ կոմունիզմի տարածմանը: Բացի նշւած հանգամանքներից, անգլիական զօրքերի կեցւածքը ընդհանուր առմամբ վատ չէր կարող համարւել: Միւս կողմից ուսաները հիմնում էին քաղաքական կուսակցութիւններ, բանւորական խմբաւորումներ, որոնք ղեկավարւում էին կոմունիստների միջոցով և սունկի պէս արագօրէն երևան էին գալիս ամենուրեք: Դրանցից ամենավտանգաւորն էր «Թուզէ» կուսակցութիւնը:

Իրանի հիւսիսային նահանգներում ուսաները խուսափում էին համագործակցել տեղական պաշտօնեաների հետ և այս շրջանները գործնականապէս առել էին զինւորական ու քաղաքական իշխանութեան տակ: Այսպիսով ուսական մասը համարեա՛վերածւել էր մի առանձին երկրի: Ինչպէս հետագայ իրադարձութիւնները ցոյց տւին, ուսաների նպատակն այն էր, որ տւեալ շրջանների մեծ մասը ունենան իրենց ձեռքի տակ:

Ազգային Խորհրդարանը դարձել էր անվայել ամբաստանութիւնների փոխանցման կենտրոն և չուներ

կանոնաւոր ծրագիր: Օրէնսդրական մարմինը միջամրտում էր, գործադիր և արդարադատական օրգանների աշխատանքերին՝ խանգարելով օրէնքի գործադրումը: Պետական պաշտօնէութեան ոգին ևս ծայր աստիճանի թոյլ էր:

Թագաւորութեան սկզբում իմ կիրարկած քայլերից առաջինն էր սահմանադրական գեմոկրատիայի վերականգնումը: Այդ օրերին մեր երկրում տիրում էր այնպիսի անարխիա, որ եթէ յուսահատւէի ղեմոկրատիա սահմանելու մտքից՝ չպիտի զարմանալ: Սակայն քաղաքական հայեացքներս ամրապնդւել էին այնքան, որ սպառնացող տագնապներն ու իրադարձութիւնները չէին կարող ինձ յետ կոչել այն հիմունքներից ու սկզբունքներից, որոնք ժամանակին ընդունել էին աշխարհի մեծերը, օրինակ՝ Ջեֆերսոնը, և որոնց համար ես ևս որոշել էի պայքարել:

Տնտեսական առումով, մեր երկրում, գները սկսել էին բարձրանալ գլխապտոյտ արագութեամբ: 1940-ից մինչև 1942 թիւը դրամի կուտակումը հասնում էր վտանգաւոր փուլի: Կենցաղային ծախսերը բարձրացել էին 400 տոկոսով: Դաշնակիցների կողմից Իրանում արւող ծախսերը պատճառ էին դարձել դրամի արագ շրջանառութեան, որի հետևանքով հազւագիւտ ապրանքների գինը բարձանում էր յա-

բաղցօրէն: Հիւսիսային նահանգներին բրնձի և ցորենի արդիւնաբերութիւնը թերևս բաւական էր Իրանի այլ կէտերի համար, սակայն ոռոմները արգիլում էին դրանց փոխադրութիւնը և դա օգտագործում էին իրենց սպառումների համար:

Ե. Մ Ա Ս

ՃԳՆԱԺԱՄԱՅԻՆ ԵՒ ԽԱՌՆԱԿ
ԺԱՄԱՆԱԿԱԾՐՋԱՆ

Մի քանի տարի առաջ, Իրանի ժամանակակից պատմութեան մէջ որևէ իրանցուց աւելի՛ ամերիկեան ու անգլիական լրագրների յօդաածերի նիւթն էր դարձել Դոքտոր Մոհամմադէ Մոսադեղ անունով մէկը, և դժբախտաբար Իրանից դուրս՝ ոմանք նրա չափանիշով էին դատում Իրանի և Իրանցիների մասին:

Սոյն գրքում անհրաժեշտ եմ համարում հաւաստիացնել ընթերցողներին, որ Մոսադեղը երբէք չի եղել Իրանի և մեր ժողովրդի ազգային ուրոյն գծերի իրական տիպարն ու օրինակը:

Անցնող գլխում ասւեց, որ հայրս 1319 թւին բանտարկեց Մոսադեղին, և որ իմ բարեխօսութեան շնորհիւ ազատւեց:

1332 թւին կրկին անգամ բանտարկւեց երկրի իշխանութեան դէմ նիւթած դաւերի մեղադրանքով, որն ինքնըստինքեան ակնյայտ դաւաճանութիւն է համարւում: Դատարանին ուղղւած մի նամակով յայտնեցի, որ նրան ներում եմ իմ անձի հանդէպ ունեցած յանցանքների համար: Հէնց այդ նամակի և բարձր տարիքի շնորհիւ, նա ազատւեց՝ Իրանում և այլ երկրներում նման մեղադրանքով դատապարտւած անձանց համար սահմանւած պատժից՝ կախազանից, դատապարտւելով միայն երեք տարւայ մենախուցի: Այսպիսով մի անգամ ևս, իմ միջնորդութեան շնորհիւ, նա ազատւեց ստոյգ մահից:

1335 թւին դուրս գալով բանտից քաշւեց Թեհրանի շրջակայքում գտնւող իր անձնական կալւածը և այժմ երբ հրատարակւում է այս գիրքը, լինելով հարուստ մէկը, իր ընտանիքի գրկում վարում է հանգիստ ու բարօր կեանք:

Ես տարբեր շարժանիքներով ստիպւած եմ եղել ուսումնասիրել Մոսաղեղի անհատականութիւնը, բնորոշել նրա իմացական ու բարոյական արժանիքները՝ համեմատելով դրանք իր ճառերի ու գործերի հետ և ճշգրտօրէն պարզել նրա խօսքի ու գործի ազդեցութիւնը երկրի կեանքից ներս: Իր վարչապետութեան ժամանակաշրջանը պատեհ առիթ էր աւելի հանգամանօրէն ուսումնասիրելու: Նրա հասարակական կեանքը խօսքի և թղթի աշխարհում առաջին հայեացքից թւում է նոյնիսկ պատւաւոր: Մոսաղեղը ծնւել է 1260 թւին, շատերի ասելով մի քանի տարի դրանից աւելի

վաղ, կալւածատէր ու հեղինակաւոր մի ընտանիքում: Ֆրանսիայում և Շւեյցարիայում սովորել է իրաւագիտութիւն և յարակից նիւթեր և ապա անցել է պետական ծառայութեան: Վարել է ելեւմտական նախարարի, Արդարադատութեան նախարարի, Արտաքին գործոց նախարարի կարեւոր և պատասխանատու պոստերը: Անգլիացիների ընձեռած դիւրութիւնների շնորհիւ ընտրւել է Ատրպատականի նահանգապետ: 1294 թւին առաջին անգամ լինելով ընտրւեց Իրանի Ազգային Խորհրդարանի պատգամաւոր և դա պահեց մինչև իր անկումը: Մոսաղեղի վարչապետութեան ժամանակաշրջանը սկսեց 1330 թւի Օրդիբեհշտից և տևեց մինչև 1332 թւի Մորդադ ամիսը: Տւեալ ժամանակաշրջանի ընթացքին էր, որ ի յայտ եկան Մոսաղեղի բարոյական ու հոգեկան իսկական բնութագծերը: Շատերն են վկայում, որ նա անհատապէս շիտակ անձնաւորութիւն էր (ինչպէս պիտի նշենք՝ դրա ընդունումը կապւած է այն բանի հետ թէ ո՞վ ինչպէս է բացատրում շիտակութիւնը) և կոմունիստ չէր: Եթէ նա առերեսաբար խուսափում էր կոմունիստներից, ապա իրականութեան մէջ յենւում էր նրանց օգնութիւնների վրայ՝ նրանցից պատրաստելով իր վերելքի աստիճանները:

Մոսաղեղի երիտասարդութեան շրջանից, Ղաջաբների օրօք, — երբ Խորասան նահանգի ելեւմտական հիմնարկութեան կառավարիչն էր, — պատմում են, որ կեղծւած դոկումենտներով տիրացել էր շատերի հոգերին և նոյն մեղադրանքով դատապարտւել իսլա-

մական երկրներում ընդունւած պատժին՝ և որ գործադրւում է այսօր Սաուդական Արաբիայում՝ ձեռքի հատման: Տւեալ մեղադրանքի իսկութիւնը ճշտող շարժառիթների մասին ոչինչ չեմ լսել և պարզ է որ նման մի պատիժ չի գործադրւել, որովհետեւ բոլորն էլ յիշում են նրա երկու ձեռքերի շարժումներով գուգորդւած հրաշունչ ճառերը: Հաւանական է, որ իր երիտասարդական շրջանում մասնակցել է դրամական անմաքուր արարքների, սակայն դրանց տխուր հետեւանքները ազդարարելի դասեր են եղել իր համար:

Պէտք է տեսնել, որ Մոսադեղը ինչ բաներ պակաս ունէր իրաւ մի քաղաքագէտի անհրաժեշտ բնութագծերից: Առաջինը՝ նրա ընդհանուր զարգացումը խիստ սահմանափակ էր, մի խնդիր, որ զարմանք էր պատճառում ինձ: Եւրոպական երկրներում կրթւած լինելով հանդերձ, նա գրեթէ ոչինչ չգիտէր աշխարհի միւս երկրների մասին: Մասնաւորաբար թոյլ էր տնտեսագիտութիւնից: Ես երբեք չեմ յաւակնում, որ մասնագէտ եմ տնտեսագիտութեան մէջ, բայց այսպէս թէ այնպէս կարողացել եմ իւրացնել ազգային և համաշխարհային էկոնոմիկայի ընդհանուր գծերը, և թագաւորութեանս բերումով շփւել եմ քաղաքական ու տնտեսական գաղափարներով օժտւած մեծ թւով պետական պաշտօնեաների հետ: Ամենայն անաչառութեամբ պիտի ասեմ, քչերին եմ հանդիպել, որ լինելով որեւէ պատասխանատու գիրքի տէր, Մոսադեղի չափ անգիտակ լինէին առևտրի և երկրի տնտեսութեան առընչող ամենատարրական խնդիր-

ների մասին: Այս հանգամանքը ճիշտ որ զարմացնում էր ինձ, որովհետեւ Մոսադեղը յիմար մէկը չէր և նոյնիսկ համարւում էր խելամիտ անձնաւորութիւն: Գրա բուն պատճառը կայանում էր նրանում, որ Մոսադեղը ընդհանրապէս գերի լինելով իր սանձարձակ ոգու մոլուցքին, երբեք չէր կարողանում գործնականապէս ու տրամաբանօրէն վերլուծել տնտեսական խնդիրները:

Աւելի վատթարագոյնը նրա յոռետեսութիւնն էր: Օրինակ եթէ ուզենք Հիտլերին համեմատել Մոսադեղի հետ, պիտի ասենք, որ Հիտլերը պարսաւում և հայհոյում էր Վերսայի համաձայնագիրը, սակայն որոշակի ու կանոնաւոր էին նրա թէև անմիտ ու անտրամաբանական ծրագրերը: Ընդհակառակը, եթէ Մոսադեղի առաջադրած ծրագրերն ու նպատակները ժամանակաւորապէս գոհունակութիւն էին պատճառում հանրութեան, ապա ոչ այլ ինչ էին, եթէ ոչ բացասական բնոյթներ կրող միտումներ:

Իրականում Մոսադեղը դաւանում էր այնպիսի հիմունքներ, որոնց հէնց ինքը կոչել էր «Հակակշռութեան քաղաքականութիւն»:

Առհասարակ նրա ճառերի նախաբանը, — որ նոյնիսկ տրամաբանական էր, — սկսւում էր նրանով, որ Իրանը օտար ներթափանցումների հետեւանքով, տարիներ շարունակ կրել է ճնշում ու զրկանք այստեղ անմիջապէս յաջորդում էր եզրակացութիւնը, թէ Իրանի լաւագոյն քաղաքականութիւնը կայանում է օտարներին առաւելութիւններ չշնորհելու և նրան-

ցից ոչ մի օժանդակութիւն չակնկալելու մէջ: Առաջին հայեացքից տւեալ մօտեցումը նմանում է Համաշխարհային Բ. Պատերազմից առաջ Ամերիկայի զանազան շրջաններում տարածւած ոչ միջամտական քաղաքականութեանը: Սակայն Մոսաղեզի բացասական ընթացքը չէր սահմանափակուում սոսկ սրանով և ընդգրկում էր ոչ միայն արտաքին քաղաքականութիւնը, այլև երկրի ներքին խնդիրները:

Նրա տածած ծայրայեղ ընդդիմադրութիւնը՝ Իրանում երկաթուղագիծ հիմնելու ուղղութեամբ, նրա մտածելակերպի լաւագոյն օրինակն է: Յիշում եմ մի օր ամենայն համարձակութեամբ իմ ներկայութեամբ արտայայտեց, որ հայրս այս խնդրում (երկաթուղագիծ հիմնելու խնդրում) կատարել է դաւաճանութիւն: Երբ հարցրի պատճառը, պատասխանեց, որ հայրս Իրանի ընդհանուր երկաթուղագիծը հիմնել է շահելու համար անգլիացիների բարեացակամութիւնը, որոնք ցանկանում էին յարձակւել Ռուսիայի վրայ: Հարցրի, թէ իր տեսակէտով հայրս երկաթուղագիծ պիտի հիմնէր մի անձի ուղղութեամբ: Պատասխանեց որ հայրս ամենեւին չպիտի հիմնէր որևէ երկաթուղագիծ, քանի որ Իրանը պէտք չունէր դրան և մարդիկ առանց դրան էլ հանգիստ էին: Աւելի ոգևորւելով նա եզրակացրեց, որ նախքան հօրս իշխանութիւնը, երբ Իրանը զուրկ էր երկաթուղագիծից, նաևահանգիստներից, երբ չկային ասֆալտապատ խճուղիներ, և մարդիկ մինչև ծնկները քայլում էին ջրի ու ցեխի մէջ, գոնէ Իրանը անկախ էր: Իր խօսքերի

անկապ լինելն ապացուցելու համար յիշեցրի նրան, որ հօրս թագաւորութիւնից առաջ Իրանը հեծում էր կապիտուլասիոնի՝ ասել է օտարների իրաւական ազատութեան և իշխանութեան շղթաների մէջ: որ երկրի մէկ մասը գտնուում էր ռուսների և միւս մասը անգլիացիների թաթի տակ, և երկրի ապահովութիւնն ու օրէնքների գործադրումը հասել էին մի այնպիսի անմխիթար վիճակի, որ խելացի մարդիկ գողերի վախից խուսափում էին իրիկնամուտին յայտնւել Թեհրանի պողոտաներում: Արդեօք սրա անունը կարելի է դնել անկախութիւն: Մոսաղեզը, հարկաւ, այս անժրխտելի փաստերի առջև ոչինչ ունէր ասելու, բայց զգում էի որ իմ տրամաբանական մօտեցումները չէին ազդում նրա յամառ ու շեղւած մտածելակերպի արդասիքն հանդիսացող անկապ եզրակացութիւնների վրայ:

Եւս մի ուրիշ օրինակ նրա իւրովի աշխարհահայեացքից: Մէկ օր, ինչ որ առիթով Ռամսար մեկնած և վերադարձած բժշկական ֆակուլտետի վարիչից հարցնում է նրա ճանապարհորդութեան մասին: Յիշեալը պատասխանում է, որ թէև ճամբորդութիւնը հաճելի է անցել, սակայն ճանապարհների վիճակը անչափ վատ է և կարիք է զգացւում անյապաղ ու հիմնական նորոգութեան: Մոսաղեզը զայրացած այս արտայայտութիւնից սկսում է պնդել, որ ամենեւին անհրաժեշտ չեն նման ճամբորդութիւնները և աւելի լաւ է մարդ տանը հանգստանայ և բնաւ չճամբորդի...

Ոմանք Մոսաղեղի անտրամաբանական մտա-
ծելակերպին ծանօթ լինելով, փայփայում են այն
կարծիքը, որ թերևս տարած լինելով արևմտեան նու-
րագոյն գիտութիւնների ու տեխնիկայի հետեանքով
դեռևս չկերպարանափոխուած նախկին երանելի ժամա-
նակներով, նա իր ցնորական ուղեղով խորհել է հետ
գարձնել իրանի յառաջադիմութեան ժամացոյցի
սլաքները: Սակայն դա չի կարող համարուել Մոսա-
ղեղի բռնած բացասական ընթացքի ճշմարտացի վկա-
յութիւնը, քանի որ որքան անվնաս է նման մտա-
ծելակերպի առկայութիւնը մի կղզիացած փիլիսոփայի
մօտ, ապա նոյնքան վտանգաւոր է, երբ դա ծնոււմ
է ներկայ դարաշրջանում որևէ ժողովրդի ղեկավա-
րութիւնը ստանձնող քաղաքական և պատասխանա-
տու անհատի գլխում: Բացի դրանից Մոսաղեղը յո-
ռետես էր ոչ միայն արևմտեան նորագոյն գիւտերի
ու գիտութիւնների նկատմամբ, այլև նրա յորոտե-
սութիւնը երբեմն ներծծոււմ էր գրեթէ բոլոր
խնդիրների մէջ: Օրինակ, վարչապետ դառնա-
լուց յետոյ նա խափանեց աղքատ գիւղացիութեան
մէջ արքունական կալածները բաժանելու իմ ծրա-
գիրը, թէպէտև դա մի առանձին նշանակութիւն պի-
տի ունենար երկրի ստորին խաւերի կենսական մա-
կարդակը բարձրացնելու խնդրում: Պատճառն այն էր,
որ Մոսաղեղի քիմքին նախ ախորժելի չէր նման մի
օգտակար և դրական քայլի կիրարկումը, և գիտակ-
ցելով որ յիշեալ ծրագիրը ժողովրդի մէջ առաջ է
բերել խանդավառութիւն, լցոււմ էր բուռն նախան-

ձով: Երկրորդ՝ Մոսաղեղն ինքը, խոշոր կալւածատէր
էր և ամօթով էր մտածոււմ այն մասին, որ արքու-
նական կալւածների բաժանման պրոցեսի նախաձեռ-
նութիւնը պատկանոււմ է ինձ և ոչ նրան: Բարեբախ-
տաբար նախքան այն, որ Մոսաղեղը կործանելու
հասցնէր տւեալ ծրագիրը՝ խորտակեց ինքը: Յաջորդ
գլխում կը պատմուի այն մասին թէ Մոսաղեղի ան-
կումից յետոյ, իչպէս վերստին կենսագործեց վերո-
յիշեալ ծրագիրը և թէ ինչպէս աստիճանաբար աճե-
ցին դրան կապւող կէտերը:

Մոսաղեղի յորոտեսութիւնը թափանցել էր նաև
երկրի պաշտպանութեան և ներքին ապահովութեան
բնագաւառներում: Անգամներ ինձ ասել էր, որ ա-
ռանձնապէս հարկաւոր չէ զօրացնելու երկրի պաշտ-
պանութիւնը, քանի որ իրանցին առհասարակ տուժել
է օտար ոյժերի դէմ մղած պայքարներում: Նա չէր
ցանկանում, որ տւեալ խնդիրը դրսևորուի երկրից
դուրս, ցանկանում էր միայն, երկրից ներս ամրա-
նայ այն համոզումը, թէ անհրաժեշտ չէ դիմագրա-
ւելու օտար մի երկրի յարձակումը...

Նա ոչ միայն քարոզում էր այս գաղափարը,
այլև ներքին խռովութիւնների ժամանակ գործնա-
կանապէս հետևում էր դրան:

Իր վարչապետութեան օրօք, 1331 և 1332
թւերին, երբ թուրքականներն ու այլ խռովարար
տարրերը աշխատում էին խափանել մայրաքաղաքի
և այլ քաղաքների ապահովութիւնը, Մոսաղեղը չդի-
մեց որևէ քայլի, նրանց կասեցնելու ուղղութեամբ:

Բաւարարւեց լոկ նրանով, որ մի քանի հրասայլեր և զինւած զինւորներով լեցուն բեռնատարներ ուղարկեց խռովութեան կենտրոնները, սակայն արդիւեց ամեն տեսակի միջամտութիւնները: Հետեւաբար եղաւ այն, որ փողոցային քաջքշուկներն ու թալանը տեղի էին ունենում կարգապահ ուժերի աչքի առջև և նրանք ակամայ հանդիսատեսներ էին...

Վերջապէս Մոսաղեղի հետևորդներից ոմանք չկարողանալով հանդուրժել նրա անտարբերութիւնը օր աւուր ծաւալուող խռովութիւնների հանդէպ, հասան այն եզրակացութեան, որ Մոսաղեղը դիտմամբ, կամ պարզապէս սզիտութիւնից՝ երկիրը առաջնորդում է դէպի կոմունիզմ:

Ոմանք էլ մտածում էին, որ երկրի պաշտպանութեան խնդրում, նրա որդեգրած քացասական քաղաքականութիւնը բխում է խաղաղասիրութեան վրա հիմնւած նրա փիլիսոփայութիւնից, կամ կրօնական դաւանանքից:

Ըստ իս, դա ճիշտ մօտեցում չէ և չի համապատասխանում ճշմարտութեան, որովհետև նրա յաւակնած խաղաղասիրութիւնը չէր ընդգրկում կեանքի բոլոր ուղիները և ինքը հեռու էր «Փանդի» լինելուց: Նրա կամ իր կողմնակիցների ձեռքի տակ գտնուող արկածախնդիրներն ու բախտախնդիրները, սանձարձակօրէն ոտնակոխում էին անմեղ մարդկանց ամենատարրական իրաւունքները: Անհրաժեշտ է նկատի ունենալ, որ Փանդիի հետևորդները Հնդկաստանի ազատագրումից յետոյ, խաղաղութիւնը չմեկնաբանե-

ցին անկարգութամբ և երկրի ապահովութեան խախտումով: Հնդկաստանը օժտւած է հետևակի, ծովային և օդային ուժեղ զօրքերով, որոնք Բամբէյում կամ Հնդկաստանի այլ մարդաշատ քաղաքներում խռովութիւններ ծագելիս հանդէս են գալիս վճռական և արագ գործողութիւններով, յանուն ընդհանուր ապահովութեան վերականգնմանը:

Մոսաղեղի ոչ տրամաբանական բնաւորութիւնը, առհասարակ, նրան դրդում էր թոյլ տալու արտառոց արարքներ: Առաջին անգամ այս մասին անդրադարձայ համաշխարհային Բ. պատերազմին՝ դաշնակիցների կողմից Իրանը բռնագրաւելու օրերին: Այն ժամանակ ինձ վրդովում էր դաշնակիցների միջամտութիւնը ընտրութիւնների մէջ, ընդ որում նրանց պաշտօնեաները նախապէս պատրաստում էին ընտրւողների ցուցակը և յանձնելով ժամանակի վարչապետին, ստիպում էին նրան հանդէս գալու իրենց թեկնածուների օգտին: Չկարողանալով հանդուրժել նման խայտառակ վիճակը և դրա առաջն առնելու համար նպատակայարմար գտայ խորհրդակցելու Մոսաղեղի հետ: Այդ օրերին իմ յարաբերութիւնները նրա հետ լաւ էին, քանի որ Մոսաղեղը համարում էր երկրին հաւատարիմ անձնաւորութիւն և սաստիկ դէմ էր օտար ներթափանցումներին, ուստի խորհեցի որ համաձայն երկրի կանոնադրութեան, նրան վարչապետ նշանակելու դէպքում, հաւանական է նրա կողմից փոփոխութեան ենթարկելի ընտրութեանց օրէնքները և առաջարկելի օտար ազդեցութիւններից

զերծ մի նոր կանոնագիր: Նրան կանչեցի և բացատրեցի նպատակս: Մոսաղեղն ի պատասխան նշեց, թէ երկու պայմանով կարող է ընդունել առաջարկս: Իմ հարցին թէ որոնք են դրանք, պատասխանեց, թէ նախ ցանկանում է իր անձի պաշտպանութեան համար ունենալ զինւած պահակներ: Անմիջապէս ընդունեցի նրա առաջին պայմանը: Յետոյ ասաց, որ անգլիացիները պիտի տեղեակ լինեն և համաձայնուեն տւեալ ծրագրին: Երկրորդ պայմանը յարուցեց իմ գարմանքը: Հարցրի. «Իսկ ուսներն ինչպէ՞ս»: «Պանշանակութիւն չունի, — ասաց նա, — որովհետև մեր երկրում որոշում կայացնողները մեծ մասամբ անգլիացիներն են»: Ուստի զայրանալով փորձեցի նրան ապացուցել, որ հայրս սովորութիւն չունէր իր որոշումները գործադրելիս, ստանալ անգլիացիների համաձայնութիւնը: Պա հարկաւ չազդեց Մոսաղեղի վրայ, նոյնիսկ շեշտեց, որ դեռևս երիտասարդ եմ և զուրկ եմ քաղաքական հոտառութիւնից: Ապա պնդեց, որ միայն անգլիացիների համաձայնութեան դէպքում, կարող է համազործակցել ինձ հետ:

Նրա այս մտածելակերպը գտայ վտանգաւոր, այդուհանդերձ զգում էի, որ պիտի նկատի ունենալ նաև երկրի ճգնաժամային դրութիւնը. յիշաւի ամեն առիթով բռնագրաւիչ ուժերը ի վիճակի էին միջամրտելու երկրի ներքին խնդիրներին և տւեալ դրութեամբ, Մոսաղեղի հայրենասիրութիւնն ու ժողովրդականութիւնը անգնահատելի արժանիքներ էին: Հետևաբար դժկամութեամբ ասացի, որ մարդ պիտի

ուղարկեմ անգլիական դեսպանի մօտ և նրան յայտնեմ նպատակս: Սակայն որպէսզի ընդունած չլինեմ Մոսաղեղի առաջարկը՝ անգլիական դեսպանի հետ միայն խորհրդակցելու մասին, նշեցի, որ մարդիկ պիտի ուղարկեմ նաև ռուսական և միւս բռնագրաւիչ երկրների դեսպանատները և բոլորին տեղեակ պահեմ կատարւածի մասին: Հետևեալ օրը ուղարկւած անձինք զեկուցեցին իրենց տրւած առաջադրանքի մասին: Անգլիական դեսպանը այդ օրերին Սըր Ռիդեր Բոլարդն էր: Նա յայտնել էր, որ զէմ է վերոյիշեալ ծրագրին և նոյնիսկ կարծիք էր յայտնել, որ նոր ընտրութիւնները կարող են յարուցել խռովութիւններ: Սակայն պիտի ասել, որ ռուսական դեսպանը ամենևին զէմ չէր եղել այս խնդրին, որով նրա վերաբերմունքը ռուսների հետագային ցոյց տւած քաղաքականութեան համեմատութեամբ, մինչև իսկ ուրախալի էր:

Երկու երկրների դեսպանների կարծիքների մասին տեղեկանալով, հեռախօսեցի Մոսաղեղին և յայտնեցի բանակցութեանց արդիւնքը: Նա յայտնեց իր երախտագիտութիւնը և այսպիսով աւարտեց թէ մեր խօսակցութիւնը և թէ նոր ընտրութիւնների գծով նրա ցուցաբերած շահագրգռութիւնը: Հարկաւ, առկախ մնաց նաև, նրան վարչապետ նշանակելու իմ մտադրութիւնը:

Մի քանի ամիս յետոյ տեղի ունեցաւ մի այլ միջադէպ, որը լիովին հակասում էր օտարների զէմ ունեցած Մոսաղեղի՝ առերես հակառակութեանը: Այդ

օրերին, համաձայն Ազգային Խորհրդարանի օրէնսդրութեան, հարկադիր էր պատգամաւորների երկու երրորդի ներկայութիւնը խորհրդակցութեան, և երեք քառորդի ներկայութիւնը քուէարկութեան համար: Խորհրդարանի փոքրամասնութիւնը՝ հազիւ քառասուն հոգի, շահագործելով յիշեալ օրէնքը, շարունակաբար խուսափում էր մասնակցելու նիստերին, որով խախտւում էր մեծամասնութիւնը: Այդ խմբակի պարագրուելն էր Մոսադեղը: Այլևս չկարողանալով տանել այդ ոչ հայրենասիրական վերաբերմունքը, կանչեցի Մոսադեղին և իր խմբակի անդամներին և հարցրի պետութեան գործունէութիւնը խանգարելու նրանց շարժառիթը: Իմ հարցին Մոսադեղի տւած պատասխանը, թէ՛ ուսները համաձայն չեն ներկայ վարչապետի հետ, շրմեցրեց ինձ: Հարցրի թէ ինչու նա ճգնում է շահելու ուսների համակրանքը և եթէ մի այլ փոքրիկ պետութիւն մերժելու լինէր վարչապետին, արդեօք նա դարձեալ պիտի դիմէ՞ր նման արարքի: Մոսադեղը իմ այս հարցին պատասխան չունէր:

Վերոյիշեալ դէպքերին համընթաց, ամերիկեան և անգլիական նաւթային ընկերութիւնները շահագրգռած էին առաւել մենաշնորհներ ձեռք բերելու հարաւի նաւթի արդիւնաբերութեան մէջ: Խորհրդային Միութիւնն ևս մենաշնորհներ էր պահնակալում հիւսիսային շրջաններից: Տւեալ հանգամանքը բարձրացրեց Մոսադեղի ազգայնութեան վարկը, որովհետև 1323 թւին նրա կողմից առաջարկւած և Ազ-

գային Խորհրդարանի միջոցով վաւերացւած մի նաւթադի համաձայն, կառավարութիւնը առանց Ազգային Խորհրդարանի տեղեկութեան ու թոյլտուութեան, իրաւունք չունէր մենաշնորհ տալու որևէ երկրի:

Այս նախագիծը թէև տեղին, բայց և փաստացի մի նմոյշ էր Մոսադեղի բացասական գծերից: Պատերազմն աւարտուելուց յտոյ, Մոսադեղը աշխատեց ծայրայեղական տարրերից, որոնք հանդէս էին գալիս նացիոնալիստ անւան տակ, կազմել ազգային ճակատ: Հետգհետէ նրա շուրջ ժողովեցին կրօնական ծայրայեղականներ, համալսարանականներ, շուկայի մանր առևտրականներ և սոցիալիստներ: Առերևոյթաբար նրանց իրար կապող ազդակն ու համագործակցութեան ոգին օտարների և նրանց ներթափանցումների դէմ առաջացած խորին նողկանքն էր, սակայն շատ չանցած, երբ ակնյայտ դարձաւ Իրանի ժողովրդի դրական քայլեր վերցնելու անհրաժեշտութիւնը, վերոյիշեալ տարրերը դատապարտեցին անկումի ու կործանման:

1327 թւին, ինչպէս նշել եմ նախօրօք, մահափորձ կատարեց իմ դէմ: Դէպքի մասին տեղեկանալով, երկրի ողջ ժողովուրդը, մէկ հոգի և մէկ մարմին դարձած, նեցուկ կանգնեց ինձ և դրան յաջորդեց Թուրքէ կուսակցութիւնը անօրինական յայտարարելու ակտը: Ժողովրդի հաւատարմութեան շնորհիւ, այսպիսով ի վիճակի եղայ ամբապնդելու իմ օրինական կացութիւնը:

Իրանի՝ 1324 թւին վաւերացւած Օրէնսդրու-

թեան մէջ, Ազգային Խորհրդարանի հետ միասին, նախատեսուած է նաև Սենատի հիմնադրումը: Սակայն մինչև 1329 թիւը, Ազգային Խորհրդարանի կողմից յարուցուած արգելքների հետևանքով, գեռուս չէր կազմուել Սենատը: Սենատը բացւեց սոյն թւին և կազմւեց նրա առաջին պաշտօնական նիստը: Համարեա նոյն օրերին, Խորհրդարանի առաջարկութեամբ ու վաւերացումով, սահմանադրական այլ պետութիւնների պարագլուխների պէս, ինձ ևս փոխանցւեց զոյգ Խորհրդարանների կազմալուծման և նոր ըտրութիւնների հրամանի հրատարակման լիազօրութիւնը:

1328 թւի վերջերին, Իրանի տնտեսական և զինւորական օգնութիւնների ծաւալը ընդլայնելու նպատակով ուղևորւեցի Միացեալ Նահանգները, ուր թէև արժանացայ ջերմ ու բարեկամական ընդունելութեան, այնուամենայնիւ վերադարձայ դատարկաձեռն որովհետև հակառակ այն իրողութեան, որ պրեզիդենտ Թրումանը 1326 թւին կոմունիզմի դէմ պայքարելու նպատակով հրատարակել էր որոշ հիմունքներ և դրանց սահմաններում օգնութիւն էր ցուցաբերել Թիւրքիային և Յունաստանին, որոնք յաջողել էին պահպանելու և ամրապնդելու իրանց անկախութիւնն ու հողային ամբողջականութիւնը, սակայն գեռուս ճշտուած չէր ամերիկեան քաղաքականութիւնը Միջին Արևելքի խնդրում:

Այս առաքելութեան անյաջողութեան մէջ, անկասկած, առաջին հերթին մեղաւոր էինք մենք, որովհետև ամերիկացիները վաղուց զգացել էին, որ լրջօ-

րէն և հանգամանօրէն չենք վերաբերում երկրի ներքին խնդիրները բարելաւմանը: Ազգային Չինաստանի պարտութիւնն ու անկումն ևս, որը տեղի էր ունեցել նոյն թւի սկիզբներին, ինքնըստինքեան յարուցել էր Միացեալ Նահանգների խորին անհանգրստութիւնը և նրանց դրդել էր օգնութիւն ցուցաբերելու լոկ այն երկրներին, որոնք շահագրգռուած լինեն իրենց ներքին խնդիրների կարգաւորմամբ ու մաքրագարգմամբ: Դա էր, որ հայրենիք վերադառնալուց յետոյ, լրջօրէն զբաղւեցի ներքին բարեփոխութիւններով: Առաջին հերթին պաշտօնագրկեցի տարիներ շարունակ պետական ապարատում աշխատող անյուսալի և անճշտապահ տարրերին, և ապա սկսեցի գործադրել արքունական կալուածների բաժանման ծրագիրը, որը նախապէս ուսումնասիրւել էր ըստ կարելւոյն:

Նոյն օրերին էր, որ Ամերիկայի Միացեալ Նահանգները, աշխարհի զանազան երկրներում, կիրառեց Թրումանի «Չորրորդ Կէտ»-ի ծրագիրը:

1329 թւին զօրահրամանատար Ռազմարային նշանակեցի երկրի վարչապետ, որը ամերիկացիների հետ կնքեց մի պայմանագիր, ըստ որի Ամերիկեան կառավարութիւնը փոքրիկ օգնութիւններ սկսեց հայթայթել Իրանին: Կազմեցի նաև անարդարութեան և հասարակական նեխածութեան դէմ պայքարող մի յանձնախումբ, որը սակայն ներքին անհամաձայնութիւնների հետևանքով չյաջողեց իր առաքելութեան մէջ:

1327 թւին երկրի տնտեսութիւնը զարգացնելու և ընդլայնելու նպատակով, հունի մէջ մտաւ ամերիկեան մասնագէտների օժանդակութեամբ կազմած և ազգային Խորհրդարանի կողմից վաւերացւած՝ Առաջին Եօթնամեայ Ծրագիրը: Որոշում ունէի Ամերիկային և աշխարհին ապացուցելու, որ Իրանը շահաբեր կերպով է օգտագործում դրսից ստացւած ամեն տեսակի օգնութիւնները:

Այս բոլորով հանդերձ անհետեանք մնացին մեծ օգնութիւններ ստանալու մեր պահանջները: Ամերիկեան կառավարութիւնը Իրանին վերապահելիք բաժնի փոխարէն, բաւարարեց «Չորրորդ կէտ»-ի վարկերից հայթայթւող փոքրիկ գումարներով: Իր հերթին Ուաշինգթոնի «Արտածուիւնների ու Ներմուծուիւնների Դրամատուն»-ը ևս համաձայնեց բաց թողնել 25 միլիոն դոլարի նպաստ, որը նկատի ունենալով երկրի գինւորական բռնագրաւման հետեանքով ստեղծւած տնտեսական անմխիթար դրութիւնը, թւում էր անընշան ու չնչին:

Ամերիկեան օգնութիւններից յոյսը կտրելով, երկրի ժողովուրդը յռետեսութեամբ տրամադրւեց Ամերիկայի Միացեալ Նահանգների նկատմամբ: Հետըզհետէ ուժեղացան հակամերիկեան հոսանքները, որոնք նպաստեցին ազգային ճակատի զօրանալուն: Աստիճանաբար նւագեց «Եօթնամեայ Ծրագիր»-ի գործունէութեան թափը՝ դրամի պակասութեան հետեւանքով, ընդ որում ամերիկեան մասնագէտներն ևս սկսեցին մէկը միւսի յետեից թողնել Իրանը:

Այն օրերին, Իրանի շահաբաժինը անգլիացիներին պատկանող հարաւային շրջանների Նաւթի Ընկերութիւնից աւելացնելու նպատակով, անօգուտ բանակցութիւններ էին գնում մեր և «Իրանօ-Բրիտանական Նաւթի Ընկերութեան» ներկայացուցչութիւնների միջև: Ի վերջոյ Ամերիկայի անբաւարար օգնութիւնների հետեանքով առաջացած դրամի բացը և վերոյիշեալ հանգամանքները ստիպեցին մեզ՝ 1329 թւին, 25 միլիոն դոլարի առևտրական պայմանագիր կնքելու ուսման հետ: Բնականաբար դա յանգեց Մոսադեղի և նրա նպատակների ծաւալման օգտին, որի մասին կը պատմւի մանրամասնօրէն:

Նաւթի արդիւնաբերութեան ազգայնացումից մի քանի տարի առաջ, «Իրանօ-Բրիտանական Նաւթային Ընկերութիւնը» խորը անտարբերութիւն և արհամարհանք դրսևորեց Իրանի հասարակական կարծիքի դէմ, սակայն դէպքերի հետագայ ընթացքը եկաւ ապացուցելու, որ տւեալ վերաբերմունքը հակառակ էր յիշեալ ընկերութեան շահերին, այնպէս ինչպէս Մոսադեղի բռնած ուղին իր հերթին, իր վարչապետութեան օրօք, վտանգեց թէ՛ իր և թէ՛ երկրի շահերը:

Նաւթային Ընկերութիւնը, հարկաւ, քաջատեղեակ էր այն իրողութեան, որ Սաուդական Արաբիայի և Հարաւային ու Կենտրոնական Ամերիկայի երկրների շահաբաժինները, արևմտեան խոշոր այլ ընկերութիւնների հետ կնքւած պայմանագրերով, հա-

մեմատաբար շատ աւելին է այն շահաբաժնից, որ սահմանւել էր նաւթային Ընկերութեան հետ կնքւած մեր պայմանագրի մէջ: Դեռ աւելին, Նրանք լաւ գիտէին, որ դժգոհ ենք Անգլիայի կառավարութեանը տրուող նաւթի եկամուտներից գոյացած անբնական ու ծանր տուրքերի նկատմամբ, որոնք համեմատաբար աւելի էին, քան մեր շահաբաժինը: Նոյնպէս գիտէին, որ չենք կարող սառնարիւնութեամբ գիտել Իրանի նաւթի եկամուտների միջոցով, օտար երկրներում նաւթի արտահանման իրաւունքներ ձեռք բերելու նրանց տմարդի արարքը: Այնուամենայնիւ, նաւթային Ընկերութիւնը անտեսելով մեր դժգոհանքը, վտանգում էր Իրանի նաւթային արդիւնաբերութեան մէջ ներդրած վիթխարի կապիտալը: Անգլիայի կառավարութիւնն ևս, որ ընդունակ էր կասեցնելու նաւթային Ընկերութեան որդեգրած սանձարձակ ընթացքն ու նրան հրաւիրելու աւելի արդարացի ու խելամիտ գործունէութեան, ոչնչով չմիջամտեց տւեալ խնդրին: Հետեանքը եղաւ այն, որ հետզհետէ լցւեց Իրանի ժողովրդի համբերութեան բաժակը և դա դուրս յորդեց նաւթի արդիւնաբերութիւնը ազգայնացնելու ուժգին պահանջի և ցանկութեան տեսքով: Ժամանակի վարչապետ Ռազմարան համաձայն չլինելով աւելորդ բարդութիւնների հետ, փայփայում էր այն յոյսը, որ հնարաւոր է նաւթային Ընկերութեան հետ բանակցութիւնների մէջ մտնելով, հասնել ցանկալի արդիւնքի: Սակայն Մոսադեզն ու իր հետևորդները, վարչապետի դէմ հանդէս

եկան աղմկարար ու մեծ ցոյցերով: Ի վերջոյ 1329 թւի էսֆանդ 16-ին, իսլամական ֆեդայիների խմբակին պատկանող ֆանատիկ անդամներից մէկը, Շահ Մզկիթի նախամուտքում, տմարդօրէն սպանեց վարչապետին, որ եկել էր մասնակցելու ինչ-որ մի հոգևորականի թաղման հանդիսութեանը:

Այս դէպքից մի քանի օր յետոյ, Ազգային Խորհրդարանը իմ լիակատար, համաձայնութեամբ ստորագրեց նաւթի արդիւնաբերութեան ազգայնացման օրինագիծը: Զօրահրամանատար Ռազմարայի փոխարէն, վարչապետ նշանակեցի յարզւած քաղաքագէտ Հոսէյն Ալային: Ալան հակւած էր խնդրի խաղաղասիրական լուծումը գտնելուն, ասել է, նաւթի արդիւնաբերութեան ազգայնացմանը զուգընթաց, նաւթի հաստատութիւններն ու արտահանման աշխատանքները, կառավարւեն օտարազգի մասնադէտների անմիջական հսկողութեան տակ: Սակայն ծայրայեղականներն ընդդիմացան նաև այս մօտեցմանը: Հարաւի նաւթային շրջանները ուղարկեցին խռովարար տարրեր, որոնք ատելութիւն և խռովութիւն պիտի սերմանէին բանւորութեան մէջ: Անօրինական յայտարարւած թուղէ կուսակցութիւնն իր հերթին օժանդակում էր տւեալ տարրերին: Սպանւեցին որոշ իրանցիներ և անգլիացիներ: Նաւթային Ընկերութեան կողմից դադարեցւեցին արտահանման աշխատանքները և դրա հետ միասին՝ նրանց վճարումները Իրանի կառավարութեան:

Մոսադեզը խոստանում էր ժողովրդին, որ

մօտենում են լիութեան ու առատութեան ժամանակները, որ երկրի բոլոր ծախսերը պիտի հոգացուեն նաւթի եկամուտներից, որը Իրանի օրինական իրաւունքն է, որ օրական երեք հարիւր հազար փաունդ ստերլինգ պիտի գանձւի նաւթային Ընկերութիւնից, որի հետեանքով պիտի բարձրանայ իւրաքանչիւր իրանցու եկամուտը և պիտի ապահովուեն Իրանի շահերը...: Հետևաբար զարմանալի չէ, որ խանդավառած Մոսադեղի խոստումներից՝ աստիճանաբար նրա շուրջը խմբւէին ժողովրդի զանազան խաւերը, լինեն դրանք համալսարանականներ, առևտրականներ թէ բանւորներ:

Մոսադեղը այսպիսի խոստումներով ձեռք բերեց մասնաւոր հեղինակութիւն, և երբ Ալան հազիւ երկու ամսւայ վարչապետութիւնից յետոյ, հրաժարւեց՝ Մոսադեղին նշանակեցի երկրի վարչապետ: Այդ օրերին չկար մէկը, որ հաւասարւէր նրան կամ կարողանար մրցակցել նրա հետ այս կոչմանն արժանանալու ուղղութեամբ: Հիմա արդէն Մոսադեղի համար ստեղծւել էր մեծ պատեհութիւն, որովհետև սպասածից աւելի շուտ հասնելով իր և իր հետևորդների յուսավառ երազների իրականացմանն ու նպատակների կենսագործմանը, և ամբողջ երկու տարի ունենալով իր առջև, ի վիճակի էր առաւելագոյն չափով օգտւել դիւրութեամբ սեպւած առիթից, ընդ որում վայելելով նաև իմ հովանաւորութիւնը, թէև մի այդպիսի հովանաւորութիւնը, նողկալի պիտի դառնար ինձ համար:

Արդ, պէտք է ճշտել, ի՞նչ արեց Մոսադեղը և

թէ ի՞նչ մեծ պատուհաս հասցրեց մեր երկրի ժողովրդին:

Նոյն օրերին անգլիական կառավարութիւնը յայտարարել էր, որ անկարգելաւորների ջոկատ է իջեցնելու Կիպրոսում, այն ինչ շուկներ տարածւեցին, որ յիշեալ ոյժը պատրաստուում է շարժելու դէպի Իրան: Անգլիական Մորիտոս անւանակիր ռազմանաւն ևս խարխիս էր ձգել Աբադանի դիմաց և ասուում էր նոյնպէս, որ անգլիական նաւատորմի ղեկավար մի այլ միաւոր ևս ընդհուպ առաջանում է դէպի Իրանի ջրերը:

Կանչելով անգլիական լիազօր դեսպանին՝ յայտնեցի, որ եթէ Անգլիան կամենայ ոտնահարել մեր հողային ամբողջականութիւնը, ապա ես ինքս անձամբ ստանձնելով Իրանի զինւած ոյժերի հրամանատարութիւնը, պիտի կանգնեմ ամեն տեսակի ոտնձգութիւնների դէմ: Ինչևէ, իմ այս ուղղակի արտայայտութեան՝ թէ այլևայլ պատճառներով, վերոյիշեալ շուկները երբևէ չիրականացան:

Նաւթի խնդրի լուծման դրական պատասխանը գտնելու համար, Մոսադեղը նմանապէս ընդունակ պիտի լինէր կիրարկելու նման պարզ և կտրուկ քաղաքականութիւն, բայց գործելու նախաձեռնութիւնը թողնելով նաւթային ընկերութեան, նա իր ժամանակի մեծագոյն մասը տրամադրեց նախկին նաւթային Ընկերութեան դէմ անկազմակերպ պայքար մղելուն, դրանով իսկ անտարբեր մնալով, իր անհաշւենկատ գործունէութեան հետևանքով, երկրում ա-

ուաջացող երևոյթներին: Հետեանքը եղաւ այն, որ մինչև իր պաշտօնից հեռացումը, առաջին օրւայ համեմատութեամբ, նա մէկ քայլով անդամ չէր մտեցել խնդրի լուծմանը:

Միացեալ Ազգերի Կազմակերպութեան Ապահովութեան Խորհրդի, Միջազգային դրամատան, պրեզիդենտ Թրուսմընի և նրանից յետոյ պրեզիդենտ Այգենհատուրի, ինչպէս նաև միջազգային մի քանի այլ հաստատութիւնների և դրանց կողմից գործուողւած պաշտօնեաների ջանքերը, տւեալ խնդրի համար մի խելամիտ լուծում գտնելու ուղղութեամբ՝ անցան ապարդիւն, որովհետև Մոսադեղը դառնալով թէ իր խորհրդակիցների և թէ իր սեպհական կամակոր ու յամառ մտքերի գերին, որդեգրել էր բացասական ընթացք, որ ըստինքեան չէզոքացնում էր ամեն տեսակի համաձայնութեան հնարաւորութիւնը: Գեռ աւելին, երկրի բարեկարգմանն ու վերելքին զարկ տալու փոխարէն, Մոսադեղը իր ժամանակը չարաշահում էր վայրահաշութիւններով և ինչպէս պիտի աւելի՝ կ'երեւայ, թէ նա իր գոյութիւնը պահպանելու նպատակով, թոյլ էր տալիս ինչպիսի արարքներ:

Անգլիայի կառավարութեան և նախկին Նաթթային Ընկերութեան խնդրում որդեգրած իր քաղաքականութեան մէջ, Մոսադեղը գործեց երկու աններելի սխալ: Նախ, համոզւած լինելով, որ միջազգային արդիւնաբերութիւնն ու էկոնոմիկան առանց Իրանի նաթթի, ենթակայ է կործանման, գա-

լիս էր այն եզրակացութեան, որ նախկին Նաթթային Ընկերութիւնն ու դրա հովանաւորեալներն ի վերջոյ ծնկի գալով՝ անձնատուր պիտի լինեն նրա առջև. բայց երբ դադարեց Իրանի նաթթի թողարկումը, նաթթարդիւնաբերող այլ երկրները առաջացած բացը լրացնելու նպատակով՝ անմիջապէս բարձրացրին նաթթի արտահանումը: Բնական է, որ ներկայ ժամանակներում, երբ բազմաթիւ են նաթթառատ երկրները, հնարաւոր չէ և ոչ մէկ երկրի համար մենաշնորհ դարձնելու նաթթի թողարկումը. իրականում նաթթի թողարկման պրոբլեմը ճիշտ հակառակն է այն բանի, ինչ-որ երևակայում էին Մոսադեղն ու իր ընկերակիցները, որովհետև երբ Մոսադեղի անկումից յետոյ, Իրանի նաթթը նորից սկսեց հոսել դէպի միջազգային շուկաները, դրանք առանց այդ էլ ենթարկւել էին կուտակումի, այնպէս որ մի քանի երկրներ ստիպւած եղան պահանջքի և մատակարարման միջև հաւասարակշռութիւն պահպանելու նպատակով իջեցնել իրենց նաթթի թողարկումը: Մոսադեղի և իր ընկերակիցների այս անհեռատես գործողութիւնների բուն պատճառը ոչ այլ ինչ էր, եթէ ոչ այն թիւր կարծիքը, թէ նաթթի թողարկումը Իրանի մենաշնորհն է:

Մոսադեղի երկրորդ սխալը կայանում էր նրանում, որ կարծում էր թէ կարող է առանց օտարների օգնութեան Իրանի նաթթը հանել միջազգային շուկաներ: Այդ օրերին Իրանը զուրկ էր նոյնիսկ նաթթատար բեռնանաւերից և չունէր նաթթի վա-

ճառքի միջազգային կազմակերպութիւն: Յաջորդ գլխում կը պատմուի իմ և կառավարութեան շանքերի շնորհիւ նաւթատար նաւերի կարաւանի և նաւթի վաճառքի համար ստեղծւած արդիական միջոցների մասին. Մոսաղեղը մի կողմից իր յարաբերութիւնները խզելով նաւթային մեծ ընկերութիւնների և պատկառելի հաստատութիւնների հետ, և միւս կողմից զուրկ լինելով տրանսպորտային ազդեցիկ միջոցներից՝ կանգնել էր անելանելի դրութեան առջև:

Երբ նաւթարդիւնաբերութիւնը Իրանում յայտարարեց ազգայնացւած և Մոսաղեղը նշանակեց վարչապետ, Անգլիայի կառավարութիւնն ու նաւթային ընկերութիւնը անմիջապէս հեռատեսօրէն փոխեցին իրեց նախկին քաղաքականութիւնը և պաշտօնապէս ընդունեցին ազգայնացման պրոցեսը: Շատ չանցած, նրանք Իրան գործողոյցին Ստոքսի Յանձնախումբը: Դրանից յետոյ Անգլիայի կառավարութիւնը համաձայնեց նաւթի բոլոր եկամուտները բաժնել երկու երկրների միջև հաւասարապէս ու արդարօրէն (յիսուննաւյիսուն): Արդ, եթէ Մոսաղեղն այդ ժամանակ համաձայնէր խելամիտ ու մտածւած բանակցութիւնների մէջ մտնելուն, ապա իմ հայրենակիցները գերծ պիտի մնային տնտեսական զրկանքներից և դրանից առաջացող վտանգներից: Հիմա էլ ենթադրում եմ, որ Մոսաղեղ-անհատը իր բոլոր յամառութեամբ՝ ու վտանգաւոր դոգմատիկականութեամբ որոշ չափով հակւած էր կողմերի միջև փոխադարձ համաձայնութիւն ստեղծելու օգտին,

սակայն անվերապահօրէն կասկածում եմ նրա խորհրդակիցներին, որոնցից շատերը կարծում եմ, լիայոյս էին, որ ամենափոքրիկ ելքը չգտնելով՝ երկիրը ենթարկւի տնտեսական անկման և հետևաբար ընկնի օտար տիրապետութեան իշխանութեան տակ: Այս տեսակի շեղւած նացիոնալիզմի մասին խօսելու եմ յաջորդ գլխում:

Երբ Մոսաղեղը մերժեց Ստոքսի յանձնախումբի առաջարկները, նաւթային նախկին ընկերութիւնն ու Անգլիայի կառավարութիւնը առանձին-առանձին բողոքագրեր ներկայացրին Լահէի Միջազգային Դատարանին. երկու բողոքագրերի մէջ էլ նշւել էր 1312 թւականին հօրս կողմից նաւթային նախկին ընկերութեան հետ կնքւած պայմանագրի մասին, որ իր ոյժի մէջ էր մինչև նաւթի ազգայնացումը: Յիշեալ պայմանագրի բերումով, Իրանի և նաւթի ընկերութեան միջև անհամաձայնութիւն լինելու դէպքում, կողմերը պիտի դիմէին դատի: Այդ իսկ պատճառով Լահէի Դիւանից՝ պայմանագրի տւեալ կէտի հիման վրայ՝ պահանջւել էր մէկ հոգի դատաւոր:

Սակայն Մոսաղեղը Միջազգային դատարանը համարեց ոչ իրաւասու, որով Անգլիայի կառավարութիւնը խնդիրը արծարծեց Միաւորւած Ազգերի Կազմակերպութեան Ապահովութեան Խորհրդում: Երկար խորհրդակցութիւններից յետոյ յիշեալ խորհուրդը 1330 թւի Մեհր ամսին, որոշեց խնդիրը թողնել առկախ, մինչև որ Լահէի Միջազգային Դատարանը յայտնի իր իրաւասու կամ ոչ իրաւասու լինելու հանգա-

մանքը: Երբ Մոսադեղը որպէս Ապահովութեան Խորհրդի Իրանեան ներկայացուցիչը գտնուում էր Նիւ-Եորքում, քաջալերական հեռագիր յղեցի նրան և ստացայ ներքոյ յիշեալ պատասխանը:

«Նիւ-Եորքից, 21 Հոկտեմբեր, 1951 թ.

«Նորին Կայսերական Մեծութիւն Շահն Շահին, Թեհրան,

«Ձերդ Գերագանցութեան հեռագրական գիրը ստացուեց և սպասածից աւելի պատճառեց հպարտութիւն և շնորհակալութիւն: Ամենակարող բարձրեալից միշտ էլ հայցել եմ Նորին Կայսերական Մեծութիւն Շահնշահի ողջութիւնը, երկարակեցութիւնն ու յաջողութիւնը և այսու յայտնում եմ, որ ամեն վայրում և ամեն առիթով ձեռք բերած ամեն մի յաջողութեան համար պարտական ենք Արքայական Սրբազնագոյն Անձի շնորհներին և ուշադրութեանը, որ յարատևօրէն ոգեշնչել ու առաջնորդել և կառավարութեան: Պալատական պատւարժան պարոն նախարարի միջոցով, ինչպէս յայտնել ենք Ձերդ Մեծութեան՝ երկուշաբթի օր պիտի մեկնեմ Ֆիլադելֆիա և երեքշաբթի առաւօտեան Վաշինգթոն, որտեղից պիտի անմիջապէս ղեկուցեմ դէպքերի դասաւորման մասին: Թոյլ տւէք մի անգամ ևս խորին երախտագիտութիւն յայտնել՝ երիտասարդ Շահնշահի յատուկ ուշադրութեան և շնորհների համար»:

Դոկտ. Մոսադեղ

Նկատի ունենալով հետագային տեղի ունեցած իրադրութիւնները, թէ որքան անկեղծ պիտի համարել սոյն հեռագրի բովանդակութիւնը՝ դա թողնում ենք ընթերցողների հայեցողութեան:

1330 թւի վերջերին, Շինարարական և բարգաւաճման Միջազգային Դրամատունը, որպէս Բարեկամ միջնորդ, ձեռնարկեց լուծելու առկայ տարածայնութիւնները: Առաջին հայեացքից թւում էր, որ բանակցութիւնները պիտի յանգեն բարենպաստ արդիւնքի: Նոյնիսկ ինքը՝ Մոսադեղը համակարծիք էր Դրամատան առաջարկած պայմանների հետ, սակայն նրա խորհրդակիցները, սոսկ իրենց յայտնի պատճառներով, ստիպեցին հրաժարւել ընդունելու տւեալ առաջարկները, որով աւարտւեցին սկսւած բանակցութիւնները: Նոյն օրերին Մոսադեղը կարգադրեց փակել անգլիական բոլով կոնսուլաթները:

Ազգային խորհրդարանի 17-րդ նստաշրջանի բացումից յետոյ, դեռևս ժողովրդականութիւն վայելող Մոսադեղը, նորից ընտրւեց վարչապետութեան թեկնածու: Նա, 1331 թւի ամառայ սկզբին յայտարարեց, որ միայն արտակարգ լիազօրութիւններ ստանալու պայմանով ի վիճակի պիտի լինի ստանձնելու իր փոստը: Եւ որովհետև մտահոգւած էր Ազգային Խորհրդարանի պատգամաւորութեան և ժողովրդի հակառակութեան մասին իր որդեգրած քաղաքականութեան խնդրում, պահանջեց, որ վեց ամիս շարունակ ցանկանում է աշխատել անկախ, առանց դիմելու Ազգային Խորհրդարանին: Նոյնպէս պահանջեց, որ

Պատերազմական նախարարութիւնն էլ դրւի նրա անմիջական տրամադրութեան տակ: Թերևս նա փայտփայտում էր այն յոյսը, որ այսպիսով կը չէզոքացնի՝ յանուն օրէնսդրութեան՝ ինձ յանձնւած Իրանի զինւած ոյժերի գերագոյն հրամանատարութիւնը:

Մերժեցի նրա առաջարկները, որովհետև համոզւած էի թէ տւեալ լիազօրութիւնները լոկ պիտի ծառայեն այն բանին, որ կոմունիստները աւելի պիտի թափանցեն երկրի ներքին խնդիրների մէջ: Հետագայ իրադարձութիւնները՝ ինչպէս կը նկատի ընթացողը՝ վկայեցին իմ համոզումների ճշտութիւնը:

Մոսադեղը թիր ամսոյ 25-ին հրաժարւեց վարչապետութիւնից և ես՝ հակառակ իմ ներքին մօտեցման՝ Ահմադ Ղաւամին, որ անցեալում մի անգամ ևս զբաղեցրել էր վարչապետական պաշտօնը, նրա փոխարէն հռչակեցի երկրի վարչապետ, որովհետև, ի հեճուկս շատերի, կարող էր հաստատակամօրէն դիմագրրել ձախ հոսանքների ներթափանցումներին:

Ղաւամ Սալթանէի նշանակումից անմիջապէս յետոյ, Թուրէ կուսակցութիւնը միանալով Մոսադեղի համախոհներին, հանդէս եկաւ խուճապային ցոյցերով: Սախտեց ոչ միայն կարգն ու կանոնը, այլև Ղաւամի կառավարութիւնը անգոր գտնւեց զսպելու խռովարարներին: Ի դէպ, Ղաւամը ռազիոյով արտասանած իր ճառով, որի մէջ խստօրէն դատապարտեց ժողովրդի դրսևորած զգացումները նաւթի ազգայնացման խնդրում, աւելի փչացրեց ստեղծւած կացութիւնը:

Ղաւամը, տարիքի բերումով, դարձել էր հիւանդագին ու անգոր, նոյնիսկ քաղաքական կարևոր խորհրդակցութիւնների ընթացքում յաճախ ննջում էր: Թէև իրօք՝ խնդիրների լուծման մէջ նա դրսևւորում էր ոյժ և երբեմն բռնութիւն, այդուամենայնիւ, խղճով ասած, ես չէի կարող այդպիսի մի ընթացք թոյլատրել նրա պէս անգոր անհատի: Հետեւաբար, նա չորս օր յետոյ, իմ գիտութեամբ հրաժարւեց վարչապետութիւնից, որով աւելի ևս շեշտեց այն տխուր իրականութիւնը, թէ ոչ ոք այդ օրերին ի վիճակի չէր մրցակցելու Մոսադեղի հետ: Այսպիսով, ստիպողաբար և ներքին պատերազմից խուսափած լինելու նպատակով, ընդունեցի Մոսադեղի առաջարկները և թիր ամսի 30-ին, նրան նշանակեցի երկրի վարչապետ:

Համարեա նոյն օրերին, Լահէի Միջազգային Դատարանը, Անգլիոյ ներկայացրած բողոքը Իրանի դէմ քննելու խնդրում իրեն յայտարարեց ոչ իրաւասու: Դատարանի անգլիացի դատաւորը քէտարկեց Իրանի օգտին, իսկ Ռուսիոյ պատւիրակը իրականում բացակայ էր Դատարանի բոլոր նիստերից, մնաց ձեռնպահ:

Լահէի Դատարանի արձակած վճիռը մեծ ուրախութիւն և գոհունակութիւն պատճառեց իրանցիներին, թէև դա պարզապէս ոչինչ չփոխեց առկայ իրադրութեան մէջ, բացի այն, որ Մոսադեղը դա համարեց իր բացասական ընթացքի նւաճումներից մէկը: Ժողովուրդը ցնծում էր, իսկ Մոսադեղը բաց

էր տեսնում զէպի իր վերջնական նպատակներն ա-
յաջնորդող ճանապարհը:

Ամերիկեան կառավարութիւնը մեծապէս մտա-
հողած և երկմտած լինելով Իրանի քաղաքական և
տնտեսական վարիվերոյ կացութիւնից, Շահրիվար
ամսոյ 8-ին, Ամերիկայի Միացեալ Նահանգների
պրեզիդենտ Թրումանի և Անգլիոյ վարչապետ Չըր-
չիլի ստորագրութեամբ մի յուշագիր ներկայացրեց
Մոսադեղին, որի մէջ խօսուում էր նաւթի տարածայ-
նութիւնների լուծման մասին: Սակայն Մոսադեղը
մերժեց այդ առաջարկն ևս, և դեռ աւելին, Մենը
ամսի 30-ին, խզեց իր յարաբերութիւններն Անգլիոյ
կառավարութեան հետ:

Այս բոլոր իրադարձութիւնների ընթացքում,
Աբադանի նաւթային վիթխարի հաստատութիւնները,
որ դեռևս դասուում են աշխարհի մեծագոյն գտարան-
ների շարքին, մնացել էին միանգամայն անօգտա-
գործելի և զուրկ՝ ամենաչնչին եկամուտից՝ Իրանի հա-
մար:

Մոսադեղը փորձեց նաւթ վաճառել օտարազգի
մանր ընկերութիւնների, որոնք պատրաստ էին իրենց
վտանգել՝ պայքարի մէջ մտնելու իրաւասու տէրերի՝
Նաւթային նախկին Ընկերութեան ղէմ, սակայն ընդ-
հանուր առմամբ յիշեալ վաճառքից գոյացած եկա-
մուտը, աւելի քիչ էր գտարանի անցեալի գործու-
նէութեան մէկ օրւայ եկամուտից:

Շաւալուող իարադրութիւններին համընթաց,
Ամերիկայի Միացեալ Նահանգների հանրապետութեան

նախագահ ընտրւեց Այզընհաուըրը, որ Մը. Չըչիլի
ընկերակցութեամբ բազմիցս, միացեալ առաջարկու-
թիւններով, հանդէս եկան Իրանի նաւթի տարածայ-
նութիւնների լուծման օգտին. այս բոլոր առաջար-
կութիւններն ևս նախորդների պէս մերժեցին Մո-
սադեղի կողմից: Այս իրադարձութիւններին հետևեց
Մոսադեղի բացասական նւաճումներից մի քանիսն ևս:
Գեռ երկու շաբաթ շանցած այն օրից, որ ես բացեցի
Սենատը, նա հարկադրեց Ազգային Խորհրդարանին
լուծարքի ենթարկել դա: Անձեռնմխելի մնաց Ազգա-
յին Խորհրդարանը շնորհիւ այն բանի, որ դրան
դարձել էր իր գործողութիւնների կամակատարն ու
նեցուկը:

1331 թւի Դէյ ամսին, Ազգային Խորհրդարանը
իմ համաձայնութեամբ և ձայների մեծամասնու-
թեամբ երկարաձգեց Մոսադեղի լիազօրութիւնները:
Իմ համաձայնութեան շարժառիթն այն էր, որ ցան-
կանում էի նրան շնորհել՝ նաւթի խնդրում դրական
մի քաղաքականութիւն վարելու պատենութիւն, սա-
կայն ցաւօք սրտի՝ Մոսադեղը տւեալ լիազօրութիւն-
ները շարաշահեց իր անձնական ձգտումների էլ աւելի
արագ իրականացման ուղղութեամբ, ընդ որում ձեռ-
բակալելով որոշ թերթերի խմբագիրներին, նախ սեղ-
մեց պարբերական մամուլը և ապա ձեռնարկեց Ազ-
գային Խորհրդարանի աստիճանական քայքայմանը,
քանի որ խորհրդարանականներից ոմանք, քաջաբար
ընդվզելով նրա ղէմ, սպառնում էին մերժել նրա որո-
շումները: Մոսադեղի հրահրմամբ և դիտաւորեալ բա-

ցակայութեամբ, նրա կողմնակիցները Սորհրդարանում խանգարում էին նիստերի գումարումը և ի լրացումն զրա, հանրային վայրերում կամ հէնց բնակարաններում, սպառնում և նեղում էին դէմ պատգամաւորներին:

Մէկը, որ յարատեւօրէն ժողովրդին զերծ էր պահում դրամի արժէքագրկման վտանգից, անսպասելիօրէն ինքը ձեռնարկեց նման մի խնդրի: Հրատարակեց միլիարդներ ըիալի թղթագրամ, ըստ որում առանց նկատի ունենալու դրամի համարժէք ոսկու կամ սակերի քանակութիւնը: Ձինւորական և հսկիչ ոյժերի հրամանատար կարգւեցին նրան հաւատարիմ անձիք և թուղէ կուսակցութեան կոմունիստներին թոյլտուութիւն շնորհեց, — շատերի կարծիքով, նոյնիսկ քաջալերեց նրանց, — թափանցելու զօրաբանակի մէջ: Երկարաձգւեց նաև զինւորական իշխանութիւնը, որից յետոյ Ազգային Սորհրդարանին հրամայեց կազմելու եօթ հոգուց բաղկացած մի յանձնախումբ, որն պիտի քննարկէր նրա հետ՝ զինւորական ոյժերի ընդհանուր հրամանատարութեան գծով իմ ունեցած իրաւունքների սահմանափակման հնարաւորութիւնները: Յիշեալ յանձնախումբը կազմեց մանրամասն մի զեկուցում, որն Մոսաղեղի պահանջով արծարծեց Սորհրդարանում: Սակայն Ազգային Սորհրդարանը, անտարբեք մնաց տւեալ խնդրի նկատմամբ և Սորհրդարանի նախկին համակիրները, մինչև իսկ Քաշանին, ոչ մէկ գնով ընդառաջեցին Մոսաղեղի պահանջին:

Մոսաղեղը լուծարքի ենթարկեց Երկրի Բարձրագոյն Ատեանը և Ազգային Սորհրդարանի ընտրութիւնները, որովհետև յանդուգն պատգամաւորներից ոմանք ընդվզել էին նրա դէմ, ընդ որում յայտարարեց: որ Ազգային Սորհրդարանի լուծարքի խընդիրը պէտք է յանձնել հանրային քւէարկութեան տնօրինութեանը:

Պատգամաւորները յիշում էին, որ Ազգային Սորհրդարանի նոյն նստաշրջանի բացման ընթացքին ելոյթ ունեցած համառօտ ճառով Մոսաղեղը հաւաստիացրել էր, որ պատգամաւորութեան ութսուն տոկոսը ժողովրդի իրաւ ընտրեալներն են: Սակայն իրեն ազատ ընտրութիւնների պաշտպան և կողմնակից յայտարարող Մոսաղեղը, վերոյիշեալ հանրաքւէն (ոեֆերենդում) կազմակերպեց այնպէս, որ Սորհրդարանի լուծարքին թեր անհատները, իրենց քւէները գցեն գոյնով միանգամայն գատորոշած քւէատուփերի, իսկ դէմերը՝ տարբեր քւէատուփերի մէջ: Այսպիսով ովքեր համարձակութիւն ունենային հանդէս գալու դէմ քւէարկութեամբ, անկասկածօրէն պիտի ենթարկէին Մոսաղեղի կողմնակից բանդաների, սպեկուլեանտների և թուղէականների անողոք դատաւրճոխն: Հանրաքւէի արդիւնքը եղաւ այն, ինչ որ փափագում էր Մոսաղեղը և ինչ որ ժամանակին ստացել էր նաև Հիթլերի մօտ: Չայների 99 տոկոսը տրւած էր Ազգային Սորհրդարանը լուծարքի ենթարկելու օգտին. Երկրի քաղաքներից մէկում, որի բնակչութիւնը հաշուում էր 3000 հոգի, տրւել էր 18000 թեր քւէ

Ազգային Խորհրդարանի լուծարքի օգտին: Ըստ երեւոյթին այդ և շատ ուրիշ քաղաքներում, հանդերձեալները դուրս գալով գերեզմանից՝ իրենց քւէներն էին գցել քւէատուփերի մէջ...: Սակայն այլ առումով, իրօք, մեռելներն ևս մասնակցել էին Մոսաղեղի այս և նման շինծու ընտրապայքարներին, որովհետև հարիւրաւոր անձինք տալով իրենց իսկական և սրտաբուխ քւէն՝ դիտապաստ աւանդել էին իրենց հոգին...:

Երկար տարիներ շարունակ, երբ դեռևս Մոսաղեղը պատգամաւոր էր Ազգային Խորհրդարանում, ստեղծւել էր այն տպաւորութիւնը, որ նա մոլեռանդ սահմանադրական է, յարգում է օրէնքը, համամիտ է պատգամաւորութեան մեծամասնութիւնը վայելող կառավարութեան հետ, դէմ է գինւորական կառավարութեանը և դրւատում է ազատ ընտրութիւններն ու մամուլի ազատութիւնը:

Նոյն Մոսաղեղը մի քանի ամսւայ ընթացքում, լուծարքի ենթարկեց Սենատը, երկրի արդարագատական բարձրագոյն ատեանը և ժողովրդին հրահրեց լուծարքի ենթարկելու Ազգային Խորհրդարանը: Ճնշեց մամուլը, վերացրեց ազատ ընտրութիւնները, երկարաձգեց գինւորական կառավարութեան ժամանակաշրջանը, և ճիշ չխնայեց թուլացնելու սահմանադրութեան հիմունքների համաձայն ինձ շնորհւած իրաւունքները, որով ոտնահարեց հսկայ ջանքերով ձեռք բերւած երկրի յիսնամեայ կանոնադրութիւնը, սակայն այդուհանդերձ նա չհասաւ

երկրում միակ դիկտատորը լինելու իր երազանքին, քանի որ դեռ չէր կազմակերպել երկրի թագաւորին գցելու միջոցները:

Թէև ես փրկել էի նրա կեանքը մահից և իր գործունէութեան սկզբնական շրջանում՝ վայելում էր իմ օժանդակութիւնն ու հովանաւորութիւնը, այնուամենայնիւ վարչապետ դառնալու օրից ինձ համար պարզ դարձաւ այն իրողութիւնը, որ Մոսաղեղի բուն նպատակն է, ոչնչացնել իմ դինաստիան: Առկայ էին բազմաթիւ փաստեր տւեալ իրողութիւնը վկայող, որովհետև Մոսաղեղը սերում էր Կաջարներից և եթէ ժամանակին մեծապէս դէմ էր եղել հօրս իշխանութեան հասնելուն, ապա ներկայում իր քաղաքականութիւնը կայանում էր այն բանի մէջ, որ հնարաւորութեան սահմաններում, գցի Փահլաւի դինաստիայի հեղինակութիւնն ու աստիճանաբար նրան տանի դէպի վերջնական փլուզում: Եթէ ինձ հարց տրւի թէ՛ տեղեակ լինելով Փահլաւի գերդաստանի նկատմամբ նրա ունեցած թշնամութեանը, ըստ այնմ ինչո՞ւ չեմ կասեցրել նրան, կը պատասխանեմ որ ուզել եմ նրան պատեհութիւն ընձեռել՝ իրանցիների ազգային նւիրական ձգտումների ու նպատակների իրագործմանն ի խնդիր: Սակայն որքան աճում էին նրա սպառնալիքները՝ Փահլաւի դինաստիայի դէմ, զգում էի, որ Մոսաղեղը նոյնքան աւելի շատ յանձնւում էր մի գաղափարի, որի սկզբնաղբիւրը գտնւում էր արտասահմանում. դա մեծապէս վրդովում ու յուզում էր իմ սիրտը:

1331 թւի էսֆանդ ամսի 9-ին, Մոսաղեղը խորհուրդ տւեց ինձ ժամանակաւորապէս հեռանալ երկրից: Նրան իր որդեգրած քաղաքականութեան հետ ազատ թողնելու և որոշ չափով էլ նրա նիւթած դաւերից ու խարդաւանքներից հեռու մնալու նպատակով՝ տւի իմ համաձայնութիւնը: Մոսաղեղն առաջարկեց, որ ճանապարհորդութեան ծրագիրը մնայ ծածուկ և նշեց, որ ժամանակի արտաքին գործոց նախարար՝ Փաթեմիին կարգադրելու է անձնապէս կարգադրել իմ, կնոջս և ուղեկիցներիս անցագրերը:

Հետաքրքիր էր այն, որ Մոսաղեղը յատուկ շահագրգռւածութեամբ պնդում էր, օգանաւով չմեկնել Իրանից, որովհետև գիտէր, որ ժողովուրդը դէմ լինելով այս որոշմանը՝ պիտի խռնւի օգանաւակայանում և խանգարի իմ երթը:

Հետևաբար առաջարկեց, որ մինչև Իրաքի սահմանն ու այնտեղից Բէյրութ հասնելու ճանապարհւեմ ծպտւած: Համաձայնեցի նաև այս առաջարկին, բայց հակառակ բոլոր զգուշութիւնների՝ բացայայտեց գաղտնիքը: Ժողովուրդը հանդէս եկաւ մասսայական ցոյցերով, որոնց ընթացքին այնքան հարազատօրէն ու անկեղծօրէն ապացուցեց Շահի հանդէպ ունեցած իր դարաւոր հաւատարմութիւնը, որ բեկանցի որչումս և մնացի երկրում: Նոյն օրերին Թուրքի կուսակցութիւնը — անժխտելիօրէն Մոսաղեղի համախոհների խորհրդով — կազմեց միացեալ ճակատ թագաւորութեան դէմ: Սակայն դրա հետևանքը եղաւ այն, որ Իրանի քաջարի ժողովուրդը աւելի ևս համախմբւեց իմ շուրջ՝ հովա-

նաւորելու և պաշտպանելու ինձ և զահն ու գայիստներ:

Այսու՝ երբ յետադարձ հայեացք եմ ձգում անցեալին. գալիս եմ այն եզրակացութեան, որ թէև երկրից հեռանալու իմ վճիռը կայացրել էի շուտափոյտ կերպով և իրականում դա մի սխալ քայլ էր իմ կողմից, յամենայն դէպս Ամենակարող և Բարձրեալ Աստուծոյ կամեցողութեամբ այն աւարտեց յօգուտ ինձ:

1332 թւի ամռանը, զգալի փոփոխութիւններ նկատեցին Իրանի ժողովրդի տրամադրութեան մէջ՝ Մոսաղեղի գործողութիւնների նկատմամբ: Նրա համախոհներից ու ընկերներից շատերը լքեցին նրան, որովհետև անդրադարձան, որ նրա հակաարտասահմանեան քաղաքականութիւնն աստիճանաբար ընդունում է ընտրութեան բնոյթ և նրա բուն նպատակը ոչ այլ ինչ է, եթէ ոչ դուրս վռնդել անգլիացիներին Իրանից և ներգրաւել համայնավարներին: Դէպքերի յաջորդականութիւնը ժողովրդին ապացուցեց այն մասին, որ երկիրը լրիւ ընթացքով գնում է դէպի քաղաքական ու տնտեսական կործանում: Նոյնիսկ Մոսաղեղի կողմից՝ Ազգային Սորհրդարանը լուծարքի ենթարկելու ակտը չկարողացաւ խեղդել հանրային կարծիքը, որ միանգամայն ծառացել էր նրա դէմ: Լրագրողները չվախենալով Մոսաղեղին դեռևս սկողմնակից խուլիգանների և Թուրքի կուսակցութեան սպառնալիքներից ու արարքներից, շարունակում էին լուսաբանել ու մեկնաբանել նրա

բուն քաղաքականութիւնը ժողովրդի լայն զանգւածներին համար:

Հոգևորականութեան և ուսանողութեան սուտար խմբեր նմանապէս, որ նախապէս համարուում էին նրա հետևորդները, երես թեքելով ընդվզեցին նրա դէմ: Սակայն այս բոլորով հանդերձ պարզ էր, որ նրան վերջնականապէս չէզոքացնելու համար անհրաժեշտ է գիմել ոյժի:

Ամերիկայի Միացեալ Նահանգների քաղաքականութիւնը. Մոսադեղի իշխանութեան ժամանակաշրջանում, վկայում էր այն մասին, որ ամերիկեան կառավարութիւնը Իրանում տիրող կացութեան նկատմամբ օր-աւուր աճող մտահոգութեան հետ միաժամանակ, տատանման մէջ էր ձեռնարկելու հիմնական և ազդեցիկ քայլերի՝ բարւոքելու համար Իրանի քաղաքական և տնտեսական գոյավիճակը: 1328—29 Ֆինանսական տարւայ ընթացքում, Ամերիկան համաձայն «4-րդ կէտի» ծրագրի, միայն 500.000 դոլարով օգնեց Իրանին: 1329—30 Ֆինանսական տարում, յիշեալ նպաստը աճեց 1.600.000 դոլարով, — իսկ Մոսադեղի իշխանութեան օրօք դա հասաւ 23.400.000 դոլարի, որի մեծագոյն մասը յատկացւեց նաւթի տարածայնութիւնների հետևանքով երկրում առաջացած արտասահմանեան սակերի բացը լրացնելու խնդրին:

1332 թւի Խորդադ ամսին, Այզընհաուրը ազդարարեց Մոսադեղին, որ նաւթի տարածայնութիւնները չլուծւելու դէպքում, Միացեալ Նահանգները

չպիտի աւելացնի իր նիւթական օժանդակութիւնների գումարը, ընդ սմին համաձայնել էր որ դրանք կը շարունակեն անցեալ տարիների չափով: Ի դէպ՝ նա յորդորել էր յետ կանգնել Իրանի բնական վիթխարի հարստութիւնները չշահագործելու քաղաքականութիւնից: Ինչևէ 1331—32 թւերին Ամերիկայի օգնութիւնների մակարդակը իջաւ 22.100.000 դոլարի: Տւեալ երևոյթը վկայում էր այն մասին, որ թէև ամերիկացիները այնքան էլ շահագրգռած չէին լրացնելու Մոսադեղի սխալների հետևանքով երկրում առաջ եկած բացերն ու վնասները, այդուամենայնիվ խստում էին, որ վերջնականապէս կտրելով յիշեալ նպաստները՝ Իրանը պիտի նետեն կոմունիզմի գիրկը:

Ամերիկեան օգնութիւնների բնագաւառում, Մոսադեղի բռնած ուղին կրում էր գաւեշտական բնոյթ, որովհետև 1330 թւին, եթէ նա հրաժարւեց Ամերիկայի լիազօր դեսպանի հետ միասին ստորագրել՝ ամերիկացիների օգնութիւնների գծով և համաձայն այլ երկրներում գործադրող կէտերի հիման վրայ, ներկայացւած պայմանագիրը, ապա դրա փոխարէն Իրանի Ամերիկեան Օգնութիւնների Տեխնիկական Հիմնարկութեան կառավարչից, մի խնդրագրով պահանջեց շարունակել տարեկան նպաստները: Նա ևս իր հերթին գրաւոր կերպով յայտնեց իր համաձայնութիւնն և ինչպէս նշեցինք վերը, շարունակւեցին տարեկան ֆինանսական օգնութիւնները:

1332 թւին, երբ մեծ թւով իր համախոհներից աստիճանաբար սկսեցին լքել նրան, նա անընդ-

հատ պոռոտախօսում էր, որ Ամերիկան հովանաւորում է իր որդեգրած ռեժիմը, ընդ որում ազդարարում էր ամերիկացիներին, որ եթէ նրան չօժանդակեն առաջ-ւանից ակելի, իրանը պիտի ընկնի կոմունիզմի գիրկը: Այդուհանդերձ՝ մնալով անտարբեր, թոյլ էր տալիս, որ թուրքէ կուսակցութիւնն ուժեղանայ և կազմակերպւի օր-աւուր: Ըստ իս, ամերիկացիները պարզ տեսնում էին նրա քաղաքականութեան հակասական գծերը, սակայն բնականաբար խորհում էին, որ իրանի ժողովուրդը ինքը պիտի տնօրինի իր երկրի քաղաքական խնդիրները, ինչպէս մենք ևս վերջապէս բռնեցինք այդ ուղին:

Իշխանութեան վերջին օրերին, Մոսադեղը զօրացրեց իր տան հսկիչ զրահապատ շոկատը և գաղտնի սպասարկութիւնը, դրա հակառակ նւագեցնելով իմ և Սորայա թագուհու բնակատեղիի՝ Սաադաբադ ամառային պալատի, ապահովութեան պատասխանատու ոյժերի՝ հրասահլերի քանակը: Իրականութեան մէջ ամերիկեան միջակ մեծութեան 12 տանկ հսկում էին նրա բնակարանին և միայն չորս տանկ՝ Սաադաբադ ընդարձակ պալատի շրջակայքը: Պարզ էր, որ դրանք չէին կարող դիմագրաւել թուրքէականների անսպասելի յարձակումներին:

Այս գործողութիւնների հետևանքով, ես և կինս մեկնեցինք Ռամսարի պալատը, մեր ժամանակը անցկացնելով մերթ հօրս կառուցած առափնեայ ապարանքում, մերթ Քալարդաշտի, — որի գեղեցկութեան ու հրաշալիքների մասին պատմել է նախապէս, —

ամառային փոքրիկ կացարանում:

1332 թ-ի Մորդադ 22-ին, ստորագրեցի Մոսադեղի՝ վարչապետութիւնից հեռացման և զօրավար Ջահեդիի՝ նոյն փոստում նշանակման զոյգ հրամանագրերը: Ապա արքայական դրանիկ գնդի պետ՝ գընդապետ Նեմաթօլլահ Նասիրիին յանձնեցի յիշեալ հրամանագրերի ծանուցման մանրամասն առաջադրանքը:

Յիշեալ առաջադրանքը կատարելու ընթացքին, գնդապետ Նասիրիի հետ պատահած արկածների նկարագրութիւնն ինձ յիշեցնում է Ալեքսանդր Դուրմաշի՝ «Երեք հրացանակիրներ» վէպը, այն տարբերութեամբ միայն, որ Դուրմաշի վէպը եթէ սոսկ մի առասպել է, ապա գնդապետ Նասիրիի արկածները, կարող են դասւել մեր ներկայ պատմութեան դէպքերի ու իրադարձութիւնների շարքին:

Թողնելով Ռամսարը և հասնելով Սաադաբադ պալատը, Նասիրին նախ պատրաստեց յանձնելու իմ հրամանագիրն ուղղւած զօրավար Ջահեդիին: Պէտք է շեշտել, որ Ջահեդին ժամանակին եղել էր Մոսադեղի մօտիկ համախոհներից մէկը և նրա ներքին գործոց նախարարը: Ռազմարայի իշխանութեան առաջին օրերին, վարել էր երկրի ոստիկանական ընդհանուր ոյժերի պետի պաշտօնը և օգնել էր Մոսադեղին վերստին ընտրւել Ազգային Խորհրդարանի պատգամաւորութեան մէջ: Այդ օրերին Ջահեդին գտնուում էր Թեհրանի շրջակայքում, անընդհատ փոխելով իր բնակատեղին, որոնց մասին բացի մի քանի

իր հաւատարիմ բարեկամներից, չգիտէր ոչ-ոք: Նա անվախօրէն քննադատում էր Մոսադեղի քաղաքականութեան յոռի կողմերը և այդ իսկ պատճառով մի անգամ նոյնիսկ բանտարկւել էր և հիմա ազատ լինելով, սակայն չունենալով կեանքի ապահովութիւն, ապրում էր քողարկւած:

Գնդապետ Նասիրին գանազան անձանց կողմից տրւած ուղղութիւններով և օգնութեամբ, գտնելով զօրավար Զահեդիին, նրան յանձնեց իմ հրամանագիրն և նա անմիջապէս պատրաստակամութիւն յայտնեց, սիրով ստանձնելու տրւած առաքելութիւնը:

Այժմ հասել էր այն պահը, որ յանձնւէր Մոսադեղի պաշտօնազրկման հրամանագիրը: Զահեդիի կարգադրութեամբ գնդապետ Նասիրին նախ ձերբակալեց Մոսադեղի մերձաւոր խորհրդականներից երեք հոգու՝ նրանց միջոցով շօշափելու Մոսադեղի տրամադրութիւնն ու հետագայ գիրքորոշումը:

Զահեդին գնդապետ Նասիրին կարգադրել էր նաև, որ ամենաչնչին պատեհութեան դէպքում, ջանք չլինայի իմ հրամանագիրն յանձնելու անձամբ Մոսադեղի ձեռքը և պահանջելու ստացական, որպէսզի հետագային նա չկարողանայ հերքել դրա ստացումը: Ի դէպ՝ ես ևս Նասիրին խստիւ պատւիրել էի, լինել զգոյշ՝ ոչ մէկ վնաս չպատճառելու Մոսադեղին:

Մորդադ 25-ի գիշերւայ ժամը 11-ին, գնդապետ Նասիրին իր երկու թիկնապահ սպաների ուղեկցութեամբ, շարժւեց դէպի Մոսադեղի բնակարանը, նոյն օրն առաւօտեան համայնավար մամուլի կողմից

մեծ տառերով թերթերի ճակատներին հրատարակւած այն լուրը, թէ պետական հարւած է սպասուում գընդապետ Նասիրինի կողմից, նրանց երեքին էլ ստիպում էր լինել շրջահայեաց ու վերապահ:

Հասնելով Մոսադեղի տան շրջակայքին, նրանք նկատեցին, որ բնակավայրը շրջապատւած է բազմաթիւ զինւորներով և ծանր հրասայլերով, որոնց կարգադրւած է և ոչ ոքու, մասնաւորաբար արքայական դրանիկ գնդի զինւորներին, թոյլ չտալ մտնելու շրջափակի մէջ: Անտեսելով այս հրամանը, գնդապետ Նասիրին և երկու թիկնապահ սպաները սառնասրտօրէն անցան հրասայլերի գնդացիներին բաց խողովակների առջևից և մօտեցան Մոսադեղի տան գըլխաւոր մուտքին: Նախապէս գնդապետ Նասիրին ճշտօրէն նախատեսել էր այն հանգամանքը, որ շարքային և հրասայլերի պատասխանատու ջոկատների զինւորները ճանաչելով և յարգելով նրան, չպիտի դիմեն հրացանաձգութեանց: Գնդապետ Նասիրին Մոսադեղի տան հսկիչ սպաներից մէկին յայտնեց, որ ցանկութիւն ունի հանդիպելու անձամբ Մոսադեղի հետ, բայց շատ չանցած մերժեցին նրա ցանկութիւնը: Ճարահատեալ, դիմելով վստահելի մի սպայի նա խնդրեց, որ հրամանագիրը յանձնւի Մոսադեղին և դրա ստացականը վերադարձւի իրեն: Մէկ և կէս ժամ սպասումից յետոյ, որի պատճառը ինչպէս յայտնուեց հետագային՝ Մոսադեղի հեռախօսային խօսակցութիւնն է եղել իր գործակիցների ու խորհրդականների հետ, վերջապէս գնդապետ Նասիրին յանձ-

նեցին Մոսադեղի ձեռագիրը կրող ստացականը: Ծա-
նօթ լինելով Մոսադեղի ձեռագրին և համոզվելով, որ
դա կեղծած չէ, գնդապետ Նասիրին մէկ ժամ կէս
գիշերից անց, պատրաստեց թողնելու Մոսադեղի բնա-
կարանը:

Բայց նախքան շրջափակից հեռանալը, նրան
յայտնեցին, որ Մոսադեղի զօրաբանակի գլխաւոր
ոյժերի հրամանատար զօրավար Րիային, կարգադրել
է անյապաղ անցնել կենտրոնական շտաբ: Ենթադրե-
լով, որ հանդիպման ընթացքին պատենութիւն պիտի
ստեղծւի զօրավար Րիային ևս տեղեակ պահելու իմ
հրամանագրի մասին, Նասիրին անմիջապէս մեկնում
է պատերազմական նախարարութիւն, ուր նրան ա-
ռաջնորդում են շտաբի պետի մօտ: Գուռը բացելուն
պէս, Նասիրին նկատում է, որ զօրավար Րիային
զգրոցից հանելով եօթհարւածանի ատրճանակը, թազ-
ցնում է այն իր գոգում, թերևս նրան մտահոգում
էր Նասիրիի կողմից մահափորձի ենթարկելու հաւա-
նականութիւնը:

Շտաբի պետը, Նասիրիին մեղադրում է պե-
տական հարւած նախապատրաստելու և ոչ օրինական
վերաբերմունք դրսևորելու մէջ: Սակայն գնդապետը
ի պատասխան նշում է, որ միայն իմ հրամանագիրն
է յանձնել Մոսադեղին և պետական հարւածի խօսքն
անգամ չկայ, ընդ որում ներկայացնում է Մոսա-
դեղի ձեռքով գրւած ստացականը: Րիային տարակու-
սանք է յայտնում այն առումով, թէ որտե՞ղ է տես-
նրւել, որ հրամանագրերը առաքւեն կէս գիշերին:

Նասիրին ևս իր հերթին հարց է տալիս՝ թէ զինւո-
րական ո՞ր կանոնագրութեան կամ նոյնիսկ քաղա-
քավարական ո՞ր հիմունքի համաձայն են հրաւիրում
գիշերային տարածամին, ինչ-որ բանակցութիւնների:
Վրդովւած Րիային յայտնում է, որ երբեք չպիտի
ների Նասիրիին իր անվայել սանձարձակութեան հա-
մար և անմիջապէս հանել տալով նրա զինւորական
համագգեստը, հրամայում է բանտարկել:

Քիչ անց, Նասիրիի եղբայրը, տեղեկանալով
նրա ձերբակալութեան մասին, նրա գիշերանոցն ու-
այլ իրերից մի քանի կտոր վարպետօրէն փաթաթե-
լով՝ իմ հրամանները լոյս ընծայած օրաթերթի մէջ,
հասցնում է գնդապետին: Յաջորդ օրն, առաւօտեան,
զինւորական դատախազը, որ բնականօրէն նշանակ-
ւած էր Մոսադեղի կողմից, հարցաքննելով նրան, յա-
ւակնում է պնդել, թէ պաշտօնագրկման հրամանա-
գիրն իմ կողմից չէ և ինքը գնդապետն է կեղծել դա՝
պետական հարւած կազմակերպելու մտադրութեամբ:
Գնդապետը ներկայացնում է եղբօր միջոցով ստաց-
ւած օրաթերթը և սրանով աւարտում է նրա հար-
ցաքննութիւնն ու կրկին առաջնորդում է բանտա-
խուց:

Յաջորդ օրը, Նասիրին դրսից բերւած մի
փոքրիկ ուղիօրնդունիչի շնորհիւ տեղեկանում է, որ
քաղաքի բնակչութիւնն ապստամբել է Մոսադեղի
դէմ: Ի դէպ, դրսից լսւում է նաև ճիշերի ու բա-
ցագանչութեան, թո՞հ ու բոհի և գնդակոծութեան խուլ
ձայներ: Շատ չանցած ներս է մտնում բանտապետը և

յանձնելով նրա զինուորական հագուստները, կարգա-
գրքում է հեռանալ բանտից: Գրա շարժառիթը կա-
յանում էր նրանում, որ որոշել էին դատարկել
բանտը:

Գուրս գալով խցիկից, Նասիրին տեղեկանում
է, որ քաղաքի բնակչութիւնը զինւած փայտերով,
յարձակելով բանտի վրայ և անտեսելով բանտի-հսկիչ
ոյժերի «կանգ-ա՛ն» ազդարարութիւնը, ենթարկել են
գնդակոծութեան, որի հետեւանքով փոշու ու արեան
մէջ զիտապատ իրենց հոգին են աւանդել մի տա-
րիքաւոր կին: մի քանի երիտասարդներ և վիրաւոր-
ւել են շատերը: Սակայն միւսները շարունակել են
աւելի սաստկացած գրոհը և փախուստի մատնելով
հսկիչ ոյժերին, վերջապէս գրաւել են բանտը:

Նոյն պահին բանտի բակը վերածուում է ու-
րախութեան ու ցնծութեան կենտրոնի: Հարիւրաւոր
բանտարկեալներ, որոնք Մոսաղեղի կարգադրութեամբ
ձերբակալւել ու բանտարկւել էին, ինձ հաւատարիմ
մնալու մեղադրանքով, ազատութիւն են ստանում
հասարակ բնակչութեան ջանքերով: Ժողովրդի խան-
դավառութիւնն հասնում է իր գագաթնակէտին, երբ
բանտարկեալների մէջ յայտնւում է շտաբի նախկին
պետը, որը նոյնպէս բանտարկւել էր Մոսաղեղի կար-
գադրութեամբ: Նրան ուսամբարձ տանում են դէպի
շտաբի գրասենեակը:

Այսպիսով ժողովուրդը մի անգամ ևս, ոչ միայն
իր հաւատարմութիւնն է գրսւորում հանդէպ իմ
անձը, այնքան հարազատօրէն ու առինքնող այլ

նաև յայտնում է իր ուրախութիւնը՝ Մոսաղեղի ուե-
ժիմի կործանման և թուղէական տեռորիստներից ա-
զատելու առիթով: Բիահին դիմում է փախուստի,
իսկ գնդապետ Նասիրին, ազատութիւն ստացած այլ
սպաների ուղեկցութեամբ, շարժւում են դէպի Թեհ-
րանի արևելեան կայազօրի կենտրոնը, ուր բանտարկ-
ւած էին արքայական դրանիկ գնդի անդամներից մի
խումբ: Առանց նախապէս ծրագրւած լինելու, ինչ
որ դրա հակառակը իւրայատուկ էր Մոսաղեղի գոր-
ծելակերպին, ճանապարհին ժողովուրդը նրանց դի-
մաւորում է օվացիայով և խանդավառութեամբ: Այդ
օր, շոգը սաստիկ էր և կանայք կրնկի վրայ բացե-
լով տան գոնները, ցուցարարներին հիւրասիրում էին
սառն օշարակով և ուտելիքով:

Նոյն օրն առաւօտեան սպայական համալսա-
րանում տեղի է ունենում մի այլ արտառոց դէպք:
Այս մասին պատմում է արքայական դրանիկ գնդերի
հրամանատար՝ զօրավար Նասիրի թիկնապահ՝ մայոր
Սոսրովդատը, որ այդ օրերին վաշտապետի աստիճա-
նով ծառայում էր սպայական համալսարանում, որպէս
ուսուցիչ: Դասարանում ներկայ գտնւելու սովորու-
թեան համաձայն, երբ այդ օրն առաւօտեան, նամեկ-
նում է համալսարան, տեղեկանում է, որ զօրավար
Բիահիի կողմից հրամայւած է համալսարանի բոլոր
ուսուցիչներին և ուսանողութեան, ժամը 10-ին ներ-
կայ գտնւելու համալսարանի սրահում. ունկնդրելու նրա
ճառը՝ «օրւայ կարևոր իրադարձութիւններն ու արքան»
թեմայով: Այս հրամանը խռովում է թէ ուսուչութեան և

Թէ ուսանողութեան հոգիներն և նրանց մօտ 90 տոկոսը, որոնք հակառակ էին Մոսազեղին, հաստատապէս վրձուում են, որ եթէ շտաբի պետն իր ճառի մէջ փորձէ վարկաբեկել իմ անհատականութիւնը, ապա տեղն ու տեղը ոչնչացնեն նրան: Նրանք բաժանում են այն ընդհանուր գաղափարը, որ Իրանի զօրաբանակն իմ հովանու ներքոյ և զերծ այս կամ այն ուղղութիւններէից, կը կատարէ իր պարտականութիւնները սոսկ այն դէպքում, երբ լիովին մաքրագարուեն բոլոր տմարդի անձնաւորութիւնները:

Բիահիի լաւ բախտից, մայրաքաղաքում ծաւալւող իրադարձութիւններն և թերևս ուսանողութեան կայացրած վճռի մասին նրան հասած լուրը, պատճառ են դառնում, որ նա հրաժարուում է համալսարան գնալուց, որի հետեւանքով ուսանողութիւնը դուրս է գալիս փողոց և համալսարանը գոցուում է:

Մայրը Խոսրովդատը թողնելով սպայական համալսարանը, ճանապարհուում է տուն: Հասնելով քաղաքի մեծ հրապարակներից մէկին, նկատում է, որ Մոսազեղի գինւած ոյժերը, աւտոմատային կրակ են բացել դէպի նրանց կողմը յորձանք տւող մարդկային անզէն զանգւածների վրայ, որոնք անտարբեր իրենց ճակատագրին, անընդմէջ մօտենում են Մոսազեղի գինւած ջոկատների դիրքերին, որի հետեւանքով զոհուում են շատերը: Վարձելով մի սակակառք, նա իրեն գցում է տուն և վերցնելով իր զէնքերը, նորից դուրս է գալիս փողոց, ուր նրա ուշադրութիւնն է գրաւում դէպի հրապարակը տանող պողո-

տաներից մէկի երկարութեամբ կանգնած հրասայլերի երկար շարքը: Աւելի մօտիկ գնալով նկատում է, որ հրասայլերից իջնելով՝ իրար հետ վէճի են բռնել վաշտի ընդհանուր՝ և ջոկերից մէկի հրամանատարը: Ջոկի հրամանատարը ուզելիս է եղել հրասայլերը մօտեցնելով հրապարակին, կրակ բացել Մոսազեղի ոյժերի վրայ, իսկ հրամանատարը պնդել է, որ դրանք յետ պիտի վերադարձուեն իրենց կայանը: Գնալով վէճը աւելի է սրւում և վաշտապետը սպառնում է սպանել ջոկի հրամանատարին՝ սակայն նոյն մոմենտին անըսպասելիօրէն վրայ է տալիս հասարակ ամբօխ և խլելով վաշտի հրամանատարի զէնքերը՝ նրան մատնում է փախուստի, իսկ ջոկը սկսում է իր յարձակումը Մոսազեղի ոյժերի վրայ:

Աստիճանաբար պայքարը կենտրոնանում է Մոսազեղի տան շուրջը, որն ինչպէս նշեց՝ պաշտպանւած էր հրասայլերով, հակատանկային հրետանիով, բազուկաներով գինւած հետեակ ոյժերով: Դրանք դիրք էին գրաւել ոչ միայն բնակարանի շուրջ բոլորը, այլ նաև մերձակայ տների բաց պատուհաններում և կտուրներում, որոնք գրաւել էին Մոսազեղի ոյժերից կողմից: Մոսազեղի բնակարանը շրջապատած ստւար ժողովուրդը կազմւած էր տարբեր խաւերից՝ ուսանողներից, արհեստաւորներից, բանւորներից, ոստիկանական և ժանդարմերիայի ոյժերից, սպաներից ու զինւորներից:

Զինւորական համագգեստ կրող անձանց մեծագոյն մասը ապստամբել էր Մոսազեղի կողմից նշանակւած պետերի դէմ, իմանալով հանդերձ, որ բռնը-

ւելու գէպքում, անմիջապէս պիտի ենթարկւեն դատավարութեան ու կախաղանի: Ժողովրդի այլ խաւերի ներկայացուցիչները նման, նրանք նոյնպէս մեծ մասամբ գինւած էին փայտերով ու քարերով՝ իրենց խիտ շարքերի մէջ ունենալով մինչև իսկ կանայք և երեխաներ: Մոսաղեղի ոյժերը ենթադրելով, որ արքայական դրանիկ գնդի բոլոր զինւորները բռնւած են ու բանտարկւած, մոռացութեան էին մատնել դրանիկ գնդի մի այլ խմբին, որոնք Մոսաղեղի պաշտօնանկ արւելու լուրը լսելուն պէս, միացել էին ընդհանուր ապստամբութեան և հակառակ այն պարագայի, որ գինւած էին լոկ թեթև գէնքերով, գրոհեցին Մոսաղեղի տան շուրջը կենտրոնացած հրասայլերի վրայ: Դրանիկ գնդի զինւորներից մի այլ խումբ ևս, որոնք ազատութիւն էին ստացել գնդապետ Նասիրիի միջամտութեան շնորհիւ, գրոհեցին Մոսաղեղի տան վրայ, ընդ որում նոնակներ նետելով, ստիպեցին հրասայլերին, փակելու տանկային դռնակները: Արքայական գնդերի համարձակ և անվեհեր գրոհը Մոսաղեղի հրասայլերի վրայ կատարւեց հերոսաբար և ճիշտ ժամանակին, որովհետև դրանք այլևս պատենութիւն չունեցան մասնակցելու Մոսաղեղի բնակարանի յետևում ծաւալուող գործողութիւններին: Բնակարանի պահակախմբի հրամանատարը ժողովրդի յարձակումը կասեցնելու նպատակով, ծանր հրասայլերն ու հակատանկային հրետանին և հրանօթները տեղադրել էր տան առջևից ձգւող պողոտայի երկարութեամբ, իսկ բնակարանի յետնամասի պողո-

տան և Մուսաղեղի ապարանքը յարակից շէնքերից բաժանող նեղ փողոցը պաշտպանւում էր հետևակ զինւորներով: Ժողովրդի գրոհը արևելեան այս պողոտայում պայթեց յանկարծակիօրէն: Դա զեկավարում ու ոգևորում էր մի քաջ կին: Հակառակ տւած մեծ թւով զոհերի ու վիրաւորների, ամբոխը յամառօրէն շարունակում էր մասսայական յառաջխաղացումը, որի հետևանքով բնակարանը պաշտպանող զինւորութեան շարքերում առաջ եկաւ խառնաշփոթութիւն: Ճիշտ նոյն պահին հրասայլերից մէկը մտնելով նեղ փողոցը և հասնելով վերջին, ծանր հարւած հասցրեց Մոսաղեղի ոյժերին: Հրասայլի հրամանատարը անցեալում եղել էր Մոսաղեղի կողմնակիցներից, բայց հետագային ժողովրդի ուրիշ տասնեակ հազարաւոր անհատների նման՝ զգալով, որ Մոսաղեղը անձնատուր է եղել կոմունիստներին և մտադրել է խորտակելու թագաւորութիւնը, փոխել էր իր կարծիքը և հրասայլով մտել էր մարտի ամենաթէժ գօտին: Չհանդիպելով լուրջ դիմադրութեան, նա ուղղութիւն բռնեց դէպի Մոսաղեղի բնակարանը և առաջին իսկ ոմբաձգութեամբ որոշեց մարտի ելքը, որովհետև ումբը աւերեց Մոսաղեղի բնակարանի մի մասը, իսկ ինքը Մոսաղեղը այգու դռնով փախաւ դուրս և քառասունհինգ ժամ յետոյ ձերբակալւեց:

Չահեղին նախօրօք ծրագրել էր, որ գնալով Իսֆահան և պատրաստելով այդ շրջանի զօրաբանակը, շարժւի դէպի Թեհրան: Կարգադրւած էր նաև Քերմանշահի հաւատարիմ զօրաբանակին, լինելու կազմ

ու պատրաստ՝ անհրաժեշտ պարագային շարժելու
դէպի Թեհրան: Սակայն հասարակ ժողովուրդը նախ
Ռեշտում և յետոյ այլ քաղաքներում, սրտաբխօրէն
և միակամ բարձրացրին ապստամբութեան դրօշ, որի
հետևանքով Չահեդին փոխելով մտադրութիւնը, իր
գործողութիւնները ծաւալեց Թեհրանում: Նստելով
յեղափոխականների կողմից նրա տունը ուղարկեած
տանկի մէջ, նա ուղղեց դէպի Թեհրանի ռազիօկա-
յանը, որն արդէն գրաւել էր ժողովրդի կողմից:
Թէև Մոսադեղի զինւորները, նախ քան փախուստը
փչացրել էին ռազիոյի սարքաւորումները, այդուա-
մենայնիւ դրանք նորոգեցին ամենակարճ ժամանա-
կում և նոր վարչապետը մի կողմ պատգամով աւետեց՝
Իրանի ժողովրդի պատմական յաղթանակը:

Սակայն ես և Թագուհին այս յաջողութեան
մասին տեղեկանալուց առաջ, արդէն հեռացել էինք
Թեհրանից, որովհետև որոշեած էր, որ եթէ Մոսադեղը
չենթարկւի պաշտօնանկ լինելու հրամանին և դիմի
ոյժի, ես և Թագուհին ժամանակաւորապէս հեռանանք
Իրանից:

Տւեալ ծրագիրը կազմելիս՝ հիմք էին ծառա-
յել երկու նական պատճառներ. նախ, որ իմ մեկնու-
մով պէտք է բացայայտէր Մոսադեղի և իր գործա-
կիցների բուն մտադրութիւնը և հասարակական կար-
ծիքը պիտի ծառանար նրանց դէմ: Դա իրականում
նման էր մի ռեֆրանդումի, որի մէջ հակառակ Մո-
սադեղի կողմից առաջարկեած հանրաքուէների՝ մեռել-
ները մասնակցութիւն չպիտի ունենային: Երկրորդ՝

պիտի նւագէր ներքին պատերազմի և անպաշտպան
ժողովրդի անխուսափելի կոտորածի վտանգը, որի
չէզոքացումն իմ սրտագին ցանկութիւնն էր: Այս
ծրագիրն ի կատար ածելու համար ռազիօկապ էր
հաստատել Սաադաբադի և Ռամսարի արքայական
ապարանքի միջև: Նասիրիի ձերբակալման և բան-
տարկութեան լուրը նրա վարորդի միջոցով հասել էր
Սաադաբադ և այնտեղից փոխանցւել էր Քլարգաշտի
կենտրոնին, բայց անյայտ պատճառներով դա ինձ
յայտնեցին շատ ուշ: Յիշում եմ, որ երկու գիշեր
չկարողացայ քնել. երրորդ օրն առաւօտեան Մոսա-
դեղի կողմնակից ռազիոյից լսեցինք, որ խորտակւել է
նրան պաշտօնանկ անելու իմ ծրագիրը և դրանից
շատ չանցած ռազիօկապի վրայով ստացեց նաև Նա-
սիրիի ուղարկած լուրը, իր բանտարկութեան մասին:

Քլարգաշտի օդանաւակայանը լինելով փոքր՝
նախ մէկ մոտորանի մի ինքնաթիռով, քսան ըոպէ
տեղութեամբ թռիչքից յետոյ, բարեյաջող հասանք
Ռամսար և այնտեղից երկու մոտորով օժտեած յա-
տուկ ինքնաթիռով, որը վարում էի անձամբ, ուղ-
ղութիւն վերցրինք դէպի Բաղդադ: Իրաքի պաշտօ-
նեաները սկզբում թէև շմեցին մեր անսպասելի ժա-
մանումից, այնուամենայնիւ ցուցաբերեցին ջերմ և
բարեկամական ընդունելութիւն: Սակայն Իրանի լիա-
զօր ղեսպանը Բաղդադում, մինչև անգամ փորձեց ձեր-
բակալել ինձ: Նոյն անձնաւորութիւնը մի քանի
օր յետոյ, երբ վերադառնում էի Թեհրան՝ առաջին
մարդն էր Բաղդադի օդանաւակայանում, որ մօտեցաւ

ու սեղմեց իմ ձեռքը...

Երկու օր Բաղդադում մնալուց յետոյ, ճանապարհւեցինք Հոռոմ: Այստեղ երբ ցանկութիւն յայտնեցի օգտւելու իմ անձնական ինքնաշարժից, Իրանի դեսպանատան գործավարը, մերժեց յանձնելու ինքնաշարժի բալանիները: Ի վերջոյ դեսպանատան հին և վստահելի պաշտօնեաներից մէկը, դրանք գաղտնաբար տւեց ինձ:

Հոռոմում ևս երկար չմնացինք: Մորդադ 30-ին, Ջահեդիի վարչապետութեան երրորդ օրը, վերադարձայ Իրան, ուր արժանացայ ժողովրդի զանազան խաւերի միահամուռ և ջերմ ընդունելութեանը: Դժւար է նկարագրել այն բնական խանդավառութիւնն ու համընդհանուր ոգևորութիւնը, որով յագեցած էր մթնոլորտն այդ օրը: Ներքուստ դա համեմատելով Մոսադեղի և Թուրքականների շինծու և կարգադրողական ովաջիաներին, սիրտս լցւում էր բերկրութեամբ ու յուզումով:

Մոսադեղի և իր գործակիցների դատավարութեամբ, մերկացւեցին նրանց երբեմնի կասկածելի գործողութիւնները:

Երբ Մոսադեղը ռազմական նախարար էր, Թուրքական սպանների թիւը զօրաբանակում չէր անցնում հարիւր հոգուց. բայց հազիւ մէկ տարի անց, նախ քան նրա վերջնական անկումը, դրանց թիւը անցաւ վեց հարիւր հոգուց: Նոյնիս Արքայական Դրանիկ գնդի հրամանատարներից մէկը, որին ի դէպ վստահում էի անչափ, դուրս եկաւ շարքային կոմունիստ...

Դատավարութեան ընթացքին նրանք խոստովանեցին, որ մտադիր են եղել Մոսադեղի ձեռքով Փեհլէի Դինաստիան ոչնչացւելուց յետոյ, պետական հարւածով վերջ տալ նրա կեանքին և ինչպէս ընդունւած է այլ երկրներում, Իրանում նմանապէս հաստատել կոմունիստական իշխանութիւն:

Սակայն Իրանի ժողովրդի բուռն հաւատարմութիւնը հանդէպ իմ անձը, խորտակել էր Թուրքականների հոգու արիւթիւնը և ջլատել էր նրանց դիմադրականութեան ոգին, մասսայական ապստամբութիւնը չէզոքացնելու ուղղութեամբ: Այսպիսով Մոսադեղի համախորհրդի վերջին ռասան ևս, (որոնց նա շատ պարզ պատճառներով մերժում էր ճանաչել պաշտօնապէս) վերջնականապէս լքում էր նրան:

Թերևս տարօրինակ ընկալւի այն ճշմարտութիւնը, որ ժողովրդի ուժեղ և շեշտած, հէնց նոյն հակասութիւնը, Մոսադեղի հանդէպ՝ փրկեց նրա կեանքը ստոյգ մահից:

Դատարանին ներկայացւած՝ Մոսադեղի և իր համախորհրդի շարագործութիւնները վկայող բազմաթիւ փաստաթղթերից բացի, անցկացւեցին նաև մանրամասն ու բծախնդիր ստուգութիւններ և հետաքրննութիւններ, որոնց ընթացքին երևան եկան կուսակցակցականների կողմից գաղտնաբար կուտակւած գէնքերի ու գինամթերքի մի քանի պահեստներ, որոնք պիտի շահագործւէին նրանց վերջնական դիտաւորութիւնների կիրարկմանը:

Ներքին և արտաքին թղթակցութիւնները

հրատարակեցին զէնքերից վերցւած նկարներ և լրագրութիւններ, որոց շնորհիւ աշխարհի և Իրանի ժողովուրդները, տեղեակ դարձան դաւադիրները գործողութիւնների մանրամասն կէտերին: Ձեռք բերեցին նաև լայն տեղեկութիւններ թուղէականների գործունէութեան մեթոդների՝ Իրանի ազգային նացիոնալիզմի բնական երթը կասեցնելու և այն դէպի իրենց գաղափարները և դէպի օտար տէրերը շեղելու մասին:

Ձերբակալեց Մոսադեղի արտաքին գործոց նախարար Հոսէյն Ֆաթեմին, որը դիմել էր փախուստի և թուղէականների օգնութեամբ թագնւած էր մնացել այստեղ ու այնտեղ՝ մօտ եօթը ամիս: Եթէ չլինէր իմ խիստ կարգադրութիւնը, ժողովուրդը նրան սպանելու էր հէնց ձերբակալութեան պահին: Հետագային դատելով՝ համաձայն դատարանի վճռին, նա դատապարտեց մահուան:

Դատաւարութեան ենթարկեցին նաև Մոսադեղն ու իր համախոհները, որոնցից շատերը դատապարտեցին բանտարկութեան, սակայն ներկայումս բոլորն անխտիր ազատ են:

Թուղէ կուսակցութեան պատկանող մի խումբ սպաներ ու հասարակ շարքայիններ, որոնք մասնակցութիւն էին ունեցել՝ դէմ տարրերի տանջանքի ու սպանութեան մէջ, արժանացան մահապատժի կամ բանտարկեցին: Իսկ շատերը, որ զոջացել էին և ի սրտէ, հաւատարմութիւն էին խոստացել հայրենիքին ու թագաւորութեան, իմ կողմից արժանացան ներումի: Ճիշտ է, այս անձինք իրաւունք չունեն գրա-

ւելու պետական պաշտօններ, սակայն կառավարութիւնը, անուղղակիօրէն օժանդակում է նրանց՝ գործի անցնելու ազատ զբաղումների մէջ: Օրինակ, նրանցից ոմանք ծառայում են Սազմանէ Բարնամէում (ծրագրումեթոքային կազմակերպութիւն), որն այնուամենայնիւ կցւած է պետական ապարատին:

Մոսադեղի և թուղէ կուսակցութեան անկումից առաջ, ազատ աշխարհը մտահոգւած էր իմ երկրի տագնապալի կացութեամբ: Այդ պատճառով երբեմն առաջ է գալիս այն հարցը, թէ արդեօ՞ք ամերիկեան և անգլիական կառավարութիւնները նիւթապէս օժանդակել են Մորդադ 28-ի ազգային և պատմական ընդվզման, թէ ոչ: Հարկաւ բոլորն իրազեկ են, որ թուղէ կուսակցութիւնը Իրանում հիմնւել էր արտասահմանեան մի տէրութեան օգնութեամբ և հրահրումով: Թերևս դա ստեղծում է այն տպաւորութիւնը, որ Մոսադեղի և թուղէականների դէմ գործող տարրերը նմանապէս համախմբւել են օտարների նիւթական օգնութիւնների շնորհիւ: Իմ երկրում շշուկները տարածւում են արագութեամբ: Օրինակ՝ ասուում էր այն մասին, որ Մորդադ 28-ի պատմական ընդվզումը կերտող հասարակ ժողովրդին տրւած է եղել մեծ գումարներով ամերիկեան դոլար (և անգլիական փառնուղ ստերլինգ):

Թէև ընդվզման օրերին ես գտնուում էի երկրից դուրս, այդուամենայնիւ, տեղեակ էի ծաւալւող իրադարձութիւնների ամենաչնչին մանրամասներին, իսկ Իրան վերադառնալուց յետոյ հանգամանօրէն հե-

տևում էի անց ու դարձերին: Չեմ հերքում, թերևս
յեզափոխութեան մարմնաւորումը արագացնելու նպա-
տակով, որոշ գումարներ է ծախսել իմ հայրենա-
կիցների միջոցով, սակայն այդ ուղղութեամբ առ-
կայ չէ որոշակի ու ճշգրիտ որևէ փաստարկ:

Այն ինչ դրսևորեցին իմ հաւատարիմ հայրե-
նակիցները յեզափոխութեան օրերին, հնարաւոր չէ
պահանջել դրամով: Մոսաղեղին և թուղէականներին
չէզոքացնելու համար մղւող մասսայական պայքարին
խթան հանդիսացան իրանցիների միասնականութեան
ոգին, հայրենասիրութիւնն ու այս երկրամասին իւ-
րայատուկ նացիոնալիզմը: Ինչպէս ասւեց հասարակ և
անզէն ժողովուրդը գրոհում էր Մոսաղեղի հրասայ-
լերի ու հրանօթների վրայ, ընդ որում գոհւում էին
նաև անմեղ կանայք ու երեխաներ: Չեմ կարող
երբեիցէ նոյնիսկ մտածել այն մասին, որ այս մար-
դիկ նիւթական ակնկալութիւններից դրդւած էին
դրսևորում այդպիսի հոյակապ հայրենասիրութիւն:
Նրանց խթանող ազդակները շատ աւելի զօրեղ էին,
բարձր ու մարդկային:

Դրանից բացի բոլոր նրանք, ովքեր շիկանում
են օտար օգնութիւնների փայլից՝ լուում են, երբ այդ
օգնութիւնները հոսում են կոմունիստական աղբիւր-
ներից և յայտնի չէ ի՞նչն է այդ կեղծիքի շարժա-
ռիթը, ո՞ւմ են ուզում այդ ձևով խաբել ու մանև-
րել...

Անցնելով գործի՝ Չահեղին անմիջապէս ձեռ-
նարկեց երկրի անկարգ վիճակի բարելաւան աշխա-

տանքներին: Այդ օրերին կառավարութիւնը իրօք
սնանկացել էր, սակայն ամերիկեան օգնութիւնների
նկատմամբ ունեցած մեր յոռետեսութիւնը Մոսա-
ղեղի անկումով, տեղի էր տւել լաւատեսութեան. հա-
մոզւած էինք, որ տւեալ դրութեամբ նրանք մենակ
չպիտի թողնեն մեզ:

1332 թւի Շահրիվար ամսին, Ամերիկայի
Միացեալ Նահանգների հանրապետութեան նախագահ՝
Էյզենհաուէր, 45 միլիոն դոլարի (ի հարկէ «Չորրորդ
Կէտ»-ի գծով տրւող օգնութիւններից բացի) անմիջա-
կան օգնութիւն տրամադրեց երկրի բիւզջէի բացը լրաց-
նելու նպատակով: Մոսաղեղի անկումից յետոյ մինչև
երեք տարի, այս դրամական օգնութիւնը շրունակ-
ւեց ամսական հինգ միլիոն դոլարով: Երկու տարով
շարունակւեց նաև «Չորրորդ Կէտ»-ի գծով տրւող
օգնութիւնները՝ Մոսաղեղի ժամանակաշրջանի մասը շ-
տաբով: Սակայն 1335 թւից յետոյ, նաւթից գոյա-
ցած եկամուտների շնորհիւ, օգնութիւնների գումարը
նւազեց մեծ չափանիշերով: Յաջորդ գլխում մանրա-
մասնօրէն խօսելու եմ ամերիկեան օգնութիւնների
և դրանց ունեցած ազդեցութիւնների մասին՝ Իրա-
նում:

Իրանի բիւզջէի անմիջապէս վիճակը անշուշտ
պիտի վերագրել Մոսաղեղի իշխանութեան ժամանա-
կաշրջանում նաւթի արդիւնաբերութեան ամուլ դը-
րութեանը: Չահեղին նաւթի արդիւնաբերութեանը
զարկ տալու նպատակով, հակառակ ծայրահեղ որոշ
տարրերի ներհակութեան, նախ քաղաքական փոխյա-

րաբերութիւններ սկսեց Անգլիոյ կառավարութեան հետ և ապա Իրանօ-անգլիական նաւթային նախկին ընկերութեան փոխարէն, միջազգային մի կոնսեր-ցիոմ ստեղծելու գծով, կառավարութիւնը մտաւ բա-նակցութիւնների մէջ: Կեանքի կոչւեց ամերիկեան, անգլիական, ֆրանսիական և հոլանդական ընկերու-թիւններից կազմւած կոնսերցիոմ, 1332 թ-ի Շահրի-վար ամսին, ստորագրւեց վաւերական վերջնագիրը, ըստ որի նաւթի երկրախուզական և պեղման աշխատանք-ները, ինչպէս նաև դրա վաճառքը ստանձնում էր կոնսերցիոմը: Յաջորդ ամսին Ազգային Խորհրդարանը վաւերացրեց համաձայնագիրը և իմ կողմից օրինա-պէս ստորագրւելուց յետոյ, յանձնւեց գործադրու-թեան, որով անմիջապէս սկսեց նաւթի արտահա-նումը: Աբազանի վիթխարի նաւթագտարանից թո-ղարկւող նաւթը սկսեց բեռնաւորւել հարաւային նա-ւահանգիստներում խարիսխ ձգած հսկայ նաւթատար նաւերի վրայ:

Նաւթի վաճառքից գոյացած եկամուտների և ամերիկեան տեխնիկական ու տնտեսական օգնու-թիւնների շնորհիւ, որոնց մասին նշեցի վերը, նորից գործադրման փուլի մէջ մտան երկրի շինարարական ծրագիրները: Սակայն դրանցից աւելի կարևորը քաղա-քական ու մտային կեանքի վերածնունդն էր: Ոչըն-չացւեց մոնոպոլիստականութիւնը և Իրանը ամենայն անկեղծութեամբ իր համակրանքի ու անվիճելի վըս-տահութեան մասին, յայտարարեց ազատ աշխարհի բո-լոր երկրներին:

Հետագային, իմ մտքում առաջացել է այն հարցը, թէ Մոսադեզն իր վարչապետութեան շրջա-նում, իրօք դրական և օգտակար ի՞նչ քայլ է վերց-րել յանուն իր հայրենակիցների շահերի: Այս հար-ցին պատասխան գտնելու համար, իսկապէս ճգնել եմ աւելին և միակ դրական գործը, որ անցել է մըտ-քովս դա հողատէրերի մասնաբաժնի մասին հրատա-րակած նրա օրէնքն էր, որի շուրջ, ի դէպ նա վա-րում էր մեծ քարոզչականութիւն: Նա սահմանել էր, որ երկրագործական արդիւնաբերութեան եկամուտ-ներից երկրագործներին հասանելիք մասնաբաժնից բացի, հողատէրերն ևս իրենց տերունական շահերի հարիւրին առ քսան տոկոսը, բաշխեն երկրագործնե-րին: Տւեալ քսան տոկոսից, տաս տոկոսը տրւում էր երկրագործներին և միւս տաս տոկոսը յատկացւում էր գիւղական վարչութիւններին, որոնք պարտաւոր էին հոգ տանել գիւղերի և երկրագործական բնակա-վայրերի շինարարական ու բարգաւաճման աշխա-տանքներին: Անհրաժեշտ է նշել, որ վերոյիշեալ օրէնքը քաղւել ու պատրաստւել էր 1325 թ-ին Ղա-ւամի վարչապետութեան շրջանում գոյութիւն ունե-ցող նման մի օրէնքի հիման վրայ: Նկատի ունենա-լով հողատէրերի և երկրագործների փոխարաբերու-թիւնների տարատեսակները Իրանում և այն, որ կնքւած պայմանները յաճախ բանաւոր էին, ակըն-յայտ էր, որ Մոսադեզի օրէնքի գործադրումը հեռու էր հեշտ լինելուց, այնպէս որ գործնականում երբեմն դրա կիրարկումը ստանում էր եպերելի ընթացք:

Դեռ աւելին. այս ձեռնարկումից առաջ, 1329 թւի Մեհր ամսին, ժամանակի վարչապետ՝ հանգուցեալ Ռազմարան «Չորրորդ Կէտ»-ի համագործակցութեամբ, կազմել էր գիւղական բարենորոգչական ծրագիր, որն ուղղակիօրէն ազդեցութիւն պիտի ունենար գիւղացիութեան կենցաղի վրայ: Պատրաստուել և գործադրութեան էր յանձնել նաև գիւղական առողջապահութեան և արգի գիւղատնտեսութեան առընչութեամբ նախագծեր: Իրականում, մինչև այժմ «Չորրորդ Կէտ»-ի կողմից վերցւած քայլերի մեծագոյն մասը հիմնւած է նախկին ծրագրերի վրայ:

Մոսաղեղի իշխանութեան սկզբից մինչև նրա անկումից որոշ ժամանակ անց՝ Իրանում «Չորրորդ Կէտ»-ի նախագահ՝ Վիլիամ Վարնը, պատմել է մի իրողութիւն, որը լաւագոյն կերպով բնորոշում է Մոսաղեղի բնութագրերը: Նրա ասութեամբ, Մոսաղեղը վարչապետութեան հասնելու հէնց առաջին օրւանից, չէր համաձայնում գիւղերի բարենորոգչութեան գծով՝ նախկին կառավարութեան և «Չորրորդ Կէտ»-ի միջև կնքւած համաձայնագրի գոյութեան հետ: Ըստ երևոյթին նա չէր փափագում այդ օգտակար ձեռնարկը վերագրւած տեսնել իր նախորդի անւան: Հետևաբար «Չորրորդ Կէտ»-ը հարկադրաբար կազմում է մի նոր ծրագիր, նախորդի բովանդակութեամբ, որը Մոսաղեղի կողմից ստորագրւելուց յետոյ, շարունակուում է գործադրւել մինչև Չահեղիի վարչապետութիւնը: Զօր. Չահեղին վերանայեց և պաշտօնապէս ճանաչեց բոլոր նախկին համաձայնա-

գրերը, որոնց թուում՝ Ռազմարայի համաձայնագիրը»:

Թերևս մտքերը խաղաղուել են այնքան, որ Աշխարհի ժողովուրդները կարողանան արգարամտօրէն դատել Մոսաղեղի գործունէութեան մասին:

Մոսաղեղն ընկել էր մի այնպիսի դրութեան մէջ, որի ծաւալն ու մեծութիւնը հեռու էր մինչև իսկ նրա երևակայութեան սահմաններից: Եթէ նա հմուտ գերասան էր և իր խաղը իւրացրած լինելով՝ կատարում էր հուժկու ձայնով ու ազդեցիկ միմիկայով, ապա չէր հասկանում իր իսկ ասածների իմաստը, յար և նման կամագուրկ մեքենայի, որ շարժուում է մղիչ ոյժի շնորհիւ, արտաբերում է որոշ ձայներ, սակայն անտեղեակ է մղիչ ոյժի ինչպիսին լինելուց:

Այս բոլորով հանդերձ, ասենք թէ Մոսաղեղը մեր երկրում վերացրեց մի ժամանակաւոր պահանջ: Համաշխարհային երկրորդ պատերազմից յետոյ, երբ օտար բռնագրաւիչները ներխուժեցին Իրան և օրւաւոր սրւեց տիրող անարխիան, ժամանակն ու դրութիւնը պահանջում էին, որ հանդէս գայ ոչ տրամաբանական և զգացմունքային մի իշխանաւոր: Զգում էի, որ երկրորդ աշխարհամարտի և Իրանի բռնագրաւման հետևանքով երկրում երևան եկած խուճապային կացութիւնը հարկադրում է Իրանի ժողովրդի ջլատւած ոգու մէջ առաջացնել նացիոնալիստական խանդավառութիւն: Քանզի այդ օրերին Իրանը զրտնրւում էր նացիոնալիզմի այն փուլի մէջ, երբ մտայնութիւնն ու սառը դատողութիւնը դեռ անհրա-

ժեշտ չեն այնքան, որքան զգացմունքները: Իրականութեան մէջ մեր երկիրը գտնուում էր հէնց այն փուլում, ինչ որ այսօր թևակոխում են որոշ երկրներ: Հետևաբար, այդ երկրներում նացիոնալիստական ներկայ վերածնունդի ինչպիսին լինելը բնորոշելու համար, բաւական է ուսումնասիրել Մոսադեղի օրօք Իրանում տիրող կացութիւնն ու իրադրութիւնները:

Թէև Մոսադեղը անվերապահօրէն ընդունեց ժամանակի բերումով իրեն վիճակւած դերը, այդուամենայնիւ հասնելով վարչապետութեան աստիճանին, չխուսափեց արտայայտչական բոլոր միջոցներից, նոյնիսկ լացից ու ուշաթափութիւնից: Երբեմն նա յայտնուում էր հանրային վայրերում ննջարանային հագուստով և յաճախ ամենաչնչին առիթով, պատրւակ բերելով տկարութիւնը, ապաւինում էր անկողնուն: Յիշում եմ մէկ օր Խորհրդարանում ճառասելիս, նա ուշաթափուեց. երբ բժիշկը հանում էր նրա հագուստները, Մոսադեղն ականայից ձեռքը տարաւ դէպի իր դրամապանակը, որով պարզեց նրա ուշաթափութեան ինչպիսի լինելը և այն, որ դա ևս լոկ մի խաղ է նրա կողմից, ընդհանուրի համակրանքը շահելու իզուր մտադրութեամբ:

Շատերի ներկայութեամբ տեղի ունցած այս դէպքը վկայում էր նրա երկերեսանութեան և անկեղծութեան պակասի մասին: Անհրաժեշտ է նշել, որ Մոսադեղը այնպէս էլ չկարողացաւ շահել, նրա մասին շիտակ ու անկեղծ տպաւորութիւն ունեցող անհատ-

ների վստահութիւնը, քանզի անկեղծութեան պակասը անհատին դրսևորում է որպէս անտարբեր ու անվրստահելի տարր: Բոլոր նրանք, ովքեր ինձ պէս մօտիկիք են ճանչում նրան, ցաւով պիտի յիշեն մի անհատի մասին, որը ոչ միայն զուրկ էր առնականութիւնից, մտային ու բարոյական հաստատակամութիւնից և անհատականութիւնից, այլև նրա բնութագծերի բնորոշ կողմերն էին կազմում՝ յոռետեսութիւնը, խորամանկութիւնն ու եսապաշտութիւնը:

Ճիշտ է նա իր կեանքի վաղ ժամանակներում մոռանալով անձնական շահը, որոշ ծառայութիւններ էր մատուցել և ապա իր բացասական կողմնորոշմամբ հրահրել էր ժողովրդի զգացմունքները ընդդէմ օտարների, որով օգտակար էր եղել իր հայրենիքին, սակայն զարմանալին այն է, որ վարչապետ դառնալու օրւանից իսպառ վերացաւ նրա «օգտակարութիւնը»:

Իւրաքանչիւր երկրում, եթէ կառավարութեան պարագլուխը փափագում է իր ազդեցութիւնը տարածւած անսնել ժողովրդի վրայ, ստիպւած է որդեգրելու դրական ընթացք: Բայց Մոսադեղը զուցէ և անկախ իրենից, դաւաճանեց իր ժողովրդին. քանզի լուսավառ ապագայի խոստումներով երկար ժամանակ զբաղեցրեց ժողովրդին և երբէք չկատարեց իր խոստումները: Ժողովուրդը զգաց, որ սոսկ խոստումներով հնարաւոր չէ լցնել իր և իր զաւակի ստամոքսը: Դեռ աւելին. պարզ դարձաւ այն դառն իրականութիւնը, որ սխալ քաղաքականութիւնների հետևանքով, աչքի ա-

առջ ձեռքից գնում է սիրելի հայրենիքը: Դա էր, որ նոյն հասարակ ժողովուրդը ընդվզելով նրա դէմ՝ վերջ տւեց նրա իշխանութեանը:

Երբ Մոսաղեղը վարչապէտ էր, այլ երկրներէ պարագլուխները՝ իմա նրա կոլեգաները, լաւագոյն կերպով շահագործում էին նաւթից գոյացած եկամուտները ի խնդիր երկրի բարենորոգչութեան ու բարօրութեանը: Սակայն Մոսաղեղը շնորհիւ իր բնածին յամառութեան, չկատարեց և ոչ մէկ նպաստաւոր աշխատանք: Դրանից առաջ, էլ բոլորը զգացել էին, որ նրա փառասիրական ձգտումները պիտի վերջանան ի վնաս երկրի և ազնիւ աշխատաւորներին:

Մոսաղեղից յետոյ, նաւթի խնդրում կայացած համաձայնութիւնը, լիովին համընկնում էր նաւթի ազգայնացման պրոցեսին:

Թէև Մոսաղեղի կողմնակիցներից ոմանք հերքում էին այս իրողութիւնը, սակայն անժխտելի է, որ մեր համաձայնագիրը կոնսերցիոմի հետ, հիմնւած էր զեռ Մոսաղեղի իշխանութիւնից առաջ գոյգ խորհրդարանների վաւերացումից և իմ ստորագրութիւնից անցած, հէնց նոյն նաւթի ազգայնացման օրէնքի վրայ:

Դրանից յետոյ կնքւեցին նոր պայմանագրեր, որոնք նոր դարագլուխներ բացեցին նաւթարդիւնաբերող և սպառող երկրների յարաբերութիւնների մէջ: Ինչպէս ասւեց, յաջորդ գլխում մանրամասնօրէն խօսուելու է դրանց մասին:

Ոյժն ու կարողութիւնը մարդուս զնում են

փորձութեան անօթի մէջ: Ոմանք հասնելով ոյժի և ընկալելով նոր իրադրութեան բարոյական ողջ պատասխանատուութիւնը, աւելի ևս մեծանում են ու վսեմանում: Ոմանք ընդհակառակը, ոյժի հետեանքով աւելի նւաստանում են ու փոքրանում: Արդ, երբ խօսում ենք Մոսաղեղին վիճակւած ոյժի և հնարաւորութիւնների արդիւնքների մասին, գալիս ենք այն եզրակացութեան, որ նա փոքրացած ու նւաստացած զուրս եկաւ փորձանօթի միջից:

Սխալներ լինում են ամեն մի երկրի պատմութեան մէջ, հետեաբար եթէ խորհելու լինենք այն մասին, որ Մոսաղեղի իշխանութեան գառն փորձը մեզ ցոյց է տւել երկիրը կառավարելու ճշմարիտ ուղին, ապա հարկ է շեշտել, որ տւեալ փորձը ապարդիւն չի անցել:

Իմ երկրի ժողովուրդը ամեն տարի, Մորդադ 28-ին, տօնում է Մոսաղեղի անկման, բռնագրաւիչ ոյժերի պարտութեան և այն պանծալի օրը, երբ մօտ էր մարելու մեր դարաւոր ազատութեան ու անկախութեան կերոնը: Ի սրտէ ցանկանում եմ, որ երբէք չմոռանանք այդ նշանակալից օրւայ դէպքերի բերումով պատմութեան աւանդած մեծագոյն դասը:

Ձ. Մ Ա Ս

ԻՄ ԴՐԱԿԱՆ ՆԱՑԻՈՆԱԼԻԶՄԸ

Մոսադեղի անկումից և մասնաւորաբար 1335 թւից յետոյ, երբ այցելեցի Մոսկւա, Ռուսաստանի կիրարկած քաղաքականութիւնը իմ երկրի հանդէպ, ժամանակաւորապէս գոհացուցիչ էր: Բայց 1337 թւից ի վեր, երևան եկան մի շարք շարունակական տարաձայնութիւններ, և այսու երբ գրւում է այս գիրքը, յուսով եմ, որ Միաւորւած Ազգերի Կազմակերպութեան կանոնադրութեան ոգու և համաշխարհային կարծիքի ազդեցութեան շնորհիւ, հարթւեն բոլոր տարաձայնութիւնները:

Երկրորդ մեծ պետութիւն՝ Բրիտանիայի քաղաքականութիւնը, որ անցեալում յատկորոշում էր մեր ներքին խնդիրներում ունեցած միջամտութիւններով, 1333 թւից այս կողմ, եղել է ճիշտ և տանելի:

Մեր ներկայ պատմութեան վերջին յիսուն կամ

վաթսուհի տարիների ընթացքին, վերոյիշեալ երկու մեծ պետութիւնների իմպերիալիստական գործունէութիւնը բազմաթիւ դժարութիւններ ու արգելքներ է յարուցել իրանցիներէս համար: Սակայն իրական և ոչ իրական նացիոնալիզմի իմաստըն ըմբռնելու ուղղութեամբ, մեզ տեւել է միաժամանակ անգնահատելի դաս: Մեր ժողովրդի լուսամիտ զանգուածները հիմա դիւրին են գատորոշում իսկական և անբասիր հայրենասէրներին՝ նրանցից, ովքեր առերեսաբար իրենց դրսևորում են որպէս հայրենասէրներ: Ըստ իս, արդէն իսկ բացայայտել է իմպերիալիստական դիւանագիտութեան ինչպիսին լինելը, դրա դէմ պայքարելու և ընդդիմանալու ուղին:

Անցնող դուրիների մէջ յապաւումներով խօսուել է Անգլիոյ և Ռուսիոյ առևտրական ու քաղաքաներթափանցումների հետևանքների և այն մասին, թէ ինչպէս հայրս կտրուկ և ազդեցիկ միջոցառումներով զսպեց օտարների ազդեցիւ գործողութիւնները մեր ներքին խնդիրներից ներս:

Իրականում, հայրս գործնականապէս փաստեց, որ օտար ներթափանցումների և օր աւուր աճող միջամտութիւնների գլխաւոր և էական շարժառիթը ոչ այլ ինչ էր, եթէ ոչ թերացումը իրանցիների, որոնք ընկնելով օտարների կողմից նիւթաձ գաւերի ու ազդեցութեան տակ, ակամայից օժանդակում էին օտար իշխանութիւնների աստիճանական հզօրացմանը Իրանում: Նա լաւագոյնս ապացուցեց, որ եթէ ամուր ու հաստատուն լինի Իրանի ժողովրդի կամքը, ապա

և ոչ մէկ գործօն ի վիճակի չպիտի լինի հարկադրուել նրան, կատարել իր ցանկութիւններին ու շահերին հակառակ որևէ գործ:

Անգլիայի քաղաքական, զինուորական և տնտեսական իմպերիալիզմի առաջին փուլը, գործնականապէս չեղոքացուեց 1297 թւի պայմանագրի լուծարքով: Այնուհետև ինչպէս Անգլիայի, այնպէս էլ այլ երկրների պետութիւնները, կարճ ժամանակով կառչեցին կապիտուլասիոնից և շահագործեցին նախապէս ապահոված առևտրական բոլոր մենաշնորհները: Սակայն ի վերջոյ, հայրս լուծարքի ենթարկեց կապիտուլասիոնը, չեղեալ յայտարարեց բոլոր մենաշնորհները և կամ դրանք թոյլատրեց՝ լոկ Իրանի կառավարութեան խիստ հսկողութեամբ:

Երկրորդ համաշխարհային պատերազմի ընթացքին, անգլիացիները նորից միջամտեցին մեր ներքին խնդիրներին, սակայն 1321 թւի եռակողմանի պայմանագրի համաձայն, Անգլիայի զինուորական ոյժերը, որոշեալ ժամկէտին հեռացան Իրանից, որով աւարտուեցին յիշեալ պետութեան ուղղակի միջամտութիւնները և եթէ դեռևս գոյութիւն ունէին անուղղակի միջամտութիւններ, ապա դրանք բոլորն էլ աւուրչուում էին նաւթի խնդրին, կամ դրանից բղխող քաղաքական ու տնտեսական բնոյթներին: Ինչպէս ասուել է նախապէս, հայրս 1312 թւին նոր պայմանագիր կնքեց Իրանօ-բրիտանական նաւթային նախկին ընկերութեան հետ, որի բերմամբ Իրանը նաւթում ձեռք բերեց աւելի մեծ շահեր և լաւ վե-

րահսկողութեան իրաւունք: 1330 թւին, նաւթի ազգայնացման օրէնքի շնորհիւ, է՛լ աւելի ամրապնդւեց ու հզօրացաւ Իրանի պետութեան՝ նաւթարդիւնաբերութեան խնդրի վրայ ունեցած իշխանութիւնը:

Իրադրութիւնների հակասական բնոյթներից կարելի է թւել Մոսաղեղի դիւանագիտական այն պրոցէսը, որ նրա բացասական քաղաքականութեան և օտարների դէմ արտասանած խստաշունչ ճառերով հանդերձ, հետզհետէ աւելացաւ անգլիացիների ազդեցութիւնը Իրանում: Դրա շարժառիթը կայանում էր նրանում, որ Մոսաղեղի բացասական քաղաքականութիւնը գործի նախաձեռնութիւնը ընձեռեց անգլիացիներին, հակառակ այն հանգամանքի, որ իր իշխանութեան առաջին իսկ օրւանից մինչև իր անկումը, նրա դիւանագիտութիւնը սահմանափակում էր անգլիացիների առաջարկներին կտրուկ մերժումներ տալու ուղեգծով:

Մոսաղեղը իրօք նման էր սկսնակ բռնցքամարտիկի, որ վախից մղւած, կոյր և աննպատակ հարւածներ է տեղում իր հակառակորդի վրայ և բացարձակապէս անկարող է շահագործելու նախաձեռնութեան ոյժը, որը միակ ազդակն է առաւելութեան ու յաղթանակի:

Այսպիսով անգլիացիները կամայ թէ ակամայ Մոսաղեղին հարկադրել էին ինչ-որ բուռն ոգեւորութեամբ, լոկ հակազդել նրանց կողմից ծրագրւած գործողութիւններին:

Այդուամենայնիւ, Մոսաղեղի քաղաքականու-

թեան ինչպիսի լինելը բացայայտելուց և նրա վերջնական փլուզումից յետոյ, ստորագրւեց 1333 թւի նաւթի համաձայնագիրը, որը նոր դարագլուխ բացեց Իրանի և Անգլիոյ յարաբերութիւնների մէջ: Իրանի կառավարութեան ձեռք բերած լայն իրաւասութիւններից բացի, տւեալ պայմանագիրը նշանակալից էր նաև նրանով, որ ընդմիշտ վերացաւ անգլիացիների միահեծան տիրապետութիւնը Իրանի նաւթարդիւնաբերութեան մէջ: Այլևս, մասնաւոր մեծ ընկերութիւնների կամ անգլիական կառավարութեան հովանաւորութեան ներքոյ գործող ընկերութիւնների համար, նոյնիսկ հնարաւորութիւն չէր ընձեռնուում փայտիայելու մեր էկոնոմիկայի խոշորագոյն մասի վրայ բացարձակ իշխանութիւն ունենալու երազանքը: Յիշեալ պայմանագիրը իր մէջ պարփակում է այն ճշմարտացի խորհուրդը, որ այսուհետև Իրանը և Անգլիան համահաւասար իրաւունքներով են առևտուր անելու իրար հետ և աւելի հարթ է լինելու երկու երկրների խաղաղ համակեցութեան և բարեկամական յարաբերութիւնների ընդլայնման ուղին:

Թերևս որոշ իրադարձութիւնների հետևանքով, որոնց կանխատեսումը թւում է անհնարին, դարձեալ տարաձայնութիւններ ծագեն իմ և բրիտանական պետութիւնների միջև, սակայն եթէ առկայ լինի համահաւասարութեան հիմունքների վրայ կառուցւած իրատես և ճշմարիտ մի քաղաքականութիւն, այլապատճառ չեմ տեսնում մթազնւած տեսնել երկու երկրների յարաբերութիւնների մըթ-

նորոտը:

Երկար տարիներից ի վեր, մենք բարեկամական յարաբերութիւններ ենք ունեցել Ֆրանսիայի հետ: Ֆրանսիական կառավարութիւնը, ոչ միայն գաղութատիրական ձգտումներ չի գրսւորել մեր նկատմամբ, այլև մեծ մասնակցութիւն է ունեցել մեր մշակոյթի և տնտեսութեան վերելքի միջ: Իրանի մտաւորականութեան մեծագոյն մասը լոյս ու գիտութիւն է ուսանել Ֆրանսիայում և մեր գիտնականներից շատերը տիրապետում են ֆրանսերէն լեզւին: Իրանում հրատարակում է ֆրանսերէն լեզուով օրաթերթ: Ֆրանսերէն գրքերով ու հրատարակութիւններով լեցուն են մեր գրագարանները: Թեհրանում գործում է Իրանօ-Ֆրանսիական մշակութային կապի կազմակերպութիւնը, որի գործունէթեան նպատակն է Իրանի ժողովրդին մօտիկից ծանօթացնել Ֆրանսիայի փայլուն կուլտուրայի հետ: 1338 թւին Թեհրանում բացւեց Ֆրանսիայի գիտական ու տեխնիկական ցուցահանդէսը. հետագային ցուցահանդէսի գիտական սարքաւորումների մեծ տոկոսը նւիրւեց Թեհրանի համալսարանին: Ֆրանսիացի ճարտարագէտներն ու պայմանագրական ընկերութիւններն ևս շօշափելի յաջողութիւններ արձանագրեցին Իրանում. նրանք ժամկէտից շուտ աւարտեցին ու յանձնեցին մեր կողմից առաջարկւած շինարարական բոլոր նախագծերը:

Մենք մշակութային և բարեկամական յարաբերութիւններ ունենք նաև ազատ աշխարհի շատ

երկրների հետ: Ամերիկեան տեխնիկական օգնութիւնների մասին կը խօսւի իր հերթին, իսկ յաջորդ գլխում նկարագրւելու է իտալական ընկերութիւնների Իրանի նաւթարդիւնաբերութեան մէջ ունեցած մասնակցութեան ինչպիսին լինելու մասին: 1337 թւին իտալացիները Թեհրանում բացեցին իրենց ազգային ճարտարարւեստի ցուցահանդէսը: Նոյն թւին ես պաշտօնապէս այցելեցի Իտալիա:

Յարատւօրէն զարգանում են մեր առևտրական յարաբերութիւնները՝ Ամերիկայի Միացեալ Նահանգների, Իտալիայի, Անգլիայի, Շւեյցարիայի և այլ շատ երկրների հետ: Սակայն բարդ ու խրթին են եղել մեր յարաբերութիւնները Խորհրդային Ռուսիայի հետ: Երբ 1917 թւին սկսեց Ռուսաստանի յեղափոխութիւնը, ժողովրդի լայն խաւերի մէջ առաջացաւ այն համոզումը, որ վերջացել է Ռուսաստանի իմպերիալիստական ժամանակաշրջանը: Իրանը եղաւ առաջին երկիրը, որ պաշտօնապէս ճանաչեց Խորհրդային ռեժիմը: Լենինը յայտարարել էր, որ բոլոր փոքր պետութիւնները պէտք է լինեն լիովին ազատ ու անկախ: 1921 թւին Իրանի և Ռուսաստանի միջև կնքւած բարեկամական պայմանագիրը եթէ առերեւոյթաբար վարկաւորում էր յիշեալ խօսքը, ապա տեսանք ինչպէս մեր յոյսն ու երազանքը տեղի տւեց յուսահատութեան:

Տարիներ շարունակ մեր երկրի վրայ աչք ունեցած ուսների հետ հարևան լինելու հանգամանքը, նպաստաւոր ասպարէզ էր Խորհրդային Ռուսիայի

համար իրենց տակտիկան ու գործելակերպը փորձելու մեր հողային տարածութիւններում: Ինչպէս ասւեց 1920 թւից ի վեր բանակցութիւններ էին գնում Իրանի և Ռուսաստանի միջև բարեկամական և առևտրական պայմանագրեր կնքելու ուղղութեամբ, մինչև հօրս պետական հարածից մէկ տարի անց, երբ ստորագրւեց յիշեալ պայմանագիրը: Մեր բարեկամական խորհրդակցութիւնները յուսատու ընթացքի մէջ եղած օրերին, մի զարմանալի ազրեսիա կազմակերպւեց ռուսների կողմից: Իրանցի ապստամբ և վտարանդի՝ Միրզա Քուչէք Պանէ Չանգալիին հովանաւորելու պատրակով, ռուսները գինւորական ոյժ իջեցրին Անգալի նաւահանգստում, (որը հետագային հօրս կարգադրութեամբ անւանւեց Բանդար-Փահլաւի): Յիշեալ ապստամբը նրանց օգնութեամբ մեր երկրի մէջ կազմեց մի բացարձակ պետութիւն, Պորհրդային Գիլանի հանրապետութիւն անւան տակ:

Սա կոմունիստական իմպերիալիզմի առաջին փորձարկումն էր մեր հողային ամբողջականութեան դէմ: Ապարդիւն անցան տեւալ խնդրի համար տւած մեր բողոքները: Այնուամենայնիւ, հակառակ այս ամօթալի իրողութեան, մենք շարունակեցինք բանակցութիւնները բարեկամական պայմանագիր կնքելու ուղղութեամբ: Պայմանագիրն ստորագրւելուց անմիջապէս յետոյ, ռուսները մերժեցին հովանաւորել Միրզա Քուչէք Պանին և հետևաբար հայրս առանց դժւարութեան ջախջախեց ու պարտութեան մատնեց Միրզա Քուչէք Պանին, որով ամուլ մնաց Պորհրդա-

յին Ռուսիայի ճիգը՝ մեր երկրի շրջաններից մէկը գրաւելու խնդրում:

Կոմունիստների բնորոշ կողմերից մէկն այն է, որ անմիջապէս ընկալում են իրենց կիրարկած սխալ քաղաքականութիւնը կամ անյաջող գործելակերպը: Թերևս դա էր, որ նախ Ղենինը և յետոյ Ստալինը հասան այն եզրակացութեան, որ Գիլանի հանրապետութեան հիմնումը եթէ ոչ տղայական՝ հէնց այնպէս փորձարկւած մի քայլ է: Նրանց մօտեցումով աւելի ճիշտ պիտի լինէր շահեր ապահովել բարեկամական և առևտրական պայմանագրի կնքումով: Հետևաբար, հօրս իշխանութեան օրօք, ռուսները երբէք չշեղեցին պայմանագրի կէտերից, ըստ որում երբէք բացարձակօրէն չտոնակոխեցին մեր հողային տարածութիւնները:

Քսանհիինգ տարի յետոյ, համաշխարհային երկրորդ պատերազմի ընթացքին կրկնւեց նոյն փորձարկումը: Այս անգամ ռուսները յոյս գնելով թուզէ կուսակցութեան քայքայիչ գործունէութեան վրայ, որը պիտի խախտէր մեր ազգայնականութիւնն ու ցեղային տւեալները, նորից խուժեցին մեր երկիրը: 1324 թւին ռուսների հովանաւորութեամբ մեր հայրենի հողի վրայ կազմւեց երկու ինքնիշխան պետութիւն: Մէկը՝ Քիւրդիստանի հանրապետութիւնը, որի կենտրոնը դարձաւ Մահաբադ քաղաքը, ուր խմբւել էին Իրանի հիւսիս-արևմտեան շրջանի քիւրդերը և երկրորդը՝ Ատրպատականի ինքնագլուխ պետութիւնը, ռուսների հարևանութեան մէջ: 1324 թւի Ագար

ամսին յիշեալ պետութիւնները յայտարարեցին իրենց կազմաւորման մասին և մէկ տարի անց դատապարտուեցին չգոյութեան ու ոչնչացման...: Այնուամենայնիւ, նրանց կազմաւորման և ոչնչացման միջեւ ընկած կարճ ժամանակաշրջանը համարոււմ է Իրանի ներկայ պատմութեան ամենատագնապալի, կարևոր և վտանգաւոր շրջաններից մէկը, որի ընթացքին սակայն օգտակար տեղեկութիւններ քաղեցինք կոմունիստների դիւանագիտական տակտիկայի մասին:

Այն, ինչ նրանք յորջորջել էին քիւրդերի հանրապետութիւն՝ կապոււմ էր քիւրդ ցեղերի ազգային ընդվզումին, որը հրահրել էր անգլիացիների կողմից Ա. Աշխարհամարտին և կենսագործել ռուսների կողմից Բ. Աշխարհամարտի ընթացքին: Քիւրդերը բնակոււմ են թէ Իրանում և թէ հարևան երկրներում. նրանք լեզուով և ցեղայնականութեամբ բնիկ և զուտ իրանցիներ են: Ռուսները թափանցելով քիւրդերի մէջ փայփայում էին Իրանի հիւսիս - արևմտեան շրջանները գրաւելու յոյսը: Հարկաւ, Քիւրդիստանի Հանրապետութեան հիմնումը նրանց նպատակների իրագործման ազդակներից մէկն էր: Ռուսիան յոյս ունէր նաև, որ հետագային աւելի ընդլայնելով յիշեալ պետութեան սահմանները, դրան կցեն թիւրքիայում և Իրաքում բնակւող քիւրդերին: Որով ճանապարհ պիտի բացւէր դէպի արաբական և աֆրիկեան երկրները:

Քիւրդիստանի ապստամբները հրապարակօրէն մերժեցին ընդունել Իրանի կենտրոնական կառավա-

րութեան հրահանգները և ենթարկեցի դրսից տրւող կարգադրութիւններին: Խորհրդային կառավարութեան հովանաւորութեամբ և ուղղութիւններով հիմնւեց իշխանութեան ապարատ և կառավարչական սիստեմ: Թէև քիւրդ ցեղերի մեծամասնութիւնը կասկածանքով ու թերահաւատութեամբ էին լցւած նոր իշխանութեան հանդէպ, սակայն օտար ոյժերի առկայութիւնը զսպում էր նրանց զգացումները, որոնք ի վերջոյ ազատօրէն հանդէս եկան կենտրոնական կառավարութեան օգտին՝ տւեալ շրջանները ազատագրելու օրերին:

Սակայն Ատրպատականի տագնապի վերջնական լուծումը՝ այն է Խորհրդային Ռուսիայի արբանեակ պետութեան լիկւիդացումը մեզ համար շատ աւելի անհրաժեշտ և միաժամանակ դժւար էր:

Ինչպէս ասւեց, խորհրդային կառավարութիւնը, որը մէկն էր եռակողմանի դաշնագրի ստորագրողներից, հաւաստիացրել և խոստացել էր, որ պատերազմի աւարտելուց վեց ամիս անց իր ոյժերը յետ պիտի կանչի Իրանի տերիտորիայից: Աւելին, Թեհրանի Յայտագրի մէջ, որի մէկ մասը արտագրել եմ նախորդ գլխում, նշել էր թէ, Ամերիկայի Միացեալ Նահանգների, Ռուսիայի և Անգլիոյ պետութիւնները խոստանում են յարգել Իրանի անկախութիւնն ու հողային ամբողջականութիւնը: Ըստ իս Իրանի բովանդակ ժողովուրդը համոզւած էր, որ Ստալինը հաւատարիմ կը մնայ Յայտագրի կէտերին և իր խոստմանը: 1324 թւի Խորդադ ամսոյ 11-ը վեցամսեալ

ժամկետի վերջին օրն էր: Սպասուում էր՝ այդ օրւայ մէջ Իրանը վերջնականապէս պարպւի դաշնակից ոյժերից: յիրաւի ամերիկեան և անգլիական ոյժերը արդէն թողել էին Իրանը: Սակայն մեծ զարմանքով և երկմտանքով տեսանք, որ Ստալինը ոչ միայն հաւատարիմ չի մնացել իր խոստմանը, այլ նաև բռնել է դիւանագիտական մի այնպիսի ուղի, որը տառացիօրէն ցնցել է ազատ աշխարհը:

1324 թւի Մորդագ ամսին, թուրէ կուսակցութեան գործոնները խռովութեամբ և բռնութեամբ գրաւեցին Ատրպատականի կենտրոնը հանդիսացող Թաւրիզ քաղաքի պետական կալւածներից մի քանիսը, ընդ որում խորհրդային ոյժերը բանտարկեցին տեղական զինւորութեան:

Մեր կողմից Ատրպատական առաքւած օգնական ոյժերը Թաւրիզից չորս հարիւր կիլոմետրի վրայ՝ Ղազինում հանդիպեցին Կարմիր բանակի լուրջ դիւմագորութեան, որով կասեցւեց նրանց յառաջխաղացումը դէպի Թաւրիզ:

Նորից կազմակերպւեց թուրէ կուսակցութիւնը և իրեն անւանելով դեմոկրատ կուսակցութիւն Աբան ամսւայ ընթացքին լիովին տիրացաւ Ատրպատական շրջանին: Կազմւեց խորհրդարան, որն Ազար 21-ին յայտարարեց Ատրպատականի ինքիշխան հանրապետութեան կազմաւորումը: Նոյն խորհրդարանը Ատրպատականի ինքնիշխան հանրապետութեան կառավարութեան նախարարապետ նշանակեց կոմունիստների գործոններից և երկար ժամանակ Խորհրդային Միու-

թեան մէջ բնակւած Ջաֆար Փիշաւարի անուսով մէկին: Խորհրդային զինւորութեան, գէնքի ու պարենի օգնութեամբ նա կազմեց յեղափոխական մի իշխանութիւն: որն իրականութեան մէջ ոչ այլ ինչ էր, եթէ ոչ սարսափի և տերորի կազմակերպութիւն:

Ելնելով այն հանգամանքից, որ ռուսները կասեցրել էին Ատրպատականի խառնակ դրութիւնը դրբաստելու գծով մեր կողմից առաքւած ոյժերի յառաջխաղացումը և դրանով բացարձակապէս ոտնահարել էին մեր երկրի հողային ամբողջականութիւնը, խստաշունչ բողոքագրեր ուղարկւեց Մոսկւա ինչպէս մեր, այնպէս էլ Ամերիկայի Միացեալ Նահանգների և Անգլիայի կողմից: 1324 թւին Մոսկւայում կայացած Արտաքին Գործոց նախարարների ժողովին արծարծւեց տւեալ խնդիրը և այլ բողոքագիր ներկայացւեց նաև Միաւորւած Ազգերի Կազմակերպութեան Ապահովութեան Խորհրդին, որը հիմնւել էր հէնց այդ օրերին: Դա առաջին բողոքագիրն էր, որ ներկայացւել էր ասւած Խորհրդին: Այնուամենայնիւ ռուսները անտարբեր էին, սակայն չգիտէին, որ ուրիշները անկարևոր չեն համարում Ատրպատականի հարցը:

1324 թւի Էսֆանդ 12-ի երեկոյեան, խորհրդային ոյժերը դուրս գալով Թաւրիզից՝ դէպի ռուսական սահմանը ուղղութիւն վերցնելու փոխարէն, երեք շաբաթիւներով շարժւեցին դէպի Թեհրան, Իրաքի և Թիւրքիայի սահմանագծերը: Յաջորդ շաբաթների ընթացքին Ռուսիայից դէպի Իրան ուղղւեցին հարիւրաւոր տանկեր, պահեստի և հետեակ միաւորներ:

Սրանք ևս յիշած երեք ճանապարհներով հետևեցին նախորդ ոյժերին: Ռուսական մի այլ զօրաբանակ ևս դիրքաւորւեց Թիւրքիայի եւրոպական սահմանագծի երկարութեամբ: Սկսեց դիւանագիտական և պրոպագանդային ծաւալուն գործունէութիւն, որը հետապընդում էր Թիւրքիային ահաբեկելու նպատակը:

Տւեալ դրութեամբ, Իրանի վարչապետ Ղաւամը խոստացաւ ռուսներին, որ խորհրդային ոյժերը Իրանից յետ կանչելու պարագային, կարժանանան մի շարք մենաշնորհների: Գրանց թուում նա խօսք տւեց՝ Իրանի Ազգային Խորհրդարանից պահանջել վաւերացնելու Իրանի և Ռուսաստանի նաւթային միատեղ ընկերութեան կազմակերպումը (մասնաբաժինների յիսունևմէկ տոկոսը պիտի պատկանէր ռուսներին), որը պիտի ստանձնէր Իրանի հիւսիսային շրջանի նաւթի հետազօտման և արդիւնաւորման իրաւունքը: Իր կաբինետում տեղ տալ թուղէ կուսակցութեան անդամներից երեք հոգու, պաշտօնապէս ճանաչել Ատրպատականի հանրապետութիւնը և Միւսուրուած Ազգերի Կազմակերպութիւնից յետ վերցնել Իրանի կողմից տրւած բողոքագիրը:

Ներկայիս պալատական նախարար պրն. Ալան, որ այն ժամանակ Շահենշահական պետութեան լիազօր ղեսպանն էր Ուաշինգթոնում և միաժամանակ Իրանի ներկայացուցիչն էր Միւսուրուած Ազգերի Կազմակերպութեան Ապահովութեան Խորհրդում, վճռեց չանսալ վարչապետի կարգադրութիւններին և հրաժարել Ապահովութեան Խորհրդից յետ վերցնելու

Իրանի բողոքագիրը: Նա տեղեակ էր, որ ես անձնապէս համաձայն չեմ եղել Իրանի բողոքը Ապահովութեան Խորհրդից յետ վերցնելու խնդրի հետ և Ղաւամն էլ ռուսների ճնշման հետևանքով է կայացրել այդ որոշումը:

Ապահովութեան Խորհրդի առաջին նստաշրջանի ընթացքին, որ տեղի ունեցաւ Մարտ 21-ին, պրն. Ալան ազդեցիկ և յուզիչ մի ճառով, որը ամենազեղեցիկ ճառն է համարւել Ապահովութեան Խորհրդի պատմութեան մէջ, արժարծեց Իրանի բողոքը:

Հինգ օր անց, Ապահովութեան Խորհրդի յաջորդ նիստերի ընթացքին, ներկաների զարմանքի մէջ խորհրդային պատւիրակ պրն. Գրոմիկոն յայտարարեց, որ հինգից վեց շաբաթւայ ընթացքում խորհրդային ոյժերը պիտի թողնեն Իրանի տերիտորիան:

Վերջապէս Օրդիբեհէշտ ամսոյ 19-ին, խորհրդային զինւած ոյժերը հեռացան Իրանից:

Այս օրերին, Ղաւամը հանդէս եկաւ ինչ-որ տարօրինակ և արտասովոր գործելակերպով: Թուում էր, թէ նա ընկել է ռուսների ազդեցութեան ներքոյ և ի հետևանս դրա, մի օր ինձ առաջարկեց, որ բոլոր խնդիրների մասին որոշում կայացնողը լինեմ կամ ես, և կամ նրան ազատ թողնեմ երկիրը կառավարելու աշխատանքի մէջ: Հարկաւ նրա բուն նպատակը վերջինն էր: Սակայն ժողովուրդը այնքան էլ գոհ չէր նրա միապաղաղ և կենսակցական մեղմ քաղաքականութիւնից, և միաժամանակ Իրանի հարաւային

ընդհանրի ցեղերը աստիճանաբար գլուխ բարձրաց-
նելով պահանջում էին թուրքական նախարարների ան-
յապաղ արտաքսումը:

Ղաւամը որոշել էր վերստին ծառայութեան
կանչել այն բոլոր դաւաճան սպաներին, որոնք փախ-
չելով Իրանի զօրաբանակից, միացել էին Փիշաւարիի
ջոկատներին և աւելին զօրաբանակի մէջ մտցնել Փի-
շաւարիի օրօք աստիճան ստացած զինուորականներին:
Նա ընկնելով իմ ոտքը թախանձեց, որ տամ իմ հա-
մաձայնութիւնը, սակայն ես հաւաստիացրի, որ նախ-
ընտրում եմ կտրել տալ ձեռքս, որպէսզի շտորագը-
րեմ նման մի գործ: Ղաւամը միամտօրէն հակաձ
էր կարծելու, որ նման բարեխորհուրդ քայլով պիտի
պահպանի թէ իր գրաւած պաշտօնը և թէ Իրանի ամ-
բողջականութիւնը: Տւեալ շարժառիթներից ելնելով
կանչեցի նրան և հրամայեցի լուծարքի ենթարկել պե-
տական կաբինետը և անմիջապէս կազմել նորը՝ զերծ
թուրքական տարրերից: Հրատարակեցի նաև նոր ընտ-
րութիւնների հրովարտակը: Դա ընդգրկելով Իրանի
ողջ տերիտորիան, որոշակիօրէն ակնարկում էր նաև
Ատրպատականի մասին, որն անշուշտ դուրեկան չէր
կարող համարել Ատրպատականի ինքնագլուխ իշխա-
նութեանը:

Ռուսներն իրենց հերթին ընկել էին դժւար
կացութեան մէջ: Նրանք մի կողմից ցանկանում էին
պաշտպանել իրենց արբանեակ պետութեան շահերը և
միւս կողմից ճգնում էին նախ զձով բարեկամա-
կան յարաբերութիւններ ունենալ Թեհրանի հետ:

Այս ճակատագրական պահերին անսալով խըղ-
ճիս ձայնին հրամայեցի զինուորական ոյժ փոխադրել
Ատրպատական և անյապաղ ճնշել ապստամբներին:
Միաժամանակ անձամբ օգնաւով պտտեցի ապրս-
տամբների ամբողջիւնների վրայ, որպէսզի տեղեակ
լինեմ նրանց ոյժերի դասաւորման մասին: Ռուսները
հիմնականում հրաժարուեցին օժանդակելու իրենց ար-
բանեակ պետութեանը և 1325 թւի Ազար 21-ին մեր
ուժերը յաղթականօրէն մուտք գործեցին Թաւրիզ
քաղաքը:

Սորտակեց ապստամբների իշխանութիւնը,
իսկ ապստամբ ղեկավարներն ու մեծերը դիմեցին
փախուստի՝ ապաւինելով Ռուսիայի ապաստանու-
թեանը:

Թաւրիզի և Ռեզայիէի ազատասէր բնակչու-
թիւնը, որ հռչակած են մեր հայրենիքի պատմու-
թեան մէջ իրենց ազատատենչ ոգով, իրականում քիչ
դեր չունեցան Ատրպատականի խամաճիկ Հանրապե-
տութեան անկման խնդրում: Երկու քաղաքի բնակ-
չութիւնը հերոսաբար ոչնչացրին մեծ թւով կոմու-
նիստ զինուորների և եթէ չլինէր Իրանի զինւած
ոյժերի միջամտութիւնը, նրանք պիտի թափանցէին
բանտերը և մահւան դատապարտէին ձերբակալւած
կոմունիստներին: Նոյն օրերին Իրանի զօրաբանակը
քիւրդ ցեղերի օգնութեամբ չէզոքացրին նաև Քիւր-
դիստանի խամաճիկ իշխանութիւնը:

Երբէք չեմ կարող մոռանալ այդ արկածներով
յղի օրերին պատահած մի դիպած:

Մի օր Խորհրդային Միութեան լիազօր դեսպանը անյապաղ տեսակցութիւն խնդրեց և ես ընդունեցի նրան: Տեսակցութեան ընթացքին սպառնալից տոնով բողոքելով այն բանի դէմ, որ զինւած ոյժեր ենք ուղարկել Ատրպատական, նա յաւակնեց թէ՛ այս աքտով մենք վտանգում ենք աշխարհի խաղաղութիւնը: Խօսքի վերջում իր պատկան կառավարութեան կողմից պահանջեց ինձանից՝ որպէս Շահենշահ և Իրանի Զինւած Ոյժերի Գերագոյն Հրամանատար, յետ կանչել ուղարկւած ոյժերին: Նրան ասացի, որ խընդիրը ճիշտ ընդհակառակն է, և ցայժմ Ատրպատականում թագաւորող կացութիւնն էր վտանգել աշխարհի խաղաղութիւնը: Ապա կտրականապէս մերժեցի ընդունել նրա առաջարկը և ներկայացրի քիչ առաջ Ատրպատականի խամաճիկ իշխանութեան նահանգապետի հեռագիրը, որի մէջ ասւում էր ապստամբների անձնատուր լինելու մասին: Լիազօր դեսպանը, որ այլևս բան չուներ աւելացնելու և շշմել էր, թոյլտուութիւն խնդրեց հեռանալու համար:

Խորհրդային կառավարութիւնը դեռևս յոյս ունէր, որ Իրանի Ազգային Խորհրդարանը կը վաւերացնէր Ղաւամի նախագիծը: Սակայն նորաբաց Խորհրդարանը, որ այնքան էլ շահագրգռւած չէր նման մի նախագծի վաւերացումով, վերջապէս 1326 թւի Մեհր 3-ին միաձայնութեամբ մերժեց տւեալ պայմանագիրը:

Ատրպատականի անցքը յիրաւի մէկն է Միջին Արևելքի ժամանակակից պատմութեան ամենա-

նըշանակալից դէպքերից և իրադարձութիւններից: Քանզի Ստալինեան Ռուսիայի դիւանագիտական միտումները՝ պատերազմից յետոյ առաջին անգամ բացայայտեցին Ատրպատականում: Խորհրդային Ռուսիայի կիրարկած գործունէութիւնը, որի մանրամասնութիւնները քննարկեց Ապահովութեան Խորհրդի նիստերում ցնցեց բովանդակ աշխարհը և առաջին անգամ մտրակելով աշխարհի ժողովուրդների դիտակցութիւնը՝ ճանաչել տւեց կոմունիստական իմպերիալիզմը:

Ըստ իս աշխարհի ապագայ պատմագիրները կը վկայեն, որ իրականում և առաջին անգամ սառը պատերազմը սկսեց Իրանում: Թէև դրա նշանները արդէն իսկ երևացել էին աշխարհի տարբեր կէտերում, այնուամենայնիւ Իրանը հանդիսացաւ սառը՝ չքօղարկւած և բացարձակ պայքարի առաջին օջախը:

Ատրպատականի դէպքերին գուզընթաց, ամերիկեան կառավարութիւնը պատմութեան մէջ առաջին անգամ լինելով, Միջին Արևելքում կիրարկեց նախաձեռնական տակտիկա: Ատրպատականի իրադարձութիւնները պատճառ հանդիսացան, որ Թրումենի օրէնքները, որոնց շնորհիւ Յունաստանը և Թիւրքիան արդէն զերծ էին կացուցւել իմպերիալիզմի վտանգից, գործարկւելով նաև Ատրպատականում՝ ճանապարհ հարթեն էյգենհաւուէրի տեսակէտների և թեզերի իրագործման համար:

Յիշեալ իրադարձութիւնների կարևորութիւնը ակնյայտ է այնքան, որ Իրանի ժողովուրդը, իր հայ-

րենիքի գլխին կախած վտանգի չէզոքացման օրը անւանելով Ատրպատականի Օր, յայտարարեց ազգային փառատուն, և 1325 թ-ից մինչև այսօր ամեն տարի նոյն օրւայ մէջ, տօնում է Ատրպատականի ազատագրումն ու մեր իրաւունքների վերականգնումն: Իմ կարծիքով, ոչ միայն իրանցիների համար անհրաժեշտ է յիշեալ այդ օրը, այլ նաև բոլոր ազատ ժողովուրդները իրենց գիտակցութեան մէջ դրօշմեն այս պատմական իրադարձութիւնը:

Ատրպատականի պայքարից յետոյ, վերածնւեց ու բոցավառեց Իրանի ժողովրդի նացիոնալիստական ոգին: Ժողովրդական մասսաները դաս առնելով այս դէպքից՝ բոլոր հնարաւոր միջոցներով և ամենուր յայտնեցին իրենց սրտագին հաւատարմութիւնը հանդէպ ինձ: Օսկայն տեղական կոմունիստները զինւելով համբերութեամբ սպասում էին առիթի, որպէսզի օգտւելով սպասուելիք անարխիայից կամ կացութեան խախտւտացումից վերստին բորբոքեն ապստամբութեան կրակը և դա շահագործեն յօգուտ իրենց: Ի հարկէ ապարդիւն անցաւ նրանց համբերութիւնը, որովհետև եթէ Մոսաղեղի իշխանութեան օրօք իրօք հանդիսացաւ այդ անկրկնելի առիթը, ապա ինչպէս ասւեց՝ ամենակարող Աստծոյ կամեցողութեամբ և թերևս հրաշքով, ազատւեցինք մեզ սպառնող այդ մեծ վտանգից:

1331 թ-ի Էսֆանդ 14-ին: վախճանւեց Ստալինը և 1332 թ-ի Մորդադ 28-ին ընկաւ Մոսաղեղը: Ստալինի մահով, նոր դարագլուխ բացւեց Ռու-

սիայի պատմութեան մէջ և Մոսաղեղի անկումով Իրանում սկսեց նոր կեանք: Այսպիսով, ինչպէս ասւեց, աստիճանաբար բարելաւեցինք մեր յարաբերութիւնները Ռուսիայի հետ: Ռուսական քարոզչականութիւնը դադարեց հովանաւորել անօրինական հոչակւած Թուրք կուսակցութեանը և Ռուսիայի կառավարութիւնը հանդէս եկաւ իմ և նոր կառավարութեան հետ ամեն տեսակի համագործակցութիւններ սկսելու առաջարկներով:

1335 թ-ին, Խորհրդային Միութեան հրաւերով ես և Սորայա Թագուհին պաշտօնապէս այցելութիւն տւինք Ռուսիային: Մեզ դիմաւորեցին արժանավայել կերպով և պատեհութիւն ստեղծւեց մօտիկից տեսնելու այդ երկրի բազմաթիւ կէտերը: Պարզ և անվարազոյր բանակցութիւններ ունեցանք Խրուշչևի և նրա գործակիցների՝ Վորոշիլովի, Բուլգանինի, Միկոյեանի և Վեշիլովի հետ:

Ռուսները պնդում էին, որ իրենց դիւանագիտութեան հիմքն են կազմում խաղաղ կենակցութիւնը և օտար երկրների ներքին խնդիրներին չմիջամտելու պրոցէսը: Նրանք հետաքրքրում էին այն բանով, թէ ինչո՞ւ միացանք Բաղդադի ուխտին: Ի պատասխան ասացի, դրա բուն պատճառը պիտի գտնել Իրանի և Ռուսիայի յարաբերութիւնների վերլուծութեամբ: Յիշեցրի նրանց, որ դարեր շարունակ ռուսները ճգնէն Իրանի վրայով հասնել Իրանի հարաւային շրջանները: 1907 թ-ին նրանք մուտք գործեցին Իրան՝ խափանելու ժողովրդի սահմանադրական ձգտումները:

Համաշխարհային առաջին պատերազմին, խուժեցին մեր երկիրը: Երկրորդ համաշխարհային պատերազմի ընթացքին, հակառակ գոյութիւն ունեցող բարեկամական պայմանագրերի՝ յարձակում գործեցին Իրանի վրայ և նոյնիսկ 1324 թւին հիմնեցին ստորագրեալ մի պետութիւն, որի միջոցով հնարաւոր պիտի դառնար Ատրպատական բերրի և արգաւանդ նահանգի մեկուսացումը Իրանից: Խրուչչեւ և իր գործակիցները իրենց պատասխանատու չզգալով կատարւած ոտնձգութիւնների խնդրում, նշեցին, որ տւեալ դէպքերը տեղի են ունեցել իրենց իշխանութիւնից առաջ:

Խրուչչեւ խոստովանեց, որ իր երկիրը անցեալում թոյլ է տւել մի շարք սխալներ, ապա աւելացրեց, որ Իրանի ժողովուրդը կարող է հաւատ ընծայել իր և Ռուսիայի այլ պարագլուխների, որ ներկայ էին այնտեղ, բարիացակամութեանը: Ես հաւաստիացրի Խրուչչեւին, որ խորն է իրանցիների բարեկամական զգացումները նրա և ուսս ժողովրդի նրկատմամբ. սակայն նշեցի, որ եթէ մարդ արարածը դաս չառնի անցեալի փորձառութիւններից՝ կապացուցի իր ծայրահեղ յիմար լինելու հանգամանք...

Խրուչչեւ ցանկանում էր իմանալ, թէ Իրանի կառավարութիւնը ինչպէս կարող էր ընդունել Բաղդադի Ուխտի անդամակցութիւնը, երբ անգլիացիներն ևս կային յիշեալ Ուխտի մէջ և նոյն անգլիացիները երկրորդ պատերազմին ներխուժել էին Իրանի տերիտորիան, և մինչև իսկ ազրբսիայի առաջարկութիւնը տրւել էր նրանց կողմից: Պատասխան խօսքիս մէջ

նշեցի, որ համենայն դէպս անգլիացիները զոնէ ժամանակին՝ հաւատարիմ մնալով իրենց խոստմանը, պարպեցին Իրանը, սակայն ուսսները նոյնիսկ այս խնդրում եղան ուխտադրուժ:

Խրուչչեւ ընդհանրապէս խօսում էր Բաղդադի Ուխտի իր կարծիքով ազրբսիւ և պատերազմական բնոյթների մասին: Խնդրի սկզբնական շրջանում, նշում էր նա, նրան թւացել է, որ յիշեալ Ուխտը հեռու է պատերազմական նպատակներ հետապնդելու մտադրութիւնից: Բայց հետագային անդրադարձալ է, որ սխալ են իր մօտեցումները: Բացատրեցի նրան, որ Ուխտի համաժողովներում խօսել է միայն Աւբորդ և Աււանդ լեռնաշղթաների ապահովութեան մասին, որոնք հեռու են Ռուսիայից և գտնւում են Իրանի հողում:

Վերջապէս Խրուչչեւ ընդունեց, որ Իրանը երբևէ չի ձգտում զաւթողական գործողութիւններ ձեռնարկել Ռուսիայի դէմ: Սակայն յայտնեց, որ թերևս որևէ մեծ պետութեան թելադրանքով, կատարւի այն, ինչ որ հակառակ է մեր ցանկութեանը: Ասել է թէ Իրանի տերիտորիան շահագործւի Ռուսիայի դէմ ազրբսիա կազմակերպելու ուղղութեամբ: Ես կտրականապէս նշեցի, որ Իրանը իր իսկ կամքով և համահաւասար իրաւունքներով է մասնակցել Բաղդադի Ուխտին և ոչ ոք մեզ չի ստիպել վերցնելու այդ քայլը: Եւ եթէ նոյնիսկ ճնշում գործադրւէր մեր վրայ, մենք անպատճառ պիտի դիմադրէինք: Աւելացրի նաև, որ մենք երբևէ թոյլ չպիտի տանք,

որ մեր երկիրը օգտագործւի յարձակողական նկատա-
ռութիւններով՝ ընդդէմ Ռուսիայի: Ապա գինւորական
խօսք տւեցի Խրուշչևին, որ քանի ես եմ նստած
Իրանի թագաւորական գահին, իմ երկիրը չի հան-
դուրժի և չի ընկերակցի Ռուսիայի դէմ ագրեսիւ և
պատերազմական և ոչ մէկ քաղաքականութեան հետ:

Խրուշչևն ու իր գործակիցները սրտբացօրէն
ասացին, որ լիովին հաւատում և վստահում են ինձ
և ապա նրանց առաջարկութեամբ հրատարակեցինք
մի վերջնագիր, որի մէջ խօսուում էր այն մասին
թէ կողմերը բանակցել են բարեկամական միջնորդ-
տում և որոշել են ամրապնդել երկու երկրների միջև
գոյութիւն ունեցող յարաբերութիւններն ու համա-
գործակցութիւնը:

Խորհրդային պարագլուխների հետ ունեցած
բանակցութիւնների շնորհիւ, ճանապարհ հարթւեց
մի շարք նոր պայմանագրերի կնքումի համար: Փո-
խադարձ շահերով հարթւեցին նաև մեր և Ռուսիայի
միջև գոյութիւն ունեցող սահմանային կնճռոտ տա-
րածայնութիւնները: Կնքւեցին տրանզիտի և փոխա-
դրական պայմանագրեր, որոնք հանդէս եկան՝ մեր
արտածուծներն ու ներածուծները Ռուսիայի վրայով
դէպի արևմտեան Եւրոպայի երկրները և ընդհակա-
ռակը փոխադրելու օգտին: Համաձայնութիւն կայա-
ցաւ հաւասարապէս օգտագործել Ռուսիայի և Իրանի
սահմանագիծը հանդիսացող Արաքս և Աթրաք գետերը,
որոնց ջրով կարելի է ոռոգել աւելի քան երկու հա-
զար քառակուսի կիլոմետր խոպան հողեր: Աճեց ու

զարգացաւ առևտուրը Խորհրդային Միութեան հետ:
Կազմակերպւեցին մարզական հանդիպումներ: Մեր եր-
կիրը եկան ոռուս պատգամաւորներ և Ռուսիա այցե-
լեցին Իրանի Խորհրդարանի անդամներից ոմանք: Երկու
երկրների մշակութային կապի զարգացման ուղղու-
թեամբ տարւեց ծաւալուն գործունէութիւն:

Թեքւս 1917 թւից ի վեր, իմա Ռուսաստանի
յեղափոխութիւնից յետոյ, երկու երկրների յարաբե-
րութիւնները այս աստիճան բարենպաստ չէին եղել:

Նոյնանման քայլերով բարեկամական յա-
րաբերութիւններ ստեղծեցինք համայնավար բլոկի այլ
երկրների հետ:

Այնուամենայնիւ, երկու տարի անց ոռւսները
վերսկսեցին իրենց գրգռիչ քաղաքականութիւնը: Օրի-
նակ ոռուս մարշալ Վերոշինինը մի յայտագրով ըս-
պառնաց Թիւրքիային և Իրանին այն առումով, որ
հաւանական է հրթիռներով կործանի երկու երկրը-
ները... Պարզ էր, որ այսպիսով կասկածի տակ առ-
նըւեց խորհրդային արտաքին քաղաքականութեան
մասին տրւած Խրուշչևի հաւաստիացման խօսքը, ըստ
որի նոր դարագլուխ պիտի բացւէր Ռուսիայի դիւա-
նագիտութեան պատմութեան մէջ:

Հարկաւ, երբ ոռւսները թոյլ են տալիս իրենց
պատասխանատու պաշտօնեաներին հանդէս գալ նման
յայտարարութիւններով, ապա ինչպէ՞ս են ակնկալում
մեզանից, որ հաւատք ընծայենք նրանց քաղցր ու
մեղցր խօսքերին՝ ասւած խաղաղ կենակցութեան ու
բարեկամութեան մասին:

Աւելի համարձակ դառնալով, ուսնեք բողոքեցին թեհրան—Մեշհեդ երկաթուղագծի կառուցման դէմ, դրան տալով ստրատեգիկական բնոյթ: Ապա, կարծէք լինեն աշխարհի տէրերը՝ սկսեցին բուռն կերպով քննադատել մեր երկրում կառուցող օդանաւակայանները, թէ դրանք շահագործելու են պատերազմական ինքնաթիռների համար: Ծովային յեռակներ յորջորջեցին նորակառոյց նաւահանգիստները՝ խստիւ բողոքելով դրանց դէմ:

Այս և նման սուտ ու անհիմն արտայայտութիւնները խախտում էին նոյնիսկ քաղաքավարական հիմունքները, և երևան էին դալիս մեր իշխանութեան իրաւունքների և անկախութեան դէմ բացարձակ ազդեցիկայի լոյսի տակ:

Մենք լաւ գիտենք, որ ուսնեքը իրենց երկրի ներսում և դրսում զբաղւած են երկաթուղագծերի, օդանաւակայանների և նաւահանգիստների կառուցմամբ սակայն արդեօք երբևէ բողոքել ենք դրանց դէմ: Արդեօք ուսնեքը կարծում են, որ աշխարհի այս մասում, լոկ իրենց է վերապահւած երթևեկի նորագոյն միջոցներ ունենալու իրաւունքը: Թէ նրանց ցանկութիւնն է մեզ վերադարձած տեսնել միջնադարեան ժամանակներին...

Ասենք ճիշտ է նրանց մօտեցումը, թէ մեր երկաթուղագծերը, օդանաւակայաններն ու նաւահանգիստները անհրաժեշտ պարագային պիտի օգտագործւեն պատերազմական շարժառիթներով: Միթէ՞ նոյնը չի համընկնում ուսնեքի ստրատեգիկական նկատա-

ռուսների մէջ: Սակայն, արդեօք այն ինչ ընդունելի՞ է մի կողմի մօտ, հանդուրժելի չէ՞, երբ դա կատարւում է միւս կողմում...:

Իրաքի պետական հարւածից յետոյ, որ տեղի ունեցաւ 1337 թւին, «Բաղդադի Ուխտ»-ին անդամակից երկրները կազմելով մի նիստ, առաջարկեցին Ամերիկայի Միացեալ Նահանգների կառավարութեանը՝ ընդունել յիշեալ Ուխտի անդամակցութիւնը: Ամերիկեան կառավարութիւնը հակառակ այն իրողութեան, որ մասնակից էր «Բաղդադի Ուխտ»-ի կոմիտէների մեծ մասին, առայժմ խուսափեց միանալու յիշեալ Ուխտին և դրա փոխարէն պատրաստակամութիւն յայտնեց զինուորական երկկողմանի պայմանագրեր կնքել թիւրքիայի, Փաքեստանի և Իրանի հետ: Համաձայն պայմանագրերի՝ Ամերիկան պարտաւորւում էր օգնութիւն ցուցաբերել յիշեալ երեք երկրներին՝ համայնավարների կողմից ազդեցիկ լինելու դէպքում:

Թիւրք և փաքեստանցի մեր ընկերների հետ, որոշում կայացրինք ընդունել և ստորագրել Ամերիկայի կողմից առաջարկւած պայմանագիրը:

Տեղեկանալով այս մասին, ուսնեքը խստաշունչ մի բողոքագիր առաքեցին մեզ և հակառակ դիւանագիտութեան մէջ ընդունւած օրէնքների և ձեւերի՝ բողոքագիրը պաշտօնապէս յանձնելուց առաջ, դրա բովանդակութիւնը սփռեցին ռադիօներից և կարգադրեցին թեհրանի լիազօր դեսպանին, որ բողոքագրի յօդւածների մասին անձամբ տեղեկացնի զոյգ

խորհրդարանների պատգամաւորութեանը: Այդ ժամանակ մենք անկեղծօրէն ասացինք ռուսներին, որ նրանց կիրարկած քայլը յղի է անցեալի սխալները կրկնելու վտանգով, սխալներ, որոնք պատճառ դարձան երկու երկրների յարաբերութիւնների վատթարանալուն: Մատնանշեցինք նաև, որ նկատի ունենալով նրանց զինւած ուժերի վիթխարի ծաւալն ու ոյժը, խելամիտ չի թւում ինչ որ սոսկալ մեր զինւորական փոքրիկ կազմակերպութիւններից: Հետևաբար երկուստէք շահը պահանջում է, այնուամենայնիւ, շարունակել երկու երկրների միջև գոյութիւն ունեցող՝ նախկին բարեկամական և առևտրական քաղաքականութիւնը:

Երկկողմանի պայմանագրի ստորագրումը խանգարելու նպատակով, ռուսները գիմեցին նաև այլ միջոցառումների: Քաղաքական միջնորդների միջոցով, նրանք հանդէս եկան ոչ ագրեսիւ քաղաքականութեան երկարատև պայմանագրերի ստորագրման, ինչպէս նաև տնտեսական վիթխարի օգնութիւններ ընձեռելու առաջարկութեամբ և խոստումներով:

Միևնոյն ժամանակ, երկկողմանի պայմանագիրը կորցրել էր իր նախկին իմաստը և չունէր մեր պահանջած նշանակութիւնն ու երաշխիքները: Իրան առաջւորդ ռազմական անհրաժեշտութիւնները նմանապէս չէին բաւարարում մեր պահանջները: Հետևաբար զինւորական առումով մեզ անչափ թոյլ գտնելով և նկատի ունենալով այն իրողութիւնը, որ մենք զուրկ էինք ՆԱԹՕ-ի անդամ երկրներին տրուող երաշխիք-

ներից, մեզ թոյլ տւինք բանակցութիւններ սկսել ռուսների հետ, ոչ ագրեսիւ քաղաքականութեան պայմանագիր կնքելու ուղղութեամբ:

Սակայն ռուսները թոյլ տւին մի սխալ: Նրանց պատւիրակութիւնը ուշացաւ երկու շաբաթով, որի ընթացքին երկկողմանի պայմանագրի սևագրութիւնը դրսուտեց յօգուտ մեր պահանջների և ցանկութիւնների: Հասնելով Իրան, ռուս պատւիրակութիւնը գործեց մի այլ սխալ ևս, այն առումով, որ բանակցութիւնները սկսելու համար պահանջեց մեզանից՝ հրաժարւել «Բաղդադի Ուխտ»-ի անդամակցութիւնից: Հանդիպելով մեր խիստ հակառակութեանը, նրանք թէպէտ յետ դարձան իրենց իսկ պայմանից, սակայն այս անգամ էլ սկսեցին պնդել, որ խուսափենք ըստորագրելու երկկողմանի պայմանագիրը: Ակնյայտ էր, որ ռուսները ոչ ագրեսիւ քաղաքականութեան պայմանագիրը ստորագրելու անւան տակ, հետապնդում էին մեզ՝ մեր դաշնակիցներից բաժանելու նպատակը: Նրանք ոչ միայն պնդում էին, որ հրաժարւենք ամերիկացիների հետ պայմանագիր կնքելու մտադրութիւնից, այլև՝ ոչ ագրեսիւ քաղաքականութեան պայմանագրի սևագրութեան որոշ յօդուածների համաձայն, պիտի թուլանար մեր բարեկամների հետ ապահոված փոխադարձ յարաբերութիւնները:

Հաստատապէս որոշեցինք, հակառակ այն համաձայնքի, որ գոհ չէինք մեր զինւած ոյժերից և մեր դաշնակիցների օգնութիւններից, երբևէ չխախտենք

մեր յարաբերութիւնները մեր բարեկամների հետ և չյանձնենք մի խնդրի, որը սպառնում էր մեր անկախութեան ու հողային ամբողջականութեանը: Վերոյիշեալ պատճառներով ամուլ մնաց ուսանների հետ պայմանագիր կնքելու խնդիրը և նրանց պատերազմութիւնը, առանց մեզ տեղեկացնելու, հետացաւ Իրանից:

Այսպիսով շարունակեց Ռուսաստանի որդեգրած ուղին մեր ազատութիւնը վտանգելու ուղղութեամբ: Նախ նրանց պետական ռազիօն ընդունեց յարձակողական բնոյթ և շատ չանցած նոյն ռազիօից սկսեց սփռել պարսկերէն լեզուով մի ծրագիր, որի մէջ նրանք չզլացան սուտ և պատիր խօսքերով նշաւակել ոչ միայն Իրանի կառավարութեան ու ժողովրդին, այլև ինձ և իմ ընտանիքին: Մի քանի ամիս անց, երևան եկաւ մի այլ ռազիօկայան, որ «Իրանի Ազգային Ձայն» անուան տակ սկսեց ձայնասփռել ամօթալի հաղորդումներ: Մենք լաւ գիտենք, որ տւեալ կայանը գտնուում է Ռուսիայի հարաւային շրջաններում և նրանք էլ անտարակոյս իմանում են, որ մենք քաջատեղեակ ենք դրա ուր լինելուն... Չբ բաւականաչափ խայտառակ, կեղտոտ և լպիրշ արտայայտութիւններով ու քարոզչականութեամբ, յիշեալ կայանը սկսեց հրահրել ժողովրդին, ապստամբելու կառավարութեան դէմ: Յոռետես և թուլակամ որոշ անձիք հակաձեռն կարծելու, որ տւեալ քարոզչականութիւնը պիտի ընկճի Իրանի ժողովրդի ոգին: Սակայն խնդիրը ճիշտ ընդհակառակն էր: Հակառակ պրոպա-

գանդան էլ աւելի ամրապնդեց ու մօտեցրեց ժողովրդի միասնականութիւնը, ոգին և սրտերը: Եղաւ այնպէս, որ կարգադրեցի ուսանների խօսքերը նոյնութեամբ ձայնասփռել Ռազիօ-Իրանից, որպէսզի ժողովրդի լայն զանգւածները ունկնդրեն իրենց հայրենիքի դէմ ասուող կեղծ ու պարսաւելի արտայայտութիւնները:

Ջուլֆա սահմանային քաղաքում ուսանները դիմեցին ազրեսիւ քարոզչականութեան մի այլ ձևի: Սահմանի երկարութեամբ տեղադրելով բարձրախօսներ, նրանք վերսկսեցին իրենց պրոպագանդան, որը նոյնպէս տւեց հակառակ արդիւնք: որովհետև մենք ևս, փոխադարձաբար բարձրախօսներ տեղադրեցինք մեր սահմանում և դառն ու տխուր իրականութեան մասին պատմեցինք ուս սահմանապահներին:

Ռուսիայի պարագլուխները արգիլում են ժողովրդին ունկնդրելու արտասահմանեան կայաններից սփռող լուրերը կամ այլ հաղորդումները: Ծախսում են հսկայ գումարներ, ռազիօընդունիչների մէջ պարագիտներ ստեղծելու նպատակով, որպէսզի ժողովուրդը չկարողանայ բռնել օտար ալիքների վրայ սփռող հաղորդումները: Սակայն մեր բարձրախօսների ձայնը լսուում էր ամենուր: Ազատութեան վայելքը իրենց կեանքում երբեք չճաշակած մարդիկ լսում էին մեզ: Հարկաւ դա հակառակ էր ուս պարագլուխների ցանկութեանը, դա էր, որ նրանք հաւա-

քեցին իրենց բարձրախօսները և շատ չանցած
լիովին հրաժարւեցին պայքարի այդ ձևից: Մենք
եւս մեր հերթին հանգցրինք մեր բարձրախօս-
ները:

Ինչո՞ւ Սորհրդային Ռուսիան մեր դէմ ձեռ-
նարկեց նման գործողութիւնների:

(ՎԵՐՁ Ա. ՀԱՏՈՐԻ)